






VD 16, C558. Kat. 5.90 vi













*Lipsia, talis erat quondam CAMERARI, ille,  
Orator, vitâ, moribus, arte, probus.*

*mm.*

*Caetero Dignissimi Filij  
huius Libri Auctoris.*

HORTVS  
MEDICVS ET PHI-  
LOSOPHICVS: IN QVO

PLVRIMARVM STIRPIVM BRE-  
VES DESCRIPTIONES, NOVÆ ICONES

non pauca, indicationes locorum natalium, obseruationes de cul-  
tura earum peculiaries, atque insuper nonnulla remedia  
euporista, nec non philologica quædam  
continentur.

AUCTORE IOACHIMO CAMERARIO

Reipub. Norimberg. Medico D.

ITEM

SYLVA HERCYNIA:

SIVE CATALOGVS PLANTARVM SPONTANÆ

nascentium in montibus & locis plerisque Hercyniæ Sylvæ quæ  
respicit Saxoniam, conscriptus singulari studio à Ioanne  
Thalio Medico Northufano.

*Omnia nunc primum in lucem edita.*

Francosurii

M. D.



ad Mænum.

LXXXVIII.

*Cum Gratia et Privilegio Cas. Majest.*



SECTION

347-125-1211

0/512-2121-1211

2121-1211-1211

1211-1211-1211

1211-1211-1211

1211-1211-1211

1211-1211-1211

1211-1211-1211

1211-1211-1211

1211-1211-1211

1211-1211-1211

1211-1211-1211

1211-1211-1211

1211-1211-1211

1211-1211-1211



# REI HERBARIAE STV- DIOSO LECTORI

S. D.



VM de hortorum differentijs, vtilitate ac laude, ac præterea honesta eorum oblectatione, plures antea tam recentium quam veterum satis copiose in suis scriptis disseruerint, ea omnia hic repetere superuacaneum esse putavi.

Pauca tamen quædam propter argumenti, quod tractandum iam suscepimus rationem, & ad nostrum institutum pertinentia, breuiter hic præfari visum fuit, reliqua quæ adhuc in hoc genere meditamur, in tempus aliud commodius reseruando. Hortus itaque, de quo agimus, apud veteres bifariam accipiebatur. Primum enim significatione generaliore vniuersam villam intelligebant, vt autor est Festus, & lex duodecim tabularum, vt sciunt Iurisconsulti, idemque Plinius affirmat lib. 19. cap. 4. Horatius quoque eodem sensu accepisse videtur lib. II. Satyr. Ecloga VI.

*Hoc erat in votis, modus agri non ita magnus,  
Hortus ubi, & tecto vicinus iugis aqua fons,  
Et paulum syluæ super his foret, auctius atq;  
Dij melius fecere, bene est, nil amplius oro.*

Magis autem proprie & specialius locū varijs plan-

## P R Æ F A T I O

tis consitum & excultum, quem Græci κήρυξ nominant,  
 hoc vocabulo exprimebāt. Qui rursū duplicem dif-  
 ferentiam sortitur. Vel enim voluptatis & luxus tātum  
 causā horti magnis sumptibus instruebantur, quales  
 olim magna ex parte apud Ægyptios fuere, quibus se-  
 cundum Athenæum lib. V. peculiaris hæc cura fuit, vt  
 ob nimiam aëris temperiē omni anni tempore copiam  
 haberent nouorum florum. Quos nostris temporibus  
 imitari Turcas studiosissime videmus, à quibus ad nos  
 quoque rariorum & incognitarum stirpium non exi-  
 gua copia afferri solet. Sumptuosissimi etiam fuere isti  
 horti pensiles Babylonij, quos inter miraculā mundi  
 recensuerunt, & à Q. Curtio libr. I. ac Diodoro Siculo  
 satis copiose describuntur, quorum etiam monumen-  
 ta adhuc quædam nostra ætate extare asserunt, qui Ba-  
 bylonem profecti sunt. De hortis quoq; Gelonis circa  
 Syracusas plura memoriæ tradidit Athenæus libr. 12.  
 quos tamen plane interiisse, sicut multos alios constat.  
 In horum numero forsitan quoque erunt reponendi  
 Epicuri horti, quos ille primus intra urbem Athenien-  
 sem transtulit ex agris, vt Cicero de Natura Deorum &  
 alij scribūt, atq; ideo à veteribus ocij & hortorum ma-  
 gister fuit appellatus. Proprie vero olim potius hi nu-  
 mero multitudinis dicebantur Horti quoq; apud Ro-  
 manos, vt Salustiani, qui ob splendorem & amœnita-  
 tem à Regibus posterioribus ad inhabitandum fuere  
 expe-



# AD LECTOREM.

expetiti: Luculliani magnificentia celebres: Seneciani, qui Neronem ad domini necem impulisse existimantur, nec non plures alij, quos omnes enumerare nimis lōgum foret. In quorum nimios ac profusos sumptus acriter (vt solet in alia quoq; vitia suorum temporum) inuehitur Horatius ode XV. lib. II. cuius initium:

*Iam pauca aratro iugera regia  
Moles relinquunt, &c.*

Vel utilitatis potius, (quod secundum & præcipuum membrum erat) gratia instituebantur. Qui rursum aut ad sustentationem vitæ & quotidianū victum potissimum hominibus expetebantur, Oeconomiam & rem culinariam instruētes, suppeditando olera, legumina, omnis generis fructus, gramina & alia similia. Hos merito nec sine causa summopere commendarūt veteres, & eorum encomia Plinius lib. 19. ferme omnia breuiter recenset. Expedita res est, inquit, & parata semper, neq; egent igne qui hortos habent: crudis enim cibis facile vescuntur & coctis facilibus. Itaq; hortus altera succidia quondam putabatur, cum vbi opes horti deerant, de carnario & macello viuendum esset. Carnis vero desideria antiquis fuere in exprobratione. Vnde vocabatur hortus plebis macellum, innocentiore victu fructum salubrem & frugalem porrigens. Verum cum hæc & alia hortorum cōmoda elegantissimo carmine descripserit vna cum suo frugali hortulano autor



P R Æ F A T I O.

poematis Moreti, quod Virgilio ascribitur, quædam  
his inferenda putavi.

*Non illi suspensa focis carnaria iuxta  
Durati sale terga suis, trunciq; vacabant.  
Hortus erat iunctus casula, quem vimina pauca  
Et calamo redimita leui munitbat arundo,  
Exiguus spacio, varijs sed fertilis herbis,  
Non illi deerat, quod pauperis exigit usus:  
Interdum locuples è paupere multa petebat,  
Nec sumptus erat illud opus, sed regula curæ,  
Si quando vacuum casula pluuiæq; tenebant  
Festæ lux, si forte labor cessabat aratri,  
Horti opus illud erat.*

& quæ sequuntur.

Aut ad vsum deniq; Medicum horti excolebantur,  
(quamuis hi sæpius cum superioribus tanquam affines  
admodum coniungantur) Escas enim præbere potest  
simul & medicamenta hortus. Fuitq; olim hæc horten-  
sis medicina admodum fida minimeq; suspecta, quæ  
nunc etiam nonnullorum laudabili sententia rursus  
in lucem profertur, & ad verum vsum reuocatur, ne scili-  
cet, vt iterum Plinij verbis vtar, vilitas adimeret. Recte  
itaq; quidam ex recentiorib. poetis eleganter cecinit:

*Magnus inest herbis vigor & vis insita calo,  
Graminibusq; sua est vel vilibus addita virtus.  
Nilq; adeo abiectum est, nihil est tam vile, sacratum  
Quin medicamen habet: bulbo maluæq; potestas  
Est sua & vrticis: mentes adhibete fidemq;  
Mortales multa scrutati indagine, numen  
Non deerit, superiq; volunt sua munera quari.*

Atq;

# AD LECTOREM.

Atq; hi quidem ambo postremi horti tam alimentum quam medicamento ratione vtilis admodum ac necessarii, vltra hæc maxima commoda, præterea propter contemplationem naturæ, vt Hippocrates noster ait, iustissimæ admirandam ac proprietates plane diuinas, oblectationem singularem præstantibus ingenijs semper afferre consueuerunt. Quapropter omni tempore hoc iucundissimum pariter & vtilissimum studiũ hortense à maximis principibus & alijs plurimis summo-pere fuit commendatum ac diligenter admodum excultum, statuentibus non solum ad sustentationem ac conseruationem vitæ humanæ per commodum, sed etiam suarum curarum ac molestiarum asylum esse & conuenientiss. præsidium. Vnde etiam non pauci in summis honoribus & dignitatibus viuentes, tandem illis omnib. spretis & relictis, exiguo aliquo horto contenti, priuatam vitam rebus cunctis alijs prætulerunt.

M. Varro memoriæ prodidit, Nestorem, qui temporib. belli Troiani vixit & tam longæuus fuit, vt nunc etiam Nestoreos annos alicui precari soleamus, ita fuisse huic studio deditum, vt ἀλεξίκηπον, id est, auxiliarem hortum carmine quoque descripserit. Alcinous Rex Phæacũ, qui Homero οδ. η. & Orpheo in Argonauticis διὰ τὰ τῶν βασιλέων dicitur, diligenter & sedulo hortos excoluit, ad quos negotijs regni expeditis, quotidie se conferre atq; ibidem animum à curis & laboribus non  
parum



# P R Æ F A T I O

parum recreare consuevit. Quem imitatum quoque fuisse Octavianum Augustum Imperatorem Romanum historici memorant, crebro diuertentem ad hortos Meccenatis elegantissimos. Sic Cyrum Regem Persiæ, & Diocletianum Imper. ac quidem hunc posteriorem abdicato imperio Romano, proprijs manib. scribunt tanta cura & diligētia hortos excoluisse, vt omnibus qui viderent admirationi essent.

Sed veniamus ad nostros quoq;. Imperator Fridericus, qui 53. annis Imperio felicissime præfuit, Rei herbariæ ita fuit intentus, ac tantum in ea profecit, vt sæpius (teste Cuspiniano) cum Medicis suis animi gratia de plantis & earum viribus prolixè disputare non erubuerit. Quem sine omni dubio ipsius abnepos Maximilianus II. Augustissimæ memoriæ Imperator in hoc genere quoq; superasset, magnis sumptibus ex diuersis orbis terrarum regionib. rarissima & selectissima simplicia conquirendo, ac hortum de consilio clarissimi & doctiss. viri Dn. Caroli Clusij de Re Herbaria optime meriti, (quem propterea vnice amabat & fouebat) instruendo, nisi secundum æterni Dei voluntatem ante tempus cum luctu & mœrore summo omnium bonorum has terras reliquisset.

Sunt etiam nūc superstites, tam in Germania quam alibi laudatissimi principes, qui hoc idem facitäre nō desinunt, quorum omnium nomina & laudes si enumerare



# AD LECTOREM.

merare vellem, integrum librum cōponere quispiam posset. Nō licet tamen sine ingrati animi euidenti nota hoc loco præterire Illustriss. ac præstantiss. principem ac D.D. Vuilhelmum Lantgrauium Hassiæ, Dominum meum clemētissimum, cuius Celsit. vt omnium bonarum artium amore singulari tenetur, ita naturali quadam inclinatione ad hoc studium defertur, atque ideo stirpium exactam cognitionem sibi comparare non dubitauit. Quam ob causam non solum hortum copia rariorum, quas Germania nunquam antea habuit, ac selectiorum plantarum atque omnis generis fructiferarum arborum, quas mihi videre alibi non contigit, instructissimum, nullis parcens impensis excolit atque exornat: verum etiam alios huic studio operam dantes fauore benignissimo completitur, atque eorum conatus eximia munificentia iuuare ac promouere non desinit. Idque tum alij non pauci sciunt, tum ego imprimis subiectissimæ gratitudinis commemoratione semper prædicare debeo & cupio, atque ingenue fateor ad horti huius mei culturam ac vniuersi operis Botanici elaborationem ante alios suæ Celsitud. non pauca me referre acceptum.

Hæc Principum & magnatum laudabilissima exempla plurimi etiam priuati homines omnibus temporibus imitari, & pro sua quisque parte ad illustrandam & locupletandam hanc præclaram scientiam ali-

## P R Æ F A T I O.

quid afferre in medium, & olim studuerunt, & nunc etiam non pauci eam in rem incumbunt. Theophrastum Eresium Aristotelis discipulum hortum habuisse amplissimum, ex testamento quoque ipsius apparet, ut refert Laërtius, in quo multa & diuersa genera excoluit, quo rectius eruditissimos suos libros de Historia & causis plantarum, qui nunc etiam, quamuis multis in locis deprauati, in doctorum manibus versantur, meliusq; conscribere posset. Romæ temporibus Plinij, Antonio Castori Medico insignis fuit ea in arte autoritas, qui idem scribit lib. 25. cap. 2. Sibimet ipsi & alijs contigisse plerasque stirpes in eius horto visendo contemplari: in quo bonus iste senex sobrie & frugaliter sese oblectans centesimum ætatis annum superauit, nullum malum corporis expertus ac ne in ætate ea memoria aut vigore concussus. Quam quidem egregiam historiam ideo hoc loco præ alijs proponere volui, ut studiosi eam assidue præ oculis haberent, & hoc studium innocentissimum cum sobrietate coniunctum perpendant quantum ad animi & corporis vires conducere queat. Nostro seculo sane plures forsitan quam vnquam alias huic rei herbariæ excolendæ incumbunt, ac indies magis magisque de ea bene mereri pergunt, quorum omnium cum tantus sit numerus, ut vniuersi hic nominatim, quemadmodum par erat, celebrari nequeant: Satiус esse putavi eorum laudes in aliud commo-



## A D L E C T O R E M.

commodius tempus referuare, ac potius de præsentī opusculo hoc nostro nonnulla quæ necesse esse arbitrati sumus, adijcere. Cum equidem ego à pueritia *ἐνταῦχ' ἐπευρέσει*, (vt dici solet) ad inuestigationem *τῶν ἀπλῶν φαρμάκων* miro studio afficerer, ac postea ad artem Medicam animum applicans, indies pleniorē adhuc quasi possessionem illius mihi comparare assidue studerem, tandem certum domicilium nactus per multos annos pro mearum rerum facultatibus, suburbanum ipsemet hortum excolere, eumq; , quanta fieri potuit diligentia, inquilinis & exoticis plantis rarioribus auctiorem reddere conatus sum, non ex commentarijs & delineationibus aliorum tantum, sed ipsa *αὐτοψία* & oculata fide nascentium, augescentium & rursus decrescientiū stirpium naturam, proprietatem & efficacitatem plenius addiscere, & vberiorē ipsorum scientiam adipisci annitens. Quam rem etiam ad lucubrationes meas Botanologicas, (de quibus nonnihil deinceps dicemus) apprime mihi vtilem & necessariam fore existimaui. Accedit ad hoc, quod in meis laboribus quotidianis & occupationibus interdum propemodum nimijs, vbi nonnihil ocij concessum fuit, hoc pacto non parum leuationis mihi comparauerim. Hoc enim quasi refugium quoddam & secessum liberalem vel potius museum iucundissimum ab ipsa Natura tot herbis, arbutis ac arboribus instructum ac exornatum quis non

# P R Æ F A T I O

amplecteretur? quis non fateretur etiam marmora nitidissima regiarum, picturasq; splendidissimas, ac alia præclara artificia ab illis longissime superari. Hocq; re ipsa ita esse experietur, qui accurate stirpium varietatem, numerum, formam, flores multiplices, succos deniq; & vires salutare hominum causa productos perpendere voluerit, nec opus est, quamuis in promptu essent, aliorum plurimas autoritates hic ad confirmandam nostram sententiam afferre. Quid vero in hoc genere laborauerim, & quæ impenderim, sciunt alij, nec me pluribus hic commemorare decet. At cum non solum negocia alia grauiora, ac ætas præterea ingrauescens, non parum de priore mea alacritate & φιλοπονίᾳ auferât: verum etiam idoneorum hominum, quorum opera hac in parte vtor, indices maior penuria sit, accedente insuper superioris anni hyberno frigore intensissimo, cuius insolita sæuitia plurimarum stirpium exoticarum, quæ huc vsq; nostrum cœlum paulo asperius & frigidius vtcunque ferre assueuerant, vnica vice prouentum impofterum vix recuperabilem abstulit: rogatus ab amicis compluribus, Catalogum earum plantarum, quæ in horto meo hucusque enatæ sunt, conscribere cœpi, in quo simul etiam de natalibus earum locis, culturæ ratione peculiari ac remedijs facile parabilibus aliquid addere suis locis placuit, quibus omnibus (præsertim studiosis bonarum artium gratificaturus,



# AD LECTOREM.

fecaturus, qui primum ad artem medicam & cogniti-  
 nem Simplicium sese conferre incipiunt) philologica  
 quædam interdum aspergere volui, atque ideo hanc  
 meam opellam *Βοταπολογικὴ*, HORTVM MEDICVM  
 & Philosophicum inscribere, vtrumque (quamuis  
 forsitan tenuiter) nimirum *ἡ βλάστησις*, quod ad Philosophos  
 spectat, ac *τὸ ὅτι ἐν αὐτῇ*, in quo Medicus versatur, cum secun-  
 dum Hipp. omnia *περὶ π* dicantur, complectens, hæc q̃;  
 vniuersa simplici ac plano stylo ac ordine alphabetico,  
 ad discipulorum captum potius quam aliquem ornatum  
 insignem me accommodans, exponere conatus fui.  
 Ac quo paulo plenior huius argumenti fieret elabora-  
 tio, tanquā *ἐν παραλήλει* (vt dicitur) adieci commenta-  
 riolum de plantis sponte nascentibus in Hercynia &  
 vicinis locis doctissimi Medici Ioannis Thalij, p.m. vi-  
 ri optimi & ad illustrandam & augendam materiam  
 medicam plane nati, nisi immatura morte, quæ mihi &  
 alijs multis fuit peracerba, fuisset ante horū & aliorum  
 perpolitionē nobis ereptus. Quod vero ad meas hæc  
 lucubrationunculas attinet, non propriæ alicuius laudis  
 vel ostentationis causa has à me publicatas esse lector  
 candidus existimet, (scio enim à plurib: longe selectio-  
 ra posse in medium proferri) sed potius vt qualicunque  
 meo hoc exemplo alios quoque apud nos in Germania  
*φιλοβοτανὲς* ad hoc egregium & laudabile ac perutile stu-  
 dium, vti cœperunt, & excolendum & illustrandum

# P R Æ F A T I O

incitarem, eosq; admonerem, vt meum institutum pro sua humanitate adiuuare, & si qua in re possent, instruere quoque non grauarentur, vicissim sibi persuadentes me eorum omnium beneuolam voluntatem grata & ingenua prædicatione, quemadmodum & in hoc libello facere non intermisi, diligenter suo loco esse profecuturum. Alterum quoque est, quod me ad editionem huius horti impulit: voluntas nimirum exhibēdi hoc quoddam specimen exiguum maioris mei operis botanici, id est, Paralipomenon Rei Herbariæ, in quo iam aliquot annos desudo, & Deo adiuuante id, quantum per alias occupationes licuerit, breui, utilitatis publicæ causa ad finem perducere conor. In quo potissimum ab alijs derelicta vel non plene descripta, aut satis accurate delineata, vna cum cæteris ad hoc institutum pertinentibus latius tractabo, additis imprimis pluribus remedijs vera ratione & longo vsu doctissimorum Medicorum expertis. Nec dubito hūc meum laborem non contemnendum, ac, vt confido, perutilem studiosis artis Medicæ & alijs pluribus gratum acceptumq; futurum. Sed quoniam ad conquisitionem plantarum exoticarum ac præterea earum genuinas & artificiosas sculpturas magni sumptus tam mihi quam typographis sint faciendi, omnes propterea & meo & ipsorum nomine rogatos magnopere velim, vt qualiacunq; hæc nostra nobis relinquant, nec temere in suos  
libros



AD LECTOREM.

libros transferant. Sin secus fecerint, sciant omnino se contra expressam specialis PRIVILEGII CÆSAREI nobis concessi sententiam nō sine ipsorum detrimento id esse tentaturos: nec dubito, quin hāc admonitionem amicam in optimā partem sint accepturi. Postremo candidum lectorem rogo, vt hęc qualiacunque, quæ iam damus, boni consulere, ac hoc meum institutum, si dignum videbitur, imposterum quoque adiuuare atque promouere non grauetur, quod si factum fuerit, ad maiora, quæ in manibus habemus, celerius absoluenda, calcar nobis non exiguum addetur, VALE.

Ioachimus Camerarius,  
Reipub. Norimberg.  
Medicus.



ANALYSIS

The first part of the analysis is devoted to the study of the general properties of the system. It is shown that the system is stable and that the solution is unique. The second part of the analysis is devoted to the study of the asymptotic behavior of the solution. It is shown that the solution converges to a steady state and that the convergence is exponential.

THEOREM 1. Let  $f$  be a function satisfying the conditions of the theorem. Then the solution of the system converges to a steady state.

HORTVS MEDICVS,  
IN QVO NON SOLVM  
STIRPIVM SELECTIORVM DE-  
SCRIPTIONES, ET ICONES QVAEDAM NO-  
uæ, sed indicationes quoque locorum natalium, ac peculiare  
culturae obseruationes, atque insuper non pauca remedia  
Euporista, nec non interdum Philologica quæ-  
dam continentur.

A.



ABROTANVM mas, Stabwurs / vbique notum,  
Auulsis ramulis, vt multa huius generis, facile  
propagatur, semine vero difficulter prouenit.  
De quo legimus apud Horatium, olim vsitatum  
fuisse illud intra corpus exhibere, vnde ille

*Abrotanum agro*

*Non audet nisi qui didicit dare.*

Sed nostro seculo audaci, quilibet non solum hæc minime  
periculosa medicamenta, sed etiam quæuis validissima alijs  
obtrudere non erubescit. De qua iustiss. querela alias plura.

„Vfus eius præcipuus in lumbricis, quod & Aelianus nota-  
uit. Aqua destillata Abrotani cum momento pulueris Nu-  
cis muscatæ optima in stranguria & dysuria. Exterius imposi-  
tum extrahit ferrum & alia corpori infixa.

*Abrotanum femina, siue Chamaecyparissus, Cypressifraut.* Duo eius  
hic genera reperiuntur; quorum vnum est vulgare & candi-  
dus, alterum foliis magis viridibus & crassioribus, quod et-  
iam admodum cultura fruticescit. Italis Santolina. Reperiū-  
tur & aliæ eius differentię, nōdum apud nos excultæ, de qui-  
bus suo loco tractabitur plenius.

*Abrotanum magnum, Camphoratum, quibusdam incensaria,*  
a admo-

admodum fruticat & facile se ex surculis ppagat: odoris gra-  
uis, attamen non omnibus iucundi. Tragus appellat *Groß  
Stabwurz*.

*Absinthium commune, Vermut.* Hoc excellentiss. Medicus, Vi-  
ctor Trincauella, præceptor olim meus Patauij, qui 48. an-  
nos summa cum laude artem medicam exercuit, habebat  
pro Pontico. Ingratum saporem deponit, si prius per feruen-  
tem aquam trahatur. De hoc pulcerrimam similitudinem  
sumit D. Gregor. Nazianzenus in oratione apologetica. *Ci-*  
*tius*, inquit, quis parua malitia abundare incipit, quam in  
virtutis cumulo vel parum proficitur. Quandoquidem &  
modicum Absinthij cito melli amaritudinem tribuit, mel-  
lis vero nec duplum Absinthio suam confert dulcedinem.  
Hactenus ille. Mirum tamen, radicem huius plantæ ob ama-  
ritudinem eximiam non tantum vulgo, sed etiam in sacris  
literis passim famosæ, dulcem & pene inspidam, cum exi-  
gua quadam salsedine succum illum amarum herbæ peculia-  
rem è terra elicitum neutiquam respere. Herba apud vete-  
res fuit funebris quam in cœmeterijs plantabant. Pierius in  
Hieroglyph. Poculum Absinthij quadrigarum agitatoribus  
propinatum, refert Latinis ferijs, qui vicerant: maiores enim  
id sanitatem interpretabantur, quam magni præmij loco da-  
re se profitebantur, teste itidem Plinio, lib. 27. cap. 7.

» Contraicterum remedium non contemnendum: R. Flo-  
» rum Absinthij, Rosmarini, prunorum syluestrium an. par-  
» tes æquales, Croci partem dimidiam. Decoquantur in vino  
» diuretico, & exhibeantur præparato corpore.

*Absinthium Romanum vulgo*, Fuchsio Ponticum, media potius  
herba inter Absinthium & Abrotanum. Mire radix serpit  
& se propagat. *Vino* imposita ventriculo utilis.

*Absinthium latifolium marinum* aromatico odore: *Seriphium* pe-  
ritissimo rerum simplicium Medico D. Bernardo Paludano.

Vide



Vide picturam Dodonæi pag. 26. in magno opère, qui nescio quam ob causam vocat angustifolium.

*Absinthium Santonicum*, nonnullis dictum. Ad littora maris Galliæ & Angliæ sponte nasci Clusius ait: unde nonnullis est Seriphium. Flores habet croceos, odore non ingrato præditos. Durat apud nos hyeme in hortis, & se propagat plurimum. Gesnerus vocat Seriphium vel potius Santonicum fœminam Vallesiacum. Et nasci tradit è semine, eademque æstate flores proferre, præter paucas plantas serius enatas. Eadem vel simillimam inueniri in Massiliæ maritimis petrosi ex relatu Iacobi Reginaldi. *Weißkraut* / herbam albam dici Vallesijs.

*Absinthium* paruum & incanum, Gesnero humile. In hortum à me translatum ex montibus Tyrolensibus, ubi copiose crescens reperi. Sed non diu culturam fert, nisi sæpius transplan-  
tetur.

*Absinthium* Pannonicū flore albo. Vide Clusij obs. lib. 3. cap. 34. Elegans planta, quasi mediam naturam obrinēs inter Absinthium & Matricariam. Nō libenter horto assuescit, sicut nec aliæ plantæ alpinæ: quare collocandæ in loco vmbroso attamen aëri exposito, cum solem minime ferant.

*Abutilon*, *Welsch gelbe Pappeln*. Alchæa Theophrasti secundum nonnullos. Utuntur vnc. j. s. seminis ex vino cōtra dolores calculorū. Alij volunt esse vulnerariam. Ad somnum cōciliandum Turcis in vsu esse pōdere vnc. j. CL. V. D. Bernardus Paludanus mihi retulit. Siq; rursus aliquem velint excitare, nares aceto fricare.

*Abutilon Indicum*, quo nomine à peritissimo rerū simplicium Iosepho de Casa bona, Sereniss. Magni Ducis Hetruriæ Herbario ad me missum fuit. Folia habet crenata in pediculis longis, florem elegantissimum, albicantem, interius luteū, magnitudine sylvestris rosæ. Planta hæc à nemine prius fuit, ut

puto, depicta. Potest quoq; ad Althæas referri, cuius iconem in fine libri exhibuimus.

*Acacalis*, non tamen cōueniens descriptioni veterum, sed hoc titulo ad nos missa, vel Syriaco Kifnisen, siue Sisime. Ex octenni semine enata tenella planta, instar Ceratiæ primum erumpentis, rotundis foliis, quaternis, vtrinque costæ annexis binis, cauliculus subhirsutus: quæ sub autumnii initium rursus exaruit. Semen altera parte rotundum, latiusculum, altera in mucronem collectum.

*Acanthium*, Onopordon alijs.

*Acanthus verus*, Welsch Berckslaw/ Branca Vrsina, quo nomine vulgo Spondylium quoque vocant. In horto aliquando perdurat, & semen perficit, sed hyemem acriorem non adeo bene fert.

*Acarna Theophrasti*, alijs Scolymus eiusdem, Eryngium Vegetij.

*Acacia* prima Aegyptiaca ex semine aliquoties enata, vix tamē semestris fuit.

*Acer maius & minus*, vtriusq; turiones lacte scatent instar ficus, sed non acri, nullius euidentis gustus.

*Acetosa* rotundis foliis, apud Lobelium Oxalis sativa Franca. Crescit non solum in agro Parisiensi Aurelias vsque, sed etiam in Germania, in Bauaria inferiore prope Kelhernium ad Danubium. Sapidissima est & aqua inde destillata, retinens acidum saporem in febribus vtiliter datur.

Eiusdem generis *tuberosa* à D. Carolo Clusio mihi fuit missa.

*Acetosa Hispanica* grandissimis foliis ex horto illustrium Fuggerorum huc translata.

*Aconitum Lycopodium* flore luteo, in pluribus montibus Germaniæ reperitur, præsertim in Heluetia, vbi Lupariani nominant. In horto ex semine nimium propagatur, sicuti malorum



rum prouentus semper est vberior. Duplex est: Maior folio latissimo minus nigro, & serotino magis flore discrepat à minore, alioquin similes sunt plantæ.

*Aconitum flore caruleo*, Napellus Serotinus, Lycoctonon VI. Clusij. Alterum Napellum qui citius floret & vulgatiores est, Narrenfappen apud nos vocant.

*Aconitum flore Delphinij Clusij I.* Pannonicum, trium vel plurimum cubitorum attingens, primum mihi communicatum à doctiss. Medico, & rei herbariæ peritiss. D. Friderico Sebicio Archiatro Ducis Lignicensis.

*Aconitum hyemale*, aliis Ranunculus Monophyllos, siue Anemone Bononiensium, flore luteo, perennis planta, copiose crescens in montibus Euganeis prope Patavium.

Athenæus & Theopompus scribunt Aconitū, de quo adhuc certatur & sub iudicel is est, nasci in cauitibus in Ponto prope Heracleam, quas *akivas* vocant: ac quamuis sit venenatiss. planta, non tamen nocere illi qui antea vino se ingurgitauerit. Ouidius Etymologiam illam videtur innuere:

*Quæ quia nascuntur dura vinacia cante*

*Agrestes Aconita vocant.*

Ac quamuis sit venenum lethale, cuius etiam folia ita parari possent quidā scribunt, vt certo tempore interficiant, non tamen humanis vsibus prorsus est incōmodum, oculis enim instillatum dolores sedat. Dicitur ita esse infestum Scorpionibus, vt is eius cōtractu torpescat, admoto vero veratro albo renouiscat & multo magis ocimo, in quo & ex quo is nascitur.

*Acorum Dioscor.* siue Calamus aromaticus officinarū. Calmus/ In finibus Lituaniæ & versus Tanaim ac Mœotim, vbi alba est Russia Moësis parens, in magna crescit copia. In nostros hortos ante aliquot annos translata etiam sæuissima frigora non curat. Floret mense Iunio instar amenti siue iuli elegantiss. Atque inde Diacorum in officinis iam recte parari



poterit, sicuti illustriſ. princeps Lantgravius Vuilhelmus ſingularis rerum naturalium amator in ſuo iuſtrectiſ. horto tã abunde creſcentem alit, vt inde quotannis hoc medicamentum confici curet.

*Adiantum album*, Ruta muraria in parietum rimas indita viret, nec alia ratione ſe tranſplantari patitur. Amat autem ſaxa viua, in coctis lateribus immoritur. De Adianto, vt puto Lugdunenſi ſive Capillo Veneris ſcribit Braſſauola in libro de purgantibus medicamentis, ad leniendam aluum hanc potionem nunquam ipſum ſefelliſſe. *R.* Adianti, paſſularum. an. vnc. j. ſebest. nu. 20. Bulliant in iure. interdũ Pruna Iberica. & Myrobalanos addit. Sed Adiantum ſemper vltimo loco eſt addendum in decoctione.

*Adonidis flos alijs Eranthemum*, flore rubro maiore & minore, itemq; pallido creſcit in ſegetibus Thuringiæ & in Suecia circa Dillingam. Saxones quod florem rubrum proferat, vocant ob rutilantem colorem, Diaboli oculum. Quod autem flore pallido eſt fruſtra putabant aliqui eſſe Leucanthemum Dioſcoridis. *Semen* calculum efficaciter pellit.

*Aethiopsis*. Cotonariam nominant in agro Montispeſſuli ob candida & tomentosa folia. Altero anno apud nos ſemen proferat. De ea Plinius multa magica ſcribit. Hyemis ſæuitia radix emoritur, & putreſcit vere ineunte, nullo ſuperficci incommodo, quæ tamen ſole altius aſcendente radijs fortioribus contacta marceſcit tandem vel etiam aeris vitio quantumuis vmbra illi inducta muniatur.

*Ageratum*, Klein Welſch frauenmũnz. Italis Herba Iulia à mēſe, vt quidam volunt, in quo florere incipit, Eupatorium Meſues apud pleroſq; flore luteo: quãuis & interdũ albo inueniri aſſerant. Bononienſe tamen Antidotarium, vt vocant, Agrimoniam vſitatam volunt competere ſyrupo de Eupatorio Meſues: quod Gratiolam quoq; non repudiat. In Polonia creſcere

crefcere intellexi à quodā magnate eius gentis viro doctiff. et fimplicium peritiff. nonnulli in vincis quoq; ad Rhenum reperiri aiunt.

Eius decoctum in vino in doloribus dentiū à fluxionibus frigidis & putridis exortis fingulare eft remedium.

*Agnus*, quare Vitex.

*Agrifolium*. frequens in faltibus prope Saltzburgū & vicinīs locis. In Belgio inde ſepes parant. Si in teneras arbuſculas inferantur roſæ, producunt ſubuirides flores, vt peritiſſimi hortulani quidam experti ſunt.

*Agrimonia odorata* Florentia tranſmiſſa, planta vt rara, ſic apud nos ægre perdurans. Ante hyemem ſata veris initio prodit, ſed difficulter aſſeruatur. *Woltriehend Odermeng.*

Petrus Bembus Cardinalis, vir eloquentiſſ. aſſeruit ad arenulas in renibus expellendas nihil melius ſe reperiffē, quam aſſiduū vſum aquæ ſtillatitiæ ex Agrimonia ſiue Eupatorio Græcorum.

*Aizoon* ſiue ſemperuiuum maius.

*Aizoon minus*, odorato & purpureo flore ferme Aſteris Attici, elegans planta. Colore nimirum floris quam in vulgato viuidiſſis purpuræ, alioquin non abſimili niſi minor eſſet. In Tyrolenſibus montibus frequens.

*Aizoon minus*, albo flore, ſtaminibus purpureis & aliud flore luteo inflexo inſtar ſcorpionum caudæ, folijs in acumē coactis quæ in priore ſunt oblonga & obtuſa, vuarum acinos imitantia. Vtraq; depinguntur à Fuchſio, ſed quod florem luteum gerit, accuratiſſ. à Lobelio.

*Aizoon paluſtre*, à Cluſio depictum, ſlein Hauſwurſ die vierdt/ apud Tragum. Naſcitur humentibus pratis circa hanc urbem.

*Aizoon peregrinum*, ſic appellandum ob folia craſſa & pingua, flores & ſemina vulgari Aizoo nonnihil ſimilia, quamuis



uis planta sit annua. Eam mense Aprili accepi folijs præditam portulacæ, sed in summo crenatis & qua parte solis radios exceperint micas quasi argenteas ostendētib. ita collocatis vt oculi formam nō secus atq; vulgare Aizoon repræsentarent. Maio mense in foliarum cauliculum palmi altitudine, incuruum, supinum nonnihil, & in paucos ramulos diuariatū excreuit, subrubentem: flosculos Iunio proferētem stellatos, nitidos, candicantes, exiguos, & Quintili capsulas quinas itidem stellatim coniunctas, minutissimo semine refertas: atq; tandem cōtabuit herbula. Rursus vero prodijt ex semine Septembri mense, cum, quod sponte exciderat, frequentes pluinæ macerassent & fouissent soles aliquot calidiores, & Octobri medio eandem formam & pene magnitudinem consecuta est, quæ primum acceperam, sed vnica pruinæ acrioris sæuitia delata fuit. Semen itaq; quod collegeram anno sequente veris initio terræ commisi & intra paucos dies copiose prodijt illa plantula, sed Quintili demum flores ostendit. Sapor idem est qui Aizoi. Cepæ non inepte ascribi posse videtur. Quidam Lunariam vocant. A nemine tamen hætenus descriptam inuenio, ideoq; delineatam cum alijs reieci in calcem huius libri.

*Aizoon arborescens*, quod vidi aliquando in horto Regio Noui Castri Neapolitani in fictili florere, cuius pictura passim habetur. Sed nobis non diu viruit, cum vix Italicum aërem ferat.

*Alaterni* arbuscula Florentia missa, cuius meminit Anguillara, Apulis Linterna, Illyricis Comoricha.

„ *Alcea vulgaris*, cuius vsus adhuc non contemnendus in dysenteria, quod etiam Diosc. annotauit.

„ *Alcea Pannonica*, cuius semen communicauit Carolus Clusius, minutius vulgari. Planta ipsa folijs primum exit nullam dimensionem habentibus, rotundis, crenatis tantū, postea in caulem

lem assurgens magis laciniata profert & tota tenerior est quā vulgo apud nos inuenitur. Non habetur in historia Pannonicarum stirpium à Clusio edita, ideoque eius picturam ad calcem adiungere volui.

*Alcea tenuifolia*, folio crispo, floribus maluæ, frequens in Hircynia sylua & apud Rhenum, non multum diuersa à Pannonica.

*Alcea cannabina*, secundū nonnullos Cannabis syluestris Dios. quinque vel sex cubitos alta.

*Alcea arborescens*, cuius D. Rauvolfius meminit in suo itinerrario, nomine Maluæ arborescentis.

12 *Alchimilla vulgaris*, cuius decoctum aliqui laudant in dolore  
27 dentium.

*Argentea heptaphyllos*, montana, siue Argentaria, petræa Gesneri, in montibus Helueticis & Tyrolensibus frequens.

*Alisma Matthioli*, alijs Chrysanthemon latifolium. Frequens in syluis apud nos passim, sed plerunq; in hortos trāsata exarscit nec facile culturā admittit vel saltem rarissimè floret.

*Laugen Kraut* / *Joannes Kraut*. Vtuntur Narisci rustici in decocto, si quid venenati putant pecora sumsisse.

*Alliaria*, spontanea.

*Allium Creticum*, siue Serpentinum, Scorodoprasum in Pann. Clusij, pag. 210.

De vulgari scribit doctiss. vir Costæus in Commentar. ad Mesuen, se vidisse mulierculæ cuiusdam suasu contra quartanam secundo annularis vtriusque digiti internodio allij crudi integram spicam vinculo noctu alligatam acerrimo dolore excitasse vesicam, qua nō solum cuticula summa, sed crassior quoq; cutis obsisteret à subiectis partibus. Costum sub cineribus & impositum dentibus ad sistendum dolorē Amb. Paræus in sua Chirurgia vsurpat.

*Tenuifolium*, vel potius *Ampeloprasum*. Figura enim propius ad  
b Porrum



Porrum accedit, nec tam acre etiam & graue olens est quam Allium.

*Saxatile*, Bulbus Vomitorius, Moly foliis Narcisci.

*Vrsinum*, Arctoscorodon, syluestre, flore albo.

*Alpinum*. Victorialis mas & foemina. Mari folia multo sunt latiora, foeminae vero angustiora.

*Alnus nigra*, Frangula. Faulbaum. Vbique in syluis crescit. Siler Plinij secundum nonnullos. Dum pusilla est in pingui solo collocata, folia fert oblonga & magna, similia Guaiacanæ dictæ, tam figura quam magnitudine. Cortice eius interiore luteo in multis locis Saxoniae hoc tēpore vtuntur loco Rhabbarbari, quod iam propter immensum pretium non cuius praescribi potest.

*Aloë communis*, affertur copiose ex Hispania. Appensa laquearibus non modo in multos annos durat, sed in quibusdam locis calidioribus quoque florem profert. Vidi anno 1561. Pisis apud quēdam nobilem in fictili florentem, flore luteo, mense Martio. Apud nos nisi ante frigora brumalia eximatur è terra & in loco tepidiori suspendatur, ac primo vere rursum fictili imponatur, facile putrescit. Quiqueranus de laudibus Prouinciæ scribit libr. II. capit 59. In Stœchadib. Insulis luxuriose crescere ac vulgo vocari Semperuium marinum, ac tritum imponere incolas quibusuis vlceribus & vulneribus. Brassauolas in libr. de purg. tradit nonnullos ex minima pillula, quæ nō erat quarta pars semiserupuli, decies excreuisse. Plautus ait prouerbialiter: Vitam hominis plus Aloës quā mellis habere, id est, plus molestiæ quam voluptatis illi inesse.

*Aloë spinosa siue America*, à Clusio descripta & depicta in obs. Hispanicis lib. 2. cap. 67. sine tamen floribus, quorum picturam in fine libri exhibemus. Creuit hæc planta (vt mihi per literas retulit diligentis rerum simplicium indagator Iosephus

phus de Casa bona, Magni Ducis Hetruriæ (vt vocant) Simplicista, qui vt plura alia, iconem florum quoque liberaliter mecum communicauit) Anno Christi 1586. in horto instructis. eiusdem Ducis, miræ altitudinis caulem proferens, instar abietis, pene contortum, in cacumine ramosum; in extrema ramorum parte congeries fuit referta floribus è luteo virentibus, instar Hemerocallidis Valētinæ, suauiter odoratis vt quidam retulit. Ipsa planta excessit altitudinem 12. cubitorum.

Hæc cum sit priore durior, facile in sicili asservatur in loco tepidiori per hyemem. Copiosam tamē irrigationem recusat. Propagines multas spargit, quæ nisi tempestiue auferrantur, priusquam adolecant, matri omne alimētum detrahunt, illamq; perimunt.

Succus ex ea colligitur, facultate cum priore non dissimili.

Hanc plantam primus habuit, ni fallor, in Italia Iacobus Antonius Cortusus nobilis Patauinus, de re Herbaria opt. meritis, apud quem vidi inter alia selectissima, Anno 1561.

*Alopecurus*, à Dodonæo & Pena pingitur ac describitur, Planta frumentacea.

*Alsine maior*, media, minima, quarum duæ posteriores à Fuchσιο & alijs, prior à Dodonæo exhibentur. Sponte nascuntur in hortorum arcis. Sed prior admodum raro nisi transferatur è dumetis, in quibus nasci gaudet.

*Alsine hirsuta*, mediæ similis, sed nigrior, hirsutior ac durior, spontanea.

*Alsine tenuifolia* mediæ seu vulgari similis, sed strigosior, non tamen hirsuta aut pinguis vel tam late serpens. Nascitur ad Sepes: arenoso solo delectatur & solum ex cultum, non, vt reliquæ desiderat.

*Alsine* flore purpurascente, Fuchsiij III. itē cæruleo, Fuchsi. II. Interdum



dum spōte prouenit in areolis lacteo aut dilute purpurascēte flore.

*Alfina* parua recta folio rutæ modo diuiso Lobelij, spontanea etiam in segetibus præcipue circa Lipsiam.

*Alfina* repens Clusij, sponte passim nascitur in dumetis circa urbem.

*Alfina Viscaria*, folio subcæruleo, pingui, flosculis nunquam se aperientibus, nisi meridiæ intensissimo æstu post pluuias, alioquin *Alfinis* reliquis similis, nisi quod cauliculi summitas, & foliorum pili tenuissimi scateant viscido succo, cui muscæ adhærent.

» *Althæa* vulgaris, herba ad internos & externos affectus plurimum utilis, imprimis ad Calculi dolores.

*Althæa* arborescens, vel potius fruticosa, perennis planta, alia ab Hispanica Clusij, & fortasse eadem cum Prouinciali Penæ, sed non satis exquisitè picta.

*Althæa* flore grandi *Alcææ*, foliis durioribus quam in usitata habentur, frequens in locis quibusdam Thuringiæ ad fluuios. Primus mihi communicauit doctissimus Medicus & Mathematicus, rerumq; naturalium peritissimus D. Erasmus Reinoldus, studiorum meorum in Italia quondam socius acceptissimus. Altera fortassis aut tertia ex Pannonicis Caroli Clusij.

*Alypum* Matthioli.

*Alyssum* Dodonæi, alijs *Lunaria* lutea siue Græca.

*Alyssum Matthioli*, in aruis passim apud nos crescit flosculis luteis ac interdum albis. Vulgus commendat usum eius contra calculum, arque ideo *Steinfraut* nominat.

*Alyssum* aliud descriptioni Galeni conueniens exhibuit nobis C. Clusius in suis Hispanicis obseruationibus.

*Amaracus* tenuifolia urbana, Maiorana quæ gentilis vocatur & pro

pro Maro habetur nonnullos, apud nos proueniens degenerat in nostram Maioranam.

*Amaracus* syluestris annua. Maiorana vulgaris.

*Amaracus* syluestris perennis, manet in horto, nisi acerrima hyems, qualis fuit superioris anni, ei noceat. Non potest vlla cultura in arbusculæ formam redigi, vt Urbana, sed Origani modo stolones multos ex radice protrudit. Primum habui à perito & rerum simplicium diligenti cultore Dn. Phil. Sprengero Pharmacopæo Haidelbergensi.

Paulo aliam folijs maioribus & mollioribus aliquando offendit mihi in agris prope Bononiam excellentissimus D. Vlysses Aldrouandus omnium rerum naturalium peritissimus, à quo indies expectamus in hoc genere accuratissimos commentarios.

*Amarantus* magnus, commendatur in sistendo sanguine.

*Amarantus* paruus. In quo genere elegans reperitur Cristatus. Item alius saturatius purpurascens & in caput breuius, densius ac grandius conglomeratur: alius intensius rubet & longioribus florum spicis, altioribusq; cauliculis assurgit, in quæ Cristatus plerumq; degenerat.

*Amarantus* pictus, vide Blitum varium.

*Ambrosia* picta à Lobelio, Conyza Hippocratis de morbis mulierum, vt quidam eruditi in Italia putant, alijs Artemisia monoclonos. Floret Augusto: caule est pilis vel aculeis albis hirsuto, folijs Artemisiæ vel Absinthij, fructu spinoso, in quo semine singulare, crustaceo operimento nigricante nucleum album continens. Nisi mature seratur, præsertim si repentina frigora superuenerint, vix perficitur. Ad mare Arimini copiose nascitur.

*Ambrosia* 2. Matthioli.

*Ammi* Matthioli & Creticum, item Vulgare à Trago & plerisq; depictum, quod interdum longe alia folia proferre conspici-



tur, pluribus nimirum incisuris prædita & non nihil crispa, vt penitus diuersa planta videri queat.

*Amygdalus.* Huius Gummi ad calculos renum minuendos efficac, quod etiam vsurpatur ad pannos sericos oblinendos vt sint firmiores, & non facile rugas contrahant.

*Amygdalopersicus*, cuius exterior pulpa Persicum pomum sapit, nucleus interior amygdalum.

*Ampeloprasum* proliferum, videatur apud Lobelium.

*Anagallis* flore phæniceo & cæruleo. Horti arcolis innascuntur ambæ plantulæ. Luteo flore ex proximo monte S. Mauricij duobus miliaribus ab vrbe distante vmbrosis locis crescens in hortum translata. Frequens quoque in Austria & saltibus Thuringiacis.

Anagallidi flore phæniceo in morbis epatis multum tribuit Manardus. Venatores canem morsum ab alio rabido cane statim circa vulnus lauāt in aqua fluuiali bene cum arena & dant illi in ouis frixis Anagallidem Phæniceam cum Abrotano.

*Anagyris prima*, frequens in agro Romano & Neapolitano, fœtida admodū arbor, si folia parum manibus atterantur. Plauto, vt putatur, Nautea. Vnde Prouerbiū vetus, ἀνάγριον νέει. Anagyrin cōmoues, cuius meminit Aristoph. in *Lysistrato*.

*Anagyris altera* apud Matthiol. Laburnus aliorum. Egeno Italice, vnde pro Ebena ob ligni duritiem & nigredinē vtuntur Venetijs, præsertim pectinarij. Sed longe abesse à vero Ebena ex Pausania quoque in Atticis discimus, qui ait ex Cyprio homine perquam perito in herbarum generibus ad medendi vsum notandis, se audiuisse Ebenum nulla folia nullumq; omnino fructū ferre, nec stirpem esse soli expositam: radices tantum occultari, quas eruant Aethiopes. Ita inquit, sæpe qui in Musarum angulis & sapientiæ vmbra delituere, progressi in medium multas & splendidas vtilitates pariunt.

*Anchusa*

*Anchusa* 2. itemq; 3. Matthioli.

*Androsaces* alterū Matthioli. Eius descriptio luculentissima est apud Clusium in Pannonicis.

*Androsamon Fuchsi*, sua sponte interdum oritur in hortis, quāuis nemora potius amet, vt Aescyron, quod nunquam exit cultis locis, & vix illatum nascatur, adeo omnem cultum respuere videtur.

*Androsamon maius* apud Dodonæum, Siciliana siue Cæciliana vulgo, Climenum non Dioscor. Sed Plinianum, quod tamen olim in re herbaria præceptor meo, Aloysio Anguillaræ putabatur veterib. fuisse incognitum. Angli vocant Italico nomine Tutisan, quasi omnia sanans; estq; illis vulgare quo vlcera sanant. Crescit copiose in Ilua insula.

*Androsamon* minus huius generis siue angustifolium *Capoduvon*, à nemine, vt existimo, depictū. Bellonius meminit nomine Tragij Cretici, si recte coniicio.

Prouenit in eadem insula: & apud nos, vt superius, frigus hybernū difficulter fert. Copiose tamen è semine se propagat.

*Anemone latifolia* flore pleno, rubro elegantiss. quam habui ex illustriss. principis Vuilhelmi Landgrauij Hassiæ, Domini mei Clementiss. instructissimo horto, cuius celsitudo imprimis huius floris pulcritudine singulari delectabatur. Apud nos horto non adeo facile assuescit.

*Anemone latifolia* flore simplici Violaceo, magno. Communicarunt hanc & sequentes D. Ioan. Aicholzius Medicus præcipuus Viennensis & Domin. Carolus Clusius amici mei obseruandi.

*Anemone tenuifolia* flore purpureo, frequens in Italia circa Romā & Neapolim atque in Hetruria. Hæc tantum potest regio, inquit Costæus in suo doctiss. lib. de natura plantarū, trāsata



ex Hetruria in hortum, flores quarto anno pro purpureis albos protulit. Idem mihi accidit in ea quæ cæruleos profert.

„Hæc planta acris est, cuius succus naribus infusus plurimum  
„cerebrum expurgat.

*Anemone tenuifolia* flore violaceo item flore albo.

*Anemone tenuifolia* flore rubente duplici, Galipoli lalè & Binifa-  
de inscripta ab ijs qui Constantinopoli ad me miserunt.

*Anemone sylvestris* flore candido. Copiose ad loca montana quatuor milliaribus ab hac vrbe crescit. Flos omnium horum facile in pappos abit & à vento disijcitur, vnde nomē accepit. In Hieroglyph. Ori legitur, ἄνθη δὲ ἀνεμώνης νότον ἀνθρώπου σημαίνει. Flores Anemones significant morbum hominis.

*Anethum* semel satum postea restibili sæcunditate seminis excussi renascitur. Apud veteres in magno vsu erat, & nunc etiā est apud quosdam populos, in primis Polonos, qui multa fercula hac herba condiunt. Columella: Et bene odorati flores sparguntur anethi.

*Angelica odorata*. Sponte crescit optime in Noruegia, Pomerania & alibi. Apud nos commendatur quæ Friburgo ex Brisgoa affertur. Semen terræ mandandum mense Iulio vel Augusto. Alij semen per noctem aqua maceratum circa festū D. Martini solo pingui recondunt, mense Maio sequentis anni plena Luna ordine plantas transponunt, vt inter se distent pedem aut sesquipedem. Exacto triennio (nam quarto anno vt plurimum perit) radices exemptas & lotas exiccant in loco conuenienti, alioquin facile sitū contrahunt. Gesnerus affirmat se vidisse huius radices ad 3. libras pendentes. Pro Costo multiti vruntur in Theriaca. Præstans medicamentum in Peste &  
„ alijs morbis, in primis cum Zedoaria in vino calido exhibita  
„ contra suffocationem matricis. Succus eius condensatus si-  
„ cuti quoq; Ostrucij opt. est contra putredinem dentium.

*Angelica sylvestris montana*. In locis tamē humidioribus nascens,  
folijs

foliis multo est tenuioribus, satis tamen odoratis. Frequens ubiq; apud nos in locis palustribus circa urbem & alibi.

*Angelica sylvestris communis*, pestis hortorum, cum serpendo omnia occupet & alias plantas suffocet. *Strenkel* siue *Giersick*.

*Archangelica*, depingitur à Lobelio, & Clusius in Pannonicis eius meminit.

*Anguria*.

*Anisum*. Huius oleum & aquam singulari ratione paratam describit Borgarutius in sua Pharmacopœia Italica.

*Anonis*, siue *Ononis* sine spinis, in Silesiacis pratis frequens, ut annotauit Clusius in obseru. Pannonicis, quæ simul in hortum translata, non facile se expelli sinit. Reperitur & spinosa floribus candidis. copiose in Hassia & ad Rhenū. Huius decoctum bibitum ramicem curat carnosum. Vulgo *Acutella*, *Stallfraut* quia vtuntur ad prouocandâ urinam in equis. In calculo eius destillatum optimum est. Anguillara dubitabat an non Crateuæ Aegypton esset nostra *Anonis* siue *Refta* bouis vulgo dicta.

*Anonis* flore luteo à Cl. V. D. Aicholzio transmissa. *Natrix* Plinij apud nonnullos.

*Anonymus peruinca folio*, similis cui in Pannonicis Clusius *Colutheæ* florem tribuit, folliculis *Thlaspios* vel potius *Polygalæ* Tragi, ex proxima sylua in hortum translata. Vide *Cordum* in obseruationum sylua, qui in syluis montanis circa Egeram in Bauaria & *Vindelicia* inuenit. Gesnerus *Chamæpitiū* vocat.

*Anthyllis leguminosa Lobelij*. De Salsa altera *Anthyllide*, quæ est *Kali Arabum*, *Tetrastichum elegans* Ioannis Maioris commendatur à pluribus.

*Ecineris massa, salsag, Anthyllidis herba*  
*Formari flammis lucida vitra solent.*



*Sic cinis ater eram, cineres nunc soluo in atros,*

*Sed nitidum summo corpus habeo die.*

*Antirrhinum maius* flore roseo, quale crescit in agro Monspelien-  
sensi & Nemausensi, & memini me reperisse aliquando circa  
Salernum. Item flore incarnato, luteo, candido.

*Antirrhinum pulcerrimum* flore luteo, grandi, sua sponte nasci-  
tur inter Sauonam & Genuam.

*Antirrhinum medium*, Orontium aliorum, quod passim in Vi-  
neis & aruis reperitur. Et minimum in segetibus frequens.

*Antora*, quam alij Antitoram *ἀντιτόρα* appellant. In Sabaudia,  
vnde mihi missa, vna cum Tora copiose nascitur. Ex Panno-  
nia quoq; à D. Friderico Sebitio Archiatro principis Brigen-  
sis mihi communicata. Legendus de hac Gesnerus in episto-  
lis. Radices huius sanant dolores colicos & vterinos euiden-  
ter & imprimis contra venena sunt efficacissimæ.

*Aphaca Dodonæi*, Pityne, Theoph. Anguillaræ.

*Aphyllanthes* Anguillaræ in montib. Italiæ & Illyriæ sponte na-  
scens. Bononiensib. Botonaria, vel Globularia.

*Apios Fuchsi*, Astragalus alijs, frequens apud nos, præsertim cir-  
ca Bapenbergam in agris. Ex huius floribus aquam destillant  
quidam, quæ ita rosaceam ementitur, vt pro illa à quibusdam  
vendi soleat.

*Apium verum*. Apud Romanos & in Certaminibus Nemeis  
herba coronaria. Eadem sepulchra coronabantur, vnde pro-  
uerbium, Apio nihil opus est.

Anguillara in suis opinionibus Italicis de Simplicibus  
probare studet, Apium nostrum vulgare esse Paludapium si-  
ue Eleoselinon Theoph. Verum autem Apium ab hoc pa-  
rum differre ait, nisi quod aromaticum magis sit, ac scribit in  
vniuersa Græcia potissimum in Chio & Creta aliud Apium,  
quod ibidem magni faciunt, extare, inde nonnunquam etiam  
Venetias apportatur.

*Apocynum*

*Apocynum verum*, foetidiss. herba, quam canes interficere experientia cōfirmavit. Crescit in Creta vbi hodie vocant Psachi, & circa Tripolim, quod postremum in suo luculentissimo Hódæporico Orientali annotavit vir doctiss. & in rebus naturalibus inuestigandis studij indefessū D. Leonardus Ráuvvolffius Medicus Augustanus, singularis meus amicus.

*Apocynum repens*, vel potius *ἀνὰ δρυὶν*. Arbores enim scandit, & admodum alte crescit. Gignitur in Græcia, vbi vocāt *παι-  
ονόσσο*: lacteum succū emittit & folia ac filiquas profert instar oleandri. Reperitur huius generis altera species succo croceo, cuius meminit Aloysius Anguillara in suis opinionibus, folio propemodum hederæ. Frigoris sunt impatientes, vnde diligenter in hyeme asservandæ. Ex taleis tamen in terram repositis mihi repullularunt.

*Aquilegia*, *Άλεξυ* / *Ψυριακ* s. *fraut*. Porthos veterū ex Costæi sententia, Leontostomum Gesneri, Leo herba Dodonæi. Clariss. viri D. Jacobi Dalechampiij Medici Lugdunensis excellentissimi *διὰ τὸ ἀνὰ δρυὶν*, id est, Iouis flos, vt testatur in suis eruditissimis cōment. in Athenæū. In Hispania q̄ calculo renum sunt obnoxij radicū huius portiunculā mane diutius mandere solent. Alij decocto herbæ integræ & radicis in vino cum momento ambra cōmendant cōtra *ἰσχυρίαν*. Semē in Ictericis & alijs obstructionib. epatis & sacharo obductū cōtra vertiginem vsurpatur. In hac planta flos rā ratione magnitudinis, quā coloris varias sortitur differentias. Est. n. simplex & plenus, colore incarnato, cæruleo, purpureo, rubescēte, flauo, candido, variegato. Interdum inuersus, & degener virescens.

*Arabis quorundam*, floribus luteis, quo cōmodius referri posse videtur quam ad Solidagine, quo nomine aliquando ex Anglia missa fuit. Piçturam dedimus in Matthioli herbario.

*Arabis verior*, quam itidem in Matthioli nuperiore editione depinximus, addito semine, quod in icone reliqui omiserant.



*Aracus Matthioli*, Dodonæo Eruilia siue Ochrus sylvestris, German. *Eselsohren* dicunt à foliorum figura.

*Aracus Fuchsi*, vt Gesnerus picturæ inscripsit, vulgo Viciam Romanam vocant. Fabæ sylvestri Matthioli & Piso nigro seu Phascolo Dodonæi cognata planta.

*Aracus Hispanicus*, rectius quam Lupinus Hispanicus, quemadmodum insignitū olim accepi ab amico. Ambigit hæc planta inter Matthioli Aracum & eum quē Dodonæus habet. E terra prodit vt Matthioli Aracus. Sed multo angustioribus ac pene gramineis foliis, quæ adulta quidem latiora paulo redduntur & alia annis ostendunt, non tamen assequuntur eius quem Matthiolus habet latitudinem. Planta vero lōge procerior est, ac si pedamenta quibus nitatur, comprehenderit, vltra quinos cubitos attollitur. Flosculi suaue rubent ac vmbilicotenus candicant. Semen peculiare est: nam folliculus dura cute constat, fuscus per maturitatem, ac inter singula grana, quæ pullo colore vndulatum variegantur, impressus, vt in eruo contingit. Nemo autorū hætenus eius meminit, vt existimo, nec rescui vtrum sit spontanea planta, an satiuæ tantum. Ex Araci pictura apud Lobelium nihil certi cōiungere queo, sitne eadem cum hac, an diuersa potius. Congruit quidem aliqua ex parte, sed nec folia nec folliculi mihi sātis faciunt, nisi alia à nostra fuerit.

*Arbor Iudæ*. Siliquæ siue Ceratia sylvestria. In Hypogæis apud nos asseruata floret verno tempore & siliquas producit.

*Arbutus*, ex semine prouenit intus latente in ipso fructu, non ex paruis granis quæ fructui vti frago exterius adhærent. Copiose crescit circa Neapolim.

*Aria Theoph.* Itali vocant ob duritiem ligni, Metallum. Crescit & in montibus nostratibus. *Melbeer*, Gesnero sorbus alpina, siue Lanata Cordo. Pingitur à Lobelio. In Italia Carbones inde parant optimos.

*Arisarum*

*Arisarum tenuifolium*. Durat in horto, nisi sit acerrima hyems, ut fuit præteriti anni.

*Aristolochia longa vulgaris*, alijs Clematitis cuius Clusius rariorem speciem in suis obs. Hispanicis proponit. Dodonæo Saracenica. *Osteflucey*.

*Aristolochia longa vera*, difficulter in nostris hortis durat: habui tamen duorum pedum longitudine. Cicer: 1. de Diuinat: Nomē ex inuentione reperit, rem ipsam inuentor ex somno.

*Aristolochia rotunda vera*. In montibus Euganeis prope Patauiū crefcit. Pulcerrimā reperiri ait. D. Rauuolfius in insula quadam non longe à littore Tuncetano in Africa sita Simles dicta. Paulo alia missa à Dn. Clusio. Copiose alui in horto per multos annos, at prioris anni frigus inusitatum ne vnam quidem reliquit plantam. Huius puluis in ouo sorbili exhibitus plurimum valet in Cardialgia & doloribus ventriculi acerrimis.

*Aristolochia rotunda vulgaris Fuchsi*, Capnitis, Radix, caua, flore purpureo & albo, circa hanc urbem non infrequens: In flore etiā diuersitas est, qui si minor fuerit, saturatius rubet, & pro mascula forte haberi poterit, sin maior, nonnihil purpurascit & læguidioris coloris visitur. Minima radice solida exactius rotunda nascitur in saltibus Thuringiæ, & Misniæ. Semen potum commendatur in Hernijs puerorum.

*Armerij flores Dodonæi*, vide Cariophyllos.

*Armerius flos proliferus* à Lobelio pictus, circa urbem sua sponte nascens.

*Armeniaca maiora*, Gallis Abricos.

*Artemisia*.

Goropius Becanus in suo Vertumno summopere commendat balneum ex ea paratum in lassitudine pedum. Aloysius ait quo propius nascatur ad mare, hoc odoratiore & minorem esse solere. Secundam & tertiam idem adhuc incognitam esse dicebat.



*Arthritica*, Primula veris, Schlüsselblumen/ Himmelschlüssel/ flore simplici & pleno, luteo & pallido: iteq; exiguo caule vel quasi nullo vnde *ἀγανθος* dicitur, pedunculo tantum nixo in alpibus Helueticis crescit & sub niue quoq; floret. Est & in Bauariæ & Sueuiæ vdis locis alia flore purpureo, cuius Cordus meminit in suo Hodæporico *Mayese* vocans, Gesnerus *Lerschensblümle* & binas depingit Lobelius.

Gesnerus commendat succum Primulæ, si per 30. dies ad  $\frac{3}{4}$  s. cum pauco Saccharo Epilepticis detur. Radix puluerisata, satis amara datur cum successu pueris contra vermes.

*Arum vulgare*. Aliud duriore folio, virente per totam æstatem, & aliud grande, pistillo albicante, rotundiore folio, itidem durante in multam hyemem. Posteriores duas sustulit hyemis iniquitas, alioquin à nemine depictas plantas cum alijs exhibuisssem.

Vrfa cum primum ex antro suo prodit Aro vescitur agresti, cuius acrimonia intestinum illi concretum rursum aperitur. Plut. de solert: animi. Ari radix ad 3. j. sumta cum Sacch. Asthmaticis medetur. Alij eiusdem puluere vtuntur in hernia.

*Arum Aegyptium*, Aegyptijs hodierno die Colocasias, missa ab amicis Vienna, quæ in alterum annum egregie virebat. Tota planta acerrimi est saporis.

*Asarum*, Haselwurk. Solam radicem vtilem esse dicit Galenus, quare si Asarum dicatur absolute, radix intelligenda. Aliqui tamen semine quoq; vtuntur. Vulgus quoq; expressum foliorum succum cum vino dat quartana laborantibus ad vomitum ciendum, idq; sæpe intempestiue nec sine detrimento. Aqua inde destillata utilis est ad caligines oculorum abstergendas. Aliud multo maius asarum vsitato & odoratius reperitur in Helueticis alpibus zum *Einidel* teste Gesnero.

*Asclepias*

*Asclepias vulgaris* flore albo, utilis Hydropicis: Schwalbenwurz.

*Asclepias flore nigro*, subrubefcente, pusillo, qui tamen siliquam

fatis longam & priore grandio rem profert, herba anaden-

dras. Schwarz; Schwalbenwurz. Dodonæus & Lobelius

depinxere. Nascitur circa Montepessulum.

*Ascyron* difficulter ex sylua in hortum transfertur.

*Asparagus hortensis*, commendatur imprimis Veronensis in

Italia.

*Marinus* crassiore & magis casto folio, baccis plerunque trigeminis.

*Asperula* flore cæruleo.

*Asphodelus albus*, siue mas, frequens in Hispania & Italia.

*Asphodelus luteo flore* & radice, non æque fert hyemem vt prior.

*Asphodelus autumnalis* siue maior, hoc nomine missus ex Italia.

Prodijt ex semine, nec dum floruit, Hyemem non fert nisi in fictili asseruetur. Dubito an alij huius meminerint.

*Asphodelus minor Clusii* seu fistulosus in Sicilia frequens.

*Asphodelus bulbosus Galeni* quem Dodonæus pingit.

*Asplenium* siue Cetarach. Bononienses in suo Antidotario digitos Citrinos quoq; nominari aiunt. Aqua Aspleni destillata plurimum conducit bibita contra lapidem vesicæ & renum. Lixiuum inde paratum & bibitum per aliquot dies cū oxymelle, spleneticis prodest.

*Aster Atticus* flore cæruleo, in Franconia ad Rhenum copiose proueniens. Eius duas habemus differentias: qui maturius floret minus alte assurgit quam qui serius.

*Aster Atticus luteus*, latifolius & angustifolius.

*Aster Atticus repens Clusii*.

*Aspalathus* siue 2. Acatia Matthioli, copiose nascitur circa Neapolim, quamuis Aloysius Anguillara aliam Acatiam secundam



cundam describat à se repertam in Corfyca insula, & hanc repudiat.

*Atractylis*, quæ non ita reflexis & curuis caulibus, vt Matthiolus pingit sed plane rectis satis alte assurgit.

*Atriplex purpurea grandis*, quæ semel sata, postea sponte decidente semine prouenit.

*Atriplex sylvestris* polygoni folio, & aliæ, quæ in hortorum puluinos irrepere solent.

*Atriplex marina*, plurimum crescens in Aestuarijs Venetis, vnde quandoq; cinerem parant ad conficienda vitra. Reperitur rubro & herbaceo semine.

*Arundo Italica maior*, non crescit nisi in locis humidioribus, at tamen soli expositis. vix biennium in horto perdurauit.

*Auellana* Lugdunensis maior.

*Aurantia poma*. Apud nos hyemis frigora diligenti munitione effugientia postea sæpenumero vbi æstates sunt clementiores maturant fructum. Inseritur fructifera in syluestrem vt ita dicam è semine enatam, mense Augusto & hoc quoq; modo fit fecunda. Ex floribus huius itemque Limonum & Citriorum aqua destillata odoratissima, Napha vulgo in Italia vocatur, qua vtimur in febribus malignis & in petechijs. Cordi enim amica est & sudorem valide prouocat. Succus dulcium pomorum cū syrupo violato exhibitus in febribus præstans est somniferum. Cortex puluerisatus datur in doloribus colicis, item cum melle & alumine in Aphthis puerorum.

*Auricula muris* à semine, et leporis à foliorum figura appellata. Folijs est Anthillidis leguminosæ Lobelij, sed magis virentibus, crassioribus & magis acuminatis, pilosis quinque septenisue aut pluribus, impari semper numero vni costæ adhærentibus in cauliculis procumbentibus instar loti siliquosæ, cuius etiam flosculos fert sed multo minores, eosq; melinos. Semen renis figuram obtinet in siliquis hirsutis & fuscis circina-

cinatis & incuruis vt musculorū auriculas quodammodo representent, radice parua hæret, vt Melanthij, lutea, dulci, pene Glyzyrrhizam æmulante sapore. Annua est planta. Saporē nonnihil feruidum habet, ac diutius commanducata saluā prolicit, liquor stillatitius dulcis est primo gustu, postea vero nonnihil linguam vellicat, forte putridis vlceribus, si quis periculum faciat, non incommodus. Vbi sponte nascatur, ignoro, nisi forte in Creta, vnde semen Epithymo immixtum defertur.

*Auricula vrsi*, Sanicula alpina, Lunaria Arthritica Gesneri de herbis Lunarijs, fol. 24. flore luteo, rubro, incarnato, vario, cuius aliquot sunt etiam differentię quoad magnitudinem & foliorum discrimina. In alpibus Noricis, Helueticis, & aliis frequens. Floret primo vere. Amat loca vmbrosa & humidiora. *Herba* admodum vulneraria, cuius succus expressus in vnguentis & emplastris ad herniam imprimis utilis.

*Azadarach* vulgo dicta arbor apud Auicēnā, tametsi huic nō per omnia conueniat. Pseudosycomorus monachorum in Italia, vbi in magnam proceritatem excrescit. Vocant ibidem Perlaro & arbore degli paternostri: ad globulos enim vtuntur, quibus suas preces numerant. Gallis Arbor Sancta, aliis Zizyphus alba, Pellicerio Lotus alba. Prope Alepum & Tripolim, referente D. Rauuolfio in suo itineralio copiose nascitur. Incolæ vocāt Zenselacht, ipse putat esse Rhasis Aster-gir. Apud nos prouenit ex semine & quidem ex vno fructu siue bacca, quæ habet forma corni minuti breuiusculi, sed albi coloris, arbusculæ separatim numero quinque vel sex. Hyeme in locis tepidioribus asseruanda, non enim fert nostrum cœlum. Fructus est venenatus vt Canes necet.

Florum aqua stillatitia pediculos interficit, & comam producit.



**B**ACCHARIS Monspeliensium, Conyza maior Matthioli, frequens ad Danubium circa Ratisbonam. Vulnere glutinare aiunt.

*Ballote crispa*, depicta in Herbario Lugdunensi flore paruo, antequam aperiatur, holosericum emulante colore rubro. Spontanea planta.

*Balsamine mas* siue Momordica, Charatia. Pommes de merueilles, planta annua quæ passim apud nos colitur, imprimis tamen in Austria. Amat solum pingue soli meridiano expositum, quod sæpius debet irrigari imprimis lotura carniū & Gallinarum. Prouenit etiam ex semine vetustiore. Tota planta est vulneraria. Oleum fit ex foliis & adhuc efficacius ex fructibus præstans ad vulnera. Alij potiss. cōmendant oleum ex semine ipso per infusionem parato, ut illius accipiatur bene maturi q. s. & infundatur in oleum vetus, deinde exponatur in æstate Soli, coletur, post nouum semen addatur & iterum infusetur. Perutile in hæmorrhoidibus dolentibus, in delendis cicatricibus & roborando vtero.

*Balsamine femina*, planta elegans, cuius tamen vsum adhuc nullum potui inuestigare.

*Balsamum alpinum* Gesneri, ex alpihus non procul à Bauariæ lacu, quem *Degersee* vocant, accersitum. Sed quamuis ob miram elegantiam cultu hortensi dignissima sit hæc planta, nimium tamen cōtumax locis mitioribus viuere penitus refragatur.

*Bamia*, Triono Rauvvolfij congener, nisi sit eadem planta natali solo lætius proueniens. Difficulter crescit, interdum sed raro semen apud nos producit.

*Barba Capræ Tragi & Fuchsi*. Eius prima germina, nisi tegantur, plerumq; pruinis aduruntur. Flores odorati sunt, mirifice apibus grati. Aqua destillata oculorum doloribus insigniter prædest. Florum

Florum aquā intelligo & ex relatione aliorū habeo, nam herbae *Tragus* vim causticā tribuit. Bauari vocāt *Xösch im Hauf*.

*Barba hirci* flore luteo & purpureo. Peculiaris species missa, minor priore à Iosepho de Casa bona ex insula Illua. Crescit quoque in altissimis Apennini iugis flore albo.

Plantæ quæ semen proferunt, emoriuntur, sed ex semine nimis lata se propagant. Radices teneræ expetuntur in acetarijs. Aqua ex hac planta destillata, vulneribus prodest imposita.

*Barba Iouis*, pulcherrima arbuscula folio argenteo, cuius Plinius meminit lib. 16. c. 18. Tarde prodit è semine vere lato & maturius si autumnō seratur. Pingitur in Herbario Lugdunensi. Difficuler seruatur per hyemem.

*Beid el far*, missum semen à peritissimo Pharmacopœo Veronensi Francisco Calceolario, magnitudine & figura seminum paruulæ *Zucchæ* vel *Colocynthidis* pyriformis, cinericeum tamen & plurimū repræsentans colorem nucis *Vornicæ*. Planta hinc orta folia habebat Lauri vel Nerij, sed multo breuiora, nigricantia, dura, vegeta, quorum bina ad singulos exortus caulem amplectentia sibi inuicem opponebantur, lacte plurimo si frangerentur manantia. Sed cum vix palmi altitudinem assecuta esset, nam tardissime crescebat, incepit extabescere, nec vllō ingenio per hyemem asseruari potuit.

*Bellis maior*, quam aliquando hic in cuiusdam amici horto forte fortuna reperi luxuriantem pleno flore.

*Bellis media* & minor, simplex & plena, alba, rubra, incarnata, varia, prolifera. Sapius debet transplantari. Hyemem acriorem difficulter fert.

*Bellis alpina* ex Noricis alpibus folio longiore & crassiore vulgaris. Succum Bellidis in vulneribus capitis experientia constat vtiliter adhiberi.

*Berberis*, quo nihil vſitatius in montibus Bauaricis & Noricis



in Italiam vsque, vbi Crespinus vocatur. In orientalibus regionibus vbique adhuc Amirbaris secundum Auicennam vocatur, & Damasci, Tripoli & Beryti serapio ex illo confecto nihil vsitatus. Non videtur doctis cōuenire cum Oxycantha Græcorum.

” Eius interior luteus cortex, quo etiam pictores vtuntur,  
 ” puluerisatus opt. est in Aphthis, item cum aceto non adeo  
 ” acri & aqua plantaginis in impetigine.

*Beta alba*, lutea, nigra, rubra, subfalso alimento gaudet.

*Betonica flore albo*, ex montibus Pannonicis primum à clariss. V.

D. Aicholzio missa. Reperta postea in agro quoque Vuirtenbergenfi, & circa Vuinshemium.

*Betonica Pauli quorundā*, Veronicæ cognata herbula. Dodonæus Veronicam foeminam vocat. Spōte in hortis tam inter gramina, quam in arcolis nascitur.

*Bifolium*, ternis foliis in hortum delatum rursus degenerat.

*Bisermas*, Hormino nostro vulgari vel Sclarcæ dictæ congener planta, sed minor multo & acuminatioribus foliis, flore albo: gratiore quoq; odore & nonnihil Ocymum æmulante. Horminum Syriacum vocari poterit. Nam D. Bern. Paludanus secum delatum ex Syria mihi communicauit.

*Bistorta*, cuius quædam species minima alpina, quæ à me in hortum translata alteram ferme altitudine æquauit, *Serpentaria* vel *Bistorta* vulgari magis se propagantib. radicib. & graminis modo reptantibus. Aliam describit Clusius in Pannonicis, non degenerantem.

*Blattaria lutea*, duorum generum: altera quatuor cubitorum altitudine longe superans, hirsutior, seminum plerunq; ternæ, quaternæ, quina & plura etiam vascula coniuncta habens, in cacumine tamen interdum singula: altera vero est humilior, singula vascula proferens, foliis altera multo viridioribus. Abunde crescit sua sponte apud nos & in Ba-  
 uaria

varia inferiore. Reperitur & purpureo flore elegāti, folio obscure virente. Est & tertia albo & in medio purpurante, puluisculo quodam flauo conspersis staminulis, flore pulcro prædita, mihi primum à Iosepho de Casa bona communicata, quæ quotannis vberime ex semine se renouat. In hac peculiare insectū nascitur, magnitudine lentis rotundū, *κολεόπερον*, candidum, macula in medio nigra ornatum, vt procul intuenti perforatum videatur.

*Elitum rubrum*. Item varium, cuius folia vt refert doctissimus Costæus, rubro virenti & luteolo ita distinguuntur, vt Pstacum æmulentur. Admirationem eam nostris peperit, vt primum huc translata Herbæ admirabilis suscepit nomen. Vnde apud nos quoq; vulgus vocat Papagen federn. Ad symphoniam Plinij congruit.

*Berrago* albis floribus & alia cæruleis vulgatio, quæ interdum autumnno locis opacis consita suauerubentes producit.

*Botrys*, Italis Patientia. In Mishia vocant Lungenfraut. Nam ad pulmones male affectos mandunt herbam & cum pauco vino deglutunt. Cum melle inde fit Electuarium ad vitia Pulmonum.

*Brassica* multæ species, quæ passim ab autoribus enumerantur, imprimis Cypria siue Pompeiana, quam vulgo Caulifiori vocant: Rapicaulis, Apiana crispa, Alba Genuensis. Fit melior sub salso alimento, vnde Aegyptij nitro aquæ admisto, eam aspergunt. Brassicæ semen quare degeneret in rapum vide Costæum de natura stirpium. Certum est si semen nimis in calido loco torrefiat, ita degenerare. Brassicam conglutinare vulnera non frustra Galenus tradidit lib. 7. de Simpl. Med. facult. Nam ex vino nigro atq; austero incocta folia vtiliter admodum adhiberi in magnis & sinuosis vulncribus certū est.

*Brassica sylvestris* siue Campestris Clusij.

*Brassica marina*, Soldanella. Non omnes apud nos hyemes fert.



- Mirum item est quod semen viginti annorū nobis aliquoties  
 ,, hic prouenerit. Puerulis ad 3 .j. & vltius datur in conserua  
 ,, Saluæ & Rorismarini. Brasauola.  
 ,, *Bryonia* baccis nigris & rubris. Succus huius commendatur in  
 ,, Epilepsia.  
*Buglossum Italicum*, vel Hispanicum grande cæruleis & interdum  
 albis, interdum variegatis floribus.  
*Buglossum semper virens*, flore paruo, depictum & descriptum à  
 Lobelio. Cæsalpinus ad Lycopsin refert & Buglossum Hispani-  
 cum vocat.  
*Buglossum luteū*, Lingua bouis vel hirci dicta. Crescit copiose in  
 Aquitania. Præter foliacum Buglossis nihil habere videtur  
 commune. Anglicæ tamen mulieres in maiore precio ha-  
 bent quam Buglossum verum. Forte *ὀνοκίχλη* vel vt alij *ὀνοχέλη*  
 Theophr. cichoriaceis annumerata, inter quæ asperrima vi-  
 detur, & ab asinis cognominata vt illa anchusæ species 2. apud  
 Dioscoridem, vt similes haberent labra lactucas.  
*Buglossum sylvestre Tragi*, Echium Fuchsi, sponte crescens: inter-  
 dum flore albo circa hanc urbem reperitur.  
*Bulbocastanum Tralliani*, Oenanthe Matthioli/ *Erdfeisten/ Schüz*  
*fersnuß*. Cæsalpino Geranium primum Dioscoridis. Copiose  
 crescit in monte S. Petri dicto prope Salinas Saxonicas, vnde  
 cū alijs pluribus rarioribus plantis habui opera summi mei  
 amici D. Balthasaris Brunneri Archiatri in Salinis Saxonis  
 præstantiss. In editis Aruernorū montibus copiosissime nasci-  
 tur altitudine cubitali. Plurimum prouenit ex semine per  
 maturitatē sponte excidente, quo tempore, vt aliæ plurimæ  
 plantæ commode quoq; seminatur. Vere autē incunte ter-  
 ræ mandatū ægerrime pronascitur, & interdum integro an-  
 ni spacio delitescit, nec nisi altero demū prodit. Radix initio  
 vix pisi magnitudinem habet, tandem vero per ætatem iu-  
 glandē satis grandem superat: diu enim viuit nec, vt multarū  
 umbelli-

ymbelliferarum, semine maturescence cassâ redditur. Satis dulci sapore prædita est, nonnihil tamen acedinis coniunctum habet. Itali Pancaescolum vocant, quod agrestibus casci cum pane vicem præbeat.

*Bulbocastanum* alterum minoribus foliis & bulbis, in tractu Rhenano frequens. Vtrumque putarunt quidam esse Dioscoridis Buniū.

*Bulbocastanum coniophyllum*, quod sic ob folia Cicutam imitantia recte dixerim. Cicutaria Pannonica Clusii, Bienniū solūmodo durat hæc planta, vel ad plurimum triennium. Nam è semine quo per totam hyemem iacuit intra terræ viscera, ineunte vere demum pronascitur folijs binis, oblōgis, acuminatis, angustis, ut multæ huius generis plantæ, à quibus tamen hoc discriminis obtinet, quod alterum germen non è medio horū, sed iuxta pediculum, quo ambo nituntur, ex ipso bulbulo, qui vix orobi granū æquat, enascatur. Id si non eodem anno iustam magnitudinē affecutum fuerit, siue altero caulē proferre quauis causa prohibitum; quod vtrumque tamen raro contingit, tertio demum anno floret ac semen perficit, & marcescente radice penitus interit, semine interim sparso multipliciter se restaurans. Integram descriptionē. vide apud Clusium in Pannonicis.

*Bulbus Eriophoras*, è cuius bulbo & folijs lana copiosa extrahi potest. Sed nunquam in his regionibus proferre voluit flores, imo nech hyemem nimis acrem perpeti potest, quamvis in Austria & alibi etiam negligenter cultus in loco umbroso & minime ventis exposito perduret.

*Bulbus sylvestris Tragi*, Sisyrinchium Cordi, Ornithogalum luteū sponte enascens.

*Bunium adulterinum* seu Pseudobuniō Dioscoridis quorundam, Carpentaria, herba S. Barbaræ, Nasturtium hyemale, Herba Sancta nonnullis & Fistularia. *Käbressig*, spontanea plāta, hyeme ob virorem tantum foliorum quæ tandem rubent, & nigrescunt, in hortis habenda.



- „ In acetaria etiam tunc temporis recipitur & non paucis ad  
 „ fistulas per sanandas commendatur.  
*Buphthalmus Dodonæi*, Pseudohelleborus Matthioli, frequens in  
 Bohemia circa Pragam & in Thuringia prope Ienam.  
 „ *Buphthalmus Matthioli* & Tragi cuius flores in Ictero vtilis præ-  
 „ dicantur, iisdemq; ad tingendos capillos in lixiuio vtuntur  
 „ mulierculæ.  
*Bupleurum*, Cordo Isophyllon, cuius decoctum calculosis com-  
 „ mendatur. Planta etiam vulneraria est.  
*Bursa pastoris*, eleganti folio, instar Coronopi repentis.  
*Buxus* idonea topiario operi: cuius ligno multi vtuntur tanquã  
 antiballomeno Guaiaci, quod tamen improbat Leuinus Le-  
 mnius in Biblicarum herbarum explicatione, miram histo-  
 riam hac de re commemorans.

## C.

## C A C A L I A Austriaca.

- Cachrymarinum*, Crithmo congener, forte spinosus Dodo-  
 næi, hortensi cultu lætior ac minus spinosus redditus, semen  
 fert Hordei magnitudine.  
*Cakile* Serapionis, planta maritima in Italia. Purgat satis valide.  
 Radix est inutilis. Eruca marina.  
*Calamintha montana*, copiose nascens in mōtibus Euganeis pro-  
 pe Patauiũ & in Vicentinis, vnde nactus sum, alijs præstātor.  
 Crescit quoq; in Veronensibus montibus & in Sæneuo Lin-  
 „ guagotiæ. Medici quoq; Taurini aquam feliciter exhibent in  
 „ mensibus promouendis. Facile in nostris hortis sese propa-  
 gat, etiam ex furculis.  
*Calamintha* 2. *Nepetella* in Italia.  
*Calamintha* vulgaris.  
*Calamintha alia*, flore rubro circa Francofurtum ad Moenũ spon-  
 te proueniens.

Cala-

*Calamintha Cretica*, exiguis foliis, incanis.

*Calendula*, cuius meminit quoq; autor libri de Dynamidijs, falso Galeno ascripti, siue Poëtarum *Caltha*, medio luteo flore & ruffo, simplici, pleno, reflorescens & prolifera. Crescit sua sponte, teste Gesnero, circa Monspelium. Vt trifolium noctu folia contrahit. Si in fictili hyeme asseruetur, præsertim magna reflorescens, nõ secus ad *Leucoia* & *Cariophylli* fruticosa euadit. Singulis mensibus floret. Aqua stillatitia oculorum doloribus medetur. Eius decoctum commendatur in Ictero. Suffitus ex floribus secundas elicit, quod remedium Mizaldus magnificat. Folia eius siccata in furno optima in fluxu albo. Efficax herba in peste. Semina *Calthæ*, oxalidis, portulacæ, plantaginis vermibus infesta.

*Caltha palustris*, flore pleno. *Gesüllt Ruckert* in Bauaria. Ruelius vult esse *Chamæleucen*. In Anglia sua sponte non solum plenis sed odoratis etiam floribus passim sese offert.

*Calamus aromaticus*, vide *Acorum*.

*Campana pyramidalis*, siue lactescens κατ' ἐξοχλὺν, præ reliquis plurimo lacte scatens, depicta à Lobelio & Lugdunensibus.

*Camphorata* Monspeliensium.

*Canna Indica*, flore purpureo pulcerrimo, interdum primo anno floret, sed rarius apud nos. Diligentius in fictili asseruata secundo quoq; floruit. *Xiphium Indicum* Italici.

*Capparis*, Fabago, Andirian Rhasis, & Ardisfrigi Auicennæ, secundum D. Rauvolfium, qui eius picturam publicauit: scribitq; se reperisse circa Alepum, vocariq; ab incolis Morgsani: ac esse ingrati odoris, unde ibidẽ vsurpāt cõtra vermes. De cultura veræ *Capparidis*, quæ quidem nobis prouenit, sed paulo post exarescit, legendus Quinquernus de laudibus Prouinciæ.

*Carduus hortensis*, siue *Cynara*. Eius species multæ sunt, capitulis non spinosis & spinosis esculentis, eisq; vel oblõgis vel latiusculis discernendæ. Spinosissimis præditus est quẽ Cardum



vulgo vocāt, nec vefcis, aculeis lōgis armatis. Colitur tamen opertus ac terra obrutus, vt ftolones teneri gulæ arrideant. Is veterum Cactus eft, de quo Theocritus Idyl. 10.

ἀλλ' ὑπολάττει

ἄπ' ὧς ποιμένας ἄς τὸν πόδα χέλι' ἐτυψεν.

*Sed longe fequeris velut agnus ouilia cuius  
Cuspide spina pedem pungens discidit acuta.*

Spontaneus est apud Brutios, ideoq; nostras hyemes minus ægre fert quàm delicatus ille, qui spinas mangonio deposuit, cuius etiam in Geoponicis fit mentio.

*Carduus Benedictus*, Italus sanctus, *Atractylis Aloysij* Anguillaræ siue Cnicus sylvestris secundus Theophrasti. Folia eius tenera adhuc præsertim circa capita succo cruento, vt *Atractylidis* veræ, madefcunt si defringantur, minus tamen euidenti vt in  
,, illa. Magni vbiq; vsus planta cōtra putridos & malignos mor-  
,, bos. Succus eius cum eiusdē decocto per plures dies bibitus  
,, Epaticis vtilis. Arnoldus de Villa noua ex eo contuso, & in  
,, vino cum axungia & triticea farina probe cocto ad vnguenti  
,, formam parat opt. Medicamentum ad vlcera quæuis profun-  
,, diffima, si bis in die adhibeatur. Extractum vtile in morbo  
,, Gallico, palpitatione Cordis & in quartana. Aqua eius cum  
,, aqua Cuscutæ & ligustici in faciei rubedine vtilis est.

*Carduus stellatus*, *Eryngium Guilandini*, *Calcatrepola*. Radice vtuntur huius Francofurti loco vsitati *Eryngij*, cum tamē si-  
,, mul ibidē copiose crescat. *Stellaria* Horatii Augerij excellen-  
,, tifs. Medici, qui ad calculū in suis epistolis doctifs. plurimum  
,, prædicat.  
,, *Carduus Solstitialis*, siue Spina solstitialis. Allobroges nominant  
,, Aureoles ob floris colorem aureum & florem atq; radicem  
,, mirifice prædicant valere in Cachexia, hydrope, febrib. diu-  
,, turnis, virginum decolore facie & aliis obstructionibus. Eius  
,, decocto vel destillata aqua rustici vtuntur ad coxendicis do-  
lores,

lores, pūctiones laterum, lienis tumores & sudorē ciendum.  
*Carduus Mariæ* vulgaris, & alia eius species, cuius semen subal-  
 bicans inueni inter Epithymum è Creta delatum, sed ad fru-  
 gem non peruenit frigore superueniente corrupta radice &  
 mox cōtabescentibus foliis quæ teneriora erāt & plane simi-  
 lia illi carduo quem itidem Lacteum nuncupat D. Rauvvol-  
 fius, vel Beduguar Arabum cū Syriacis herbis aliis mihi com-  
 municatum, flore purpureo pallescente, caule exalbido, spi-  
 nis nitidis è luteo albescens. Fortasse idem fuerit. Nos Ico-  
 nem ex sicca delineatā ad finem libri cum cæteris reiecimus.

*Carduus eriocephalus.*

*Carduus mollis* tenuifolius, cuius icon extat in Pānonicis Clusij.

*Carduus montanus*, foliis Helenij nō spinosus, capite rubro, fre-  
 quens in mōtibus Hermundurorum circa vrbes metallicas,  
 non multum differens à Carduo molli latifolio Clusij, in cu-  
 ius descriptione huius quoque meminit.

*Carlina* sessili flore *angul.*, & alia caulem proferens, alioquin ab  
 hac nihil diuersa. Nam plerunq; si eo anno floruerit, quo in  
 hortum transfertur, sine caule permanet, sin minus, multo  
 latior altero anno assurgit & cauligera fit.

*Carlina alia* caule cubitali, cum priore copiose nascens in mon-  
 tibus inter Mainingam & Smalcaldiam.

*Carotta Italica*, radice rubra & alba. Daucus Theophrasti secun-  
 dum Anguillaram. Volunt aliqui esse *αντιβαλλόμενα* Been rubri  
 & albi, non omnino male.

*Carthamus* siue *Cnicus*, flore croceo, albido & cæruleo. Sunt quæ  
 duæ hæ species postremæ penes sed à gelu acriore muniendæ.

*Carum Venetys missum*, à nostro non multum diuersum, nisi cul-  
 tura aliquātum vegetius. Huius radice plurimum delectan-  
 tur apri, atq; ideo prata caro referta admodum vastant.

*Caryophyllata vulgaris*, Item Montana similis vulgari: elegantior  
 tamen & maioribus floribus prædita est: & altera alpina, quæ



ad Albis fontes in Bohemia frequēs, à Matthiolo & alijs depicta. Thomas Penneus Medicus Londinensis præcipuus, rerum naturalium peritissimus, amicus meus singularis, in monte Lupo Gallia reperit floribus albis. Itemq; palustris. Galli Sanamundam vocāt. Geum putatur esse Plinij. Bibitur cum successu eius decoctum in vulnerib. internis & ad lateris dolores utilis est.

*Caryophylli domestici* maiores & minores, candidi, pallide rubentes, rubore intenso nitentes, purpurei, varij, Mirum tam elegantem florem veteribus fuisse incognitum, vnde alij alia illi nomina antiqua tribuerunt, de quib. alias. Iphym apud Athenæum lib. 15. quidā esse voluerunt, annotante doctissimo viro Dalechampio, Sed Bulbosam esse illam herbā ex Theophrasto liquet. Singulare est huius florib. ut lasminis & Rosis, quod interdum primo tabescēte flore similem aliū in eodem pediculo producant. In sitione quoq; propagatur. Vidi aliquando ad tantā crassitiem in longævis plantis caulem sine stipitem peruenisse ut brachij mediocris æquaret crassitudinem. Flos est Cardiacus & in peste utilis. Estq; eius Syrupus efficax in eiusmodi affectibus, itemq; conferua.

*Caryophylli sylvestres* odorati & inodori sanguinei coloris, flore pleno. Item Armerij flores dicti & inter hos, qui eleganti flosculorum stipatura umbellam cōficiunt. Cartheuserblum lin/colore albo, rubro & variegato.

*Castia Aegyptia* siue purgans, quæ tamē difficulter ad alterum annum seruat.

*Catanance quorundam* Scorpioides Bupleuri folio à Lobelio depicta.

*Caucalis* flore minuto, & alia coronata umbella: vtraq; ex aruis in hortum translata, illa ex Thuringia, hæc ex Babenpergens agro, pulcherrima. Trago *Uckersletten*. Depingitur etiam à Lobelio.

*Caucalis*

*Caucalis Hispanica*, superioribus fere similis non tamen spinoso semine sed rugoso nonnihil, eoq; elegantissimo, sed pusillo flore in umbella incondita. Tota planta lac habet dulce in modum Chærefolij, sed copiosius, quod etiam ex immaturo semine contracto promanat. Radix tamen eo caret, nisi forte initio antequam caulescat planta etiam lactescat, quod tamen nondum obseruavi. Sapor est Apij.

*Centaurium maius*, à Centauro Chirone sic dictum, à quo *Cotinus* Achilles edoctus fuit. Affertur ex Apulia de monte Gargano siue S. Angeli dicto, ac pro Rhapontico venditur. Quod mirum non est, cum Oribasius quoq; collect. lib. 15. eos nō male sentire scribat qui Rheum vocent *Centaurium magnum*. Lucanus Thessala Centaurea vocat, à loco. Succus eius hic in crebro vsu contra cachexiam & alia Epatis vitia. In quorundam hortis aliquando diu durat, sed necesse est vt sint soli expositi & areolæ non nimis altæ & hyems paulo mitior.

*Centaurium minus* in hortum sæpius illatum imprimis vero pulcrum & vegetum ex monte prox. S. Mauritij, cubito altius & plurimis cauliculis dense stipatum, sed inani conatu, cū nolit coacte crescere. Copiose reperitur flore albo tum alijs in locis tum in quadam syluula prope Augustam Vindelicam qua iter in Bauariam Fritbergum versus. Habetur & luteo flore.

„ In Italia præcipui Medici exhibent in Ascite tertio quoq; die  
 „ eius pulueris ʒ. j. cum sem: carui & anisi in vino vel in deco-  
 „ cto aliquo. De hac planta doctiss. Medicus & poeta Ioannes  
 „ Postius hoc eruditissimum distichon composuit.

„ Flos mihi suauis rubet, sed inest quoq; succus amarus,

„ Qui iuuat obsessum bile, aperitq; iecur.

*Cepa Hispanica* siue oblonga, quā Lobelius pingit. Gesnero Spanisch Bley.

*Cepæ* Alphonsi Pancij excellentiss. Medici Ferrariensis, alijs Marina. *Telephium* quorundam semper virens. Radix non-



nihil odorem refert Rhodiæ radicis, folia tamen sunt rotundiora & crassiora. Libenter assuescit nostris hortis.

*Cerasa omnis generis*, inter quæ reperiuntur plane cerea, quæ pruno sunt insita, sed non adeo sapida. Quædam arbores flores producant plenissimos instar paruarum rosarum sed fructû non adiiciunt. Est & cerasus racematim fructum ferens: alia binos vel ternos in vno pediculo. Item Chamæcerasus. Vide multa philologica de cerasis apud Goropium Becanum in suo Vertumno.

*Cerefolium* apud Columellam Chærephyllon, & Chærophyllon.

Dodonæus existimat esse Anthriscum Plinij. Anguillara in suis opinionib. Italicis putat esse Apiû montanû siue Oreoselinû, quærit in hunc vsq; diem in Græcia pro quadâ specie Apij haberi. Huius succus in iusculo gallinaceo vtiliter in colicis dolorib. datur. Herba autem frixa in butyro umbilico imponenda.

*Cerinthæ* vulgo, maior. Telephiû Lutetiæ maculosum vocant, quamuis doctis viris hæc appellatio non arrideat. Cerinthen Plinij putat doctiss. Dalechampius esse Calendulam à cerco ipsius flore sic appellatam. Annua hæc est planta excrescens admodum longelateq;.

*Cerinthæ minor*, quam Gesnerus Berghunds jung & Fleckenkraut appellat, addens folia tenera in acetarijs comesta non displicuisse. Non est annua vt prior. Vtraque videtur accedere ad Almaru Auicennæ.

*Cerrus* Clusij in Pannonicis.

*Chamacissus vulgaris* siue Hedera terrestris. Huius decoctum & infusum in calculo laudatur. Aqua destillata & 44. dies continuos bibita, autore Ludouico de Leonibus Medico olim Bononiensi insigni, in suppuratione pulmonum efficax. Ioannes Lerijs Burgundus in sua Hist. nauigationis Brasilianæ meminit cuiusdam remedij quo ipse & socii post longam & extremam inedia in mari passam, ex qua διαρροία & stomachi

chi vehementi solutione consistabantur, feliciter vsi sunt.  
 ,, Accipitur ius hederæ huius cum Oryza probe coctum cui ad  
 ,, ignem vitelli ouorum sunt miscendi; Sumitur ad modum  
 ,, pultis.

*Chamadrys mas* vbiq; in montib. Noricis & Franconicis nascens.

Eiusdem species folio duplo maiore, floribus albis & rubellis in eadem planta pro Teucrio missa.

*Chamadrys femina* nimis abunde in horto ex semine sese spargens. Chamæpithys altera Dodonæi.

*Chamadrys alpina*, quorundā Leucas, flore albo eleganti in pappos abeunte. In montib. Sabaudicis itemq; Heluetiæ Stockhornio & Nesso frequens, vbi vocant *Hirgwurz*.

*Chamelea Germanica*, Zeydelbast/alijs Daphnoides. Flore reperitur quandoq; albo.

*Chamelea vera*, alijs Tricoccos, Mezereon. In horto difficulter asseruatur, locis subterraneis per hyemem habenda. Propagatur surculis.

*Chamæleon niger* Bartholomæi Maranthæ, cuius siccam plantam optimus vir mihi ipsemet aliquando Neapoli cum alijs rarioribus plantis communicauit.

*Chamæmelum odoratum Italicum* simplici flore, quam plantam aliquando reperi copiosissime nascentem sua sponte in villa olim splendidiss. Adriani Imperatoris prope Tibur. Itemq; flore pleno elegantiss. quam primum Dn. Ioannes Brancion p.m. Mechilinio huc misit, vnde alij acceperunt. Retulit tamen mihi vir Cl. D. Ioannes Mathesius Medicus doctiss. qui iam Dantischi magna cum laude artem Medicam exercet, se a'iquando forte fortuna in Gallia per agrum Aureliensem reperisse. Hæc apud nos hyemem nō æque fert vt altera. Facile tamen ex vna plantula sese rursus propagat.

,, Multa inde præclara remedia parantur, atq; inter alia ex  
 ,, floribus imprimis aruensis oleum cærulei coloris optime in  
 colicis



colicis doloribus. Itemq; aqua cum pulegio & scordio exhibita ad menses promouendos.

*Chamæspilus* in alpiibus *Máspi* vocant. crescit & durat apud nos in hortis, Epimelis quorundam.

*Chamemorus* folijs laciniatis & altius insectis quā vulgaris, alioquin augmenti tarditate solum discrepans.

*Chamæpeuce Cordi* Matthioli Rosmarinum sylvestre. Ad Cistum refert Clusius. Copiose crescit in syluis & solitudinibus Bohemiæ, Pannoniæ & Marchiæ ac similibus alijs in locis. Difficulter vt aliæ nimis sylvestres stirpes culturam horti admittit. In Saxonia *Gichtaßen* vocāt, quia medetur Ischiadicis, alibi *Zeitheide*. In syluis Thuringiæ circa Ienam appellant *Wiensfraut*, quia ea apes delectantur. Vtuntur rustici ad pecorum Scabiem & mulieres eius in seffum adhibent ad menses cindos. In Marchia cymas cereuisiæ imponunt ad inebriandos homines. Alij vestibus apponunt ad arcendas tineas, vnde *Schabenfraut* nominant.

*Chamæpitys* Aiuga. Huius esu oues marcidas restitutas esse affirmat Brassauola in simplicium examine.

*Chamæpitys carulea* Clusii.

*Chamaesyce*, quotannis ex semine rursus enascens. Circa Bononiam ubiq; crescit.

*Chelidonium* siue Chelidonia vt Serenus fecit, vbi loquitur de aurium & capitis vitijs.

*Chelidonium minus* flore pleno. Quod habui ex horto cultiss. Dn. Adami Keckij Pharmacopœi Francofurtensis.

*Chondrilla purpureo* flore radice crassa.

Nascitur in montanis locis Misniæ siue Hermundurorum prope vrbes Metallicas.

*Chondrilla flore caruleo*, Italis Cacciapore, qui in acetarijs eius radice delectantur.

*Chondrilla*

*Chondrilla tota hirsuta* frequens in Hassia. Hyeme in cibo coctam & acetarij quoque instar conditam auide comedunt.

*Chondrilla rara* Lobelij siue Crupina Belgarum.

*Christophoriana* in alpibus crebra, in quorum editioribus locis exilior prouenit. Aconitum racemosum Maranthæ. *Wolffswurz*/Christoffelskraut. Habetur pro venenata planta.

*Chrysanthemon* planta annua, ex semine se propagans, quod est amarissimum cū in foliis nulla sit amaritudo. Duas alo eius differentias, alteram folio magis cæruleo & minus dissecto, alteram virentiore & plures diuissuras habente.

*Cibage*, ex Orientalibus regionibus à D. Paludano delatum semen nigrum, acuminatum: vnde prodijt planta Pini forma, sed tenerior.

„ *Ciceres* albi, purpurei & nigri. Notandum secūdum Plutarchum  
 „ in his nullas bestiolas aut vermes innasce, cum ferme aliæ  
 „ plantæ omnes peculiaria generent insecta: quare Ethnici al-  
 „ legorico sensu in ceremonijs connubialibus adhibebant.

*Cicer sylvestre Matthioli*, fructu tamen nonnihil differt, quia maior & oblongior est.

*Cicuta maior Cordi*. Nascitur in Bauaria, plurimum circa Landshutum oppidum, ad fossas & sepes.

„ *Cicuta minor Cordi*, qui refert quod ob similitudinem cū petro-  
 „ selino quibusdam huius usus fuerit perniciosus.

*Cicutaria palustris*, Cicutaria quædam semine Chærefolij, caule plerunq; quodammodo procumbente, nec prorsus erecto. Duæ eius species floris differentia notandæ: nam in vna est candidus in altera purpureus. Dalech. in Historia stirpium Vniuersali, Lugduni edita describit.

*Cicutaria palustris alia* siue Phellandrium. In horto crebra irrigatione aliquantisper alitur: nō tamen ita vegeto caule crescit, vt in aquosis brachij ferme crassitiem æquat vel etiam nunquam superat.



*Cichorium commune flore albo.* Huius semina non possunt bene eximi, nisi madescant. Sic enim cōceptacula aperiuntur. Flores cichorij, consolidæ regię & eyani in acervio formicarū in vitro bene obturato per mēsem reliquātur: liquor inde collectus oculis instillatus eos reddit multo limpidiores. Aqua ex floribus tantum destillata datur in calculo præsertim pueris.

*Cichorium verrucarium* siue Zazintha Matthioli.

*Cineraria*, Iacobæa Marina, alijs Artemissia Marina, Nō libēter in nostris hortis vivit. Depingitur à Lobelio. Reperi illā olim in littore Maris prope Ostiā rariorem plantarum pleniss. cum me eo deducerent aliqui Romani Medici doctiss. inter quos erat excellentiss. Hippolytus Saluianus qui præclarum opus de piscibus edidit.

*Circea Monspelliensium*, apud Lobelium, late serpens in hortis: quā reperi copiose nascentē in sylva Hassiaca inter Melsingā & Rodenburgū: in quo ultimo oppidulo Hortū quoq; instructiss. habet illustriſs. princeps Vuilhel. Lādgravius Hassiæ.

*Cirsium vtrung*, tam spinosum quam lene. Item Grande aliud bienne & aliud exiguum perenne.

*Cistus mas*, fruticosa planta, diu durans, si hyeme recte in fictilibus custodiatur. Passim in Italia, potiss. vero in Hetruria circa Rivas & in littore maris ad portum Herculis crescens.

*Cistus femina*. In montibus Euganeis circa Patauium frequens: vbi vocant Saluiam sylvestrem. Et inde afferunt venum Patauium Hypocistidem. Minus facile tuta præstatum à nostri aeris iniurijs.

*Cistus annuus* flore luteo Clusij in Hisp: Huius flos inter omnes max. est caducus. Statim enim mane vbi floruit, rursus decidit.

*Cistus* flore luteo folijs Ladani Italici ferè. Planta est adhuc pusilla, vt non possim affirmare nunquid alij depinxerint. Pro peculiari Florentia missa.

*Citria*

*Citria mala* siue Medica, alijs Citrangula. Rariss. apud nos fructū maturum producunt, quamuis floreant. *Destillatur aqua ex* toto Citrio pomogustu suavis, admodum cordi & cerebro conferens, quo utimur in febribus putridis & malignis cum conserua acetositatis citri. Huius semina, vt & arantiorum & limonum cum cortice ad 40. vel plura comesta aluum soluuunt, q̃ Diosc. notauit & Brassauola in tractatu de purg. medicamentis verum esse asserit. Genus quoddam grande in Prouincia Quiqueranus de eiusdem laudibus commendat pulcritudine admirandum, Ponsiros in Prouincia vocant, inde etiam Melissophyllum herbam Ponsiraram ob odorem nominant. Magnitudo quæ capiti humano, medulla exigua, præcrasso cortice, flores odoratiss. qui de portari nequeunt, quod triduo fatiscant.

*Clematis altera* flore albo, Flammula repens Dodonæi.

*Clematis altera flore purpureo* topiario operi aptissima.

*Clematis Pannonica* cæruleo flore, folio pene Asclepiadis.

*Clematis Daphnoides* siue Peruinca apud Plinium flore cæruleo maior & minor: quæ interdum reperitur flore quoque albo.

Item purpurea Austriaca à Clusio missa flore eleganti pleno.

Ad sistendos menses vtuntur Galli. Folia ore retēta sanguinis fluxum è naribus erumpentem compressisse frequenter vidimus, inquit doctissimus Costæus in libro suo de stirpium differentijs.

*Clematis minima*, Forte i. Plinii lib. 24. c. 15 quam describit rostratis foliis ad similitudinem penularum iacentem in aruis. Sed quod addit sistere aluum & sanguinem magis conueniet Daphnoidi, quæ illi tertia est. Interim Fumariam Clematidē vocemus, flore albo, foliis Split, pro quo aliqui habent, nec folliculis aut semine dissimili, admodū Caustica. Split album Lobelii. Corydalis non est, quæ florem edit luteum, nec radix conuenit. Copiose crescit in maritimis Belgii locis.



*Clinopodium* maius & minus.

*Clinopodium maius Matthioli*, flore candido circa Pauonouiam Bauariæ repertum.

*Clinopodium Dodonæi*, Marum putat esse Ruellius ob affinitatem vocum. Mastich enim vocât Galli. Dalechampius existimat esse Helenium odoratum Theophrasti.

*Cneoron Matthioli*, è semine natum.

*Cobes*, Maluæ species, non inelegans futura, quantum ex rudimento colligi poterat, si ad frugem peruenisset, Clariss. Viri Doctoris Paludani ex Syria reducis munus. Semen reliquarum maluarum semine minutius.

*Cochlearia*, de quo doctissimum commentarium edidit Ioannes Vuicrus, excellentissimus Archiater Ducis Iuliacen- sis.

„Ad Stomacacem vtuntur Saxones vtiliter, præterea eius suc-  
 „cus recens exhibetur felici successu in magnis lienib. atq; co-  
 „rum obstructionibus.

*Colchicum Hispanicum* paruum.

*Colchicum Pannonicum polyanthum*, flore albo: quamuis in Germania quoque interdum flore albo reperiat, sed non ita referto in vna planta. Colchici radicem vere amarissimam esse, autumnò dulcem annorauit Costæus in suo de plantarum natura libro. Crudus enim multus humor per hyemem diffusus in æstate coquitur, & sic in autumnò fit dulcis. Ego vero autumnò amaram deprehendi cum hic sæuaret pestis & quidam impostores plebi pro antidoto venderent. Idem annorauit à quibusdam stirpibus duo florum germina prodire. Colchicum enim præter suum quem Croco similem edit autumnò, alterum verno tempore herbaceum proferre interdum animaduertitur.

Gesnerus annotauit aliud Colchicum subobs- curo flore præ altero & minore crescere circa Tigurum in Heluetia Aprilis initio cum alia omnia in autumnò floreant.

*Colus Iouis* Dodonæo Oruala tertia, Camphorata alijs quia odorem Camphoræ refert. Per vniuersam Pannoniam frequentem esse tradit Clusius.

*Colocynthis*. floret quoq; in nostris hortis sed fructum minime fert. Quæ vna, (inquit Costæus) vno in loco planta nascitur, damnant medici vt nimia præditam violentia. Caute illa intra corpus vtendum. Nam Dodonæus in suis obseruationibus medicis refert, robustum hominem cui in enomata drachma vna illius fuerat vsurpata, non diu supervixisse: cui mox post mortē aliquot deinde horis sanguis copiosus per sedem effluxerit.

*Colocynthis nigra* Pyriformis.

*Colutea vesicaria* Welsch Genetbaum/ Gallis Bagenauldier, Heluetijs Berbrütne Rûchlin. Spûte crescit circa Monspeßulum „ ad montem Lupi in valle. In copia maiori quam Sena data „ purgat, quod sæpe expertum se esse scribit Brassauola in lib. „ de Medic. purgantibus.

*Colutea Scorpioides*, peculiaris species folio rutæ, per hyemem & frigora diligenter munienda. Depinxit etiam alias Clusius in obs. Pann. Crescit in Gallia circa Monspeßulum & in vicinis Viennæ montibus.

*Consolida maior* flore albo & purpureo. Symphytum maius. Huius flores in vino rubro cocti bisq; in die sumpti in cruenta vrina optimi. Succus Consolidæ maioris bibitus ad duas vncias in lethargo & profundo somno commendatur.

*Consolida tuberosa* vel nodosa Lobelij, in Matth. nostræ editionis verius depicta: quā copiose aliquando inueni circa Salzburgum, inde in hortum translata admodum se propagauit.

*Consolida media* pulchra flore albo copiose crescens in locis humidis Sueuiæ prope Dillingam & ad pedē montis S. Mauritij.

*Consolida minima*, siue Prunella flore purpureo vulgaris & rarior quoq; albo. Nascitur asperis circa Miltenburgum Franconiæ



opidum. In libello de Dynamidijs, qui falso ad Galenum autorem refertur, bene describitur.

*Consolidaregalis*, siue Flos Regius flore albo, incarnato, purpureo, cæruleo, minore & maiore. Itē vtraq; tam maior quam minor flore pleno. Cæterū maior præsertim purpureus flos hoc habet peculiare, quod folium corniculo annexum si pandatur literas AIAIA inscriptas ostēdat, vnde Cæsalpino Hyacinthus poëtarum habetur, de quo Ouid. in Metamorphosi:

*Ipse suos gemitus folijs inscribit & AIAI  
Flos habet inscriptum, funestaq; litera ducta est.*

Itemq; Theocritus, Idyll. 19.

Νῦν ὑάκινθε λάλει τὰ σὰ ρεάμματα καὶ πλεον AIAI,  
λάμβανε τοῖς πετάλοισι.

*Nunc hyacinthe sonet tua litera scilicet AIAI,  
Nec tamen hoc satis est, AIAI plus ergo loquatur,  
Literulaq; velis folijs inscribere plures.*

Vt Eqbanus Hæssus vertit.

Alibi etiā τὰν ρεάπλεον ὑάκινθον vocat fœminino genere. Virgilius vero habet ferrugineos hyacinthos 4. Georgicān. Præterea AIAcis nomen eodem folio poëtici hyacinthi contineri testis est Ouidius eodem in loco, Metam. 10. Apollinem de altera fabula vaticinantem inducens his verbis:

*Tempus & illud erit quo se fortissimus heros  
Addet in hunc florem folioq; legetur eodem.*

Satis superq; forsitan ad persuadendum videri possent hæc alicui, nostram Consolidam regalem esse hyacinthum poëticum, qui non legisset etiam reliqua apud Ouidium eodem loco supra citato: non enim iidem horum flores sunt.

*qui lilia si non*

*Purpureus color his argenteus esset in illis.*

Nec tamen idcirco putandum est Eruditissimum Cæsalpinum

Num hæc nō legisse, vnico Plinij loco quē citat, contentum:  
Sed potius in ipsius sententiam eundem, q̄ magis sit cōsenta-  
neum ex hoc ipso hyacintho puerū illū poëtis decantatum,  
quam ex puero hyacinthū natum olim esse, vt illi haberēt q̄  
fingerent & pingerent pro lubitu siue lilij siue qua potissi-  
mum arrideret figura. Si vero cuiquam hæc non sufficiunt al-  
lium hyacinthum sane per me quærat siue in Alcynoi hortis,  
siue in Elysijs campis, saltem memor poëticum florem non  
nisi in poëticis hortis quærendum esse.

*Convolvulus ceruleus*, Nil Arabum vel potius Habal Nil Serapio  
nis, Latine granum Indicum. Hafniten circa Alepum. vbi  
multū crescit, Persis Acafia, Italis Campana Azurea aut fior  
di notte: quia noctu potissimū floret, sole oriente clauditur.

*Conyza maior*, grauiſſimo odore, longe alia à Bacchari Monſpe-  
lienſium. αἴθες ἢ πρὸς κατακονύσαντάς γε ἀποθνήσκει διὰ τὴν καλεχθέντα.

Caprę & oues vbi Conyzam comederint, siti detenta pereūt.

*Conyza Hippocratis*; lib. 2. de Morbis Mulierum, secundum Aloysium Anguillarā. Crescit prope Ariminū ad mare copiosiss. & in Dalmatia. Aliis est Ambrosia aut Artemisia marina, de qua supra, quod tamen Anguillaræ non placet.

*Corchorus* siue Melochia, Olus Iudaicum. Nam vt D. Rauyvolsius annotauit in suo Hodeporico, Iudæi cocta folia cum carne edunt, sapore enim acetoso prædita sunt. Crescit copiose in hortis Alepi. Raro apud nos semen affert. Annua planta. Semen paruū est, cæruleum. Lobelius florentem depinxit. Nos ex Gesneri typis semē & folia cum barbulis exhibemus, quæ in Lobeliana pictura fuerunt omissa.

*Coriandrum*, copiose in Selandia colitur. Aliqui his qui omnia medicamenta fastidiunt, præsertim pueris dant catarthicum. Nam post primam cum Saccharo, vt vocant, confectioem aspergunt puluerem Diacrydij recte correctum, & rursum more vsitato Saccharo obducunt.



*Coris Matthioli.* In Liguria ad Cararam oppidum prouenit foliis Thymi vulgaris largioribus & tenuioribus, Hyperico alias non abfimilis quo ad flores. Estq; odorata herba.

*Coris Monspeliensium*, ex semine prodijt & durauit in fistili per hyemem, herbula elegans à Clusio in Hispanicis depicta.

*Cornus*, vbiq; nota arbor. Cuius fructus (inquit Hermolaus in corollario suo) syluestres dulciores sunt quam urbani. Quod ita se habere comperi & plerunq; etiam maiores esse. Syluestris fruticat tantummodo, sed cultura in arborem pulcram, redigitur. Sponte in Thuringia locis decliuibus & syluosis, montium prouenit, vbi parant ex baccis electuariū dysentericis conuenientissimū, quibus etiam vtiliter in cibo dantur. Scribunt arborem è semine lapilli quem cōtinet fructus, crescere, non surgere è Surculo vt alias arbores. Ego vero vtroq; modo prouenire obseruauī. Semen osseum tota hyeme latet sub tellure antequam prodeat.

*Corona imperialis*, Tusci Turcarum. De quo vide Clusium & Lobelium & ceteros.

*Coronopus satiuus*, Herba Aella Italis, Cornu Cerui Gallis. In accarijs vtuntur. *Hirschhorn Salat.*

*Marinus*, Halæ Saxonū spontaneus ad salcos lacus. Aliquantisper in hortis durat, sensim tamen extabescente radice tandem euanescit.

*Repens Ruellij*, qui etiā circa Lipsiam in Misnia sua sponte prouenit.

*Cortusa Matthioli*, nomen accepit à suo inuentore Nobili Patuino Iacobo Antonio Cortusio, tota odorata, vt ipse refert, loci natalis forte beneficio, nam apud nos præter florem nihil vel parum olet. In valle Stagna dicta agri Vicentini ipsemet olim reperi. Sed non tantum ibi crescit, cum Clusius quoq; in Pannonicis obseruatio. eam exhibeat. Inde oleum paratur ad vulnera admirandum. Ad Caryophyllatas refert Lobelius & alij.

*Cory-*

*Corydalis Galeni*, vt fert coniectura, nam nullam descriptionem addidit autor, sed adhuc in Græcia vocatur similis planta κορυδαλίον. Alio nomine Split & herba Sclauonica nuncupatur. Nascitur enim copiose in Illyria, Item in Hetruria & circa Narbonam, & vt alij volunt, quoq; circa Lucarnam. Chelidonium Capnon potius facit Historia stirpium Lugdunensis & Corydalidis nomē attribuit Fumariæ bulbosæ, siue Radici cauæ.

*Costa*, herba in Italia alibi Ingrassia di porci. Crescit in aggeribus foliis in terra prostratis pinguibus instar Hieracij: & quantum ex iconē cognoscere possum, conuenit cum Hieracio „ latifolio Clusij. Singularis vsus in Phthisi, vnde cōseruam, „ Syrupum, puīuerem ex illa exhibent in Misnia & alibi, Item „ que fercula inde parantur. Aliam hoc nomine in suo de stirpibus opere proponit Cæsarpinus, nimirum quam Matthiolum Pseudocostum vocat.

*Costus hortensis*, secundum Cassianum Bassum, qui nomē Costi adhuc retinet in Græcia. Italis herba S. Mariæ, Menta Græca. Vtilis stomacho & cordi amica. In sylua Martia non procul à Lenskirch syluestrem eius speciem prouenire aiunt.

*Costus spurius Matthioli*. Panax Chironium quorundā, aliis Pharnaccum, aliis Ferula Sagapenifera.

*Cotinus*, Coccygria Plinii, κοκκυνθία Theophrasti secundum Clusium, frequēs in alpib. Tridentinis. Vtuntur tam foliis quam radice ad tingendas vestes. Solius huius arboris semē in papum abit.

*Cotula fatida*. Huius decoctum commēdatur in hydropicis plurimum. Sponte in puluinos irrepit.

*Cotyledon*, primum in autumnno prodiit vere satum.

*Crithmum*, vulgo Creta vel Salsa marina, Fenocchio marino. Floret secundo anno.



*Crithmum secundum Matthioli forte*, vide Cachry marinum. Semen enim Cachryos fere habet.

*Crithmum tertium Matthioli*, è semine papposo nascitur sed difficulter.

*Crithmum quartum Matthioli, Sichelkraut* à figura. Vbiq; apud nos in segetibus proueniens, an *pelovitis* illa Tralliani diuretica.

*Crocum hortenſe*, ex Austria aduectum, hyemis prodigiosi superioris anni sæuitia prorsus abolitum. Dicitur & masculino sexu Crocus, vt Virg. in Battarum: *Corycio crocus editus aruo*.

Olim Corycius, Lydius è monte Tmolo, Sicanius è Sicilia commendabatur. Nunc vero Samnitius circa Aquilam, Gallicus, Hispanicus, nec minorē laudem meretur Austriacus circa Viennam.

De huius cultura scripsit poëma quidam Iustulus Spoletanus, Romæ editum.

Crocus & Melilotus dum virent, quoniā humidiora sunt, minus olent quam arida. Hic adeo est thoracis affectibus amicus vt sint qui ad 9 s. atq; etiam vnū cum dimidio mōſci grano & vino optimo calido propinando asthmaticos curauerint. Ad respirationem ex nimio frigore prohibitam eodem modo plurimum conducit. Huius extractum rite præparatum in minima copia datum per os, difficilem partum promouet corroborando imprimis vires grauidæ & foetus.

*Crocus* Autumnalis syluestris.

*Crocus montanus* Theophrasti.

*Crocus vernus*, flore vario, purpureo & aureo. A Clusio habui ex Pannonia. Inuenitur quoq; in Allobrogum montibus niuosis, terra nigra & pingui.

*Cruciata*, Asperula aurea Gallio cōgener. Dodonæus post Asperulam collocat. Vulneraria planta, imprimis herniosis utilis.

Pota thoraci, ventriculo, venis mesaraicis & viscerib. obstructis

Etis prodest, excrementa pituitosa foras pellit, ideo appetitum ituat. Spontemauult quam coacta crescere.

*Cucumis sylvestris*, siue *Asininus*. Crescit copiose in Italia ad moenia vrbis Bononiensis. Huius radices cum melle ad formam linimenti redactæ cicatricibus plurimum medentur. Vtiles quoq; sunt in doloribus capitis illi contusæ impositæ.

*Cucurbitæ* variæ, longæ, latæ & stellatæ siue sessiles pulchræ. Indicæ siue *Zuchæ*.

De Cucurbitis Indicis spacio 25. dierum à satumaturis scribunt Historiographi noui rerum Indicarum quarum meminit Quiqueranus Gallus in libro de laudibus Prouinciæ.

*Cupressus* arbor ex semine prouenit, sed per hyemem & frigora in fictili diligenter custodienda.

*Cyanus maior*, flore cæruleo, purpureo intus vmbilico, qui & albo quandoq; flore reperitur.

*Cyanus minor*, flore cæruleo, purpureo, candido & rubro, & ex his coloribus misto. Interdum flore pleno reperitur. Vtuntur huius floris decocto aliqui in palpitatione cordis. In Saxonia eius manipulum in cereuisia cum butyro coquunt & exhibent in Ictero & Ischuria.

Cum aqua florum destillata extrahitur succus ex Cancro viuo contuso & eo gingiuarum puerorum in dentitione illinuntur. Puluis florum vna cum capitibus puluerisatis, exiccatis prius, erisypelati vtiliter inspergitur.

*Cyclaninus vernus*, à D. Clusio primum communicatus, altero rarior & odorator. Item æstiuus vulgaris ex quo folio hederaceo quidam habetur. Sphæritis Aëtij secundum Bononiensium sententiam in suo antidotario. In partu accelerando efficac, quod & Diosc. notauit.



*Cydonia malus*, cuius fructus sunt varii generis. De usu Medico ligni Cydonij scripsit peculiarē libellum doctiss. Medicus Ingolstadiensis D. Cyriacus Lucius.

*Cymbalaria*, Patauipotiss. frequens in murorum maceris: ex turculis decerptis statim se propagans.

*Cyminum satium*. Vide Plutarchi eruditissimā explicationem in Symposiacis prouerbii istius: Amici ad salem & cyminum vsque.

*Cyminum sylvestre* globosum & alterum Matthioli, quod Clusio potius est Hypecoon.

*Cynocrambe*, siue Mercurialis mas & foemina.

*Cynoglossum*, paruum cinereum Creticum dictum, Itemque Italicum. Brassauola de Med. purg. ait copiose nasci in Padana Insula ad D. Georgii pontem prope Ferrariam, gaudereque  
 ,, locis arenosis. Aluuna mouet in aqua decoctum cum oleo &  
 ,, sale. Radices Cynoglossi cum farina aqua subacta obducantur  
 ,, & in cinere calido seorsim frignantur, deinde ablata farina  
 ,, instar suppositorii adhibeantur in dolorib. interiorum mariscarum.

*Cyperus longus*. Ingens eius copia in vallibus Pedemontii reperitur. Nisi singulis tribus annis transplantetur in horto, non perdurat.

*Cyperus rotundus*, cuius species est nigras durasque & inodoras radices habens, qui fert facilius nostrum aërem quam odoratus.

*Cyperus dulcis*, Thrafi siue Dulcichinum. Funtranellus in Regimine senum existimat esse Granum azelen apud Arabes, & conferre ad *ἀρροδισια*. Alii Cremorem illius commendant ad vitia pulmonum. Radices ante hyemem è terra eximantur, alioquin putrescunt & rursus primo vere aqua maceratae illam recondantur.

*Cytisus Galeni*, adhuc in Surrentino tractu frequens, vnde habui primum opera D. Maranthæ. Ex surculis terræ mandatis celerime prouenit, sed hyemis apud nos impatiens.

*Cytisus Tragi*, Lagopi species, olim Pes Milui officinis.

*Cytisus supinus* prope Lausannam frequens suffrutex.

*Cytisus Columelle* in maritimis crescens. Glaux à quibusdā dicta, herba candicans, hirsuta tota, astrictorio gustu: foliis quinis, ex quibus tria sicut in trifolio figura & situ se habent: alia vero duo cauli propiora sibi inuicem opponuntur vt in Pseudomeliloto quorundam, quam os Gåle Taubenfröpsle vocamus, quibus & flores figura similes, quæ & leguminum est, & seniliter in corymbis colore differūt. Duo enim inferiora florū folia inuicē opposita (inter quæ recuruus ceu auis alicuius vnguis latet & in eo siliquæ futuræ rudimentū) colore albo sunt, superius autē foliū singulare maius ex albo purpurascit. Coliculi ab vna radice plures circiter XV. assurgunt, teretes, pilosi, quorum alij breuiores, longissimi vero cubitales penē sunt. Folia mollia in molles mucrones desinunt, quina vt dixi, per interualla, alternante per caulem situ. E semine prouenit, & plerunq; tertio demum anno floret, Iulij principio. In Germania sponte natā hactenus non obseruaui, nec nasci puto, cum adeo ægre ferat nostras hyemes. Ramuli ex ea decerpti ac terræ mandati annum integrum vixerunt ac virore cōseruarunt sine radice. Huic cognatum esse puto Dorycnio Monspelij existimatū, sed lignosius, minoribus folijs. Sponte gignitur circa Pisam & in Samnitibus itemq; in Bononiensi agro.

*Cytisus niger* siue maior Pseudocytisus Cordi forsitan. In montibus Bauariæ inferioris frequens præsertim circa Ratisbonā. Hanc satis elegantem plantam tota æstate florentem in topiarijs hortensibus primum habui à Nobiliss. viro & rei herbariæ studiosissimo Domino Paulo à Lobelsingen, Domino in Ram.



**D**A M A S O N I U M nothum Dodonæi de Floribus Calceolus Mariæ. Heluetij, in quorum montibus cubitum æquat, nominât *Aucken Ballen*. Helleborina punicea seu ferruginea Dalechampij. Crescit passim versus montana loca circa hanc urbem & in Franconia. In Bauaria vero & Heluetia flore duplo maiore. Afferunt quoq; interdū reperiri flore albo. Gesnerus putat non male conuenire cum Cosmosandalo Pan-  
 „ sania. Dicitur vulneraria esse & vulnera recentia curare.

*Daucus Creticus verus*. Nō facile apud nos seruat. Crescit quoque in Italia in montibus Vicentinis & Baldo ac monte Generoso prope Comum.

*Dauco Vulgari congener* Sefelios Peleponnensis nomine ex Italia missa, perquam aromatico semine, folijs pulcre virentibus, nitidissimis.

*Dens caninus* siue Dentali: alij ad Hermodactylum referunt. In Styriæ passim montanis reperitur, sed etiam ex Italia habetur Puniceo flore. Rariorem quoque alo, qui candidum fert.  
 „ Vtuntur in Epilepsia radicibus.

*Dentaria bulbifera* heptaphyllos & alia pentaphyllos.

*Dentaria maior Matth*. Squammaria siue Squammata ob radicem similē squammis. Vnde Saxones *Schupwurß*. Apud nos *Blumenfraut* / *Fraischamfraut*. Crescit passim in syluis magis vdispotissimū ad Betulas. Floret in Aprili & Maio sine folijs,  
 „ deinde plane arefcit. Eius aquæ destillatæ vsus apud nos cre-  
 „ berrimus in fluxionibus varijs, epilepsia & similibus affectib. Horto nunquam voluit assuescere quamuis sæpe in eum transtulerim.

*Dictamnus Creticus*. Ex semine aliquoties nobis creuit & florem produxit copiosum. Nisi vero pangantur plantæ, raro, etiam diligenter asseruatæ per hyemem durant. Satius igitur est vt  
 „ furculis

furculis propagetur, qui in alterum annum florem produ-  
cunt. Huius suffitus foetum mortuum extrahit. Plutarchus  
in Gryllo: Quis Capris Cretenſibus præcepit vt ſagittis iſtæ  
dictamnium quærant quo comesto cuspides extrahunt.

*Pſeudodictamnus Matthioli*, ad me Florentia miſſus, nihil habet  
cum priore commune, quemadmodum Anguillara huic de-  
ſcriptioni cõuenire negat. Hodie vocât in Græcia *καλίκριθία*.

*Dictamnus albus*, Fraxinella vulgo, Tragium Penæ, Peonia maſ-  
cula Tragi. Plurimum infeſtatur à formicis, ſed calce aſperſa  
abiguntur, quod in alijs quoq; plantis eſt obſeruandũ. Quic-

quid vero apud veteres ſit, cõſtat ſemen eius vtiliter admodũ

exhiberi epilepticis, ſicuti quoq; eius conſeruam. Aqua illius

vtuntur intra corpus cõtra peſtem. Veneti ad oculos inflam-

matos. Romæ quoq; circumfertur ad faciem albam reddend-

am. Oleum ex floribus opt. in doloribus articulorum ipſis

inunctum. Radicis decoctum ad venenatas beſtiolas è cor-

pore abigendas eſſe efficax experientia teſtatur.

*Digitalis* flore albo, purpureo & luteo, item ex diluto purpura-  
ſcente. Coſtæus nominat Verbaſcũ digitem. Alba & lutea

paſſim in Germania creſcit, purpurea in Rhætis prope Curiã.

Folia decocta leniendi aluũ vim obtinent. Bononiæ vocatur

Aralda & putatur eſſe vulneraria, vnde prouerbiũ Italicum:

Aralda, tutte piage ſalda.

*Dorea herba* vtraque maior & minor, communicata à C. L. V. D.

Ioã: Aicholtzio Medico Vienneniſi. Videtur ad conſolidã au-

ream accedere. Lobelio ſubijciente videndum an ad Panax

Chironium Theophr. & Pharnaceum Plinij ſit referenda.

*Doronicum* minus ac vulgatiuſ & alterũ Auſtriacũ à D. Cluſ. de-

ſcriptum latifoliũ. *Gemſenwurſ*/qa radice Capræ ſylueſtres

admodũ delectantur, quã (referentib. venatorib. qui & ipſi ea

radice vtũtur intra corp⁹ cõtra vertiginẽ & in comitatu Tyro

lenſi nominât ab hoc effectu *Schwindelwurſ*) copioſe ingur-

gitant,



gitant, & diu ita famem tolerant. Vnde circa Nouembrem  
vbi capiuntur in ventriculo eorum reperitur pila siue globus  
ex eiusmodi radicibus & aliis plantis alpinis quam vulgo vo-  
cant *Gemsenfugel*/quales multas vidi & aliquot habeo: sunt-  
que odoratae, quibus vtuntur similiter contra vertiginem,  
Disputatur à multis an sit *Doronicum* venenatum, quod de  
nostro certe nequit affirmari, de qua re alias copiosius disse-  
remus. Bononienses in suo antidotario admittunt *Doroni-*  
*cum* vfitatum, aut pro illo *Caryophyllorum* dimidium vel  
*Galangam* aut *Zedoaria* par pondus substituunt.

*Dorycnium Monspeliensium* à Clusio in Hispanicis accurate pictū.  
Quod ipsum vel similem saltem strigosius in campis aspe-  
ris & lapidosis circa Fruxingam Bauariæ inueni. Longe aliud  
Aloysius in Samnitibus reperit vt est videre in suis opinionio-  
bus Italice impressis.

*Dracunculus maior*, Matthiolo minor (de maiore enim ipsius est  
magna dubitatio) *Dracontion*, serpentaria. Crescit quidem  
apud nos, sed ægre fert hyemem frigidorem; ac raro florem  
ac semen profert.

*Dracunculus aquaticus* *Plinij*, In hortis nisi irriguis non viuit.

*Draco hortensis*. *Tarchon* *Auicennæ*. In *Acetariis* expetitur & se  
propagat ex germinibus.

*Dryopteris* Hortum non amat, è vicino monte *S. Mauritij* trans-  
lata. *Filix* elegantissima à *Trago* perquam belle depicta

## E.

**E**CHION *Matthioli* flore albo.

*Echion Fuchsi* spontanea planta, cultis nasci gaudens.

*Elaphoboscus* *Plinij*, missus *Florentijs*.

*Elatine* *Matthioli*, longe glabrior in horro & lætius virens red-  
ditur quam quæ sponte in aruis prouenit.

*Elichrysum*,

*Elichrysum*, alijs *Heliochrysum* Matthioli. Hispanis secundum Clusiū *Scoba hedionda*, id est *Scopa foetida*. Apud nos cre-  
scit & semine in alterum annum propagatur.

*Italicum* eiusdem Matthioli, *Millefolium luteum*.

*Creticum*, *Stœchas Citrina* altera odorata Lobelij, cuius  
iconem accuratiorem dedimus in Matthioli editione.

*Endiuia hortensis*, & *Romana* crispa imprimis elegans.

*Enula campana*, siue *Helenium*, copiose ex semine se propagat.

» Vtilis herba ad vitia pulmonis, ad quod extractum ex florib.

» & radicibus vtile.

*Epimedium*. Crescit in Italia in agro Vicentino, vbi vocant luna-  
riam, & in Illyria producit florem & semen, quamuis Diosco-  
rides non viderit, quod etiam illi de Dictamnino accidit. Ser-  
pit plurimum in horto, vnde necesse est vt proprijs quasi  
cancellis includatur.

*Erica maior* & procerior Italica. Buchanan. in hist. Scot. lib. i. me-

» moriæ prodidit, In insulis Scoticis Ebulis homines esse in-

» cultos, qui lectum sibi parant ex filice vel Erica, radicibus de-

» orsum, frondibus sursum versis, adeoque scite cōciannnt, vt

» mollitie cum pluma certet, salubritate longe superet. Erica

» enim naturali siccandi vi prædita superfluos humores exhau-

» rit, neruisq; eorum molestia liberatis suū vigorem restituit,

» ita vt qui vesperi languidi & lassī decubuerint mane vegeti &

» alacres resurgant.

*Eruca maior*, minor & tertiā Anglica foliis latis. Similibus

*Verbenacæ* vulgo dictæ sed lætius virentibus: florib. minutis,

luteis & paruum relinquentibus post se semen in strictissimis

filiquis.

*Eruum verum* Sibæ *Orobis*.

*Eryngium vulgare*, passim in Franconia inter vineas & in via cre-

scens, apud nos raro admodum vel potius nunquam occur-

» rens. Radices conditæ multiplicis sunt vsus & imprimis hy-

h

dropicis



dropicis & aduersus nephriticos morbos vtilis, generationi etiam conferre certum est.

Eadem contusa inq; forma Cataplasmatibus applicata circa vmbilicum in grauidis abortum metuentibus foetum cui denter retinet, cum nihilominus decoctum eorum bibitum partum adiuuet. Plutarchus in libello quod max. cum principibus sit disputandum philosopho, tradit: Eryngium si vna capella in os sumat, ipsam primum, mox totum gregem subsistere, donec accedens pastor eam eximat, tantam vim celeritatis odorem eius habere. Eryngii radicem contactu occidisse Salamandram asserit Cardanus in suis comment: ad Aphor: Hippocratis.

*Eryngium marinum* in littore Veneto copiose nascens.

*Eryngium totum caeruleum*, elegans planta. Sponte crescit in montibus Allobrogum, & imprimis in pratis circa Taurinum, vbi pumila quaedam illius pulcerrima species sese offert.

*Eryngium capite dipsaci*, nobile dictum à Gesnero, quod perit postquam semen tulit, sed ex semine statim terræ iniecto altero anno rursus prodiit.

*Eryngium Pannonicum* latifolium descriptum in obser. Pannonicis Clusii.

*Eryngium Vegetij*. Anguillara vult esse Scolymum Theophrasti, cuius etiam in 2. Operum & dierum Hesiodi fit mentio.

*Erythrodanum* siue Rubia tinctorum. Colitur copiose in Silesia & Selandia, atq; etiam in Belgio & alibi. In horto radicibus suis repentibus nimis est molestum. Decoctum huius radicis regii morbi colorem emendat. Aqua inde destillata optima ad vlcera oris, addito pauco alumine & melle rosaceo.

*Euonymus* Pannon: vterq; Clusii.

*Eupatorium Auicennae* siue aquaticum ( quod idem tamen volunt esse cum Græcorum, autores Bononiensis antidotarii) vulneraria planta est. Huius radices accedere ad vires radicū

Helle-

Helleborialbi in se ipso expertum esse D. Gēsnerus perhibet. *Euphrasia* flore luteo à Lobelio descripta quæ reperitur in montibus Austriæ & quoq; in Franconia à me inuenta est. Ad caliginem oculorum commendatur, non tamen quamuis, sed tantum in frigido affectu. Calefacit enim & siccatur, Quare nõ conuenit vinum Arnoldi de villa noua, sed potius officit, vbi est Spirituum inopia.

## F.

**F**ABA rubra, alba, maior & minor, itē syluestris alijs Aracus. *Ferula* quam quatuor cubitorum vidi Monaci, vnde habui, in horto illustrissimi principis. Crescit etiam ad promontoriū Misenū & in tota Apulia vberime, in qua propter defectum lignorum eam potiss. ad instruendos focos vsurpant. Martialis vocat ferulas tristes sceptrā pædagogorū. Nam ea manus discipulorum olim cadebant magistri.

*Ferulago*, Ναρθηλέων Theophr.

*Ficus*, tam magnos quam paruos fructus proferens: item albos quo ad interiorem pulpam, quas habui ex horto illustris. principis Vuilhelmi Landgrauij Hassiæ &c. Ad annos 60. & vltius perdurat, quæ in senectute, vt testatur Plinius, quoque lacrymam destillat gummi instar. Annosa arbor apud nos quoque, si à frigoris iniuria muniatur, vnde hic quædam præcipua familia eiusmodi arborem adhuc frugiferam alit in annum octogesimum. Ficum Mori germina per insitionem excipisse scribit Plutarchus in Symposiacis: atq; ibidem ait fulmine non rangi, vbi quoq; explicat vt arbor amarissima fructum proferat dulcissimum. Nam vt iecur bile in vnū locum secreta fit dulcissimum, ita Ficus dum in fructum suū dulcedinem & pinguedinem omnem demittit, ipse expers fit dulcedinis.



Ex semine Ficus nihil producitur. Fructum hunc hysteri-  
cis vteroque; esse vtilem admodum nouerat Hipp. quare in lib.  
de Morb. Mul. ad omnes eius affectiones vsurpat exterius, si-  
ue vterum vlcus erodat siue non.

Ficus ruminalis dicta est, sub qua expositi & enutriti fue-  
runt Romulus & Remus, quæ adhuc in antiquis nummis ar-  
genteis expressa videtur.

*Filipendula*, Vrinæ suppressæ atque eius stillicidio non parū suc-  
currit, quare Oenanthes loco esse poterit, quāuis nō omnes  
notæ illi assint.

*Filicula saxatilis*, parua admodum & elegans, alioquin vulgari Fi-  
lici masculæ similis, ex vetustis columnis Miltenburgen sibus  
in hortum translata.

*Filix latifolia Cordi*, siue florida, Osmunda. Reperitur in Misniæ  
locis palustribus passim.

*Flammula recta*. Nam repens eadem est cum Clematite alba, cu-  
ius supra memini, quæ sæuiores hyemes non sustinet.

*Flos Indicus* maior & minor, vterque; flore pleno & simplici. Täge-  
res siue Africanus flos. In Africa, vnde primū allatus, ex Car-  
thaginis ruinis tempore Caroli V. sponte prouenit. Hic nul-  
lo modo intra corpus dandus, habet enim aliquid venenati.  
An Lycopersicum Galeni sit, Dodonæus examinandū pro-  
ponit.

*Flos Solis*, maior, minor & ramosus. Planta maxima, Gigantem  
ob magnitudinem vocant Lusitani. Chrysanthemum Peru-  
nianum. Nostri hortis iam familiaris planta. In Italia 24.  
flores in vno caule producere solet, plures in Hispania, no-  
bis decem protulit. A Nicolao Rassio Chirurgo Regio Gal-  
lico p. m. viro humanissimo, & rerum simplicium peritissi-  
mo, semen missum, quod album florem produceret, sed non  
creuit. Semen purgandi vim habere instar Cartami quidam  
mihi retulit, quod tamen in me ipso periculum faciens non  
potui

potui deprehendere. Adeo autē est huius ferax, vt aliquando ex vno flore abstulerimus duo millia trecenta & sexaginta duo semina matura. Pediculi foliorum vt asparagi comeduntur. Caulis fractus facillime callo obducitur: unde vulnerariam esse conijciunt & ad fracturas conuenientem. Sed hoc signum non sufficit, nam & in maluæ caule idem contingit. Inesse tamen vulnera glutinandi facultatem non negarim. Gummi profuit ex vulnerata planta, pellucidum, rubrum, odorum. Aparent etiam in floribus aliquid resinofum plane terebinthinam substantia & odore referens.

*Flos solis Matth.* Helianthemum Plinij, alijs Panax Chironium, quamuis radix sit expers odoris & saporis. Reperitur quoque interdum flore albo. Chamæcisti species, folio latiore quam vulgo nascentis, ex Italia missa, sed eandem postea circa Bapbergam inueni.

*Fœniculum maius siue dulce Italicum.* Quibusdam verum putatur esse Fœniculum, sicuti nostrum vulgare, Hippomarathrum. Radices in arena per hyemem seruantur.

*Fœnum græcum*, optimū ophthalmicum. Lauatur aqua fontana decies & eius postea decocto spongia imbuta fouentur oculi dolentes.

*Fœnum græcum* syluestre Lobelij.

*Fraga*, omnis generis rubra & alba & inter hæc coloris medij. Semen terræ autumno commissum prouenit. Succus illorū expressus ad multum vrilis, visui imprimis & retentæ vrinæ ac longo tempore asseruatur, viresque vetustate acquirit. Decoctum ex herba & radice diutius vsurpatum cum passulis, ictericis prodest. Stillatitia aqua manantem sanguinem sistit.

*Fraxinus mas.* Floret copiose nigris racemis siue glomulis, sed non fert fructū. Eius cortex interior, (vt Cæsalpinus refert) aquam in qua maduerit, cæruleam reddit, quam apponunt



- 62 gallinis cum morbis diuexantur. Ex hoc genere, inquit idem,  
 63 forte est lignum in noua Hispania repertum, cuius ramenta  
 64 in aqua post horæ dimidum cæruleum elegantissimum red-  
 65 dunt, cum ipsa candida sint.

De Manna quæ in Fraxino & aliis nonnullis arborib. col-  
 ligitur, videndus Costæus, Altomarus & Quiqueranus. Non  
 autem inutiliter monet Cordus, adulteratâ & minime probâ  
 esse Mannam, quæ grumis suis foliorum Senæ partes aliquas  
 complectitur, cum nulla ad nos ex Arabia & Aegypto Manna  
 afferatur, quemadmodum Sena.

*Fritillaria* planta speciosa & rara, *Lilionariscus* purpureus vari-  
 egatus Lobelii. *Meleagridem* ob similitudinem cum plumis  
 auis eiusdem nominis potius vocandam censet Dodonæus.  
 Floret statim primo vere & etiam acriores hyemes ferre po-  
 test. Nicolaus Rassi, cuius antea fecimus mentionem, pri-  
 mus mihi communicauit ac scripsit circa Aurelias in Gallia  
 forte fortuna fuisse repertam. Aiunt inueniri quoque flore  
 pleno, sed rarius. *Narcissus* Caparonius quoque dicitur ab  
 inuentore.

*Fumus terra* siue *Fumaria* vulgaris. Pulnere huius plantæ sæpius  
 exhibito à Melancholia se quendam liberauisse affirmat Bras-  
 sauola.

*Fumus terra* siue *Fumaria tenuifolia*, Hispanica, elegantissime vari-  
 egato ex rubro albo viridi & luteo coloribus flosculo, quæ ex  
 semine plurimum se propagat. Minus est amara quàm reliquæ  
 fumariæ. Pictura est apud Clusium & Lobelium. Habemus &  
 alteram adhuc teneriorem, Syriacam cuius semen D. Palu-  
 danus ex Aegypto rediens nobis communicauit, vt omnia  
 sua, perliberaliter: qui dicebat incolis Seltereis dici. Proue-  
 nit etiam ex vetustissimo semine, nec simul omni agrana e-  
 nascuntur, quæ simul & fere eodem momento terræ man-  
 dantur, sed alia sequente anno. Cuius rei periculum feceris, si  
 longum

longum sulcum duxeris & semina inieceris, mox enata euulseris. Nascentur enim eadē linea, qua illo, quo seueris anno, etiam altero & nonnunquam etiam tertio, quod in nonnullis etiam alijs plantis obseruau.

## G.

**G**ALEGA siue Ruta capraria. Frequens vbique in aggeribus viarum per Italiam. Editur in acetariis & in iure carniū quoque coquitur.

» Alii succum exprimunt & mane ebibunt contra pestem,  
 » venena & morsus venenatorum animalium. Adhæc instar  
 » cataplasmatiss contusam imponunt. Succus & semen vermes  
 » necat. Decoctum in aceto paratum cū Theriaca & Tormen-  
 » tilla ac Cardo benedicto, teste Ingrassia, plurimum valet in  
 » peste & febribus malignis cum petechiis. Prouocat enim val-  
 » de sudorem. Nonnulli succi vncias quinque vel Sex calide in  
 » peste propinant. Hac herba saginantur Gallinæ, & pariunt in-  
 » de plura oua.

*Galeopsis*, flore luteo, folio longo, rectis caulibus, quam quidam

» Vrticam labeonem vocant. Ambrosius Paræus Chirurgus  
 » Regius exercitatissimus in Gallia *Galeopsis* cuiuscunque ge-  
 » neris succum hæmorrhoidibus impositum tradit tumentes  
 » aperire & sanguinem congestum educere. Eodem remedio,  
 » ait, thymum circa Sedem curamus.

*Gallium* flore albo & luteo inter gramina prouenit, & ingruen-  
 » tem tempestatē suauissimo odore prænūciat. Suauius etiam  
 » olet apparente Iride.

» *Gallitricum* siue *Sclarea* cum *Alectorolopho* Plinij hoc habet  
 » commune, quod semen oculis inditum, sordibus purgatis  
 » sponte excidat & visum clarificet. Excellentiss. D. Crato, præ-  
 » ceptor olim meus omni laude & memoria perpetua digniss.  
 » inter



inter alia sua *ῥωσπιδά* commendabat in suffocationibus vteri  
 & similibus affectibus vnguentum ex Sclarea cum butyro co-  
 ctum, cui adijcitur aliquid gummi istius exotici Takamaha-  
 cæ, quod etiam tum vmbilico imponendum.

*Gelsiminum* siue lasminum, Zambach Arabum, flore albo & luteo. Est & tertium Catalonicum siue Hispanicum dictum, cuius flos duplo maior est priore & multo odoratior. Inscritur autem facile in vulgare, sicut hoc in sui generis plantam & in Rosam. Album nunquam mihi semen tulit, sed luteum sæpius, baccas nimirum nigricantes cæruleo liquore refertas. Ipsemet obseruaui cum I. Cæsare Scaligero, furculos lasmini terræ impactos florem produxisse & perdurasse in alterum annum sine radice.

*Gelsiminum siue lasminum Indicum*, sub quo nomine cum primū fuerit ex Indijs aliis communicatum, semper postea hoc nomen retinuit, quamuis sit planta sui generis, & pauca habeat cum Gelsiminis communia. Magis proprie flos Mexicanus à loco natali, Cæsalpinus existimat esse Mandragoram Theophrasti. Eius radix vel negligentius in hyeme asseruata, tam intra quā extra terrā, modo non frigore lædatur, altero anno pulcre repullulat. Germinib. quoq; transplantatur. Hispani vocant florem miraculosum, quod tot coloribus sit præditus ac tantum duret ad meridiem vsque. Hinc *θαυμάριον* quidam, ex Hispanico Marabillas. Habemus enim rubrum, luteū, album & postea infinitas ex hisce coloribus in vno flore varietates. Radicem huius discutere valide tumores frigidos  
 Historia stirpium Lugdunensis annotat. Caustica est tota planta. Diligentissime describitur à Clusio in Pannonicis.

*Genistella*, Genista pumila siue Chamægenista Clusij.

*Genista sagittalis Pannonica*.

*Genista spinosa*, Crebro in syluis Sueuiæ proueniens. Libentius

ex semine, autumnō terræ iniecto prouenit, quam si planta ipsamet vel suæ telluri hærens transferatur.

*Genista transalpina*, siue Hispanica arborescens, cuius flores ante exortum solis sunt odorati, postea vero minuitur odor donec meridie penitus euanescat. In multos annos durat si hyeme recondatur in cellam.

„Vulgaris genistæ lixiuium rite paratum instar clareti Hydropicis est efficax. Succus eius oleo omphacino vel Sinapino exceptus tutiss. est remedium contra pediculos.

*Gentiana maior flore luteo*, *Bitterwurk* in Alpibus dicitur. In horto quidem manet & mihi floruit, sed ægre vltra triennium. Ex semine nunquam vidi prouenire. *Euporiston* medicamentum in febris, quod etiam testatur doctissimus Horatius Augerius in suis epistolis. Simlerus in descriptione Alpium, refert pastores vt gentianis ad vbera vaccarum si à muribus araneis aut alijs bestijs venenatis lædantur.

*Gentiana maior flore purpureo*, ex montanis in hortum translata durat quidem sed ægre & florem negat proferre, quocunq; modo colatur, fitq; deterior potius hoc beneficio.

*Gentiana media* siue *Cruciata*, quæ libentius assuescit horto.

*Gentianella* pratenfis Bauarica minutissima autumnō florens.

*Gentianellas* multas elegantissimas vndiq; conquisiui, sed nullo ingenio cogi potuerūt, vt soli natalis obliuiscerentur & hortum suo decore ornarent.

*Geranium*. Huius admodum multæ sunt differentiæ, nos eas breuiter enumerabimus, quas hucusq; in horto aluimus, à notioribus incipientes.

Supinum paruum, vbique vulgare, *Gruinalis* *Dodonæi*: maius vero huius generis non ita passim obuam vel notum folijs initio rotundis prodit, quæ sequuntur alia althæam referentia, sed mox in plures diuifuras finduntur vt paruum



- vulgatius, attamen differunt, quod minus ordinatim disposita spectentur.
- » Robertianum, ab aliis Sanguinaria dicta, quod ad sanguinem sistendum inter omnia præstet. Duplicem obseruarunt pastores; Quæ omnino viridis est, foeminam cognominant, sed rubentem præferunt, aquæ incoquentes & potui dantes pecori armentisue cruenta mingentibus.
- » Maluaceum siue Balsaminum, Pes columbinus, potionibus ad interna vulnera reliquis præfertur. Ruellius vult esse secundum Diosc: cuius tamen ille vsum in medicina nullum esse dicit.

Althæodes, foliis incanis, mollibus, apud Matthiolum VI. vel vltimum in ordine; imprimis elegans.

Batrachiodes, quod etiam duplex est, floribus cæruleis, idque grandius & rubris, minus.

Hæmatodes, sponte in multis locis nascitur Germaniæ. In autumno tota planta rubra est.

Macrorhizon, Gallis Banatica; grauissimi odoris, præsertim radix. Batrachiodes alterum Lobelij, Statice quorundam, quæ septem floribus roseis, ventrem sistens à Plinio describitur, sed numerus ille definitus hic locum non habet.

Muscatum, siue acus muscata, musci odorem referens, præsertim maturino & vespertino tempore. Ad vrinas ciendas vtile.

Saxatile, in locis saxosis crescens ad riuorum aspergines in Hercyniæ saltibus, à nemine, vt puto, descripra vel depicta herbula, vnde eius iconem inferius exhibuimus. Hygroscolopelon Thalij in sylua eius Hercynia.

Tuberosum maius, primum transmissum à Clusio, planta admodum viuax & copiose se propagans. Hoc primum est Diosco-

Dioscoridis. In Samnitibus (vulgo Abbruzzo vocant) frequens, itemq; in Dalmatia prope Zaram.

Est aliud minimum, in murorum rimis nascens folio, flosculo & tota facie vulgaris maluacci Balsamini vel Pedis Columbini, attamen multo minus: radice auellanae magnitudine, rotunda, tuberosa, nullis fibris, sed veluti acetabulis aut osculis ex parietibus alimentum hauriens. In hortum translatum, vt obseruarem, an mutaretur forsitan, penitus contabuit.

*Geranium Creticum*, longissimis rostris à Lobelio descriptum.

„ Geranium potum calculos renum & vesicæ mirabiliter  
„ frangere Empirici affirmant.

*Gingidium*, vt D. Rauuolfius appellat in suo itinerrario, Syriaca planta.

*Gladiolus peregrinus*, rubro & incarnato flore. Magna frigora difficulter fert, alioquin in horto multis bulbulis sese multiplicat.

*Gladiolus nostras*, sponte nascitur humente solo, in pratis ad stagna, radice duplici. Vulgus ad extrahenda infixam vtritur superiore, quod à Dioscoride quoque illi ascribitur: Vim autem repellendi inferiori tribuit. Alij *Blutwurß* appellant, sanguinem sistere perhibentes. Dioscorides in Euporistis ait superiorem vrinas ciere. Aetius Gladiolum vna cum radice exiccatum contusum & cribratum cum granis Piperis bibendum prabet diuturno colico dolori medicaturus. Folium medium diuisum & in similitudinem coronæ in se connexum, ac pro torque circa collum habitum tonsillas sedare Marcellus Empiricus affirmat.

*Glaux*, paruula herba, ex falso lacu prope Islebiam missa à CL.

V. D. Brunnero. Dodonæus & Lobelius pingunt.

*Glaux alia*, à foliorum glauco colore sic dicta, cum alioqui non multum discrepet à Diosc. descriptione, præterquam quod



non ad mare nasci obseruarem. Flosculis purpureis prædita est, folijs lentis, cauliculis supinis per terram sparsis. Ex fabulosis locis circa hanc urbem in hortum translata:

*Glastum*, siue Isatis syluestris, frequens passim in Thuringia potissimum circa Ihenam.

*Glastum satinum* siue Isatis, ex qua Thuringi non exiguas opes colligunt. De eius cultura & præparatione accuratû scriptum. edidit Henricus Grolachius Gothanus.

*Glycyrrhiza Diofcoridis*, pillulas instar Platani producens. Nostra tamen multo est dulcior & succulentior. Hanc quoque cundo versus Thraciam Constantinopoli in vijs passim crescere Anguillara refert.

*Glycyrrhiza nostras* quam copiose Bapenbergenses colunt & inde quæstum faciunt. De cuius cultura iamdudum commentariolum proprium tanq; de planta populari, meditor.

Goropius in suis Becceselanis hanc neque Theophi: nec Diosc: notam fuisse existimar, sed tantum priorem. Alii tam existimant radicem esse Scythicam apud veteres, & refert Generosus & multarum rerum experientia insignis vir D. Augerius à Busbeck &c. in suo itineralio Bysantino, se in quadam syluula ad Halys fl. ripam copiosiss. hanc quoque sua sponte nascentem reperisse.

» Radix Glycyrrhizæ & flores Tiliæ in vino albo coquuntur & eo calide dentes in eorum dolore eluuntur.

*Glycyrrhiza sylvestris*. Fœnogræcum syluestre Tragi. Et alia priori non dissimilis prope Vuittembergam in monte Apollinis vulgo *Pollersberg* & altero S. Petri non longe à Salinis Saxonicijs proueniens.

*Gnaphalium marinum*, planta tota albicans exceptis floribus subluteis. Reperi plurimû ad littora maris in agro Neapolitano.

*Gossypium*, ex semine prodit & floret, sed fructum ferre per æstatis fugacitatem hisce regionibus non consuevit.

*Gramen*

*Gramen pictum* siue striatū, Mannæ vulgo dictum. Itemque perenne, miliaceū, in syluis non procul ab vrbe nostra ad montem S. Mauricii frequens.

*Cyperoides* in hortum translatum durat quidem & propagatur sed non floret.

*Gramen tuberosum* siue nodosum Lobelij vbiq; sese offerens in saltibus Thuringiæ. Validius cæteris obstructions aperire & vrinam ciere asserunt.

*Gramen marinum* spicatum alterum Lobelij. Maius cuius pictura est apud eundem, ad lacus salios nascitur circa Halam Saxonix. Minus vero in pratis lætioribus & humectis circa Lippiam, quod inter Calamagrosticos species Tragus depinxit.

*Gramen equinum* siue Hippagrostis Gesneri, *Rosgras* circa Tigurum vulgo. Gramen albicans lanuginosum, molle; cubitos duos cū dimidio attingens: Semine laro, satis magno, vt hordei fere. Refert ille in pratis nasci sed parce. Hæbeo ex horto Nobilissimi & præstantiss. viri D. Georgij Riteselij &c. vbi sponte inter cætera gramina proueniebat.

*Gratiola*. Stanca Caballo Italis, quia equi ea planta gustata lan-  
guescunt. Crescit alibi in locis palustribus & in hortis facile  
perit, nisi iisdem locis collocetur. Hic diligenter eam asser-  
uant vetulæ medicastræ in suis hortis, sine discrimine cum vi-  
no vel alio liquore decoctam omnibus febricitantibus pro-  
pinantes. *Weiß aurin* vocant. Flore luteo reperi non procul  
à Genua ad riuulum quendam. Gesnerus nescio quam ob-  
causam nominat Sesamoides. Huius vsus præcipuus in hy-  
drope, potissimum illius extracti cum puluere cinamomi in  
catapotia redacti; itemq; in febribus tertianis & alijs diutur-  
nis cum succo calamenti datur. Gilbenech nihil aliud est quā  
semen huius plantæ; quod nomē adhuc apud Arabes retinet.

*Guaiacana vulgo*. Lotus Matthioli apud Theoph. Dalech. Dios-  
pyros Theoph. Faba Græca Gesneri. In horro durat & fructū



etiam fert nonnunquam. At per hyemem opt. munienda præ frigore, alioqui perit arbor, at radices repullulant.

## H.

**H**ABBVRES elegans planta similis Plantagini strictifoliæ, sed longe tenerior & sursum erigens acumina sua foliola in modum hastarum: capitulis Psyllij, in quibus semen nitidum, ex albo rubellum, Psyllij semini æquale magnitudine, sed colore & figura multo elegantius. Ex Oriente secum detulit D. Bernardus Paludanus.

*Halicacabum* vesicarium siue Alchakengi. Cuius succus vrinam per triduum retentam mouit, teste Brassauola in examine simplicium.

*Halicacabum* siue Solanum Indicum. Primum à Domino Iosepho de Casabona Florentia mihi impartitum, planta antea, vt existimo, incognita, atq; ideo eius picturam addidimus in fine libri. Folijs Solani est, sed caulibus digito crassioribus, nodosis, angulosis, trium cubitorum altitudine: ramis multis, flore vulgaris halicacabi, magis vero in ambitu laciniato, quinquangulo tamen, purpureis staminibus in medio cum nigricantibus & cæruleis apicibus & circa fundum maculis quinque nigris vel purpurascentibus. Folliculis alterius quoque Halicacabi sed viridibus, etiam per maturitatem, aut quandoque qua parte solem spectant, obsoleto colore purpurascentibus. Acini sunt in medio grandes, qui plene maturi totam vesicæ capacitatem explent aut etiam ob magnitudinem rumpunt, in quatuor partes decussatim diuisi, vt extrinsecus apparent, cum tamen intus non animaduertantur illa intersepimenta, si diffecentur, & insipidi vt tota planta, sed vbi pediculo adhærent succo glutinoso Lycoperfici siue Mariorum aureorum odore, obliti sunt: qui an esui sint, nondum

com-

compertum. Planta est annua.

*Halicacabum peregrinum* siue Vesicaria peregrina. Isopyrum quorundam. Cor Indum, Pisum Cordatum. Inter Solana non recte collocatur. Dodonæus existimat conuenire cum grano Serapionis Abrong aut Abrugi dicto.

*Halimus Matthioli.*

*Hederahelix.* Plutarchus in Alexand. memoriæ prodit Babylo-  
nicam regionem nō ferre hederam, rationemq; reddit, quod  
nimis sit calida, cū hederā frigida loca amet. Ex Hederā quæ  
conficiuntur pocula vinum non retinere Cossæus tradit. "

*Hedera terrestris* siue Chamæcyssus, de qua supra pro qua com-  
muniter vsurpatur, vulgo Grundreb/ ad calculum pellendum  
non postrema. Veruntamen Hederam terrestrem Diosc. se-  
nondum cognoscere fatebatur Aloysius Anguillara. Ioannes  
Lærius Burgundus in Historia nauig. in Brasiliam comme-  
morat medicamenti genus quo post longam inedia diar-  
rhæa & stomachi solutione ipse & sui comites conflictati,  
postquam vsi fuerunt, confestim sani euaserunt. Est autem  
eiusmodi. Ius hederæ terrestris est accipiendum cum oryza  
probe cocta, in ipsa olla pannis veteribus restincta: quibus  
igni ad motis ouorum vitelli sunt permiscendi. Confecti-  
onem illā cochlearibus ad modum pultis ori, inquit, admo-  
uebamur. Ac sane nos omnes morbo illo extinctos futuros  
fuisse nisi medicamentū illud adhibitum fuisset, facile credo. "

*Hedysarum* maius & minus, prætera Clypeatū Lobelii, & Scor-  
piuron vti ratione seminis appellari non inepte queat: alijs  
Onobrychis. Vide Clusium in Pannonicis. Securidaca lutea  
circa Ariminum in Italia & in Apulia crebro sese offert, sicuti  
quoque in Dalmatia.

» *Helenium*, cuius magna proprietas ad hilaritatem & gaudium  
» excitandū, vt vult Rondoletius in suis libris de arte curandi:  
quare



„quare Sach: siue conserua ex illo etsi est paulū amara & aqua  
 „destillata non parum prosunt. Laudant quoq; in calculo re-  
 „num. Asthmaticis quoque pro lubitu parata est utilis. Vide  
 „supra, Enula campana.

*Helleborus albus* tam flore in viridi albescente, quam subpurpu-  
 reo, vel attrubente ex horto olim Ioach. Creichij pharma-  
 copæi Torgensis. In Helueticis alpibus *Germer* vocant. *Hi-*  
 „spani Balistariam herbam, cui occulta proprietate Malum Cy-  
 „donium aduersatur. Illius enim mortiferi succi vis quo isti  
 „populi sagittas illinunt ad venationes solo Cydonij odore  
 „prorsus hebescit. Quod Costæus quoque & Matthiolus in  
 „epistolis annotarunt. Idem de Pharico tradunt veteres. Ut  
 „Scorpioni infestum Aconitum cuius ille veneno torpescit,  
 „ita amicum Veratrum album quo admoto reuiuiscit. Pulcra  
 „est admonitio Persii, vitijs & morbis in principio esse occur-  
 „rendū, non vt vulgus facit, quando ad extremū est peruentū.

*Helleborum frustra cum iam cutis agra tumebit,*

*Poscentes videas, venienti occurrere morbo.*

„Hellebori vi Cirrhæi expugnati fuerunt vt tradit Pausanias  
 „in Phocicis. Solon enim eius radices quamplurimas in Plistū  
 „amnem conijciendas curauit: atque vbi satis infectam medi-  
 „camento aquā intellexit, quem prius in urbem in fluentem  
 „auerterat, in pristinum alueum amnem reposuit. Cirrhæi cū  
 „avidius de aqua illa bibissent, alui perpetuo profluuiο labo-  
 „rantes, deferere mœnium præsidium coacti sunt & Amphi-  
 „ctyonibus obsidentibus urbem tradere. En egregium strata-  
 „gema, rem gerere opē herbarum dum armorum non licet.

*Helleborina Dodonæi*, & aliorum. Huius genera aliquot à Clusio in  
 Pannonicis enunratur. Crescit quædam nō longe ab hac  
 vrbe, foliis admodum similibus Helleboro albo, cubitali  
 caule, flore albicante.

*Heleborus niger* syluestris vterq; tam qui dicitur ἐννεάφυλλον, quam  
 alter

alter folio duriore & obscurius virente: & quidem huius potestremi non prioris radices ob penuriam Styriaci vel Italici non male vsurpantur.

*Helleborus niger flore albescente*, cum aliqua diluta rubedine. Reperitur nō solum in Italia potissimum circa Larium lacum, sed in Styria & comitatu Tirolensi copiose. Florētini in suo Antidotario accuratiss. cōmendant eū qui crescit in Eremo de Camaldolo ppe monasteriū. Bellonius obseruauit reperi flore rubescente in mōte Olympo Græciæ & quidā amicus meus mihi retulit talem aliquādo sese inuenisse in Istria non procul ab vrbe Iustinopoli. Excellentiss. Iulius Alexandrinus non semel scribit se expertum esse q̄ tradidit Gal 6 de simpl. Med. facult. hanc radicem vtilem esse fistulæ callosæ si illi immittatur.

*Helleborastrum Gesneri*, vide Bupthalmum Dodonæi.

*Heliotropium maius*. Herba Cancri vel Verrucaria Dodonæo,

Commendat enim contra verrucas. Semel in hortum translata ex semine postea semper se renouat. Tornesol bobo Hispanis: apud quos simul cum maiori copiose crescit.

*Heliotropium minus*, Tornesole. Eius tincturā vilibus linteis exceptam ad nos sub eodem nomine mittunt Hispani. Sæpe à me satum semen in media æstate rursus exaruit, quod in Belgio quoque accidisse Clusius obseruauit. Crescit et in Italia, in agro Bononiensi prope villam Tresolzam, cundo versus Medefanum & in Samnitibus ad Ortonam & Francauillam.

Herba Clytiæ vocatur, quod in hāc mutata fingatur à Poëtis, vnde hi versus:

*Herba velut Clitia semper petit obuia solem,*

*Sic pia mens Christum quo prece spectet habet.*

*Helxine Cissampelos*, apud Theoph. Orobanche, diuersa ab illa altera Diosc. Patauini vocant Broeggiam. Plinio est Scammonia tenuis: ac putatur aliquid cū vera Scammonia habere simile.

k

*Helxine*



*Helxine siue Parietaria*, Herba muralis Plinio. Perdiciū, quia per-  
dices eo delectantur. Vrcolaris Scribonio, nam abstergēdis  
» vrcis apta est. Contusa & cum aceto calide imposita opt. re-  
» medium in enterōcele, vbi tumor excitat dolorem. Herbam  
» parietariam per iocum nominarūt Imperatorem Traianum  
» ppter inscriptiones & statuas plurimas vbiq; ab ipso positas.

*Hemerocallis I. Matthioli*. Bulbifera & sine bulbis cauli annatis.  
Aliquādo reperitur flore pleno sed facile, vt mihi euenit, rur-  
sus degenerat. *Hemerocallis* Diosc. secundū Anguillaram est  
Cynorrhodū Plinij & Martagum liliaceū, forte Crinorrhod-  
um legendum, & eadem est cū Crinanthemo Hippocratis.

*Hemerocallis Chalcedonica Lobelij*. Planta elegantis. & rara. Liliū  
rubrum Constantinopolitanum Clusij in obs. Pannon. Zu-  
finiare Turcis, à quibus allata est. Venetijs sub nomine Maro-  
cali ad nos missa.

*Hemerocallis Valentina Clusij*. Turcice Con Zambach: apud nos  
nunquam voluit florem proferre.

*Heptaphyllum Cordi*.

*Hermodactylus Matthioli*. Lonchitis Cē. V. Vlŷsis Aldroandi  
Bonon. Raro apud nos floret:

*Herniaria*, circa hanc urbem frequens mense Aug. in locis sabu-  
» losis. Aqua destillata opt. in calculo.

*Hesperis nostras*. Itemq; Pannonica à Clusio in obs. Pann. exhibi-  
ta. Præterea Syriaca, quā alio nomine vocant Leucoion Sy-  
riacum, Pannonicæ similis, sed crassior & minus procera, fi-  
liquis rotundis & quasi geniculatis.

*Hieracium Creticum*, pro Endiuia lutea missum. Vocamus autem  
Creticum, quod eius semina postea inuenerimus in Epithy-  
mo ex Creta missa, & à Gesnero similem plantā hoc nomine  
delineatam depræhēderimus. Grandius est vulgari Hieracio  
maiore Matthioli & teneriorib. foliis, initio Endiuia repræ-  
sentantib; sed postea aliquantū insectis instar ferme Sonchi.  
Flore.

Flore luteo in grādi calice & semine papposo, curuo, aspero,  
vnguium modo. Amara est & annua tantum herba.

*Hieracium latifolium*, Matth. maius & minus, spontanea. Item latifolium Pannonicum, de quo supra in Costa herba.

*Hieracium* V. Pannonicum & V. l. montanum circa Landeshtum Bauariæ.

*Hieracium*, foliis & facie Chondrillæ Lobelij.

*Hieracium alterum*, grandius Lobelij, rectum & fruticosum.

*Hippoglossum*, siue Vuularia, siue Biflingua, siue Bonifacia. Quâuis Anguillara verum Hippoglossum secundum descriptionem Diosc. qui dicit Corymbos producere, existimabat adhuc nō adeo bene esse cognitum. Raro ultra annum vel alterum in horto vtpote nimis montana durat.

*Holostium Salmanticum Clusii*, floret primo anno, sed raro semen  
:maturat; Frigoris impatiens est.

*Holostium Loniceri.* Cauda muris, alibi in segetibus frequens.

*Hordeum γυμνόκειρον*, & alterum multis spicis in vno culmo.

*Horminum sativum*, copiose in agro Senensi, sed copiosius crescit in Apulia, Illyria & insula Lesena atq; vniuersa Græcia.

*Harminum sylvestre*, flore caruleo, item albo, quod frequens in Suecia in quibusdam pratis se offert. Itemque rubro, & denique feruie absq; vilo flore peræstatem, Sed in hyeme paruo, caruleo, lupuli odore, simile secundo, quod Clusius in Pannonicis depinxit.

*Hoxocoquomaclit*, sub quo barbaro vel Indico nomine fuit Florentiam & inde ad nos missa. Folia habet propemodum Fraxinellæ, vel potius eodẽ fere modo quo Cassia siliquosa prodit, nullo in costæ extremitate imparitatem faciente folio. Caules & ramuli & foliorũ ora rubent, flores flavi sunt, Cassiæ floribus similes. Hinc emergunt siliquæ oblongæ, cylindraceæ, exterius per maturitatem fuscæ, intus purpurascẽtes, fuscis granis distẽtæ. Radix nigro cortice obducitur, quo ab



raso flavescit, & fibris plurimis constat, vivitque sex tantum menses, gelu impatientissima planta, & apriçū Vulturnoq; expositum locum desiderās, alioquin nec flosculos explicat, nec spem frugis facit. Odor illi grauiissimus & plane abominandus, sapor subdulcis nō ingratus cum aliqua astringitione, pene vti Chebulorum, minus tamen altringens: radicis vero amarus & Polypodij saporem repræsentans cū dulcedine aliqua, nisi quod nō ita filiceum quiddam sapiat. Folia explicat oriente Sole, cadente remittit & in se cōtrahit vt peritura videatur, qui antea non obseruarunt, & hoc quidem cum alijs quibusdam leguminosis habet cōmune. Sed hoc imprimis notatu dignum, alarum canis, qua parte caulem amplectitur latior costarum extremitas, in nasci verruculas paruas rubentes, quæ intensissimo æstu exudant liquorem candidum, purum, pellucidū, vt minutas margaritas referret, si paulo maior ei copia emitteretur. Viscosus is est ac dulcissimus, ideoque à muscis auidissime expetitur. Inesse huic plantæ vim quandam plane peculiarem, nemo negarit qui semel attentius paulo ipsam considerauerit.

*Hyacinthus comosus*, maior siue serotinus, & minor siue præcox. Crescit in aruis passim in Italia. Anguillara bulbum proprie dictum esse volebat, & in Græcia adhuc vocatur βάλανος. Italiane Cepa Bouina.

*Hyacinthus comosus leucanthemos*, è semine Italico natus.

*Hyacinthus Belgicus*, non scriptus Dodonæi.

*Stellatus* flore albo & cæruleo. In Ducatu Vuirtenbergenfi creber, vt Fuchsius quoque meminit, & Cordus Tubingæ in syluulis nasci scribit.

*Botryoides odoratus*, pruni odorem referens; maior & alter minor inodorus, cæruleo, incarnato & albo flore.

*Constantinopolitanus*. Diosc. Hyacinthus siue Orientalis, albo & cæruleo flore, itemq; purpureo. Turci vocāt Zembler. Hispa-

Hispanicus obsoleto flore à Clusio missus.

Arabicus à D. Aicholzio communicatus, Zumbal Arabi.

*Hyoscyamus albus*, ad mare proueniens. Difficulter apud nos emergit ex semine, sed vbi semel enascitur, facile seipsum ferendo perseverat. Tusa huius planta fictili vasi inditur, cui subtus foramina sunt facta, cui alterum vas apponitur & in terram omnia reconduntur tam diu donec liquor extillet. In doloribus dentium & alijs topici loco non contemnendum remedium si à perito Medico adhibeatur. Sic molis effractum semen & pressum, oleum reddit ad idem utile.

*Hyoscyamus luteus* siue Priapæa. Semel in hortum translata ex semine vndiq; nimis copiose repullulat. In Italia semine vtitur ad priapissimum sedandum. Pediculos & imprimis pulices necat, vt fieri potest periculum in canibus. Nam foliis huius affricatis cuti vel succo illito tanquam incantamento fugati decidunt.

*Hyoscyamus peculiaris*, vetusto quodam semine subalbido siue cinereo, natus, flore per initia pallidi coloris, elegantioris tamē quā qui in vulgari habetur, postea purpurascente & incuruo, nō æqualiter patulo vt reliquorum, sed altera parte aliquantulum repando: foliis alterius hyoscyami, sed lætius virentibus & multo minoribus. Planta vltra cubitum non assurgit. Prorsum conuenit cum Beze à D. Paludano ex Syria delato, quod à Clusio in Pannonicis describitur, sola foliorum latitudine discrepans. Cumq; planta sit rara, eam quoq; curauimus depingi.

» *Hypericum*. Succus illius enecat vermes equorum, præsertim si agrimonia illis detur comedenda. Flores eius cum sale & butyro in Cerenisia, in Polonia crebro illis exhibentur, qui ob grauiam pondera gestata aliquid in corpore læserunt. Sal paratum ex hac herba pleuriticis plurimum conducit.

*Hyssopus*, vel hyssopum flore cæruleo, albo & rubro, ac præterea



vtring; floridum, cuius pictura extat apud Dodonæum in appendice. In valle Athesina quæ & Guarina, multæ egregiæ stirpes nascuntur, interq; alias Hyssopus montana odorata.

Vulgaris Hyssopus ad loca montana Franconiæ non procul à rudibus arcis Streitbergenfis à me aliquoties est repertus.

Disputatio, an Hyssopus Græcorum sit idem cum Arabum, quam imprimis proposuit Anguillara in suis opinionibus Italicis, ad aliud tempus differatur.

*Hyssopoides.* eius semen minutum subfuscum in oblongis vasculis mihi missum ita inscriptum ab Ioanne Thelio viro doctissimo & imprimis diligenti herbarum & rerum naturalium perscrutatore, p. m. Est omnis odoris expers, saporis aliquantum nitrosi, alioquin forma exquisitè pene Hyssopum refert, strictioribus tantum folijs. Allata etiam fuit ex Italia & Patauij crescere intellexi ad portam S. Iustinæ & intra mœnia circa Populos ad fossulam consitas. In Hassia quoq; nascitur, vbi quidam herbarum indagatores Halimum aquaticum vocant. Dum hæc conscriberem ipsemet erui inuentam loco vdo, iuxta arua in Franconia non procul ab oppido quod vocatur Ebern.

## I.

**I**A C E A Pannonica Clusii capite hirsuto.

*Iacea flore luteo spinosa*, Scabiosa alijs lutca.

*Iacea alia pumila* siue nana, Penæ Montana & Carduus Pineus Norbonensium, Theophrasti Chamæleon non aculeatus, Monspelio finitimis locis Glareosis inter Cistos & cocciferas ilices nascens. Herba est parte auersa cana & lanuginosa, superiore virescentia gerēs folia, magnis incisuris dirempta, non multum lata: caule rotundo & cano, sesquipalmum aut pedem

pedem alto; interdum nullo: in quo caput satis magnum pro ratione totius squamis eleganter stipatum, repræsentans conum abietis, summa parte crenatis, nigricantibus, inferiore albicantibus: flore purpureo è multis staminibus congesto. Radix nigrescit forinsecus, intrinsecus alba est.

*Irion alterum* siue Erysimum Matthioli & Anguillaræ Pseudobunium, quo littora Veneta, vulgo al lio, abundant. In hortos translatum ex semine copiose quotannis renascitur.

*Iris*. Huius differentias præcipuas tantum proponemus. Hyacinthus Virgilij, Columellæ & Palladij maxime secundum Aloysium Anguillaram, qui etiam illam reperit in Illyria ad flumen Naronem & Drilonem, quemadmodum notauit Nicander, quæ hodie corrupte vocantur Drino & Narenta. Plantam vero incolæ nominant Macinaci, & hodierno adhuc die floribus vruntur in corollis, quemadmodum Theophrastus & Athenæus quoque tradunt.

Iridum quas in horto hæcenus alui, alia maior, alia minor est, illa colorum discrimina habet Candidum, cæruleum vel purpureum & varium.

Alba, Illyrica vulgo vel potius Florentina, cuius aliquando primo vere, collem plenum reperi circa Priuernum urbem in itinere Neapolitano. Vehementiores hyemes apud nos ægre ferre potest, & imprimis à niue liquefacta & rursus gelascente tutari eam diligens hortulanus officij sui esse meminert.

Cærulea vel purpurea, alia vulgatiores est obsoletioris coloris, nec tam grandi flore, folijs & radice, nec etiā tam odorata hac quam sequentes.

Domestica flore cæruleo, quæ ab Illyrica non differt, nisi quod Illyricæ radix sit odoratiores & bis floreat in anno.

Dalma-



Dalmatica Clusii, quæ forsitan ad Illyricam nomine loci posset referri.

Lusitanica, biflora à Clusio depicta in Hispanicis & ad me missa.

Bysantina à CL. D. Ioh. Aicholzio communicata, quæ hyeme in scitilibus apud nos asseruanda est.

Variegata è luteo & purpureo obsoleto flore, quem in locis natalibus non promit: in hortum vero translata contra aliarum syluestrium plantarum naturam, altero anno floret, & quotannis postea, ac longe lateq; serpit. Idq; verum esse experientia me docuit, cū eius generis plantas ex monte quodam Franconia prope arcem Comitum de Castello mecum deportassem in hortum. Foliis est Acori vulgaris id est aquaticæ flauæ Iridis sed latioribus & rarissime vt aliorum erectis, sed plerunq; mucrone languido & incuruo.

Variegata è luteo & purpureo syluestris alia, foliis erectis vt reliquarum vulgatorum, à quibus floris colore tantum discrepat.

Minorem segrego in latifoliam & angustifoliam. Illamq; rursus in cauligeram & ἀκαυλον. Cauligera item vel altius assurgit vel humilior subsistit. Itemq; colorum varietates habet, quas ordine iam commemorabo.

Purpurea triplici differentia constat. Maior enim Serotina est & interdū autumnō denuo florida. Minor præcox: & inter vtrasq; mediæ magnitudinis itidem Serotina ex Angliā delata, medio labrorum exteriorū candicante macula insignis.

Pallida, vel purpurea macula insignis, vel sine macula, odorata.

Cærulea.

Lutea variegata, Pannonica, odorato flore à Domino Clusio quoq; descripta.

Candida, præcior illa grandi cuius supra memini & minus alsiōsa.

Ἀκαυλον

*Αγαλλο* plerunq; purpurea est, & semen gerit omnium Iridum maximum.

Angustifoliae ascribo Chamæiridem, quæ duas habet differentias. Alia enim odoratissima est prunorum odorem representans: Alia penitus odore caret, sola alioquin magnitudine à iam dicta discernenda.

Adhæc vndecimâ Clusij Iridem apprime elegantem, caule tenero, foliisq; admodum strictis, erectis tamē. Vide eius descriptionem in Pannonicis obseruationibus.

Vltimo quam Lobelius maritimam inscribit ac dubitat nunquid ad Medium Diotcoridis referēda sit. Foliis quidem latioribus est quam superiores: non tamen vsque adeo latis vt in Angustifoliarum censu haberi nequeat. Trita Xyridem  
 „olent. Aquam destillatam è purpureis floribus cum specie-  
 „bus Diatrionis sandalon & Cinamomo vt efficacissimam in  
 „Hydropicis commendant Hollerius & Gesnerus.

*Iris bulbosa flore vario* & odorato, angustioribus foliis, quæ hyemis vehementiam potest ferre & sese mire ex bulbulis multiplicat.

*Iris bulbosa latifolia*, flore purpureo latifolio: quæ facile à frigoribus intensioribus læditur ac putrescit. Hyacinthum poëtarum putat esse Lobelius.

*Iris bulbosa flore luteo*, cæteris rarior.

*Iuniperus maior Italica* baccis rubris, quæ in horto per hyemem perseverat, itemq; nostras.

„Nullum ligni genus carbones præbet, qui diutius ignem  
 „conseruent, vnde similitudo sumpta Plal. 120. Baccæ cum  
 „lixiuio coctæ & pauco aceto, instar cataplasmatidis imponun-  
 „tur vlceribus capitis. Cum per descensum lignum destillatur,  
 „prima aqua quæ exit non est adeo valida, quæ tamen vlce-  
 „ra erodentia & quæ ex falso phlegmate oriun-  
 „tur, plurimum curat.



## K.

**K** A L I Cochleatum maius.

Alterum, seu minus. Reperitur in Italia ad Lucifusinam prope Venetias & alibi.

Rubrum & viride geniculatum ultra hyemem non perdurant in horto, nec tamen semen ferunt, sed ad falsos lacus crescere malunt.

Paruum foliis oblongis, supinis coliculis, rubentibus, pro Coride missum.

## L.

**L** A B Y R I N T H U M, vide Anagyris, Cordo arbor trifolia, quamvis sæpe quatuor & quinque folia vni pediculo cohæcant, quod in altera arbuscula, quam in horto alo, frequentissime contingit, usque adeo ut diuersa videatur ab altera, qui antea hoc non obseruarunt.

*Lacryma Iob.* Lithospermum arundinaceum siue maius: cuius grani postquam exaruit, annua enim est planta, semper adhuc exterior quasi testa integra adhæret radicibus.

*Lactuca varia genera.*

„Elicitur ex semine eius oleum, cum aqua stillaticia Rosarum, cuius parum cum iusculo aut vino datur mane per aliquot dies magno cum successu contra pertinacem fluxum gonorrhœæ.

*Lactuca sylvestris* Anglica à D. Thoma Pennæo mihi communicata, grandis admodum & alta, odore prorsus Opij. Similis cuiusdam descriptionem D. Lobelius habet.

*Lactucella sylvestris repens*, ambigens inter Hieracium & sylvestrem lactucam. Herba dodrātalis, sæpius minor, nunquam altior, foliis per terram sparsis, lactucam sylvestrem nonnihil imitantibus. Oblonga enim sunt, & per ambitum pilis raris munita,

nita, sed angusta admodum, semunciae latitudine, longitudine trientis, & hac saltem ratione, si proportionis modum pensites aliquanto scrupuloser, minus conuenientia. Ceteroquin duriuscula sunt, amara, superne viriditatis obscuræ vel nigricantia, inferius cæsia. Coliculis reptitat multis Pilocellæ in modum, sed crassioribus: flosculi quoque eidem simillimi sunt, sed plures vni cauliculo sine ordine adnascetes, calice nigris pilis ornato, è quibus papposum semē. Prouenit circa hanc urbem, locis humectis, muscosis, apricis, sterili putridoq; solo, vnde erutam, vt eius naturam diligentius obseruarem, in hortum deportauit.

*Lagopus maior*, flore rubro à Lobelio quoque descriptus. Itemque minor sponte vbique crescens, efficax in sistendo sanguine.

*Lamium Plinij*, lib. 22. cap. 14. quod Milzatella Italorum esse creditur. In foliis albicantes maculas profert, crescitque in locis humidis & opacis circa fossas. Doctiss. Medicus Reinerius Solenander in quadam sua consultatione tradit eius vsum esse crebrum in Hetruria, exhibendo puluerem foliorum in ouo sorbili in lienis obstructionibus: atque asserit solum puluerem istum in vino feliciter se in iisdem affectibus exhibuisse.

*Lamium Tragi*, flore candido, alioqui tantum purpureo reperitur.

*Lamium flore luteo*, ex sylua Hercynia, efficax ad vulnera, vlcera & tumores, vnde quibusdam Sideritis putatum, & nostris maioribus Archangelica dictum, vt Lobelius refert.

*Lampfana Dodonæi*, lactescens planta, passim obuia. In Prussia nominant Papillarem, nam est efficax in sanandis papillis exulceratis.

*Lapathum satium*, siue Rumex, cuius semen commendatur apud nos Vulgi experientia in Dysenteria, & multo magis



adhuc eius extractum. *Lapathi* radicem in aceto coctam & tritam, quidam lienis tumoribus imponunt.

*Lapathum latifolium* tam longa, quam rotunda forma. Vocant Rhabarbarum Monachorum, apud veteres Hippolapathum, & in dupla dosi exhibitum nonnihil purgat. Vocat autem Ioannes Tzezes commentator Hesiodi quoq; Rhabarbarū, vnde forsitan appellatio illi imposita est.

*Lapathum rotundifolium* crescit in montibus supra Curiam & non procul à Friburga Helueticorum. Item in Austriacis montibus. In Belgio vocatur Patientia. Vnde Goropius in Hermathena prouerbiū dicit extitisse apud Belgas, Lapathum non in quouis horto prouenire.

*Lapathum sanguineum* siue sanguis Draconis, sanguineis in viridi linceis pictum. Copiose crescit in subalpinis Taurinorum montium. Semen imprimis vtile ad nimium fluxum mensium intra os assumptum. Crescit sua sponte quoq; in Francia ad Tuberum fluuium.

*Larix*. Virata arbor in multis alpibus. Est resinifera. D. Basilii in Homilia 9 Hexaemerō ait, Laricis arboris lacryma vulpem seipsam curare. Agarico diris. Syluæ Laricæ circa Tridentum quoq; habentur: quamvis præparandi & dealbandi artem nesciant.

*Lathyrus*, Cataputia minor, ad Rhenum ubiq; sua sponte pullulans. Plin. lib 27. cap. 18 illi tribuit Lactucæ folia sed tenuiora, Dioscorides Amygdali. Barbari medici in Lecturam & Latiuam corruerunt.

*Lathyrus Dodonæi* flore purpureo, & alter albo. Pisum angulosum vulgo tam à viticularum quam seminum angulis, *Eckerbes*, Orob. Fuchsi, Phasiolus minor satius Cordi.

*Lathyrus sylvestris* latifolius, Clymenum Matthioli, & alius angustifolius à priore tantum hac nota discrepans & facilius, imo facillime hyemis sæuitiam tolerans. Vtriusq; flos dilute rubellus

rubellus imprimis elegans est. Planta ipsa pedamentis fulta satis alte surgit, ideoq; topiario operi commoda est.

*Laurendula*, quæ etiam folijs latioribus & albis floribus aliquando crescit: quam ni fallor, vidi in illustrissimi Landgrauij Hassiæ Vuilhelmi instructissimo horto aliquando Castellis. Hanc quidam Doctiss. vir non asserit sed coniecit esse Iphyum Plinij, quamuis Caryophyllorum florem vel Tunicam altilem eo quoq; nō inepte referri existimet. Plinius Tiphyon habet & nihil nisi quod inter æstiuos flores referat, de ipso tradit. Theoph. vero expresse bulbosum Iphyon asserit & florem ante folia proferre.

„ *Laurus vtrag.*, tam latifolia, quam angustifolia, passim nota in  
 „ Italia. Herodianus lib. i. in maxima peste consulentibus Me-  
 „ dicis, Commodum Imperatorem ob copiam arborum ista-  
 „ rum Laureatum scēcessisse memoriæ tradidit. Aridi huius ba-  
 „ cilli mutuo attritu ob caliditatem innatam ignem concipere  
 „ traduntur. Baccæ Lauri & pyra syluestria contusa simulque  
 „ imposita fronti & temporib. in lintcolis, sedant dolores ca-  
 „ pitis. Eadem Baccæ cum pauca Scammonæa & Croco tritæ  
 „ in aceto & oleo rosaceo, instarque linimenti applicatæ in he-  
 „ micrania diuturna non parū profunt. Lauri folia olim com-  
 „ edebant ij, qui nolebant sibi vinum nocere, vel potius qui,  
 „ cum vinosi essent, vinum tamen redolere nolebant & sobrie-  
 „ tatem mentiri conabantur, vnde Martialis:

*Folia deuorat Lauri*

*Merumq; cuncta fronde non aqua miscet.*

„ *Aegyptiorum Hieroglyphica* Picam folium Lauri ore  
 „ tenentem pingunt, quo designabant hominem sibi ipsi me-  
 „ dentem. Nam pica ægrotans dicitur lauri folia in nidum cō-  
 „ gerere & illis morbos arcere.

*Laurus syluestris* siue Tynus. Fert vtcunq; nostrum coelū. Nimijs tamen frigoribus succumbit. In Samnitibus circa Larnzanam



& alibi reperitur eius magna copia, vocantq; incolæ Moleſſo. *Laurocerasus Cluſii*, cuius liberalitate hanc raram arborem primum naſtus ſum & dum hæc exarabam, copioſiſſime florentem non ſine voluptate aſpexi, quemadmodum ex eius icone ad viuum depiſta à nobis inferius exhibita apparet. Itali vocant Laurum regiam, alij Trapezunticam. Propagatur ſurculis, non tamen ſine labore.

*Laurus Alexandrina Matthioli*, Polygonaton Cluſii in Obſeru. Pannonicis. Naſcitur ſponte in Monte Arbario in Bauaria Bohemiæ contermino.

*Ledon latiore folio Italicum*, & alterum anguſtiore præditum ac teneriore, Ardiucia Hiſpanorum. Hoc etiam Hypociſtidem producit ſed parum liquoris in ſe continet.

*Lens Italica*, grandior, & candidior vulgari. Lentes in Aracum mutari doctiſſ. Marantha obſeruauit.

*Lentifcus* ex ſemine enata, ſed ab hyemis iniuria diligenter cuſtodienda. In Apulia vocant adhuc noſtris temporibus Stinchi, corrupto vocabulo à Græco *ἄνθος*. Baccæ *ἄνθιδας* Hipp. lib. de nat. muliebri. Quanquam exemplaria Græca falſo *ἄνθιδας* habent. Has Plin. lib. 13. cap. 21. velut oliuas & Corna in cadis muria condiri dicit, ne quid non hominis ventri natum eſſe videatur.

*Leontopodium Creticum*, Lobelio Syriacum: & alterum vulgare Matthioli, quod potius Pſeudoleontopodium dicendum.

*Leontopetalum*. Ex ſemine quidem prodijt foliis binis oblongis, criſpatis oris, ſed ad frugem nō peruenit. Naſcitur in Græcia, & quidem quo ad radicem & fructum conuenit deſcriptioni Dioſcorid. ſed folia & flores plane diſcrepant. D. Rauuſolius opt. deſcribit in ſuo itineraio Orientalium regionum, idq; reperit circa Alepum: atq; tradit incolas radicem maiorum puluere fricare veſtes & hac ratione maculas delere. Sua lingua hoc tempore Aſlab vocant.

*Lepidium*

*Lepidium* siue piperitis. Vfus eius in cibis. Alibi sua sponte reperi prouenire ad arcem in montibus Franconia Comitum Castellatorum. Candidis minimis & copiosis flosculis odor inest Ligustri florum odorem referens sed non adeo fragrans.

*Leucoium* flore luteo simplici & pleno. Semen nullum, vt multa in hoc genere, profert quod pleno est flore, sed ex germinib. & sirculis instar Caryophyllorum facile propagatur. Conserua huius cum aqua eius stillatitia crebro sumpta praestet ab Apoplexia & iuuat paralyticos. Plutarchus in libello de Amore fraterno pulcerr. hoc distichon affert:

*Inter Echinopodas velut, asperam & inter Ononin  
Nascuntur passim mollia leucoia.*

Album hortense fruticosum, quale reperi sponte nascens in agro Puteolano. Item rubrum & purpureum, nec non versicolore. Discrepant etiam, quod aestatem vnicā durent quaedam plantæ, quaedam aliquot annos. Atq; insunt etiam purpureo ob colorē dilutiore & saturatiore aliquot differentia.

Est praeterea rarius folio plane viridi, flore albo admodum odorato, quod per aliquot annos durat, sed hyeme est in cella asseruandum.

*Leucoium marinum* Clusii maius & minus. Flores odoratiores sunt priusquam Sol oriatur.

*Leucoium marinum aliud*, Tripolium Aloysii siue Crucigera.

*Leucoium sylvestre* quod apud nos passim in locis montanis prouenit. Cuius pulcram & raram speciem reperi Bononia.

*Leucoium sylvestre* minutis flosculis, sed procerius omnibus reliquis leucoijs, ad ripas fluminum & in nemorib. proueniens, vnde in hortos transucto solo pinguiori, semen quoq; illius quod excidit forte, simul infertur, & ad tadium vsq; arcolas late occupat.

*Leucoium Syriacum* rectius Hesperis Syriaca. Vide supra in Hesperis.

*Leucoium*



*Leucoium Bulbosum*, Triphyllum, Hexaphyllum, Polyanthemum. Vulgo ad Narcissos referunt. Et inter illa minus autumnale.

*Libanotis prior vel Cachryfera*, quæ rotundis foliis prodit è semine, cum pleræq; aliæ umbelliferæ oblongis oriantur.

*Libanotis altera*, semine lato, nigricante, odorato.

*Ligusticum vulgare*, siue Leuisticum, foliis Apij, vnde Hippofelinum est Matthiolo: radicibus in multas partes distractis, nōnunquam cubiti profunditate aut maiore descendentibus, efficacioribus quam reliquæ partes, sed propter excrementosam humiditatem facile teredini obnoxijis. Semē vero, quia siccus est in multos annos prorogatur. Umbrosum locū desiderat, ideoq; felicius iuxta macerias prouenit, quemadmodum etiam Cordus testatur.

*Lilium album*, cuius præter vulgare reperitur & alia species foliis & floribus tenerioribus. Constantinopoli allata pro Martago candido, de quo Clusius in Pannonicis.

Fingunt Poëtæ è lacte Iunonis esse enatum. Horatius breue vocat, quia non diu durat. Vnde D. Basilus in explicatione Psalmi 44. Nullum florem hoc melius exprimere fragilem humanæ naturæ conditionem refert. Idq; etiam Theocritus Idyl. 28. innuit:

Λευκὸν τὸ κεινὸν ἔστι, μαρμαίνῃ δ' ὀνύχα πύπλη.

*Candidum est lilium, tabescit vero cum decidit.*

Rubescere ait lilia Florentinus scriptor rei rusticæ, si eorum bulbis diligēter apertis puluis aliquis rubri coloris, modo non sit erodens, iniiciatur & pingui solo committantur.

In Lilij flore caule resecto etiam bulbo semina proueniunt: quod etiam obseruavi in iride bulbosa. Huius aqua stillicidia ex floribus parata in partu facilitando & secundis expellendis efficacissima, vnde non temere in alijs affectibus danda. Folia incocta vino austero & vulnere diuturno imposita

„Sita secundum Galeni doctrinam in libr. 7. de simpl. Med. fa-  
 „cult. multum iuuare, in eundem autorem annotauit Excel-  
 „lentiss. Iulius Alexandrinus, Cæsarius Archiater.

*Lilium sylvestre*, Martagon, flore subrubro & albicāte, falso olim  
 „pro Asphodelo habitum. Empirici vtuntur radice in contu-  
 „sis membris & vlceribus.

*Lilium Persicum*: Italis Pennachi del Persiano apud nos quidem  
 perdurat etiā in hyeme nō nimis acri, sed bulbus semper de-  
 crescit, nec florem, quod ego sciam, in Germania produxit.

*Lilium Alexandrinum*, inter Lilionarcissos & Ornithogala me-  
 dium, admodum elegans planta, cuius flos suauem odorem  
 præbet, erumpit in fine Maij. Describitur à Lobelio.

*Lilium non bulbosum*, siue Arundinaceum flore subcroceo & al-  
 terum luteo odorato admodum. Profert interdum germina  
 in summitate caulis, vbi flores sine semine deciderunt, quæ  
 terræ commissa statim radices agunt.

*Lilium conuallium vulgare*, & alterum alpinum flore maiore &  
 odoratiore: tertium vero rarum admodum flore subrubro à  
 CL. Viro D. Friderico Sebicio ad me missum, quod etiam in  
 Belgio coluerunt. Apud Athenæum Doctiss. Dalechampius  
 interpretatur Oenanthem. Hoc ex semine non prouenire  
 vel saltem difficilime, testatur experientia. Radix eius maior  
 interdum tunicis vestita inuenitur, sub quibus parux fibræ  
 secundum longitudinem porrectæ latent, vtrinque; annatæ ad  
 exortus siue genicula, repræsentantes lyrarum cordas, vt vi-  
 deantur nerui ipsius radice solui & in huiusmodi fibras mu-  
 tari. Tandem enim ob putredinem dehiscente tunica, alte-  
 ro extremo abrumpuntur & se explicant, ac reliquis fibris si-  
 „miles fiunt. Radicis, quæ dulcis ac aromatica odorataq; est,  
 „puluis naribus attractus pituitā elicit, & sternutationes mo-  
 „uet sine vehemētia. Floribus vas impletur bene obturatum,  
 „& in acervum formicarum reconditur per mensem. Liqueor

m

inde



, inde collectus instar olei sedandis doloribus podagricis & similibus affectibus exterius adhibitus perutilis.

*Limonium primum Matthioli.* Item paruum Narbonense. Difficulus est semine proueniunt, sed hoc illo difficilior, & vix ad florem perducitur.

*Linaria vulgaris*, & altera flore maiore & magis luteo. Aquam huius stillatitiam vrinam mouere in hydropicis multi sunt experti, & ad eam rem vtuntur quoq; veterinarij ac inde nomen accepit *Harnfraut*.

*Linaria parua flore caruleo*, in aruis reperta ferme Antirrhino minimo similis, & vt existimo, tantum annua. In hortum translata prorsus perijt.

*Linaria flore caruleo*, in hortum semel translata ex semine postea ubiq; perennat. Sed altera flore albicante & ob odorem quem spirat, Caryophyllata dicta, multo elegantior, quæ & ipsa radicibus admodum sese propagat, & diu durat in hortis.

*Linaria flore albicante*, inodoro, sed eleganti & pene æqualis magnitudinis ei qui passim luteis obuius est, rictu purpureo, & semine nata, & primo anno florida, vix cubiti partem tertiam excedens, alioquin Caryophyllatæ linariæ similis.

*Linaria Austriaca*, quamuis etiam apud nos proueniat, umbella lutea, quæ in pappos abit, *Linaria aurea Tragi*.

*Linum sylvestre Matthioli* latifolium flore luteo, in agro Bononiensi ubiq; proueniens.

*Linum sylvestre tenuifolium* flore albo, caruleo intenso, & dilute purpureo. Et aliud pusillum candicantibus floribus sponte ubiq; occurrens circa vineta Franconiæ.

*Lingua vulneraria Cordi*, *Fuchsio* *Ophioglossum*, si horto inse-ratur vmbrosis locis durat & annuatim repullulat. Seminis loco ei tenuis quasi pollen in linguæ infectionibus, quibus per maturitatem dehiscentibus, excidit. Saporem habet herba subdulcem, modice tenuem & aliquantum glutinosum.

Radix

Radix paululum amarescit & subacris est, quemadmodum etiam Cordus obseruauit, qui mōtana loca illi assignat, cum apud nos etiam in plana descendat.

*Lithospermon vulgare*, maius & minus, quorum hoc albos illud cæruleos flores gerit, itemq; syluestre.

*Lonchitis aspera*, maior & minor. Hanc ex monte Arbario Bohemiæ finitimo, distante à Ratisbona circiter milliaria quinq; nactus sum: illam ex Italia, vbi Lodouicus Anguillara pro genuina habebat & præferebat ei, quam Lucas Ghinus Lonchitidem alteram esse contendebat. In Dalmatia vero se inuenisse affirmabat, itemque in Græcia. Pruinæ & gelicidia apud nos tanquam extremam pestem odit, ideoque à frigidibus diligenter fuerit munienda.

*Lotus arbor*, à Matthiolo & alijs picta, alijs Celtis. Durat vtcunque apud nos in horto. Italis Perlaro.

*Lotus satina Cordi*, Siebenzeit / trifolium odoratum. Dodonæus nescio quibus rationibus adductus existimat haberi posse pro Oxytriphyllo Scribonij, ad venena ac morbos pestilentes commendato. Frequentiss. feritur apud Heluctios propter quoddam Casei secundarij genus, Claronensem vocant, quod hac potissimū herba condire solent. Vide Gesnerum de operibus lactarijs. Eius olei vsus est ad corroborandos nervos.

*Lotus alia peculiaris*, siliquosa, luteis flosculis, siliquis tenuissimis Ornithopodij, sed non articulatis.

*Lotus pulcherrima tetragonolobus*, flore ruberrimo holoserici eiusdem coloris imitante, siliquis grādioribus, quaternis membranis per longitudinem extrinsecus distinctis & quasi angulosis. Grana intus cōtinentur pulla, pusillæ fabæ magnitudine. Pisum rubrum quidam nominarunt.

*Lunaria Botrytis*, in horto non diu durat. Huius quædam species est ramosa ex Silesia à CL. V.D. Friderico Sebicio mihi



transmissa, sed & ipsa vernacula potius loca, quam culturant  
 , hortensem amat. Refert Gesnerus de Lunariis, & rebus no-  
 , etu lucentibus, semini vim veneni esse, idque si equus vel bos  
 , depascatur, mox intumescere & perire. Quod si ita affecto  
 , animali herba & folia eiusdem plantæ exhibeantur, venena  
 , dispelli & liberari animal, de quo plura vide in loco ci-  
 tato.

*Lunaria maior*, Bolbonac aliis, flore cæruleo vel purpureo, Thlaspi Crateuæ Dodonæo est. Biennalis planta. Crescit copiose in saltibus Thuringiæ sylvæ. Alia est flore albicante, odorato, perennis Heluetiis, ubi quoque copiose provenit, *Stüblunt*.  
 , Quidam ibidem chirurgus ex contulis eius foliis & saniculis  
 , parabat vnguētum vulnerarium non cōtemnendum. Pulvis  
 , seminis amariss. cū aqua appropriata exhibetur in Epilepsia.  
*Lunaria minor*, vulgo Græcā radice alba lignosa & acri. Alyssum Dodonæo.

*Lupini albi*, in quorum genere reperiuntur maximi, flore antequam aperiantur, subcæruleo, intus vero albo. Lupinos cum sole quotidie circumagi, horasque agricolis etiam nubilo die monstrare Plinius annotavit libr. 13. cap. 14. Est autem illis tam imbecilla vis, ut nisi protinus ab area terræ committantur, quasi steriles redditi male proveniant. In nostris vero regionibus hoc non habet locum, imprimisque si hyemes fuerint acriores. Plautus nominat Lupinos aurum comicum, nam in scena nummis ex Lupino factis pro aureis utebantur comici. Et nunc etiam in Italia pueri ex his nummos efformare solent. Vnde Horatius:

*Nec tamen ignorant quid distent ara lupinis*, id est, sciunt quantum probati nummi distent à falsis, itemque boni viri à malis.

*Lupini lutei*, flore odoratiss. Leucoij ferè, vnde Hispanicas violas nominant.

*Lupini*

*Lupini sylvestres flore caruleo*, semine paruo instar lentis, crassiore tamen. Crescit sua sponte in Italia circa Viterbium & Pisam ac apud Samnites & alibi.

*Eupulus* mas & foemina.

*Lutea Plinij* siue Lutum secundum Dodonæū. Pseudostruthium, Antirrhinum Tragi. Græcis hodie χυμέλν.

*Lychnis flore vario* albo & rubro. Pleno in Belgio fuit quoq; culta. Sitne Dioscoridi descripta, disputabitur suo loco.

*Lychnis sylvestris* alba & rubra, item viscida vel noctiflora annua, noctu tantum flosculum odoratissimum explicans, coloris albi & nonnihil punicantis. Calix florum multo succo glutinoso muscas insidentes implicat. Spōte nascitur locis cultis.

*Lychnis Constantinopolitana* vel Cretica, Gesnero Ocymoides peregrinum, planta flore imprimis flammæ coloris spectabilis, vt optime mereri posset nomē τὸ φλογὸς apud Theophrastum, si non æstius potius quam vernus flos esset *Ierusalem blum!* *Türkisch dosten!* Dodonæus optime pingit.

*Lysimachia* flore purpureo, luteo minore & maiore: quæ vltima Pannonica est lanuginosis magis foliis à Clusio descripta. Pro Suchaa Arabum sumunt Bononienses in suo antidotario semen *Lysimachia* præsertim luteæ, cum sit præstantius quam purpureæ semen est. Serpentibus & muscis *Lysimachiam* aduersari certum est. Hanc integro scripto celebravit *Erasistratus*.

*Lysimachia vulgo altera*, Gesnero Chamænerion & Epilobium. Salicariam alij nominant. Onagram vel Oenotheram esse censet Historia stirpium Lugdunensis, vbi de hac plura legantur, Flore non solum purpureo sed & albo reperi in Latomij vicinis huic vrbi, dum eo vnacum Dn. Clusio expatiarer.

*Lysimachia flore caruleo*. Galericulata Lobelij, passim in ripis crescit apud nos, alijsq; locis palustribus. Eius decoctum commendant in fauciu putredine, quæ vulgo die *Breun* vocant.



**M**AIZ rubrum, luteum & varium, Frumentum Turcicum Fuchsi, sed potius Indicum triticum dicendum, cum nō ex Asia sed Indijs primum fuerit allatum. Milium Indicum vult esse Dodonæus. In hoc, scribunt autores rerum Indicarum, quoddam genus reperiri quod duobus tantum mensib. & seritur, & metitur. Farina quidem candida est utilis ad cataplasmata mollientia & suppurantia, sed inde panis satis alter paratur, quemadmodum aliquando feci periculum. Frugem quibusdam inuolucris munitam gerit in conis speciem congestam: in culmi summitate vero inanem iubam, flori tantum emittendo natam, quamuis interdum etiam huic ad nascantur grana, vbi nondum plene sese explicauit, potissimum circa imam partem qua tunicis vestitur, quasi pereat euanescens nuditate fecunditas, eademq; operimentis integra conseruetur à tempestatum iniurijs.

” *Magisfrantia* siue Ostrutium, Imperatoria. Huius suffitu per nas-  
” res aliqui feliciter vtuntur in abscessu cerebri.

*Mahaleb*, tarde crescit è nucleo & amat loca montana, quare horto difficulter assuescit. Gesnerus mauult Chamæcerasum Petræam aut Petrocerasum vocare.

*Maiorana* sylvestris in horto durat. Reperi aliquando similem circa Bononiam, dum ibidem cum excellentissimo D. Vlysse Aldronando montes vicinos plantarum causa adiremus.

*Malua crispa* siue laciniosa Cordi, caulem erigens humana statura plerunq; proceriorem, numerosis & cubitalibus adnatis ramosum, vt arborescere videatur, quamuis tantum planta sit semestris, magnam emolliendi vim præ alijs habens.

” *Malua*, trifolium, Securigida, oriente sole hiant, occidente clauduntur. Pythagoras, vt refert Aelianus τῆς μαλάχης φύλλον ἱερώτατον, id est folium Maluæ esse sanctissimum dixit, lib. 4. va-

riæ hist: nimirum quia mysteria sua in hoc olim scriptitabant sacerdotes.

*Malua Hortensis* siue Romana, vulgo Bismalua, *Herbstrosen* / flore simplici & pleno, qui multiplices colorum differentias habet. Reperiuntur enim candido, dilute purpureo siue vt vulgo vocant, incarnato, rubro, puniceo, nigricante. Atque hæc posterior differentia primo anno raro floret & vix durat ultra triennium. Vulgo vocant etiam *Ernrosen* & coquunt in vino veteri, quo porrigines ablunt & sanant. Vtuntur etiam ad Erisipelatis rubores compescendos imprimis rubentibus rosis, imitati coloris similitudinem.

*Malua arborescens*, *Δενδρομαλάχη*, Interdum ad 8. vel 10. cubitos asurgens. Tum alibi in Italia, tum frequens in itinere quo itur Pisa ad portum Liburni à me aliquando inuenta. Hyeme apud nos in loco idoneo recondi debet.

*Vulgaris Malua* duplex est, Maiorem vocant *Rosspappeln* / minorem *Genßpappeln* / vtramq; cum allio vino incoquunt ad tertias & bibunt contra stranguriam.

*Malus arbor* exiguis admodum & pallidis floribus prædita: fructum fert, quæ vocantur poma nana id est pumila. Habentur etiam sine semine interius in fructu. Theophr. l. 3. de caus. cap. 23. meminit τῆς μηλέας ἡένης, quæ vti etiã Myrtus τοῖς θεμοῖς ἀρδευομένη βελτίων ἔσθ' ὡς ἐλκεῖται γίνεταί. Vide ibidem de Myrto ad balnea nata, fructum sine semine proferente.

*Malus Punica*. Folia nonnihil foetent. Arbusculæ per æstatem elegantissimorum florum puniceo rubore imprimis exornant viridaria. *Mali Punici* cortices in vino decocti dantur contra vermes.

*Malus aurantia* & *Citrea*, vide supra in A. & C.

*Mandragoras* mas & foemina, *Circæa* dicta, quia Circe vsa est in beneficijs. Hyeme quoq; recondenda, nec tamen ideo apud nos fructum ferunt. Copiosæ crescunt in Græcia & potissimum



num in Creta Insula. Aiunt quoq; reperiri in monte Gargano siue S. Angeli Apuliæ. Mira proprietas huius plantæ esse dicitur, nam quo intensius frigus hybernium est futurum, eo magis intra terram sese abdit. Tarde semen, atque interdum vix intra annum prouenit. Suauem odorem attamen nonnihil somniferi in se continentem poma Mandragoræ præbent, vnde in Cant. Sal. Cap. 7. legitur, Mandragoræ dederunt odorem in pratis nostris. Ibi alij Violas interpretantur Dudaim, sed in Genesi Mandragoras inuentos à Liæ filio Rachel expetit ad contemperandum vteri sterilis & retorridi calorem, de quo plura Leuinus Lemnius Bibl. herbarum cap. 1. quamuis eo in loco malint quidam per Dudaim Musæ fructus intelligere.

„ Hamilcar Carthagenensis contra Lybios pugnans, curauit  
 „ vina hostium corrumpi Mandragora, atq; ita obrutos somno  
 „ ipsos profligauit.

*Marrubium*, & præ alijs lanuginosum & grandioribus verticillis Creticum, alioquin nostro similitimum, aliosius tamen. Est etiam aliud Creticum à Lobelio & reliquis depictum.

*Matricaria* vulgaris & altera ex Ilua insula maris Thyrræni à Dn. Iosepho do Casa bona Florentia transmissa, odore gratiore prædita. Est & tertia flore pleno in Anglia frequens, quam accepi à Cl. V. D. Thoma Pénæ Medico Londinensi præcipuo, postea vero etiam à C. Clusio, communicatis floribus, qui aridi terræ mandati semine intus iam maturo plantas plurimas tulerunt. Commode seruntur pluuia imminente, etiam vel media æstate, cum alioquin cum alijs seminibus vulga fati nasci recusent.

„ Matricariæ viridis parum confusa folia vertici capitis im-  
 „ posita dolorem à frigidis humoribus ortum plurimum mi-  
 „ tigant.

*Matricaria siue parthenium* alpinum à Clusio in Pannonicis descriptum

ptum, flore albo, à quo primum nactus sum, rara planta, sed hortū paulo post deseruit, cum amet loca montana, inculta.

*Medica.* Huius aliquot differentia. Ex his perennat, quæ flore cæruleo & interdum luteo, interdum ex utrisque coloribus mixto & quasi virescente est, reliquæ annuæ sunt, quarum quandam habemus sub nomine *Medicæ Arabicæ* ad nos missam, foliis singulis cruenta macula insignitis, cuius picturam exhibemus. Est & alia lato semine, quam ideo *platycarpon* vocamus. Item rotundo magno & paruo, nec non minuto hirsuto. Doctissimus olim præceptor meus in re herbaria Aloysius Anguillara subdubitabat de *Medica*, quod semen simile lenti secundum Dioscoridem omnibus deesset, excepta *platycarpo* à nobis dicta, quæ semestris tantum est herba. Sed verba illa, ἐφ' οἷς τὸ πλεῖμα περσέφουκε φανὶ τὸ μέγεθος, non in cunctis eodem modo leguntur, arguitque varietas vitium. Quæ florem purpureum profert, adhuc nostris temporibus in Hispania vocatur *Allafalsaga* vel *Alfalses* corrupto nomine, ab *Auicennæ* *Alfalsafat*, qui etiam *Cot* appellat, oleumque al *Cot* ad tremorem maxime commendat, *Gesnerus* liquorem ex *Alfalses* Hispanorum, igne elicatum aduersus calculum. Mirum est, quod *Plinius* memoriæ prodidit, herbam hanc vno satū tricenis annis durare. Ex eadem *Plutarchus* in libello cōtra *Epicurum* similitudinem desumpsit egregiam. Sicuti, inquit, herba *Medicæ* semen multis flexibus & per obliquum terræ innaſcens ob asperitatem multo tempore perdurat, ita dolor vncinos & radices disseminans, carni que implicatus adhærēt non diem modo aut noctem, sed annos & aliquot lustra, ægre aliis doloribus tanquam clavis violentioribus expulsus discedit. *Medica* etiam nutriri boues lactantes, vt plus contineant lactis, iubet *Sorion* in *Geoponicis*, itemque *Varro*. *Aristoteles* cōtra lib. 9. historiæ animalium, cap. 21. Pabuli genus, inquit, aliud copiam lactis extinguit vt



Medica herba & præcipue ruminantibus: aliud auget vt Cytisus & eruum. Qui in Hispania rem obseruarunt, vbi quotidianus in iumentorum pabulo eius vsus est, referunt nullo cibo prius magisque lætari & pinguescere iumenta pecusque omne: parcius tamen dari, quoniam inflet & multum creet sanguinem, quem deducere postea necesse sit, annotat Vergilio Marcello. Fieri itaque potest, vt lactis abundantia conducat, modo non ad satietatem vsque vaccis præbeatur, id quod etiam Plinius vetat, alioquin nihil mirum Aristotelem vera scribere, & vniuerso in sanguinem, adipem & carnes alimento redacto, non superesse quod in lac conuerti debebat.

*Medica pusilla*, capsulis echinatis ex nemore prope Lipsiam, de Rosenthal vocato. In Lugdunensi herbario Tribuli species.

*Medica marina* descripta in Hispanicis obseruationibus à Car. Clusio.

*Medium vulgare*, nam de vero adhuc non sine causa disputatur. Dodonæo Viola Mariana, flore albo, cæruleo & purpureo. Inuenitur copiosum in Campania, qua itur Neapolim.

*Melampyrum Dodonæi* spontaneum inter segetes negligi mauult, quam in hortis coli. Si tamen alicubi expetatur ob floris elegantiam, autumnò seri necesse fuerit.

*Melanthium* siue Nigella, Gith. Quamuis desint secundum Dioscoridem folia Senecionis. Flore simplici & pleno albo, item semine albo, & aliud.

Damascenum dictum semine pallido, quod Bononienses in suo Antidotario substituunt pro Cardamomo maiore Arabum.

Damascenum Cordi, flore cæruleo nigrum inspidum & inodorum, quantumuis vegetum, semen gerit.

» Oleū Nigellæ apud Rasin habetur ad impetigines efficax.  
Syluestris

„ Syluestris Nigellæ, quæ in tritico multum crescit, herba  
 „ optime trita cum melle pessarij loco vtitur Hipp. in lib. 1. de  
 „ morb. mulierum ad menses mouendos, dicitque esse *διὰ τὴν ἰσχυρίαν*  
 „ *ἰσχυρὰς*, id est, valide morsum inferre.

„ *Melilotus Italica*, & nostra *Germanica*. Bononienses iam cōme-  
 morati loco veræ accipiunt Trifolium Caballinum dictum,  
 vel Melilotum vulgare, qui potius est Lotus. In Maris ad  
 lacum prope oppidum Celanum vera hæc planta crescit, vbi  
 incolæ hodie adhuc Malatro corrupto nomine appellant.  
 In agro Romano vocatur Coronella ad imitationem anti-  
 quorum, qui Romæ Sertulam Campanam nominabāt. Ad-  
 modū diu retinet odorē et in multos annos præ aliis herbis.

„ *Melissa nostras*, præterea Fuchsi, quæ passim in Germania oc-  
 currit. Est & *Turcica siue Moldauica*, nam ibi dicitur sponte  
 crescere, odorata, flore cæruleo & candido. Melissophyllo si-  
 ue Melitræna si perungantur alucaria, non fugiunt apes. Nul-  
 lo enim magis gaudent flore. Item præsentissimum est con-  
 tra iētus earum remedium, teste Plinio lib. 21. cap. 20.

„ *Melones Americi*, & alij Italici, Patauini, item Zatti dicti, Pilosi,  
 Hyberni, Aurei parui in modum pomorum Aurantiorum.  
 Deniq; Gymnospermi sic appellati, quod semina intus natu-  
 ra videantur excorticata, vsq; adeo tenui crustula teguntur,  
 Neapolitanorū delitiæ, vnde primū ad me missa fuerūt à pe-  
 ritis. Pharmacopæo Ferdinando Imperat. Vulgares olitori-  
 bus committo.

„ *Melongena* siue Melanzana, aliis Mala insana. Toletani vocant  
 „ Verengena, à quib. tametsi crassum & melancholicū succū  
 „ præbent, variis modis comeduntur. Nam cū carnib. pinguib.  
 „ elixis, casco addito, illis vescuntur: præterea seruantur aceto  
 „ ac tota hyeme varie concinnantur, aut melle condiuntur vel  
 „ sapa. In Italia quoq; cocta comeduntur sine noxa, nisi copia  
 „ ipsorū cruditatē sibi quispiā accersere velit, quare Mali insani



nomien, forsitan ex Hispanico deprauatum non bene illis cōuenit. Sunt varij generis, spinosis foliis & absque spinis, inter quæ est species fructu Colocynthidis, sed cum regiones calidas requirant, apud nos fructus nunquam vidi maturos fieri.

*Mentha odorata*, angustifolia, Crispa siue Balsamita, Cardiaca, palustris, item Sarracenicæ siue Græca dicta, Costus hortorum apud Geoponicum, utilis ad concoctionem, stomacho & cordi amica. Mentha quæ spicatos flosculos gerit, semen raro perficit & vel maxima ex parte infœcundum gignit, idq; adeo minutum, vt pene visum effugiat: radicum tamen repantium germinibus abunde se propagat. Ideo apud D. Basilium homil. 6. Hexaëm. legimus relaram inter ea, quæ τὸ πυνθύνει & τῆς πίχης τὴν δύναμιν ἔχει τῶν σπερμάτων, vt etiam χέλας, ἀρρώστis, κρύα, σκόροδον, βότομον. Nec video cur loco σκορόδου quidam χέρσαμον legant, cum Nasturtium quotannis ex semine haberi necesse sit, Allium vero ex nucleis & prole rectius seratur, semine autem, vt quidam tradunt, non sine noxa. Huius rei mentionem facere placuit, vt qui forte in illum locum inciderint, habeant, quo se prompte extricare queant.

*Menthastrum caruleum*, item flore dilute purpureo siue incarnato Pannonicum, & aliud hirsuto folio, ac insuper Tuberosâ radice, maiore & minore.

¶ *Mercurialis* mas & fœmina. Beneficio huius succi & Ibybisci ac Portulacæ plumbum liquatum manibus tractari posse notum est, inquit Costæus in lib. suo de stirpium natura. Cum oleo irino & rosaceo pessarij modo admota herba prouocat menses. Marcellus Verg. perquam facete inquirens cur diuino nomine commendetur Mercurialis herba, vulgaris alioquin, & quæ ob nimiam soluendi vim pro maledicto sit: ait tandē credere se, quod in extremo capitis 201. ex aliorū fide à Dioscoride lib. 4. & Plinio 25. volum. cap. 5. traditū est, diuini  
cius

„ eius nominis causam fuisse. Id enim magis Deum hominib.  
 „ ostendisse decuit rarum, incognitum, multisq; omnibus se-  
 „ culis optatū: qui aut dum ægre ferunt, plures sibi nasci filias:  
 „ vxorumque suarum in eo sexu fœcunditatem calamitosam  
 „ sibi fore animaduertunt: aut dum nominis sui memoriam,  
 „ generis subsidiū, hæredes familiæ & Reip. ciues post se quo-  
 „ tidianis victimis & precibus reliquisse optant, qua ratione a-  
 „ lia præstare id sibi possent à Deo cognouerunt. Factumque vt  
 „ Græci ἐρμῆς ῥίζαν, id est, Mercurij herbam, latini Mercurialem  
 „ vocarint.

*Mercurialis* mas & fœmina syluestris, supra Cynocrambe.

*Mespilus Setania*, maioribus vulgari fructibus, Gallica, & altera  
humilis siue Chamamespilus, descripta à Gesnero in Valerij  
Cordi obseruationum editione.

*Meum* Crescit multum in Italiæ alpibus, in monte imprimis S.  
Angeli, vocaturq; Finochiella. Hoc in alpibus quoq; Panno-  
nicis obseruauit Clusius.

*Meum Silesticum* foliis Cicutæ & pene caule, sed perpetua radice  
& nonnihil aromaticum referente gustu, multiplici nodosa  
& iuxta latera se propagante, non recta descendente: um-  
bellis candidis, oblongo semine, à CL. viro D. Friderico Se-  
bicio mihi communicatum.

*Milium aureum*. Item album, multo candidiore semine quam  
vulgare. Adhæc nigrum, quod tamen semel satum postea nō  
ita facile extirpatur. Milium & Triticum non ferunt irriga-  
tionem frequentem.

*Milium Indicum* Plinij nigrum, album, rubrum, luteum. Vulgo  
„ Sorgi vel Melica. Panes in Italia in agris inde conficiunt ni-  
„ gros admodum & duræ concoctionis.

*Millefolium* flore albo, purpureo & luteo: quod vltimum vocat  
Matthiolus Helichrysum Italicum. Pulvis millefolij efficax  
est in dolorib. colicis ad ʒ. i. exhibitus in vino, & datur vtili-



ter quoque de eo puerulis in pulte.

*Molle*, arbor apud Dn. Clusium in Annotationibus versionis Nicolai Monardis Hispalensis. Sequenti vere exaruit, cum magno studio hyeme fuisset à nobis asseruata. Liquorem vbi folia decerpebantur, emittebat lacteū, odoratū admodum, plane lignum Sassepes referentem.

*Molucca* siue Melissa Constantinopolitana, odorē Peponū referens. Alte crescit: annua planta est. Succus eius in vulneribus ca-  
pitis cōmendatur. Est alia eius differentia, aspera dicta, foetida potius quā odorata, quæ nō ita facile ad maturitatē peruenit. *Moly Theophrasti* à Dodonæo & Lobelio descriptum, & alterum Indicum, dictum Caucaſon.

*Moly Dioscorid.* flosculis albis, sub quo nomine peculiaris plantula allium referens, ex Gallia olim ad me missa fuit ab humanissimo Domino Nicolao Rasso Chirurgo Regio peritissimo. Reperitur etiam Romæ Neapolim versus, non procul à Mola vel Caieta, & circa Neapolim Puteolos versus, hæc ipsa planta vel simillima.

*Molybdena* siue plumbago Plinij, Dentilaria Rondelletij. Romæ herba S. Antonij vocatur, Italis ceteris Crepanella, in Illyria  
Cucurida. Cautica est planta, quæ applicata carpo in doloribus dentium, admodum commendatur, quamuis alij etiam  
manu retentā efficacē esse existiment. Apud nos raro florem multo minus semē profert. Radix tamen viuacissima est, nec vnus tantum anni, modo frigore non aboleatur. In Hispania & Lusitania quoq; esse frequentem Clusius annotauit.

*Morus vulgaris*, & illius pumila species siue Chamæmorus, quæ iam in duodecimum annum in horto colitur, nec vnquam adhuc fructum protulit.

*Morus alba*, alimentum in Italia Bombycum, quamuis Anno Christi 1559. primo vere in magna annonæ caritate cimis earundē pauperculā quoq; plebē Patauij auide vesci viderim.

*Morusus*

*Morsus Diaboli* purpureo, cæruleo & albo flore. Hanc postremam differentiam mecum detuli ex Bauaria non procul à Pfaffenhouio crescentem. Ad Scabiosas non male refertur. Huius succi multus vsus, imprimis vero vtiliter admodum additur. gargarismis in Angina.

*Moscatella*, species quibusdam minima Ranunculi, alij ad Capnum referunt. Crescit copiose Basileæ & alibi. Syluestris multo maiore Mosci odore prædita est, quam in hortum translata, vbi tamen plurimum sese propagat.

*Muscari Turcarum* flore ex viridi purpurascente, & rarior eius species flore luteo: odoris suauiss. vnde nomen illi impositum, à Dn. Clusio in Pannonicis plene descriptum. Ad hyacinthos referenda planta, quamuis Matth. pro Bulbo vomitorio habuerit. Tibcadi à Turcis appellatur. Accepi etiam bulbos insignitos nomine Misch rimi.

*Muscipula*. Vide Lobelij picturam.

*Mutzelina* ex Arba monte, vbi *Bârtwurz* appellant, qua ad suos caseos cõdiendos vtuntur Heluctij, nominâtes *Mutry*. Eius imaginem ante hac depictam dedimus. Herba videtur inter Carum & Meum quasi ambigua.

*Myrica* siue Tamariscus Gallica. Altera quæ in Germania passim ad Danubij ripas crescit, nõ facile culturâ hortensem recipit, nisi ad aquas collocata, cum prior diu in horro dureret, modo hyemæ recondatur. Legitur apud Nicandri interpretẽ in The riacis, Apollinẽ vaticinos sanxisse mirifica pronunciare mortalibus futura, virgis Myricinis vtentes, propterea hunc fruticem Nicander *Μάγνυ*, id est vatem vocat. Apollo inde in Lesbo tenebat manu virgas Myricinas, quare Myriceus dictus. Et plerisque locis virgarum vi Dion antiquos fuisse vaticinatos scriptum reliquit. Legimus præterea Magos virgas vertisse in Dracones & miracula à Mose vi virgarum facta, quæ certe diuino afflatu fiebãt, nõ Magico vt Plini. lib. 30. cap. 1. impie opinatus fuit, Magices factionem à Mose memorans.

*Myrrhis*



*Myrrhis sativa* quam alij vocant Sefeli Peloponnense. Habui & minorem à CL. V.D. Ioanne Aicholcio Vuiennamissam. Est & syluestris & palustris.

*Myrtus communis Italica*, Mortella, & domestica altera ex Hispania allata, fructu albo, quo D. Clusius me donauit, sed frigoris impatiens perijt.

„ Veneri est dicata, quia multus vsus in morbis muliebribus. Frigus ferre nequit, vnde Ouidius: Metuentem frigora myrtū dixit. Virg. amantes frigora myrtos. An Ouidius de plantis tenellis loquitur, Virgilius de adultis? Nam & hic Ecl. 7. dum teneras defendo à frigore myrtos.

*Myrtus Tarentina*, quam diu in fictilibus asseruo, florem copiose at minime fructus ferentē. Surculis potest propagari. Aqua inde odoratissima stillatitia paratur. Ex Myrto per insitio- nem Malum punicam crescere Plutarchus in Symposiacis autor est.

## N.

## N A P E L L V S.

*Napus*, italice Naoni.

*Nardus Celtica* cum gleba propria huc translata ex montibus Noricis, pulcre floruit, sed ultra tertium annum in horto non durauit. Selliga vocant in Valesiorum montibus vnde Gesnerus Saliuncam esse putauit.

*Nardus montana* Matthioli, ex iisdem locis allata, magis hortensis planta quam prior.

*Narcissus exoticus* siue Constantinopolitanus plenis floribus, fragrantissimis, qui primo anno suo tempore ex Italia allatus mihi floruit, sed postea iisdem bulbi nunquam rursus, quamuis virent & multa prole quotannis augerentur, florē præbuerunt, sicut quoque de Lilio Constantinopolitano, quod

quod ipse vocat Ornithogalon maius, Clusius obseruauit. Non itaque omnis fert omnia tellus. Turci vocant Giul catamer lalè.

*Narcissus Constantinopolitanus*, quem *Ziden Sari* vocant, iam demum ab amico ex illis locis trāsmisus, bulbo anguloso, nec admodum oblongo, tunica tenui nigra vestito, cuius florem proximo anno expecto, vt & aliorum, quos simul accepi nomine *Zirimcada Catamer* floribus albis & luteis.

*Narcissus albus* maior & minor.

*Narcissus iuncifolius* maior & minor, odoratissimo flore, vterq; hyemis acrioris impatiens.

*Narcissus luteus præcox & serotinus*, flore duplici & multiplici. Codiaminum Plinij quorundam ob nolæ formam.

*Narcissus ex luteo pallidus*, flore pleno, nullo intus calice.

*Narcissus luteus polyanthos*, id est, plures vno caule flores gerens, fictili asseruandus, brumæ tæuitiæ impatientissimus.

*Narcissus autumnalis luteus*, Clusio in Hisp. Lirion Theoph.

*Narcissus Persicus Clusii* in Pann. Hic lubentius quam ille frigori nostro assuescit.

*Nasturtium* tam latifolium quam nostras. Aqua huius stillatitia pota sanguinis reiectionibus prodesse traditur ab Alexandro Benedicto. Semen eius contra vermes recte vsurpatur. Idem contusum & in vino exhibitum feliciter datur in casu & sanguine concreto, vt sudor inde excitetur, quod vsitatum esse in Austria & Vngaria Dom. Clusius in suis obseru. Pannonicis annotauit. Semina quædam vetusta, vt *Nasturtij*, *Apij*, &c. celerius nascuntur quam recentia, quod èt Theophrastus annotauit. Cibus fuit Persarum, vt apparet ex Xenoph. Cyri *παδεία*. Iubentur *Nasturtium* edere apud Comicos, qui parum animi habent.

*Nasturtium Indicum Dodonæi*, cuius descriptio apud eūdem, nec non apud Lobelium & Costam, qui cruentum florem inscri-



bit, legi potest; denique etiam in Lugdunensi herbario. Iconem vero ex ipsa planta, qualis mihi nata fuit, affabre depictam cum aliis modo damus.

*Nepa*, sic Scorpionum vertit apud Theophrastum Theodorus, inficilibus asseruanda. In Gallia & Hispania frequens.

*Nepeta*, & minor species dicta Nepetella.

*Nepeta Germanica*, Gattaria vulgo, quia Feles ea herba plurimum delectantur, quod non semel obseruauimus. Huius decoctum in suffocatione matricis, ut & herbae olfactus plurimum conducit. Prioris vero usus in pellenda scabie, si ex ea in aqua decocta, loca saepe foueantur.

*Nerion* siue Rhododaphne, siue Rhododendrum, Oleandrum vulgo, flore rubescens & albo. Diligenter in ficilibus asseruanda. Crescit copiose, ut D. Rauuolfius obseruauit, circa Tripolim, ubi incolae vocant Desle, itemque in Creta. Mirum, inquit Plinius, Rhododendri folia quadrupedibus venenum esse, homini vero contra serpentes praesidium, ruta adhibita & ex vino pota. In Hispania tamen huius succo sagittas nostris temporibus infici, ut lethalia inde vulnera fiant, à multis audiui. Palladius iubet Nerio aditus murum syluestrium claudi, qui hoc flore, dum exire conantur, pereunt. Oleum ex hac planta Mesues accipit ad vnguentum Psoricum: & Auicenna contra Scabiem & asperitates cutis succum eius usurpat.

*Nil*, siue Anil, Egregia planta, ex qua fit Indicum in Aegypto, Arabia & India. Semen misit doctiss. vir & medicus insignis Lugdunensis Dalechampius. Foliis prodiit glaucis, nonnihil representantibus Barbæ Iouis folia, sed latioribus, verum non peruenit ad frugem. Vide Clusij annotationes in Garciam lib. 2. de plant. historia, cap. 26.

*Noli me tangere*, infra Persicaria filiquosa.

*Nummularia*, ubique nota planta & ad vlcera oris & Stomacacena, cocta in lacte caprino admodum utilis. Multum conuenire cum

cum descriptione *ἐπεὶ βεδάρε* apud Theoph. ꝓ Rubiam tranſtulit Gaza, quāuis hæc ſit planta ſatis nota, exiſtimabat Anguil.  
*Nux auellana* ſiue pontica, inter quas apud nos Cellenſes à quodam monaſterio prope VVurzeburgum denominatæ aliis ꝓ præferuntur. Eorum cremor in calculo renum & ardore vrinæ vtiliter exhibetur. Creſcunt etiā apud nos maiores iſtæ, quas à loco vnde afferuntur, Lugdunenſes vocamus.

*Nux inglans*. Huius quoq; à magnitudine & duritie corticis aliquot reperiuntur differētiæ. Antipathia dicitur eſſe huius arboris cum quercu, vt vna alteram nō ferat. Decerptus huius medius cortex, præſertim vbi ſucco ſcatet, ac arefactus trituſque vomitum prouocat, idq; adhuc mitius præſtant iuli eius, qui & catuli vocantur. Hi furno ſiccati tuſiq; a 3. ſ. ad 3. j. ex cōueniente liquore aut vino albo ſurſum purgant, colicis dolorib. ac nephriticis vtilis. Alii folia in Maio tenera vel turionnes in aqua decoquūt, ac ad aluū moderate leniendū vtūtur. Radices vero, tum ſuccus expreſſus vomitū & aluum ſatis valide mouet, experientia teſte, quo remedio ruſtici vtī ſolent.

Aqua ex immaturis nucib. deſtillata vtilis eſt in peſte. Præterea cōmēdat Paræus Chirurgus regis in Gallia ad diſſoluendos thrombos cōcreti ſanguinis: Quidā vtuntur in malis vlcerib. tibiariū, vbi caro putrida apparet, & contra Meliceria Celfi: quāuis de hoc vocabulo dubitetur inter doctos, ita tamen rē deſcribit, vt cū eo affectu, quē vulgo das *Gliedwaſſer* vocāt, cōuenire videatur. Hæc arbor, ſecundū Iul. Cæſ. Scaligerū, exudat gummi, medicamentū aptū ad affectus renum.  
*Nux metel. vulgo*, Stramonia Fuchſij, Pomum ſpinoſum. Interpres Theocriti ex Crateua deſcribit Hippomanes, quod Anguillara conijciebat, non tamen affirmabat, huic plantæ cōuenire. Cardanus dubitat an inter Solani differentias ſit collocanda, cum folia ſuccum nigri papaueris oleant: ipſa vero poma, ſi cocta edantur, delirium cum riſu excitare ait.



**O**CIMUM siue Basilicum maius quod ab odore & figura foliorum citratum vocant, medium & minimum Caryophyllatum dictum, & quidem vnumquodq; album & nigrū. Alui ante aliquot annos & aliam differentiam sub nomine Basilici Indici vel potius Hispanici (sic enim ferme omnia exotica vocant) ad me ex Italia missam, ferratis & crispatis folijs subcæruleis. Crispum Basilicum merito cognominaretur.

Cum pleræque plantæ noctu vtilius irrigentur, ocimum tamen affusa aqua interdium & sub solis æstu proficere plurimum solet, vnde contra aliarum plantarum naturam magis gaudet calida irrigari quam frigida, cuius rei Doctiss. Costæus hanc affert causam: An, inquit, quia imbecilla sit planta? imbecillitatē enim id prodit, quod nisi frequenter irrigetur, tabescit. At contra tepor laxando corpora imbecillitatem potius auget quam minuat. Neque ocimi imbecillitas ob caloris esse penuriam potest, in quo caliditatem vigere insignis odor persuadet. An ergo potius Ocimi imbecillitas ob laxitatem est substantiæ, cuius causa, quia profusior sit innati humoris dissipatio, propterea celeri quoque & assidua opus illi est alimentī penetratione, hæc autem sit beneficio teporis. Non est hoc profecto à vero dissimile. Sic ille lib. 2. de natura stirpium cap. 9. Idem perhibet ocimum æstate tota in aqua non secus ac in terra virere, florere & semina quoque interdum proferre, quod sane admiratione non caret. Libet hic afferre lepidam historiam de hac planta Augustini Iustiniani Genuensis lib. 6. Franciscus Marchio Iurisconsultus missus à Genuensibus orator ad Ducem Mediolanensem, cum eum non vellet audire, nec pactis conuentis cum Rep. Genuensi stare. Captata occasione obtulit Duci manipulum herbæ Basilici. Qui admirabundus, quid sibi hoc donum vellet, quæsiuit. Cui ille respondet:

respondet: Eiusmodi proprietatem huic plantæ inesse, vt leniter & suauiter contrectata præbeat gratum odorem, nimis autem duriter compressa & attrita, tandem produceret Scorpiones: atq; ita simile omnino esse ingeniū Genuensium. Dux ingenioso hoc responso admodum delectatus & sententiam priorem mutauit, & legatum honorifice dimisit. Scorpiones autem sub fictilibus in quibus Basilicum colitur, libenter stabulari, sæpius Venetijs obseruauit.

*Ocimoides Matthioli.* Vidi flore pleno in horto Electoris Heidelbergæ.

Arboreum vel fruticosum potius, folijs Myrti, splendidis, flore rubro:

Repens, itemq; Angustifolium flore rubello.

Aliud flore suaue rubente ex monte Arba delatum.

*Ocimoides noctiflorum*, quod noctu tantum florem odoratum explicat per æstatem, autumno vero & ingruente hyeme inodorum. Item congeneres plantæ: Vide *Lychnis sylvestris*.

*Odontis* siue Denteclaria,

*Odontis quorundam* siue flos Cuculi apud Tragum. *Gauchblum* candido & rubello flore, itemq; pleno Venetijs nomine *Maragaritæ* accepta.

*Oenanthe Guilandini*, semine in umbella concreto inuicem, peculiari ratione, quæ in alijs umbelliferis non quod sciam, obseruatur, tuberosa radice, folijs Apij, minutis. primo anno flores candidos protulit è semine modo nata, vix duarum vel trium vnciarum plantula.

*Olea* ex taleis propagatur, hyeme recondenda. Hanc in crescendo cinere è Calcarijs fornacibus maxime adiuuari Costæus ait esse obseruatum, alioquin lente crescit, vnde Virg. prolem tardè crescentis oliuæ. Perpetuo viret vnde *αἰθαλὺς*. & Ouid. Ramis semper frondentis oliuæ. Ad ducentos deniq; annos viuere aiunt, quare Virgil. in 2. Georg. cecinit:



*Difficiles primum terra collesq. maligni  
Palladia gaudent sylua viuacis oliuæ.*

Insigne olim pacis fuit. Huius liquorem nimirum oleum Plato in Menexeno *πλεωνάζοντων*, id est laborum subsidium & adiumentum hominibus datum esse ait. Oleam ita quercum auersari Costæus quoq; annotauit, vt in scrobe posita, in qua quercus creuit, non viuat.

*Onopordon* vel *Acanthium Illyricum*. Moderatas hyemes facile sustinet, sed vehementioribus succumbit.

• *Ophioglosson*, humidis pratis gaudens, herba vulneraria. Locis umbræ posita in horto durat. Supra Lingua vulneraria Cordi. *Ophrys Plinij*, vide *Bifolium*.

*Opuntia*, vulgo habita, quamuis diuersa videri possit à Theophrasti *Opuntia*. Vt Plinius vertit, herba est *Opuntia* etiam homini dulcis, mirumq; è folio eius radicem fieri & nasci sic etiam. Tunc siue *Tunas Indis*, *Anapallus Bellonij*. Aliqui in Italia referunt ad *Palam Plinij*, haud scio quã recte. In insulis *Perunianis* & potissimum *Hispaniola*, sponte crescit. Translata in *Hispaniam*, *Italiam* & *Galliam* fructus etiam maturos profert, sed apud nos optime munienda cum facile putrescat & frigoris sit impatiens, nec tamen etiam loca nimis occlusa ferat. Mirum enasci plantam hanc ex semine durissimo. Prodiit nobis hoc anno, quo hæc exarabamus, decimo sexto die à satu, maturius forsân proditura, nisi obstitisset frigus insolitum, quo hac æstate tanquam sæuissimæ hyemis reliquijs interdum sumus conflictati. At alterû semen, eodem tamen tempore cû priore terræ mandatum, tertio demum mense erupit. Cum primum exit, folia duo crassa, mucronata, rubentia ostendit, è quorum medio quasi pili candicantes & rubescentes simul emergunt, quos statim sequitur folium iisdem vestitum & hirsutum totum, nec latum, sed teres: progressu temporis paulatim in latitudinẽ cõprimatur, aculeis

aculeis rubentibus & albicantibus, mollibusq; armatum, iucundissimo sane Naturæ spectaculo. Fructus pulpa succosa & rubens est ac iñstar Mororum succo sanguineo manus in-  
 ficit: cuius crebrior esus urinam cruentam efficit. Succū foli-  
 orum vlceribus vetustis vtiliter adhiberi aiunt.

*Orchis*, Cynosorchis & Testiculus canis maior, flore dilute pur-  
 purascente, siue incarnato. Medius purpureo flore, Minor  
 guttato sanguineo. Et alius minor flosculis albis, foliis cras-  
 sis nigris, radice repente, geniculata, & vbi folia emergunt,  
 apparent pusilla rudimenta tanquam naturæ testiculos ef-  
 fingere conātis. Nascitur sponte in opacis syluis, in ramentis  
 arborū, quæ longa vetustate emarcuerunt. Ad hortos trans-  
 latus durat, sed colorem acquirit magis pallidum, nec tam  
 crassa manent folia. Mons est S. Mauritij dictus, via qua itur  
 Hèrespruccum, duobus milliaribus ab vrbe distans, in cuius  
 humidioribus partibus plures huius plantæ differentiæ re-  
 periuntur.

*Orchis bifolius*, qui nonnunquam trifolius nascitur, vnde Fuch-  
 sio Dioscoridis Satyrion esse placuit.

Orchidem flore albo, odorato, vel Spiralem C. Gemmæ  
 ad me misit ex Silesia D. Fridericus Sebicius.

*Orchis Serapias Lobelij*, Satyrion basilicū aliorum, flore candido,  
 dilute rubescente & rubello. Ex his tertium folia interdum  
 maculis cruentis aspersa gerit, interdum sine maculis. Priora  
 vero duo maculis in horto meo nunquam carent, nescio an  
 , alibi etiam. Odoratissimo flore minima quædam species al-  
 , pina prædita est, coloris ex puniceo nigricantis, quem dysen-  
 , tericis præbent frixum cum ouis vel in puluerem redactum  
 , ex vino propinant. Radix etiam Orchidum reliquorum in  
 , vino stiptico cocta & rursus exiccata non leui successu datur  
 , in dysenteria.

*Origanū Heracleoticū* flosculis ex albo purpurascentib. & nonnun-  
 quam



quam candidis. Fert hyemem, nisi fuerit plane prodigiosa, qualis anni præteriti.

*Origanum Creticum*, folio magis albicante & hirsutius. Hyemem non bene tolerat. Puluerisatum & in iusculo exhibitum nonnihil purgare. obseruauit Brassau. in libr. de purgantibus.

*Origanum syluestre*, flore albo, ita quidem vulgo vocatur, quod passim crescit, & potius ad Heracleoticum est referendum. Nam syluestre quod secundum Nicandrum Diosc. describitur cum umbella anethi instar, alba tamen, Anguillara dicebat in Italia sibi non esse visum. *Origanum syluestre* esse Cuni- lam Bubulam dictam Ruellius probare conatur.

*Origanum onites*, aliud ab eo, quod Matthiol. pingit, foliis multo candidioribus altero, flore albicante in umbella ampliore. Planta est minus alsiosa quam *Creticum* & *Heracleoticum*. Amant ad condiendum putre salsamentum.

» Origano adhuc in Illyria & Græcia vtuntur propter acrem  
» saporem in ferculis loco aromatum. Antigonus in farragine  
» memorabilem narrationem scribit Testudinem ubi serpen-  
» tem adit, *Origanum* insuper edere & quodam tempore acci-  
» disse, qui hac re obseruata *origanū* eo loco abstulerit; & tum  
» testudinem eo orbatam periisse. Idem autor Græcus addit  
» palumbes percussas *Origanum* vulnere indere, & hoc reme-  
» dio sanari. Item si Origano & Sulphure formicarum acerui  
» obturentur, statim illas aufugere, quod etiam apud Palladi-  
» um legitur. Plutarchus paulo aliter in natur. quæstionibus:  
» Testudo, inquit, ubi carnem viperæ edit, Origano herba ve-  
» scitur, quod etiam transtulit in Homiliam 9. ἔξαντες ὅν D. Ba-  
» filius. Decoctum Origani cum Caryophyllis & Sacharo pa-  
» ratum plurimū singultui prodesse cōstat. Huius etiam puluis  
» cū pauco sale nitro vulgari & melle instar eclegmatis mistus  
» vtiliter dentib. infricatur, & reddit candidiores ac firmiores.

*Origanum*

*Origanum* tueri, prouerbum est apud Suidam ex Aristophane sumptum, ab acrimonia herbae, & dicebatur de eo, qui robur & masculum animum præ se ferebat.

*Ornithogalum* maius Italicum & alterum minus, cuius magnam copiam in pratis ad Albim fl. prope Dresdam in vere reperi.

*Ornithogalum serotinum*, folio magis cæsius & minus pingui.

*Ornithogalum Narbonense* spicatum.

*Ornithogalum aliud spicatum*, quod Dodonæus coniicit esse *Asphodelum Bulbosum* Galeni.

Luteum *Ornithogalum* habetur ea planta, quam Fuchsius nominat *Bulbum Esculentum*, & passim crescit in agris.

*Ornithopodium* maius ex Italia missum, & minus in aruis ad Mœnum fluuium frequēs. Aliud in Heluetia circa Tigurum plurimum crescit in quadam syluula, vt Gesnerus notauit.

*Oryza* in aquosis locis aliquoties nobis prouenit. De cuius cultura copiose scripsit Quiqueranus Gallus in lib. de laudibus  
 ,, Prouinciæ. Difficile non nihil coquitur & tosta quidem ad-  
 ,, huc magis, sed sic ventum cohibet. In Hispania ex farina hu-  
 ,, ius & gallinarum pectoribus elixis & incisis, cumq; saccharo  
 ,, & lacte lento igne coctis, & ligneo instrumento valide suba-  
 ,, ctis suauissimum cibum, quem album vocant, parare solent,  
 ,, estq; plurimi alimenti sed paulo crassioris.

*Osteocollon Absyrti Italis*. Caryophyllus paruus in aruis apud nos repens, describitur in historia stirpium Lugdunensi. Elegans plantula, in hyemem vsq; in horto florens.

*Ossyris*, vulgo Belvedere, & Scopæ Paduanæ. In Græcia nostro quoque tempore lingua Græca corrupta nominatur *ἀζύρις*.

*Oxyacantha* sæpib. viuis idonea.

*Oxyacanthus Galeni*, Berberis vulgo.

*Oxycoccus Valerij Cordi*, Palustria Vaccinia, *Moosbeer*. Loco umbroso durat aliquantum, licet non admodum irriguo, sed



vere ineunte apricum odit ac tabescit. Non longe ab hac vrbe quoque prope piscinas magnas reperitur.

*Oxys* flore lacteo, & luteo: quæ vtraq; reperitur in nostris quoq; regionib. Vocatur hic *Mâlerfraut*/quia delet maculas in lin-  
teis albis. Aqua destillata ex vulgari planta & agrimonia si-  
mul, admodum vulneribus confert.

## P.

**P**ÆONIA sic dicta à Medico Pæone, qui ea vulneratū Plutonem ab Hercule <sup>iduar. 1.</sup> Homero fingente, curasse perhibetur, à quo herbæ Pæoniæ pro salutaribus accipiuntur, vt apud Virgil: 7. Aen: Pæonijs reuocatum herbis. Mas ad omnia efficacior quam fœmina. Aqua ex floribus destillata simul cum radicibus, cum puluere corall. & marg. datur ante noctem ad somnia terrifica arcenda. Recentem huius radicem collo suspensam epilepticis adhuc vtiliter vsurpamus, q̃ D. Costæus quoque affirmat & verissimum esse testatur Fernelius, in pueris præsertim à se compertum. lib. II. de abditis rerum causis cap. XVI. Leuinus Lemnius exprimæ fœturæ, vt loquitur, semine nigricante & orbiculari trito cū oxymelle Scyllitico & Syrupo de Stæchade ac parū nucis Muscatæ fieri efficacius remedium contra epilepsiam testatur:

*Peonia fœmina* vtraq; apud Dodonæum depicta Crescit in summis supra Glaronam montibus. Quarum altera interdum flores habet maximos, dilute admodū rubescentes. Semen Pæoniæ admodū tarde, quod ego expertus, & interdum vix intra annum prouenit: radice vero adeo restibili & fœcunda propagatur, vt eius etiam minima particula repullulet.

*Peonia polyanthos*, id est flore pleno, quæ ante paucos annos apud nos est cœpta coli, cuius vnica planta nescio vnde allata (forsitan ex Hispania) primum Antuerpiæ 12. coronatis fuit  
empta,

empta, nunc vero ita multiplicata est vt in omnibus ferme  
 precipuis hortis reperiatur. Admiratione non caret, elegan-  
 tissimum hunc florem reperiri aliquando ita dense stipatum,  
 vt in vno numerauerim quingenta folia maiora & minora.

Semen ideo rarissime profert, cuius tantum vnicum gra-  
 num aliquando collegi. Paratur ex hisce floribus cum Sac-  
 charo Syrupus instar gemmæ rubescens, utilis ad fluxiones  
 & Epilepsiâ. Extractū similiter ad eosdē affectus recte datur.

*Pæonia Byfantina* flore admodum rubro instar minij, descripta à  
 D. Clusio in obseruationibus Pannonicis. Turcæ nominant  
 satis *quarlıyas*, vt Anemonas quoq;, Schakaik.

Est & altera *Pæonia* flore pleno dilutiore & minore, cuius  
 folia non ita sunt caduca, priore adhuc multo rarior, & pro  
 candida mihi communicata.

*Pæonia leucanthemos*, id est flore candicante, non plane albo. ha-  
 bet enim aliquid rubri dilutioris aspersum. Nullum vero ad-  
 huc omnino candidum florem *Pæoniæ*, siue plenum siue sim-  
 plicem, quamuis tam in principum quam priuatorum hortis  
 instructioribus diligenter multis annis de illo inquisiuerim,  
 videre contigit.

In Ida monte Cretæ nasci floribus albis *Pæoniam* & vo-  
 cari vulgo Psiphedilam Bellonius scribit in suo de memora-  
 bilibus libro.

*Pæonia ochranthemos*, id est flore pallescente, quam habui ex hor-  
 to Domini mei elementiss. illustrissimi principis Landgrauij  
 Hassiæ Cassellis, cuius florem proximo anno expecto.

*Pæonia Hispanica* siue pumila, tam foliis quam flore exiguis, ni-  
 gro admodum semine.

Braſauolus in lib. de purgantib. Medicamentis disputat,  
 quo pacto Plinius asserat radices *Pæoniæ* astringere atque  
 etiâ purgare. Ad quē locū remitto lectorem, nam hic omnia  
 eiusmodi tractare nimis foret prolixum.



*Paliurus* siue Rhamnus III. Spina Iudaica Crescentio. Ex vetusto admodum semine prodit.

*Palma* ex nucleis quidem apud nos germen erumpit, sed raro ultra vnam hyemem durat. Nam & Theoph. lib. 4. hist. de plantis tradit, hanc & Morum Aegyptiam quamuis apprhenderint, in multis tamen locis nec fructificare nec augeri. *Mirum* est quod nucleus initio durissimus in terra tandem ita emolliatur, vt decorticari queat & auferri ab interiore medulla, quæ pene cartilaginis refert naturam.

Costæus tradit semen vino maceratum citius quam alias prouenire.

*Panax Heracleum*. In tertium vsq; annum durat in nostris hortis semenque profert maturum. Crescit in Apennino multis in locis, sicut in Alpibus Scalæ dictis non procul Bononia, & in Samnitibus vbi vocant Rampe d'orso. Verum Anguillara, quod non odorem repræsenteret Opopanacis, nec semen esset acre aut caules lanuginosi, vt vult Dioscorides, de ea non nihil adhuc dubitabat.

*Panax Asclepias* hoc nomine missum, folio Ferulæ tenuiore, & Fæniculi crassiore. Nascitur in Creta vbi Sefeli vulgo, & in Sicilia in qua Peucedanum vocant. Quamuis hæ appellationes alijs plantis proprie conueniant.

*Panax Chironium*, vide supra Flos solis siue Helianthemum.

*Panax Chironium Theoph.* idem quod Costus Spurius Matthioli, quorundam sententia.

*Panocratium*. Hanc putabat Scyllam vulgarem esse Anguillara, quæ in Cephalonia vocatur Cæpa Canina.

*Panicum*. Melfrugum secundum Dioclem, sed non Theophrasti, vt legenti huius auctoris verba manifesta apparet.

*Panicum sylvestre*.

*Panicum Indicum* cæruleum, aprico loco ferendum, alioquin non perficitur.

*Papauer cornutum* siue corniculatum floribus luteis. Ex semine sese mirifice in nostris hortis propagat. Alterum florib. rubris maiore indiget cultura, quod primo anno floret, crescit copiose in Italia circa oppidum Frontinianum. Tertium flore purpureo, qui magis est caducus quam priorum, frequens est in Morauia & Austria multis in locis inter segetes. Omnes hæ species rectius in autumnno seruntur, excutiendo ex corniculis maturum semen, vt ita statim rursus terræ mandetur.

*Papaueris satini* (reperiuntur huius quoq; genera syluestria) variæ differentia, inter quas iam in nostris hortis coluntur flore pleno elegantissimi coloris, albi, rubri, purpurei & ex his misti. *Capita* papauerum decutere est primates tollere in Rep. Sumptum ex historia Romana apud Liuium & Valerium Max.

*Papauer Rhæas*. Huius forte fortuna aliquando inter segetes reperisse speciem flore pleno luxuriantem Dn. Clusius mihi retulit. Flores, secundum Costæum, frigidi & sicci fluxiones pleuriticæ non minus siccitate absumere, quam frigiditate cohibere creduntur. In Syria circa Alepum, vbi incolæ nominant Schuck, ex floribus huius papaueris conseruam, vt vocant, eisdem parare & crebro illa in tussi vti in suo Hodæponto rico luculentiss. notauit CL. V. D. Rauuolfius.

*Papauer spumeum* vulgare descriptum & depictum à Lobelio. Anguillara vero, (quamuis non omnia adeo quadrent, forsitan ob diuersitatem loci) conijciebat Gratiolam huic descriptioni non male conuenire, cum in Syria adiuc semen illius ciens vomitum vocari scribat.

*Parietaria* supra Helxine.

*Parietaria syluestris*, vt vulgo vocant, elegantissima herba, foliorum coma cærulea vel dilute rubescente vel penitus candida: flosculis, qua parte suo conceptaculo tenentur, sanguineis,



priore vero flauis. Ob insignem elegantiam & colorū varietatem hortis inferenda, sed locis fruticosis, & circa sepes. Nō vult enim in areis coli. Semē mature colligendū, antequam exiliat è vasculis & statim reddendum telluri, vt sponte excidat. Nudum enim si contrectetur fœcunditatem deperdere existimatur. Quidam vulnera sanare & liuores discutere arbitrantur. Sapor est subdulcis & non nihil acris simulq; astringentis alicuius particeps. Crescit passim apud nos in syluis & aggeribus.

*Paris* Herba maioribus baccis quam vsitata, olim falso pro Aconito habita. Cuius foliis in malis vlcerib. vtimur. Ac sunt præterea qui affirmant puluerem huius radicis datum in colicis doloribus statim eos sedare.

*Paronychia* alfinēs, & altera Myagri folio à Gesnero depictæ. Thalius in sylua Hercynia vocat Pilosellas siliquatas.

*Parthenium* vide supra Matricaria. Hoc saltem hic monendum putauī, Gazam vertere Muraleū in Theoph. lib. 7. hist. cap. 7. vbi inter olera id recenset, quæ non eduntur nisi cocta, vt & Beta, Lapathū, Malua, Vrtica. Ideoq; dubitari posset ab aliquo, vtrum Parietaria, quæ etiam muralis herba dicitur, ibi sit accipienda, an vero Matricaria. Sed hæc apud Italos quosdam inter olera cocta comeditur & potissimum cum ouis frixa, sic enim nulla saporis fœditate offendit. De Parietaria vero nihil huiusmodi intellexi, quamuis & hæc, dum nouella est, quemadmodum Vrtica quoque in olerum vsum venire posset.

*Passerina Tragi*, ex agris Franconiæ inter Herbipolim, & Francofurtum copiose potest colligi.

*Pastinaca satina* & syluestris.

Plinius Pastinacæ nomine Latinis significari ait plantas quatuor. I. Satiuam Lugdunensibus Panetz quam *Wesfnachē* vel *Welschpeterlin* vocant nostri olitores, quod præcipue Italos

Italos ea delectari sciant & Petroselini ritu cum carnibus coquatur. Eam Romani Gallicam vocabant, quod vti etiam nunc fit, in Gallia tunc passim diligentiss. coleretur. II. Agrestem in pratis nascentem, quā Hibiscum, & Malachen agriarum cap. 4. lib. 20. Pratensem cap. 15 lib. 21. Lugdunens. Panetz sauages dicunt, vulgo *Ybisch*/verius oblectamentum quam cibum. III. Daucum staphylinum altilem, & hortensem memoratū Gale. lib. 6. Simp. vulgo Carota, *Möhren*. IIII. Daucum staphylinum syluestrem, cuius semen passim in officinis simpliciter Dauci semen audit. Germanis *Vogelnest* ab umbellæ deflorescentis figura.

Et quoniam hæc Romano more tractauerat, subiungit, Græcos quatuor etiam Dauci genera statuere, nempe tria descripta à Dioscoride & quartum Dioclis Daucū staphylinum quem post Ligusticum Dioscorides explicat, syluestrem scilicet, nulla vsquam facta mentione satiui aut Pastinacæ vel satiuiæ vel agrestis, quasi ignotæ Græcis illæ plantæ fuerint, quamuis Staphylinum apud Diosc. interpretes vertant Pastinacam. Staphylinū tamen suum Diosc. *αγριον* vocat, tanquam & *μυρσιν* cognouisset. Hæc de Pastinacæ differentiis admodum erudite, & distinctè annotauit nuper in Plin: lib. 19 cap. 5. doctiss. Iacob Dalech: quæ in gratiam & vsum studiosorum rei herbariæ hic quoq; ascribere placuit.

*Pecten Veneris*. Anguillara dubitat, an sit Scandix Veterum

*Pentaphyllum rectum* maius & minus item Repens, & deniq; Albo flore, quod maxime conuenit cum descriptione Hipp. in lib. de Vlcerebus. Reperitur hoc postremum in Hetruria, vocantq; Pentaphyllum argentinum, itemq; in Illyria.

» Decoctū Pentaphylli vulgaris instar Ligni Indici paratum  
» vtiliter exhibetur in Epilepsia, asserente hoc C. L. V. D. Or-  
» tolphe Marolto Medico doctissimo, & sudores inde cieri  
» etiā D. Erastus annotauit. Radix huius & potissimū extractū  
» rite paratam in dysenteria commendatur. *Penta-*



*Pentaphyllon palustre*, in palustrib. locis circa hanc urbem, flore rubro, In hortis riguis facile durat. Heptaphyllon potius nuncupandum à foliorum numero. Nec est quod quidā hoc ob fructus rudimentum pro fragifero Plinij habeant, qui videtur foliorum similitudine deceptus incogitanter cū pentaphyllo, quod edulem fructum nullum gignit, miscere herbam fraga ferentem lib. 25. ca. 11. vt etiam doctis. Iacob. Dalech. annotat.

*Pentaphyllon Bauaricum*, in campis asperis circa Monacum frequens, Pannonico quarto Clusij non absimile.

*Peplis*, in Germania, quod sciam, nō crescit, nec facile prouenit semen ex Italia missum, nisi ante hyemem seratur.

*Peplus* sponte nascitur in areolis, mature euellendus antequam floreat & semen, quod cito admodum perficitur, nimis late spargat. Cauendum, præsertim inter acetarias plantas ne crescat, alioquin facile fallit legentes, & non sine periculo mensæ adhibetur, vnde olitoribus *Teuffelsmilch* appellatur.

*Pepon*, si semina macerentur in rosacea moscataq; aqua, multo, fiunt odoratiores. Olim Pepones dicebantur homines effœminati. Vide supra *Melon*.

*Perfoliata* maior & minor, quarum posterior in agris Thuringiæ nascitur max. copia. Contra *ἔξωσις*, vulgo *Überbein* contusa instar Cataplasomatis imposita est efficax.

*Perfoliata crispa* siue muscosa, ex eodem semine cum vulgari nascitur interdum, nec differt nisi multiplici florum & foliolorum tenuissimorum sarctu, ac sterilis est, vt Cannabis foemina vulgo dicta.

*Perfoliata montana* Gesneri & Lugdunensium, radice perenni, feruidi & aromatici gustus, cuius iconem exhibemus in libri paginis extremis.

*Perfoliata siliquosa* siue maior Tragi, Brassica campestris D. Clus. *Pericly-*

*Periclymenum* Matrisstylua vulgo siue Capri folium, cuius radix etiam si Diosc. descriptioni repugnet, nihilominus tamen ex Crateua & Oribasio affirmatur conuenire, qui dicunt radicem esse densam & longam. Huius generis habui elegantiss. stirpem ex horto Illustriss. Principis Landgrauij Hassiæ Vuilhelmi &c. quod vocat Periclymenum Perfoliatum siue italicū flore odorato. Et est tertium rectū dictum, cuius species est Xylosteon Dodonæi. In Saxonia vbi Vulgare Periclymenum copiose crescit, aqua eius stillatitia ad faucium & oris vitia crebro & vtiliter admodum vtuntur. Rondoletius ad partus facilitandos aquam eius cum semine Lauendulæ exhibet ad ʒ. ij. vel ʒ. iij.

*Persica arbores* propter fructus differentes. Nam pulpa candida, lutea, & rubra, item magni & parui habentur. Inter quas est Persica pumila fructu præcoci dulci admodū & paruo, apud nos *Johānes persich* admodū suauis sapore prædita, Plin. lib. i. 6. cap. 32. cōmemorans quod non omnia vbiq; nascantur, inter alia refert Persica in Tusculano ægre prouenire nec non nuces Græcas cum tadio inseri. Perseam cum Persico multi confundunt, cum tamen sint plantæ diuersissimæ, vt patet exactius consideranti descriptionem apud Diosc. & Theophrastum. Nicander in Theriacis *κρανοκοπάλλω ἢ κεφαλοχρῆσω* bestiolam venenatam crescere in Perseæ foliis inquit, vbi Socratum quendam ἐν τῷ περὶ βλήτων ἡ δακτύων citat Scholiastes, tradentem τὴν περσεῖαν ἢν ῥοδακινεῖαν καλεῖσιν, ἀπὸ αἰθιοπίας εἰς αἰγυπτον μεταφτευθῆναι, & Rholum Democritæum in libro περὶ συμπαθῶν καὶ ἀντιπαθῶν scribentem: πέρσας ἐγγούλας θανάσιμον φυτὸν, εἰς αἰγυπτον πέμψαι, ὥς ἐκ τούτων πολλῶν μελλόντων ἀναερεθῆσεσθαι, τὴν δὲ ἀγαθὴν ἔσαν εἰς τὸν ἀπὸ τῆς μελαβαλῆν, ποιῆσαί τε τὸ φυτὸν καὶ πὸν γλυκύτατον οἶον ἐρεῖται νῦν. Verum D. Rauuolfius cōmemorat in suo itineraio Syriaco, Persas etiam hodie no die Perseam à Persico arbore distinguere, quamuis etiam à Persicorum esu abstineant, Nimrodi veneficio infecta & noxia effecta nescio qua occasione opinantes.



Arbor in herbam inferitur, teste Costæo, vt Persicus in Brassicam, quam rationem inferendi ætas nostra inuenit. De corticata Persica aliqui in vino madefaciunt, existimantes ita illorum noxã emendari, sed hoc pacto succus iste in salubris citius in venas deducitur. Costæa vero sub cineribus cibus est delicatus. Præferuntur autem Genuensia.

*Persicaria siliquosa Lobelij*, vulgo Noli me tangere, quam nescio quam ob causam ad Tithymallos refert Tragus, de qua plura apud Gesnerum in Epist. ad D. Cratonem & D. Zuingerum. In nonnullis locis vtuntur cum successu aqua destillata tanquam topico in dolorib. podagricis. Dodonæus si legere quis auderet pro folio siliquas, putaret ad Aeschynomene posse referri.

*Pes aserinus*. Dodonæus ad atriplicem refert, & vulgo affirmant à tota substantia esse porcis venenum, quare Germanice in quibusdam locis vocatur *Schweinestodt*. Plinius lib. 9. cap. 8. Chenopodis meminit, excepta hac & rumice, apes ex omnium arborum satorumq; floribus mel confingere scribens.

*Petasites* flore purpureo & alter albo, qui posterior statim erumpit primo vere vel citius, diligenterq; depictus est in nostris herbarijs. Dalech. Persolutam Plinij lib. 2. cap. 33. Officinarum Petasiten esse annotat & vt quidam censent Iphyum Theoph. Coronariam plantam, quæ florem edit ante folia. Petasites certe, quem marem vocant, florem edit rubrum & odoratum: alter quem foeminam appellant, candidum & inodorum. Olet vero Leucanthemos noster Petasites (qui nascitur in montanis locis Misniæ circa Annæbergam, vnde in hortum transtuli) subdulce nec iniucundum quippiam, quale plerique flores quos primo vere Fauoniorum status eliciunt. Radix Petasitidis vulgaris utilis tempore pestis & præter ea eius pulvis cū Zedoaria & Angelica præstans remedium in suffocatione matricis.

*Petroseli-*

*Petroselinum*, quod Selinum siue Apium, vt quidam opinantur, veterum esse minime volebat Anguillara, nam illud potius, vt apparet ex Theoph. est Eleoselinon siue Paludapium. Petroselinum vero nostrum vna planta cum veterum Petroselino, quod adhuc hodie in Chio vocatur Condimentum, quo nomine Anguillara in suis Italicis opinionibus scribit à Crateua quoque fuisse nominatum, vt testabantur manuscripta quædam fragmenta Crateuæ ascripta, quæ sæpius mihi ostendit. Verum non immerito quispiam dubitare posset, an Crateua σύγγρον Hippocratis Latinis nominibus vsus esset. In Peloponneso & Zazintho insula antiquum nomen adhuc retinet.

*Petroselinum crispum.*

*Petroselinum Macedonicum*, non fert facile nostrū cælum, ideoq; in fictilibus asseruandum per hyemem, ac primum quarto vel quinto anno semen apud nos producit, sicuti dum hæc scriberemus, copiosissimum habuimus.

» *Peucedanum*, Radix huius in ore retenta efficax est in suffocatione matricis. Nicander in Theriacis admodum probat in fuggandis animalib. venenatis, ita canens:

Ναὶ μὲν πευκεδάριο βαρυπνὸν ἔστι καὶ ὀδμῇ  
Θηρὶ ἀποστένεται καὶ ἀνθρώπων διώκει.

*Phalangium* maius & minus.

*Phalaris*. Probabile est (inquit Dalech. in Plin. annotat. lib. 22. capit. vltimo) hanc alterum melian à Panico diuersum esse, cuius nusquā alibi meminit idem autor. Alioquin μελίς σίτος, autore Theoph. capite vltimo, libro septimo, vt & Lotus, vna voce multa significat, diuersa viribus, locis natalibus & vsu cibario. Nunc enim priscis μελίνη, ἔλυμ est, autore etiam Galeno, libr. de Aliment. & cibis boni & mali succi. Nunc vero semen aliud est quam Panicum & Milium, vtriq; tamen simile, à colore nigro ὑπὸ τῷ μέλαν sic vocatum, non à



melleo sapore, ἀπὸ τῆς μελιτρώδους γεύσεως, quemadmodum Pini-  
 nius indicat, qui Melfrugum vocat, nisi legamus: Panicum  
 Diocles Medicus Melian frugem appellauit. Quidam Mili-  
 um nigrum esse putant, haud præter rationem, sed Dalech.  
 vt diximus, granum in Melita frequens, incolis Cuneno di-  
 ctum, Canariis iusulis familiare, Massiliæ notum, nigricans,  
 oblongum, milio simile, quo Canarios passeret canendi sua-  
 uitate & assiduitate nobiles præcipue nutriunt. Satum facile  
 prouenit & maturescit, ac si annus fuerit pluuiosus, in ipsis  
 spicis, antequam colligatur, sponte germinat.

*Phaseoli* fere omnis generis colorum, præterea Aegyptij, qui pin-  
 guntur à C. Clusio in Pannonicis obseruationibus sine sili-  
 quis, quas nos addidimus. Itemq; Africani & Brasiliiani. Nec  
 non pumiliones albi & nigri, quorum hi magis quam illi al-  
 fiosi sunt, quamuis ambo frigiditate nostræ plagæ sæpius à  
 maturitate prohibeantur. Intelligo autem, quorum iconem  
 dedimus in Matthioli editione, & quos Clusius in Pannoni-  
 cis quartos in ordine proposuit.

*Phaseolus Indicus*, vulgo falso Pæoniam Indicam vocant, cuius  
 iconem proponit Lobelius. Hac grana coccinea nigra ma-  
 cula insignita dura admodum sunt, diuq; in terra latitant, quo-  
 rum interdum nobis prouenerunt rudimenta instar pisorum,  
 sed ad frugem planta non peruenit. Semina vetusta nequeunt  
 vlla maceratione vinei, sed recentiora intumescunt intra ho-  
 ras 12. vel citius, ac duplo fiunt maiora, colorem autem coc-  
 cineum vertunt in sordide purpurascentem, quæ si degusta-  
 re volueris, deprehendes saporem pisi nigri detracto cortice,  
 adeo fabaceum aliquid resipiunt. Mittuntur ad nos nomini-  
 bus Ginge & Abrus. Quidam perhibent vtiliter adhiberi in  
 dentitionibus, febribus & spasmodis puerorum.

*Phillyrea* Florentia missa.

*Phyllitis vulgaris*, Lingua Ceruina latifolia & angustifolia, item-  
 que

que duobus, tribus & etiam pluribus mucronibus in summo folij prædita.

*Phyteuma Matthioli*, siue Campanula angustifolia. Anguillara legitimam sibi esse incognitam faterur.

*Pimpinella saxifraga* maior & minor. Doctiss. Maranta in suo libro de Theriaca conijcit Pimpinellam maiorem siue saxifragam hircinam non male pro Oreoselino Dioscor. posse accipi.

» Radix Pimpinellæ puluerisata cum Saccharo in formam  
 » Electuarij redacta, & quotidie assumpta in aqua eius stillati-  
 » tia ad aliquot vncias, admodum suppuratis prodest. Pulvis  
 » Pimpinellæ opt. quoq; in casu & contusionibus in calida ce-  
 » reuisia exhibitus. De Vermiculis ad Pimpinellæ radices na-  
 » scentib. Costæus in suo libro de stirpium natura disputat.

*Pimpinella sanguisorba* maior & minor.

*Pimpinella spinosa*, forsitan Chalcoma siue Acraria Anguillaræ in Peloponneso & Zazyntho nascens, quamuis nostra non lætescat. CL. V. D. Rauvolfius in suo Hodæporico, vbi etiã iconem eius addit, tradit plantam hanc copiose crescere in monte Libano, foliis Sanguisorbæ similibus, ramulis hinc inde spinosis, è quibus verno tempore flosculi emergunt è viridi pallentes, stellati, quibus succedunt baccæ albicantes, instar piperis, aliquo rubore conspersæ, racematimq; cohærentes. Bellanincolas nominare ait. Astiuida est Cretæsum à σοῖςιν, vt quidam putant, corrupto nomine.

*Pinguicula* sic vocata Gesnero, quia pinguis & parua est vel τὸ ἰσχυρὸν, Viola humida aut palustris. Clusius in Pannonicis pinxit, itemq; Herbarius Lugdunensis nomine Cucullatæ. Nascitur putridis ac humentib. locis in Bauaria, vnde in hortum transtuli, sed frustra, vt metuo. Non enim videtur translata  
 » viuere posse. Vulneraria est herba, præsertim ad ramices pue-  
 » rorum eximia, ac præterea etiam ad plurima utilis, vt non du-



bitauerit Gesnerus pro Dodecattheo Plinij habere, quod folia quodammodo Lactucæ habeat, quamuis non perpetuo septena. Radicis quoque fibræ luteæ sunt. *Chirurgi* prohibent adhiberi prope articulos, istiusmodi enim vulnera plerunque melicerias, id est, das *Gliedwasser* inde contrahere asseuerant.

*Pinus Italica* ex semine enata prodit, sed hyemis frigore intensiore facile, nisi in fictili recondatur, perire solet. Dum recens è terra emergit, nuclei putamen non incommode adimitur, sed nucleus protrusus si auferatur priusquam sua sponte decidat, plerunque germen enascens, cui tanquam munimentum à natura datum est & foliis coniunctis oblongioribus adhæret, perire solet. Dignum est obseruatione, quod D. Basilius memoriæ prodidit, *ἡ εξαήμερον*, Pinus incensas ac exustas flammis in querceta mutari. Proprium est huic arbori, ut falso solo lætif. fructificet, quemadmodum apparet ex æcumnissimo Pineto prope Rauennam. In Aesculapij templo, quod olim fuit in Insula Tyberina, reperta marmorea tabula Græcis literis exarata, Pini nucleos reiicientib. sanguinem ex pectore mederi testatur. Antiquitatis monumentum istud singulare ex libris de arte gymnastica Mercurialis medici doctissimi sumptum ascribere placuit. Scriptura hæc est.

Ἡ ἄμα ἀναφέρων Ἰουλιανὸν ἀθλητισμένον ὑπὸ πάντων ἀνθρώπων ἐχρημάσεν ὁ θεὸς ἐλθεῖν καὶ ἐκ τῆς τριώμης αἶραι κόκκους στροβύλου καὶ φαγεῖν μετὰ μέλιτος ἐπὶ τρεῖς ἡμέρας καὶ ἐσώθη καὶ ἔλθων δημοσίᾳ ἠνυχάρισεν τὸν ἑμπεδοκλῆν τῷ δήμῳ. Id autem est.

Sanguinem Iuliano reiicienti ex pectore & desperato ab omnibus ex oraculo Deus respōdit, veniret & ex aris tribus, vel è templo, vbi tres aræ sunt, nucleos pini tolleret, & cum melle comederet per triduum. Hoc remedio ille seruatus est, ac profectus in templum, gratias egit publice, populo præfente. Idem memorat Dalecham. in annotat, Plinij capit. 8.

lib. 23.

lib. 23. vbi quoque legitur, Nuces pineas quæ resinam habēt,  
 contusas leuiter, additis in singulas singulis sextarijs aquæ ad  
 dimidium decoctæ, sanguinis excreationi mederi, ita vt cya-  
 thi bini bibantur ex eo.

*Pinaſter* pumilio ex monte Arba Bauariæ, vbi *Sackhoſz* nomina-  
 tur, non abſimilis Pannonico Cluſij. A deſcriptione cer-  
 te nihil diſſidet, niſi forte conis, quos tamen nondum con-  
 ſpexi.

*Piper Indicum*, Siliquaſtrum Plinij quorundam ſententia, fru-  
 ctu tum longo, tum cordato, item rotundo & deniq; piloſo  
 caule pilis albis prædito, latioribus foliis, fructu longo, ple-  
 runque in acuminatum lōgum appendicem deſinente, flore  
 quoque quam in alio maiore. *Siliquarum* decoctum rite pa-  
 ratum aquas hydropicorum educit. Parienſes Indi vnguen-  
 tum quoddam ad confirmandos dentes conſciunt ex vnio-  
 num feracibus conchis & huius plantæ foliis crematis vnâ &  
 aqua maceratis, donec calcis candorem referant. Eo illitos  
 dentes aterrimos reddunt, ſimulque abſque dolore ſemper  
 conſeruant, vt tradit Benzo Mediolanenſis libr. 1. cap. 3. hi-  
 ſtoriæ noui orbis.

*Piper Indicum ſurrectis corniculis* iſſq; paruulis, ſed raro apud nos ad  
 maturitatem peruenit.

*Piſa rubra*, item Italica grandia, quæ duo pro Phaſelo Tragus  
 habet. Præterea Leptoloba, quæ ſimul cum folliculis com-  
 eduntur, cuiuſmodi Lobelius memorat è Vilda Lituanix  
 oppido allata, Item viridia, acrocarpa, vulgaria & ſyluo-  
 ſtria.

*Piſum ſylueſtre Pannonicum*, in Franconia alicubi *Darmgichte*  
 fraut / quod in vſu habeant vulgo grana aliquot deglutire  
 in colicis doloribus, itemque herbam exterius impone-  
 re, nec non equis & bobus ad idem malum in pabulo ex-  
 hibere.



*Pisa nigra*, Fabis aliquantum cognata.

*Pithyusa Anglica*, missa à Th. Pennæo, foliis Tithymalli arbore-scentis sed magis glaucis & per ambitum hirsutis prodiit, sed neque in fictili sub testeo neque sub dio per hyemem durare voluit. Semen erat non dissimile Arbore-scentis Tithymalli femini.

*Pirina Theoph.* quæ in Italia inter legumina sua sponte prouenit, tenera herba, capreolis se sustinens. Depingitur à Dode-næo, Lobelio & Lugdunensib. Aphace Dodonæi, Oroban-che Lugdunensium.

*Pistacia arbor*, similis Terebintho, ideoq; à Theophrasto voca-tur Indica Terebinthus, fructu Amygdalæ, vnde Nicander in Theriacis:

ὅσα θ' ὑπὸ Ἰνδῶν χεῖμα πολυφλοίσβοιο χράσσῃ,  
Πισάκῃ ἀκρεμόνεσσιν ἀμυγδαλένῃα πέφανται.

Aegypto & Syriæ familiaris, quamuis in Italia quoq; non-nunquam fructum producat, apud nos vero ne florere qui-dem compertum est. Hyeme in cella recondenda.

*Pistolochia*. Semē initio autumnī seritur, nam vernam sationem prorsus respuit.

*Plantago maior, minor & media*. Item marina in lacu salso pro-pe Illebiā crescens, à plerisque depicta nomine Coronopi syluestris. Præterea rosea. Plantaginis laudem peculiari scri-pto celebrauit Themison tanquam inuentor, inquit Plinius lib. 25. cap. 8. cum sane sit planta πολύχρηστος. Succus Planta-ginis minoris cōmendatur in febribus tertianis & in pustu-  
lis oris, item contra morsum canis rabidi. In angina Cassiæ  
Aegyptiacæ succus extractus cumq; aqua plantaginis mistus  
plurimum conducit. Ad ὑπερχύδαρσιν semen eius cum Caruo  
tosto vtiliter exhibetur. Est præterea Ophthalmicū nō con-  
temnendum ex foliis & radice plantaginis contusis addito  
pauco

paucō Saccharo candidiss. & aqua rosata. Vsurpatur in oculorum lachrymis & inflammatione.

*Polemonium Monspelliensum*, aliis Trifolium arboreescens, descriptum & depictum à Dodonæo, Lobelio & Lugdunensibus. Hyemis frigora utcunq; apud nos perfert. Hoc aliqui Scorpionibus esse inimicum annotauerunt.

*Polium verum*, itemque alterum Lauendulæ folio in montibus Thuringiacis prope Ihenam frequens, itemque apud nos in collib. quaitur in Noricum. Nomen hoc inuenit, ut inquit Dios. *καρπὸν πλῆρες ἔχον κεφάλιον ἐπ' ἀκρὸς κορυμβοειδὲς μικρὸν ὡς πολλὰν τρίχα*, id est, quod capitulum semine refertum in cacumine quandam corymborum speciem præ se ferens canis hominum simile habeat. Nulla magis herba conuenit medicamento, quod Alexipharmacō vocant: in quod minore, ut Galenus inquit, utimur. Non potest Polium cum Tripolio diuersi generis planta tam multis locis miscens defendi Plinius, nec eius scriptores autoritate excusari, qui commentationibus suis dissimulato hominis errore eadem illa ut erant adiecerunt, inquit Marcellus Vergilius.

*Polyacantha*: raro in alterum annum durat.

*Polycnemon Gesneri*, vide supra Clinopodium maius Matthioli. Anguillara veræ plantæ nullam certam habere se cognitionem affirmabat.

*Polygala Tragi*, flore albo, cæruleo & incarnato. Anguillara aliam describit in suis opinionibus Italicis, quam ait crescere circa Bononiam & in Samnitib. cuius tamen vernaculum nomen nullum se potuisse cognoscere ait. Herba similis est lenti, foliis tamen pinguioribus, flore luteo, qui producit Siliquas.

*Polygala Rhætica Gesneri*, Onobrychis Dodonæi.

*Polygonatum vulgare* & eo multo maioribus tam baccis quam foliis Pannonicum. Polygonati semen largius sumptum  
r aluum



aluum mouere Plinius scribit. Aloysius dubitabat de Polygonato, quod folia pomum Cotoneum non resipere, sed Galenus dicit ingratum eius saporem esse, id quod res est.

In hoc genere reperitur & Tenuifolium in saltibus Hercyniæ frequens.

*Polygonum vulgare*, atq; etiam alterum marinum in littore Veneto sua sponte copiose crescens, flore subalbido & folio pinguiore. *Vulgare* in fluxu sanguinis, vt Brassauola quoque, annotauit propria experientia efficaciss. cum ego quoque affirmare queam in Nobilissimo quodam viro alijs remedijs frustra adhibitis contra vomitum sanguineum cum pauco vino styptico hunc succum maxime profuisse.

*Polypodium* sic dictum ob ῥίζαν πολυπόδαυ ἀπερεὶ πολλῶν ἐχυσαν. Sirencens coquatur cum melle & parum pipere, sine omni molestia bilem & pituitam euacuat. Mesues eius exhibendi in purgationibus scribit non quatuor aureos esse transcendendos id est 3. v. 3 j. Manardus vero integram vnciam per se parum purgare adseuerat. Anus medicastræ etiam ad 3. iij. alicui liquori incoquunt & sine efficacia nonnunquam propinant.

*Polytrichon*, quod secundum Anguillaram à Trichomane nihil differt

*Pomum amoris* siue de oro, apud Mediolanenses Pomum Indum & nomine externo Tunatle ex Peruuiana insula primum allatum. Ex paucis notis quas Galenus descripsit, conuenire cum Lycoperfico coniiciunt. Gesnerus in epistolis vocat Solanum pomiferum. *Pomum* hoc in oleo coctum, siue insolutum ad Scabiem est efficax.

*Porrum*. Hoc delectabatur Imperator Nero, vnde Porrophagus fuit per iocum appellatus.

*Porrum Indum*, vulgari multo maius & nonnunquam trium cubitorum altitudinem attingens, capite florum purpurascens, elegantia plurima comante & ob id hortis, ob sapidum vero & grandem bulbum culinæ expetitur. Vulgo Scorodoprasum vocant.

*Porrum capitatum vulgare*, κεφαλωτὸν πρᾶσον, Autor Moreti: Capitum nomen debentia porra.

*Porrum tonsile* siue sectile, τμητὸν. Cum hoc idem vel cognatum saltem χροινόπρασον Dodonæi. Germanis Schnittlauch / Brisslauch.

1. *Portulaca* maior & minor. Aqua illius destillata in quibusdam  
 „ abstulit dolorem dentium, qui alijs remedijs non potuit sedari.  
 „ Succus condensatus cum gummi Tragacanthæ & Arabico puluerisatis & in pillulas redactus plurimum confert in  
 „ vrina cruenta.

*Portulaca exigua* siue Andrachnion aruense. Herbula non ab alijs, quod sciam, demonstrata, pinguis, sublutea, coliculis incuruis, aliquantum procumbentibus: foliolis minutis portulacæ sylvestris, pallidioribus tamen, semper geminis: nigro semine in vasculis parvis portulacæ similibus, sed quæ longioribus pediculis & gracilibus nituntur & mature incipiunt hiare antequam semen plene perficiatur. Primo vere in agris frumentarijs frequens est circa Lipsiam ante Crementensem portam. Sapor illi nullus qui notari queat, præterquam herbaceus vt in alsine.

*Poterium Lobely*, idem cum Pimpinella spinosa.

*Prunella* flore purpureo & albo. Describitur in libro de Dynamidijs Galeno attributo.

*Prunella grandiflora*, quam Clusius in Pannonicis primam depinxit, in Bauaria frequens, itemq; in Franconia nonnullis locis circa itinera, aspero & limoso solo.



*Pruni varia genera*, potiss. Vngarica, Morauica, & quæ vulgo Myrobalanos dicunt, itemq; Græca, quæ postrema Verdacia à viridi colore in Italia vocantur, & alijs præferuntur, & inter syluestria fructu duplo maiore quam communis est & admodum dulci. Si Pruni furculi in mosco intingantur & deinde inferantur, fructus inde fieri odoratos D. Costæus tradit. In syluestri pruno hoc peculiare, quod deflorescens simulatq; imbres contingunt conuertatur fructus in oblongum quoddam & inane corpus, quod in Italia Turcas vocant, vt annotauit Doctiss. Andreas Cæsalpinus & nos hoc anno 1587. circa hanc vrbē obseruauimus. Radices pruni syluestris ablato nigro cortice decoctæ in vino sunt remedium singulare contra dolores dentium.

*Psyllium perenne* à C. L. V. D. Ioan. Aicholzio transmissum, quod Gesnerus in Historia Animalium existimat esse apud Theoph. Cynopa. Orpheus in Argonauticis *Ψύλλιον ἀειδὲς* vocat tanquam herbam turpem & deformem aspectu.

*Ptarmica Fuchsi*. Veram Ptarmicam incognitam adhuc esse existimabat Anguillara.

*Ptarmica Austriaca* flore elegantiss. olim nomine Cyani Hierosolymitani ad me missa describitur à D. Clusio in Pannoniis. Non habet vires veræ Ptarmicæ in mouendis sternutationis, nisi forte in ijs qui facile ad sternutationes concitantur, alioquin caloris euidentis particeps vt gustu depræhenditur. Saluam ciet eamq; commansa colore croceo tingit.

*Pulegium* maius & minus. Brassauola in suo libro de examine simplicium, secundum Plinium pro foemina habet quod florem album profert. Pulegiū brumali tempore quoq; florere Cicero annotauit in lib. 1. de diuinat. vt & Plin. lib. 2. cap. 41. Cicero non Pulegium sed Puleium littera g. elisa nominat, vt apud Martialem quoque legitur: Quadrima nigri nec corona puleij. Olim in coronæ circulum nexum ad aliquot annos conser-

conseruabatur. Cura autem Pulegium aridum in bruma flo-  
 reat secundum Costæum non alia in promptu est causa, quã  
 priuata eius formæ facultas, cuius itidem rei exemplũ est in  
 animalium genere in Pico Martio, cuius cadauer laqueari ap-  
 pensum verno tempore nouas plumas priorib. defluentibus  
 proferre obseruatum est. D. Hieronymus scribit, Pulegium  
 apud Indos esse pipere pretiosius, quod nostrorum temporũ  
 peregrinatores dubito an obseruarint, nihil enim in eiusmo-  
 di libris quos videre contigit, annotatum reperio. Pulegium  
 quomodo purget, docet Brassauolus de Medicam. purganti-  
 bus. Datur autem eius puluis in Medone, vt vocant, apud  
 nos quoq; ad expurgandam per secessum Melancholiã. Idem  
 cum serpillio infunditur in aqua rosacea & parum aceti, quib.  
 linteola madefacta fronti & temporibus applicantur in do-  
 lorib. capitis modo non assit febris. Elegans est quod Cicero  
Tironi scribit. Ad Leptæ, inquit, rutam pulegio mihi tui  
 sermonis vtendum est, hoc est ad eius vehementiam tua fa-  
 cilitas accommodanda.

Pulegium Anguillara, à Mentastro non multum dissidens, foliis  
 rotundis & gratiore odore. Nascitur plurimum Parauij tam  
 intra quam extra vrbs mœnia.

Pulegium Ceruinum depictum à Lobelio & aliis, ita dictũ à Mon-  
PELLIENSIBUS, quorũ in agris copiose prouenit locis palustri-  
 bus, alioqui fere tantum hortense, quia culturæ facile assue-  
 scit & radice plurimum serpit.

Pulicaria vide Conyza.

Pulmonaria maculosa & sine maculis. Reperitur quandoq; flore  
 albo.

Habui & Austriacam II. Clusii, sed non diu in horto dura-  
 uit, cũ alibi satis perennauerit. Delectantur hac planta Cer-  
ui, atq; ideo Germanicè Hirschföhl nominatur. Vulneraria  
 esse herbam experientia constat. Ad pulmonis autem vitia



non ab omnibus, qui periculum fecerunt, celebratur.

*Pulsatilla communis*, item flore albicante. Quod nisi vtraque in plane arido & aprico loco collocetur, non facile culturam fert. Samolum Plinij lib. 25. cap. 11. hanc esse putat Dalech. quod eam hodie Bononienses vocitent Samiolo, vt ait Anguillara lib. 11. Huius herbæ aquam stillatitiam exhibent in Borussia cum aliquo successu in febribus Tertianis intermittentibus ac similibus, cum sit admodum *εμφρακτικὸν* medicamentum.

*Pycnocomon Anguillara*, vt Lobelius existimat, est Reseda de qua postea dicemus. Parum enim conuenit descriptio Pycnocomi. Non enim sunt *φύλλα τετραχέα*, neque *καυλὸς τετραγωνῶς*, neque etiam alia satis congruunt.

*Pyrethrum Dioscor. I. Matthioli*. Umbellifera planta, quam aliquando copiose reperi in Apennini montibus, vulgo Rioldi Lunato & Fiumalba dictis.

*Pyrethrum Matthioli alterum*, folio Chamæmeli itemque flore, maiore tamen, cuius radix priore videtur esse efficacior. Hymis frigore in horto sæpius perire mihi consuevit. Bononienses in suo Antidotario ante paucos annos edito in Diacastoreo non Antimonium sed Artimoniū legi debere, quæ vox Pyrethrum notet, recte admonent.

*Pyrola Pannonica* II. à D. Friderico Sebicio & mox à D. Aicholzio communicata, quæ tamen horti culturam altero anno respuit.

*Pyrus*. In villa Iacobi Regij, pagi quem Fontaines vocant, haud procul à Lugduno siti, Pyra nascuntur, è quorum medio corpore folium exeritur. Ea simili ratione nominis Pyrophylla vocari possint, qua Melophylla apud Plinium, vt doctissimus Dalech. annotat.

Habemus præter alias pyrorum differentias ab Illustrissimo Principe Vuilhelmo Landgrauio Hassiæ &c. quæ elegant

ganti rubore carnis siue pulpæ interioris placent, item quæ comesta ventrem subducunt.

## Q.

**Q**UAMOCUMQUE planta noua ex India ante paucos annos allata & à Cæsalpino sub nomine Iasmini folio Millefolij descripta. cuius semen primum mihi communicatum fuit à Magni Ducis Florentiæ Herbario Domino Iosepho de Casa bona, diligentissimo, & humanissimo viro. Eius picturam repræsentare studuimus, quamuis apud nos exilius creuerit, quam in calidioribus regionibus. Planta est anadendras, folijs prodiens oblongis & latiusculis initio binis sibi inuicem connatis, quæ diu durant etiam sese perticæ inuolvente iam ipsa planta: reliqua folia Myriophyllo alteri apud Matthiolum similia sunt ac tenuia admodum, vt Conuoluolus tenuifolius non inepte vocari posset: cauliculi rubent, sed magis vergunt ad nigredinem: flores elegantissimo rubore placent in quinque angulos collectis oris, Peti florum similitudine. Semen in capsulis oblongis fertitidem oblongum & fuscum, quod aqua maceratum plerunque rumpitur vt Campanæ Lazuræ grana. Sapor ipsius herbæ est subdulcis & modice nitrosus, capsulæ vero nonnihil piper vel brasma piperis gustatu referunt, vt & semen, quod parum abest, quin haud minore caliditate fauces nonnunquam afficiat.

*Quercus Pannonica latifolia*, rectius Cerrus. Huius sumum in locis clausis facere Epilepsiam & subet Ferd. Ponzetus affirmat lib. 2. tract. 1. cap. 2.

*Quing. folium*, vide supra Pentaphyllon.

## R.

RANVN-



*Ranunculus*. Huius admodum multæ sunt differentiæ, quarum singulas horto nostro inquilinas recensebimus, initium facientes à notioribus, omiſſis tamen nimis vulgaribus.

*Ranunculus polyanthos* ſiue pleno flore luteo, repens, maior & minor. Quorum ille reperitur (teſte Anguillara in ſuis opinionibus de Simplicibus) circa Sebenicum Dalmatiæ oppidum ſponte proueniens, hic vero in agro Aureliano Galliæ. Inuenimus tamen nos quoq; hoc anno in Bauariæ loco quodam aliquot milliariſ. Lanteshuto diſtante, admodum humilè florè duplicato. Eſt & tertius erectus, quem Fuchſius pingit & vulgarior eſt, Bauaris Klein Rucherzu/Miſnenſ. Gelb Tausſenſchön.

*Ranunculus radice bulbosa* vel tuberoſa potius, florè quoq; pleno & ſimplici. Batrachium Apuleij. Prior in loco pingui & humido collocatus sæpe ex vnius floris cẽtro alios flores etiam triplici ſerie producit. Radix huius inſtar bulbi rotunda, ſi recens ſit, cauſtica eſt ac admodum vrit. Exiccata vero poſt vinum atque alterum menſem dulcis efficitur. Vrimur hac radice tuſa & emplaſtri modo impoſita tempore peſtis ad rumpendos abſceſſus. Nebulones vero mendici quidam, quo facilius nobis imponant ea ſanguine Draconis macerata ſuras aut femora illinunt.

*Ranunculus Globosus* ſiue Montanus, VI. Matthioli. Creſcit in multis locis Germaniæ potiſ. in Heluetia. Geſnero Flos Trollius.

Magnus, Aconiti folio, forte Aconitum III. Matthioli.

Paluſtris folio Apij. Sed non ideo videtur eſſe Sardonius ille apud autores famoſus, qui in Sardinia naſcitur, inſula etiam alioquin peſtilenti & corrupto à paluſtribus vaporibus aëri obnoxia, de qua Sillius:

*Serpentum tellus pura ac viduata veneno,  
Sed triſtis cælo & multa vitata palude.*

Vnde

Vnde pulcerrimè Martialis:

*Nullo fata loco possis excludere: Cum mors*

*Venerit in medio Tibure Sardinia est.*

Leucanthemos folio Aconiti, flore albo simplici, qui copiose crescit in locis montanis Misniæ circa Annabergam urbem: & alter flore pleno primum mihi transmissus à CL.

V.D. Adolpho Occone Medico Augustano præcipuo.

*Ranunculus Taliætri* folio, Dalechambio Aquilegia minor, circa Gratianopolin in Gallia ab ipso inuenta, elegans planta, depicta à Carolo Clusio in obs. Pannonicis, quæ in Pannonia & Austria copiose crescit. Perennis est planta & statim primo vere florem profert.

*Ranunculus Illyricus* depictus à Lobelio, qui tamen teste Clusio in obseruationib. Hispanicis copiose etiã prouenit in Hamburgensi monte duobus supra Posonium milliaribus. In horto per hyemem satis bene durat.

Constantinopolitanus rubro flore quem aliquando habui munere eiusdem Caroli Clusii, verum sequenti anno perijt. Requirit enim acuratam apud nos culturam. Hoc anno rursus radices accepi à Doctiss. iuvene Dn. Christophoro Vvexio Ienensi qui eas vna cum alijs rarioribus bulbis Constantinopoli, vbi cum legato Cæsareo cōmoratus est, attulit.

*Raphanus Byzantinus*, cuius semen habuimus Constantinopoli, qui postea tamen degenerauit in communem ac solos flores ac semina protulit, radice penitus lignescente. Habemus quoq; radice nigra, qualis frequens est Argentorati, & alium lutea. Hoc olus peculiari scripto Marcion quidã Græcus commendauit. Plin. lib. 19. cap. 5. de Raphano inter alia sic scribit:

Medici tradunt & præcordijs necessariũ illius succum, quando phthisin cordi intus in hærentem non alio potuisse depelli compertum sit in Aegypto regibus corpora mortuorum, ad scrutandos morbos infecantibus. Atq; vt est Græca vanitas,



tas, fertur in templo Apollinis Delphis adeo cæteris cibis prælatus Raphanus, vt ex auro dicaretur Raphanus, Beta ex argento, Rapum ex plumbo. Scires non ibi genitum M. Curium imperatorem, quem in hospitio legatis aurum repudiaturum afferentibus, rapum torrentem in foco annales nostri prodidere. Qui Raphanum, rapum napum religiosi Agricolaë ferunt, antiqua consuetudine precantur, vt sibi nascantur & vicinis, vt contra Ocymum & cuminum cum maledictis & probris terræ committendum annotarunt autores. Raphano comesto lacticia esse vitanda, quod corrumpantur & vitium inde contrahant, monent tum alij tum Ferd. Ponzetus lib. 2. tracta. 1. cap. 2.

„ *Raphanus Rusticus*: vulgo Armoracia: Huius succus destillatus, „ suo tempore adhibitus commendatur in calculo.

*Rapunculus* flore purpureo, candicante: spicato purpureo & albo.

*Reseda* vt putatur, Plinij, recta & supina. Vtraque circa Ariminum in Italia frequens: Supina quoque ad Rhenum & alijs in locis Germaniæ:

*Rhabarbarum monachorum*, vide supra in Eapathis. Verum enim Rhabarbarum nondum nobis visum est, nec qui viderit, se obtulit: apud Troglodytas igitur querendum, vt monent auctores, quos ἐρέμεις ab Homero 4. Odyss. dictos volunt ἀπὸ τῶν ἐν ἔρειν ἐμβαίνειν, qua etymologia & τρωγλοδυτας appellant. Trincauella vero libro 1. de compositione medicam: cap. 12. scribit Quendam mercatorem, qui diu in Persia versatus fuerat, & aromatarius esset ac omnium medicamentorum peritissimus & is vir vt eius verbis maxima esset adhibenda fides, retulisse sibi, Rhabarbarum in montosis Persiæ locis nasci, colligi, sicarique & in Aegyptum vel Syriam à Persis negotiatoribus ferri, vnde ad nos deinde apportari. Sed hic non est locus de hac re fusius disputandi.

*Rhamnus III. Diof.* secundum Matth. supra Paliurus. Crescit in agro Monspelliensi & in Italia potiss. circa Veronam. Apud nos quoq; hyemem, nisi sit admodū actis, ferre potest, alioquin diligenter erit à frigore muniendus.

*Rhamnus quorundam.* Oleaster Germanicus Cordi, frequens in locis arenosis circa Rhenum versus Curiam & ad Lycum ac alia flumina Bauariæ, multisq; locis alijs.

*Rhamnus solutius*, cuius minorem speciem Clusius in obser., Pannonicis proponit. Ex eius succo fit Syrupus, qui quamuis sit ventriculo non adeo commodus, cum aqua tamen Cinamomi dilutus in affectibus podagricis vtiliter potest exhiberi. Augustæ Vindelicorum nominant Syrupum familiarem.

*Rhamnum* ἀλεξίαντων Nicander vocat, quia nocturnos incubos, lemures, striges auertere putabatur efficaci amuleto: quo argumento in parentationibus ante fores suspendebatur. Meminit & Lycophron & Euphorion his verbis; ἀλεξίαντων γυνεῶν. Spinam Ianalem hunc esse volunt celebratam ab Ouidio in Fastis, non autem spinam nuptialem facibus auspicatam.

*Rhaponticum vulgare.* Vide Centaurium maius.

*Rhodiaradix*, ob odorem rosarum sic dicta. Nascitur in montanis locis Apenini, Gargano & in Delphinatu, vt vocant, prope Gratianopolin, præterea in Styria & Vngaria copiosissimè itemque in Anglia in monte Engleborreno dicto, totius Angliæ altissimo Comitatus Eboracensis, vbi flores & semen producit, vt ad me scripsit Doctiss. & rerum naturalium peritiss. Medicus D. Thomas Pennæus Anglus. Produxit etiam semen in nostro horto in vasculis pulcro minij colore rubentibus ante plenam maturitatem, cum superiore anno ex montibus Pannonicis modo eruta nondum hortensi luxuria quasi encruata à sua na-



tura descuiisset: postea vero non secus ac reliquæ eiusdem familiæ aliquot annis iam cultum perpeßæ solo flore placuit, forte etiam, vt & illæ, tandem proceriorib. stolonibus & lætius virentibus foliis deinceps exuta tanquam agrestia super-  
bire incipiet, manifesto argumento, quantū locis natalibus mutatis à naturali formæ plantæ soleant recedere.

*Rhus obsoniorum* siue Sumach. Ex semine prouenit & multis annis in fictilibus, quæ per hyemem in loco subterraneo asseruantur, aluimus: Sed tandem perijt, nec florem aut fructum vnquam protulit. Crescit copiose ad Marranum Castellum in Via Aemilia, Lanzanæ & in Vmbria, & ibidem adhuc Sumach nominatur.

*Rhus myrtifolius*, cuius putatur à Plinio fieri mentio libr. 24. capit. 11. vbi ait: Nec Rhus Latinum nomen habet, cum in vsum plurimis modis veniat. Nam & herba est syluestris, foliis Myrti, cauliculis breuib. quæ venena & tincas pellit, &c. Gesnerus potius Clymenum esse vult, cum Plinius diserte Rhun in herbam & fruticem distinguat: planta vero hæc, quam nunc dicimus, frutex sit, non herba. Myrti quidem folia etiam coriario tribuit Marcellus: verum de Rhu herba nihil apud alios inuenio, & Plin. in historia libr. 13. capit. 16. de Rhu frutice tantum agit, herbæ autem hoc nomine nullius meminit. Clymeno vero conueniunt. I. χαυλὸς τετραγών. II. φύλλα πρὸς τὰ τῷ ἀργολώσῃ potius quam Myrti. III. θυλάκια ὅπῃ τῷ χαυλῷ εἰς ἄλλα γέροντα εἰκότα πολὺ ποδῶν πλεῖλάναις, acetabulis enim polyporum ferè similis est fructus. IIII. Vis astringendi & refrigerandi insignis. Nec dubito radicem quoq; vtilem esse. Sed de hoc aliorum quoque sit iudicium. Ex semine prouenit & hyeme vult recondi in cellam. Florem apud nos nondum ostendit. Describitur opt. in historia stirpium Lugdunensi, & in Monspeliano agro copiose prouenit.

*Rhus myrtifolius* Plinij Gesnero, vide supra Anonymos Peruvine folio.

*Ribes sylvestre*, præcoci & copioso flore mense Aprili abundat, foliis minoribus quam alterum præditum est. Loco aprico in horto raro vel nunquam gignit fructum, (qui insipidus vel subdulcis est, vnde conijcio esse Ribes dulce Clusij in obferuat. Pannonicis) quare à quibusdam sterile vocatur. Crescit non longe ab hac vrbe sua sponte versus montem Piniferum Nariscorum. Ribes Serapionis à nostris Ribes longe aliud est cuius iconem primus (quod sciam) peritissimus rerum Simplicium D. Leonhardus Rauvvolfius publice exhibuit, qui etiam sicca planta me donauit. Vide apud Bellon. de arborib. coniferis descriptionem pleniorē.

*Ribes vulgare* baccis rubris, cuius magna copia sua sponte crescit in quadam sylua, media ferme via inter Dresdam & Budissinam ad fines Lusatiae. Si baccæ statim ubi maturuerint, vel saltem exempta semina in terram proijciantur ante hyemem, facile enascuntur, & cito crescunt in frutices.

*Ribes baccis rubris maiorib.* quam plantam primum nactus sum Oeniponte ex horto sereniss. principis Ferdinandi Archiducis Austriae. Flores quoque sunt aliquantum rubicundi.

*Ribes baccis nigris*, itidem minoribus & maioribus, quod olim nobis in Italia pro piperis, si recte memini, arbuscula ostendebatur in horto CL. Viri Maffæi nobilis Veneti. Crescit abunde in montanis Misniae circa Annæbergam, atq; ibi nescio quid venenati istis baccis inesse asserunt, cum aliis in locis esse soleant.

*Ricinus vulgaris*, vbique notus. Aluimus aliquoties & alterum Syriacum grana duplo maiora & minus liuidi coloris preferentem. Excellentiss. Costæus in comment. suis in Mesuem doctiss. existimat mendun esse in Dioscoride, qui dicit triginta grana debere assumi, cum vsu compertum esse dicat,



tria grana Syriaci strenue & cum multa molestia purgare.  
 Quare *τεῖς* non *τεράνοια* legendum conijcit. Ricinum Talpis  
 quodam peculiari ἀντιπαθεία contrariū esse autores affirmant,  
 sed nos id se habere non potuimus depræhendere, neque  
 etiam foramina foliis Ricini suffarcta & obturata denuo eru-  
 ere veriti sunt.

*Ros Solis* siue Salsiflora vel Solaria, Mas & foemina, Musci genus,  
 quod multis in locis syluosis, humidis, at apricis inter alia  
 musci albicantis & subrubentis genera apud nos quoque in  
 sylua non longe à latomijs crescit. In hortum translata à me  
 sæpius cum sua terra vix vnam æstatem pertulit. Doctiss. vir  
 Caius Britannus in quadam epistola ad Gesnerum refert  
 vulgo Rosam solis vocari, nec ita magnefieri à doctis Me-  
 dicis quemadmodum ab Empiricis & mulierculis quibus-  
 dam. Nam in Anglia quoque obseruatum esse ab opilioni-  
 bus oues quæ crebro hac herba vescantur, habuisse Epar &  
 pulmones male affectos, ac marcere quodam vitiatos. Sunt  
 tamen contra non pauci Medici celebres, qui eius aquam  
 stillatitiam in phthisi commendant.

*Rosa* Græcis *ρόδον*, ob odoris suauitatem, teste Plutarcho. Flos in-  
 signis, locis siccis quam humidis odorator, index veris,  
 quamuis repidioribus autumnis non raro quoque rursus  
 flores emittat. Cuius plurimæ sunt differentiæ, quas diligen-  
 ter enumerant Theoph. & Plin. ex colorum & locorum va-  
 rietate desumptas. Nos hic enumerare tantum volumus,  
 quæ horti nostri hætenus ornamenta & delitiæ fuerunt.

Alba, candida simplex & plena. Hanc Campanam apud  
 Plinium qui ait præcocem esse, nominari conijciunt quidam  
 viri docti.

Laeteola, elegans rosa, non magna, foliis multis, dense  
 stipatis:

stipatis: quæ singula si euelluntur candida sunt, cum vero simul calyci inhaerent, in flore integro videtur quidam dilutus rubor emicare. Vratislaviæ copiose in hortis coli dicitur, vnde etiam ad nos perueniunt. Hæc centifolia Plinij videtur, numerosis folijs & paruis. Nec tamen est talis odoratissima, quamuis reliquis odoris præstantia parum cedat. Extreme s veluti margines in coronis apte ornat, quod exigua sit.

Rubicunda, quæ non omnino dehiscit, vt Plinij Græcula, folio quoq; quam in cæteris latiore, odorata tamē. Ex quibus Saccharum Rosaceum conficitur, vnde apud nos *Zuckerrosen* dicuntur.

Incarnata vel leniter purpurascens. Apud nos Vlmenfes à loco nominantur. Veterum esse Prænестinas existimant. Incarnatas tamen Historia stirpium Lugdunensis Trachinias esse putat: Milesias vero quæ Gallis Rosas de Prouins appellantur. Hæ nimij frigoris satis sunt impatientes, quare nisi ab eo muniantur, quandoq; pereunt: quamuis altero anno à radice rursus repullulent. Apud nos plurimæ crescunt, cum ad Syrupum Ros. solut: in magna copia assumantur. Mirum tamen eundem Syrupum destillatum contra potius strenue aluum sistere, quemadmodum Lobelius quoque obseruauit. At doctiss. Costæus in commentarijs ad Mesuen editis aquam simplicium Rosarum ad 3. x. haustam, euacuare aluum ait, sicuti quoq; arida folia in sero caprino sumpta idem præstare tradit.

Intense rubens simplex vel plena quam vulgo Pharmacopœi vocant Finam & folijs exiccatis, quoniam colorem & odorem diutius seruant, vtuntur. Hanc Milesiam fuisse olim dictam ex Plinio conijcitur, qui ait eius colorem esse ardentissimum.



*Rosa purpurea* siue in rubro nigricans & ceu violacei aliquid diluti admixtum habens. A priore alioquin parum discrepat, nisi quod maior sit. Aliqui *Rosrofen* appellant. Videtur *Trachinia* Plinij.

Damascenæ quasi de Sæni apud Arabas, siue Muscatæ, simplici flore & præcoci, & pleno, quæ posterior species in autūnum vsque floret, est fragrantiss. odore. Prior vero ex albo florem ad puniceum non nihil vergentem habet. Quæ pleno flore est ad coroneolas Plinij quidam accommodant, quod inde Coronæ odoratiss. necitatur & autumno nascatur. Quāuis forsitan posteriorib. sæculis primum Italiæ innotuerint. Quid enim mirū, quamuis multa Theoph. & Plinio Rosarū genera numerentur, alia etiam extitisse nostra ætate. Tantopere enim diuersis locis per se & humano opere coacta variat natura suas opes. Apud Serapionem & Auicennam *Rosa Muscata* flore simplici vocatur *Nesrin* vel *Nefrin*. Hæc in nostris hortis perfert hyemem nisi sit acerrima, qualis fuit anni superioris 1586. Repullulat tamen ex radicibus. Huius vicina folia aluum leniunt (quamuis idem præstet sed paulo copiosior sumpta quæ pleno est flore) quam facultatem Græci antiquiores non norunt, sed Arabibus & potiss. Mesuæ acceptum referendum. Vnde in Hetruria verno tempore in *Acartarijs* exhibetur pueris. Quod *Fumanellus* in *Regimine senū* & commentariolo de Rosis vberius annotauit.

*Rosa Cinamomea simplex*, fructu oblongo admodū præcox, quam pro *Lychnide* Plinij habet *Gesnerus* & in *Albio monte* maiorem & minorem nasci tradit. Quaternas in costis singulis foliorum syzygias habet plerunq; maior, præter summum singulare, quod domesticæ nullæ nisi rariss. syluestres quædam sed nō omnes solent. Minor, quā pro mare habet, vt priorem pro foemina, minutiores gerit spinas; floris pericarpion spinosum est modice, superioris laue.

Altera,

Altera, quam vulgo Venetam vocant, alij Prouincialem, præcox & ipsa est, minoribus ac densis floribus dilute purpurascens. & in medio suauiter rutilantibus eximij odoris. Cortex huius fruticis admodum rubet. Facile fert hyemis iniuriam & mire se propagat, ideoq; forte apud veteres vilissima fuit, pluribus sed minutiss. foliis, Spermonia Plinij. Mauult enim sic legi Barbarus quam Spineolam aut Spinosam. Ita enim siue quod minutiss. folio, siue quod vilissima omnium sit, rectiss. videri posse ait. Sunt qui Sycioniam legendam putent.

*Rosa absq; spinis*, purpurascens plenis maioribus floribus, de qua plura vide apud Clusum in obs. Pannonicis.

Campestris odorata Clusii in obs. Pannon. siue Pomifera, vt existimo, Lobelij, quamuis hic sine spinis depingat, cum reuera sit spinosiss. Crescit non solum in Austria & alibi sed & me quoq; reperta est in montib. Franconia, qua itur in Hassiam, vulgo auff der Lederhecken.

*Rosa lutea*, Apennini in Italia inquilina. Scribunt aliqui Rosæ albæ surculum facto foramine per Genistæ scapum tractum & implantatum luteos flores producere: quemadmodum in Aquifolium siue Illicem insertū, virides. Quod tamen neutrum adhuc experiri licuit. Vnde vero herbacei coloris rosæ sine calice interdum frigidiori & humidiori anni cōstitutione proueniant, erudite explicat Doctiss. Costæus de vniuersali stirpium natura. Sicut I. Cæsar Scaliger in suis exercit. explicare studet quare Rosæ sint spinosæ. Tardius proueniunt semine atque ideo caule conciso propagantur. Visione & re-cisione meliores fieri frutices omnes rei rusticæ scriptores testantur, ac translatione quoque celeriter prouenit. Nisi quinto anno repurgetur & recidatur, odorem gratum flores deperdunt, vt Costæus quoque notauit, eiusque rei rationē reddit doctam.



*Rosa Canina*, κυνόρροδος, viuis sepib. idonea. Inuenitur & hæc duplicato flore, quæ pro Alabandica Plinij haberi queat.

Multorum remediorum, tam interiorum quam exteriorum materiam præbere Rosas omnibus constat: quæ singula enumerare non est huius loci. Saccharum Ros. purgans vide apud Card. de tuenda valetudine, quod vt peculiare, sic  
 „ non est contemnendum. Interior luteus flos rubræ Rosæ,  
 „ (quem perperam vulgo Antheram vocant, cum hæc dictio  
 „ compositionem quandam denotet, à colore viuido appella-  
 „ tam) puluerisatus cum aqua Cydoniorum destillata datur  
 „ vtiliter in nimio mensium fluxu. Ad dentes à corruptione  
 „ seruandos & gingiuas roborandas sumitur aceti Scyllitici &  
 „ aquæ è calicibus Rosarum destillatæ æqua portio & eo sæpe  
 „ os colluitur, annotante Monarde Hispalensi de rebus In-  
 „ dicis.

„ Spongiola in Cynorrhodo leuigata & vsta contra calcu-  
 „ lum & vrinæ difficultatem est efficax. In eius cauitate inte-  
 „ riore tineæ quædam candidæ interdum occluduntur, quibus  
 „ puluerisatis ad expellendos vermes intestinorum multi feli-  
 „ citer vtuntur.

Ferculum, vt ipse dicit, suauis. docet parare Athenæus ex Rosis lib. IX.

Turcæ (vt Generosus Domin. Augerius Busbeckius, &c. in suo itinerario notauit) folia Rosarum humi iacere non patiuntur, quod, vt Vetustas Rosam ex sanguine Veneris, sic isti fatui ex sudore Mahumetis ortam esse sibi persuadent.

Multa Philologica de Rosa vbique sese offerunt, quorum pauca, ne nimium hoc opusculum crescat, & selectiora tantummodo afferemus. Imprimis vero mihi placet versus elegantis. Theocriti:

„ Καὶ τὸ ῥόδον καλὸν ἔσται καὶ ᾧ αὐτὸ μαρμαίρει.

In quam sententiam elegantiss. distichon extat Ioan. Maioris poetæ celebris.

*Vt rosa mane viget, tamen & mox vespere languet,  
Sic modo qui fuimus, cras levis umbra sumus.*

Et alterum eiusdem:

*Vidi ego mane Rosam solis cum lumine nasci,  
Et vidi rursum sole cadente mori.*

Apud Claudianum legitur: *Armat spina Rosas*: id est, nihil absque labore iucundum.

Huc referendum Epigramma Virgilio ascriptum de Rosæ, & versus suavis. Anacreontis, quæ passim extant.

Philostratus Rosæ fruticem Cupidini dicat, quem tota facie videt æmulari. Semper illa recens iuuenisq; nec nō mollis ut Cupido. Aureis comatur capillis. Spinas pro iaculis gestans, pro facib. fulgorem, folia pro alis rosæ data sunt: neque Cupido neque Rosa tempus norunt. Idem lumina terræ, veris comas, amoris igniculos, terræ fulgur appellat.

*Rosa Hierichuntica*, vulgo dicta, quæ nobis superiore anno pulchre floruit, ex semine nata. Amomum esse nequit, cum descriptio ei non congruat. Sed aliquid ferme habet cōmune cum Thlaspi, parum tamē vel nihil acredinis, quæ gustu percipitur, nisi in radice & furculis, quorū sapor æmulatur Raphanum. Infestatur admodū à Campis viridib. ut Nasturtiū, Eruca, Brassica & cōgeneres herbæ. Eius sylvestrem speciem quam in Syria testis & ruderib. innascentem inuenit D. Rauvolfius mihi communicauit. Bellon. libr. 2. sing. capit. 86. repræhendit monachos, qui fuerunt autores nominis huius plantæ & superstitionū quib. ad hunc vsq; diem est obnoxia: nec non eos qui pro Amomo habent. Addit se repēisse in Arabia deserta ad littora maris rubri, crescentem in sabulo. Circa Hiericho vero nusquam apparere. Atque idcirco dictum illud sacræ scripturæ: Sicut plantatio rosæ in Hiericho,



falso huic accommodari, cum intelligendæ potius sint rosæ alioquin sic appellatæ rubræ vel punicæ.

*Rosmarinum Coronarium*, quod vt apud nos studiose colitur, ita in Gallia Narbonensi sua sponte tam copiose crescit vt ligni vtantur loco, ad focos instruendos. Floret bis in anno, vere & autumnus. Amat terram non nimis pinguem aut humidam, sed potius sicciorem. Plinius lib. 17. cap. 13. nescit illi semen esse: Sed nos obseruauimus copiosum proferre: quod si sponte deciderit, antequam colligatur, paruas plantas plurimas creat, quæ tamen raro sunt in alterum annum viuaces. Inseritur eius scapus in Iuniperi teneras arbusculas, & ita in locis temperatiorib. per hyemem sub dio nonnihil tamen munita relinquitur: idq; memini me vidisse Aschaffenburgij in horto Electoris. Inde olim penatibus coronæ suspendebatur. Horatius:

*Paruos coronantem marino*

*Rore Deos, fragiliq; Myrto.*

Hæc admodum annosa est planta.

Oleum huius per organa Chymica paratum plurimum roborat cerebrum frigidius. At per insolationem in Canicularibus ex eius floribus factum vtiliter adhibetur contra cicatrices & obscuritatem oculorum.

*Rubia tinctorum* siue Erythrodanum. In hortum translata mira serpit viuacitate. Colitur copiose cum magno incolarum fructu in Silesia circa Vratislauiam, in Selandia & alijs locis. Disputant inter se Medici vtrum astringat vel aperiat. Langius tamen & alij medici vsu & experientia obseruauerunt, foedum colorem regij morbi emendare & menses promouere. Aqua eius destillata opt. ad vlcera oris addito paucò Alumine & aliquid mellis Rosacei. Huius radix & Sanicula in vino rubro costæ & herniosis imposita, plurimum conducit. De eius cultura aliquando peculiarem commentariolū à

nobis

nobis habebit harum rerum studiosus lector.

*Rubia sylvestris* inter gramina passim sponte proueniens.

*Rubiola aruensis*, flore cæruleo, in agris Bauariæ itemq; Hassiæ frequenter occurrens.

*Rubiola Saxatilis*, tenuissimis foliolis, locis saxosis & strigosis aggeribus tam in Franconia quam Thuringia sæpius à me inuenta.

*Rubus Idæus* Leucocarpos, id est fructu albicante, odoratissimo.

Ex Rubi Idæi fructibus aqua & succus elicitur fragrantiss. odoris & cordi amicus admodum: quod etiam Gesnerus annotauit & in accuratiss. Antidotario Augustano CL. V. D. Adolphus Occo, Reipub. Medicus præcipuus.

*Rubus paruus saxatilis alpinus* Domini Clusii in obser. Pannonicis quem nobis communicauit superiore anno Nobiliss. & præstantiss. vir Dn. Georgius Riteselius ex Hassia rei herbariæ amantissimus.

*Ruscus*, Oxymyr sine, ex quo in Italia scopæ fiunt. Anguilla: opinabatur esse Serapionis Cubebas & secundum eundem Carpesium Galeni. Sed hæc Arabum confusio quædam est. Hyemem nisi clementiorem apud nos non fert. Locis subterraneis asseruata & incunte vere loco vmbro collocata baccas rubras in hortis nostris producit.

*Ruta hortensis*. Πήγανον esse Græce dictum Plutarchus in Sympo: existimat, quod ob siccitatem calori mistam semē constringat & coagulet, atq; ideo prægnantibus sit inimica. Hanc assumptam ideo suspicionem veneficiorum corrigere censet Aristoteles, quod calefacere & discutere flatus possit, qui in eo excitari solent qui cum perturbatione metuq; fascini, cibiaut potionis aliquid assumpsit, vt annotauit Ruellius lib. 23. cap. 38. & Costæus lib. 2. de vniuersa stirpium natura. Ruta adeo acris est, vt in Scotia quidam hortulanus ob copiosam rutam per aliquot dies erutam & putatam inciderit in erysi-



,,pelas manuum & frontis. Ideoq; Plin. lib. 10. cap. 13. cicuta  
 ,,succum inquit prodesse manibus colligentium rutam. Qua-  
 ,,re mirum non est si abigat serpentes. Item ea inuoluta cada-  
 ,,uera diutius conseruantur integra. Antigonus scribit in mi-  
 ,,rabiliū rerum congerie, Mustelam priusquam cum serpen-  
 ,,te pugnet, odore rutæ sese munire. Imprimis quoque pro-  
 ,,desse inquit rutam in mero decoctam contra ictus serpen-  
 ,,tum. Plutarchus præterea in Symposi tradit, rutam sub ficu  
 ,,vel prope nascentem suauiore fieri & sapore mitiorē. Ad-  
 ,,dit Plinius lib. 19. nusquam lætiorē prouenire quam sub  
 ,,hac arbore. Surculo nasci aliquoties compertum habemus,  
 ,,etiam non in perforatam fabam indito, vt idem notauit, me-  
 ,,lius feri, quod succo nutriat comprehendendo surculum.  
 ,,Furtiuam prouenire fertilius putant quidam superstitiosi,  
 ,,itemq; cum maledictis satam. Hæc cultura, (vt sæpius vidi)  
 ,,ita in altum crescit, vt etiam tres cubitos superasse memine-  
 ,,rim, ac admodum est longæua; cuius radix tandem plane li-  
 ,,gnescit, quæ si accenditur suauem & tempore pestis vtilē e-  
 ,,mittit odorem. Ruta & Eruca sub falso alimento redduntur  
 ,,meliores.

*Ruta sylvestris* tenuifolia, acerrimi odoris: cumque loca amet  
 montana & inculta, difficulter assuescit horto. In Apulia  
 quandam speciem crescere ait Anguillara, quæ plane sit ve-  
 nenata, præsertim si sua sponte in saxi proueniat, vt Plinius  
 lib. 20. cap. 13. in Macedonia, maxime iuxta flumē Alyacmon  
 similiter fieri tradidit.

*Ruta sylvestris altera*, adhuc in Samnitibus Harmel vulgo dicta.  
 quæ hyeme in fictili est recondenda, quamuis difficul-  
 ter apud nos semen producat. Florere  
 eam semel vidi.

## S.

**S**ABDARIFFA depicta à Lobelio, sed Icon haud est vsque adeo accurata.

*Sabina vulgaris* vbiq; nota. Plinius lib. 17. cap. 13. propagine seri & auulsione scribit & fece vini aut è parietibus latere tuso mire ali. Negat enim semen illi esse. Id quod de vna specie solummodo verum est, non item de altera. **H**uius foliorum puluis cum pinguedine lacti innatante commixtus ad tineas puerorum commendatur. Hæc vna cum Hermodactylis trita & oxymelite Scyllitio excepta vel succo calendulæ clauos callosque abolet etiam in partibus pudendis à fœdo concubitu contractos. Card. 4. de tuenda valetu. memoriæ prodidit serpentibus ita esse amicam hanc plantam, vt in agro Comensi magna viperarum multitudo circa ipsam conuenerit..

*Sabina baccifera*, magis cæruleis folijs prædita.

*Sagapeni planta* vulgo dicta: Costus Spurius Apuliæ Marthiolo. Sagapenum in Italia gigni Plinius autor est, sed in totū transmarino alienatum.

*Salix latifolia* **Salweyden**. Crescit in monte S. Mauritij vicino huic vrbi iustæ arboris proceritate & in folijs quædam tubercula gignit, nec non in surculis pillulas quasdam scabras, non absimiles ijs quas in Thymiamate reperientes Pharmacopolæ pro Styracis fructu venditant. Verno tempore odoratissimū florem emittit, ideoq; pro Chaleb Syrorū à Gesnero habetur. Semine etiam sese propagat & facilis auctu crescit in arbusculam, vt ipsimet obseruauimus in hortensi nostra.

*Salvia latifolia*, & altera eiusdem formæ cum auriculis: item tenuifolia auriculata, & eius generis Hispanica odoratissima. à frigore munienda, sicuti quæ flore est albo, cuius



cuius meminit quoq; Aloysius Anguillara. Hæc non fimo pingui sed luto veteri cum terra debet stercoreari. Lixiuij etiã cinere muniunt olitores & sic lætiores prouenire testantur. Saluiam virosam & quasi pestilentem esse censendam ait Mizaldus in memorabilibus, quæ foliorum pinnas quasi carbunculas præse fert, estq; toto habitu retorrida & tanquam sideratione perculsa. De saluia sub qua Bufo latuerit, ex cuius foliis comestis quidã mortuus fuerat, Paræus in sua Chirurgia memorabilem historiam recitat.

Saluiæ & vrticæ folia simul in mortario contusa ac instar cataplasmatidis parotidibus imposita plurimum iuuant.

Arnoldus de villa noua lib. 1. cap. de spasmo, versum vulgarem: *Cur moriatur homo cui Saluia crescit in horto?* allegat non sine risu ex Georgicis Virgilij.

*Saluia syluestris*, quam copiose reperi in Thuringia inter Salzam & Weissenfee.

*Sambucus*, siue secundum Serenum Sabucus, campestris siue vulgaris. Acinorum emulsum commendatur in hydropicis. Cimar tenerræ decoctæ in aqua ad dimidium cū pauco cræco, menses cient. In sita prunus in Sambucū, quamuis, vt expertus sum, non facile compræhendat, fructus fert purgantes.

Reperitur in quibusdam locis, viridib. in alijs albis baccis. *Sambucus montana*, racematim baccas rubras profert, in Latomijs ab vrbe ad mille passus sitis, copiose crescens, nec non alijs in locis.

Palustris mas & fæmina. Hæc baccis, ille flore conglobato placet.

*Sanguis Draconis* supra in Lapat his requiratur.

*Sanicula*, Diapensia vulgo, herba admodū vulneraria, quæ passim in altioribus montibus in Germania reperitur. Ruellius lib. 2. cap. 147. Gallis in adagium venisse vulgo iactatum scribit, eos non egere Chirurgo qui Saniculam habuerint. Sed eius

eius delineatio nostræ non omnino congruere videtur. Inter Ranunculos etiam hanc retulit.

*Sanicula guttata*, aliis Saxifraga Sabaudica. Italis nonnullis umbilicus Veneris Septentrionalium. De qua consulatur Gesnerus in libello de Lunariis & alibi. Amat loca umbrosa & paulo humidiora, quem si nacta fuerit in horto perennis euadit.

*Saponaria vulgaris*, ab effectu, nam loco Saponis manus abstergere à sordib. hanc plantam experientia testatur. Differt à Struthio, quod spinosa non sit, non caule lanuginoso, non folio oleæ, non sine semine copioso. Dodonæus ad Alisma Diosc. referre conatur.

*Satureia*. In Acetarijs & antinotibus magnus illius usus apud Italos præsertim, apud quos etiam multi tantummodo cum pane comedunt, unde aliqui, quia Saturos reddit nomen traxisse existimant. Columella cum Ceparum semina sparguntur, præcipit ijs Satureiæ semina immiscendum: nam & viridis esui est iucunda, nec arida inutilis ad pulmentaria condienda: quod hodie seruatur olitoribus idcirco *Zwibel Hysse* sordid est, Hysopum Ceparium nuncupantibus. Thymbra à Satureia discrepare sentit idem autor dum canit. *Et Satureia thymireferens thymbræq; saporem.* Quintus Serenus Satureiam speciem Thymbræ notauit, quasi Thymbra, non absoluta voce sed Cephalote thymbra diceretur, quam Plinius cunilam capitatam nuncupat. Sed hæc copiose tractat Ruellius lib. 3. cap. 32.

*Satureia perennis*, ex horto peritiss. Pharmacopœi Francofurtensis, Adami Keckij.

*Satyrion Basilicum*, ut vocant, flore albo & rubello, itemq; bifolium. Vide supra Orchides.

*Saxifraga hircina* maior & minor. Supra Pimpinella.

*Saxifraga magna Matthioli*, in Thuringia frequens, vel simillima  
v prorsus



prorsus herbula, quæ non magnitudine sed viribus potius id nomen obtinuerit.

*Saxifraga Bauarica*, in petris nudis musci more innascens, foliis thymi sed virentioribus, flosculo stellato, candido, quinque; foliolis constante, imprimis eleganti.

*Saxifraga alba*, cuius decoctum efficax in difficultate urinæ.

Aurea Dodonæi, circa fonticulum ab Eobano Hesso carmine celebratum copiosa, vulgus vocat, *zur BuchenKlingen*, vnde in hortum transtuli:

*Scabiosa maior & minor* dissectis foliis ex Hercynia sylva: item floribus luteis ex Thuringia, vbi passim locis petrosis & in  
 „ maceris crescit. *Herba* est admodum πολύχενος, cuius succus  
 „ calidus impositus vulneribus sagittas extrahit. Item ad car-  
 „ bunculos efficax, vnde etiam in Germania nomen illi im-  
 „ positum; *Apostemfraut*. Extractum Scabiosæ efficax admo-  
 „ dum in pulmonum affectibus ac præsertim peripneumoni-  
 „ eis mihi commendauit CL. V. D. Caspar Hofmannus vir  
 „ doctiss. & humaniss. Archiater illustriss. principis Electoria-  
 „ Brandeburgici.

*Scabiosa maior Matthioli:*

Maxima, leucanthemos.

Graminea, folio argenteo, flore purpureo, Florentia mis-  
 sa. Nascitur etiam in fodinis ferri Styriæ.

Bauarica pumila, folio tenuissimo, flore purpurascente:  
 vel incarnato non absimilis Pannonicæ III.

Hispanica, elegans planta.

Gallica, folio oblongo, tenui, nigricante, nitido. Huius  
 sapor idem fere est, qui baccarum Solani vesicarij, quod Al-  
 cæengi vocant, cum nondum maturæ sunt.

Fruticosa siue arborescens, quam Casalpini describit.

Alpina, Centauroides; alijs Centaurium Northum.

Quilla Dodonæi.

*Repens*

## Repens montana.

*Scammonia* Antiochena, aliquot annos apud nos durat asseruata in fistilibus per hyemem, & æstatis initio floret, sed semen nunquam absoluit. Memini Dominum Cortusum Patritium Patavinum, rerum naturalium summum indagatorem ex crassis radicibus aliquot vncias succi extraxisse. Aiunt si prope Tithymallū seratur, adeo eius caliditatem accendi, vt veneni naturam acquirat. Huius tamen liquor caloris acrimoniæque vi per ætatem amissa benignior non nihil euadit. Quod vero non eas notas habet Scammoneum quales illi Diosc. tribuit, causa esse putatur, quod hoc tempore non obseruent veterem parandi modum, ac non ex incisa sed dissecta prorsus vel expressa radice aut è stipitibus & foliis contusis paretur: alioqui tanta copia Scammonij quo pacto quotannis ad nos afferri posset? vel etiam lacte Tithymalli sæpius adulterant. Pulcre mehercule alicubi Ruellius inquit: Nulla medicinæ pars incertior, quam quæ ab alio orbe quam nostro petitur. Depurandi vero rationem peculiarem alibi Deo volente docebimus.

*Scammonia Monspellensis maritima.* Crescit etiam copiose prope Tripolim in maritimis, vbi incolæ vocant Meudheudi, Rhasis Coriziolam. Scammonium paruum Plinij nihil aliud est quam Helxine cissampelos.

*Scandix.* Pecten Veneris.

*Schœnanthum,* Iuncus florid. siue aromaticus ex semine prodit, vt etiam frater meus Ludouicus p. me: facto periculo non sine voluptate obseruauit.

*Scilla.* Hæc effossa aliquando per aliquod tempus in vere floruit. Sed tales bulbi postea raro iterum flores producant, quod etiam in Croco & Narcisso autumnali obseruauimus. Quam nos vsurpamus existimat Doctiss. Costæus in comm. ad Mesuen, esse Plinij nigram Scillam, id est foeminā, eandem



cum Pancratio quam Dioscor. subrusam esse scribit. Nec est quod illam venenatam esse vereamur, cum longa experientia salubris esse depræhendatur. Idem ait, acetum Scilliticum rectius ex recenti quam siccata parari. Si tunicae siue laminae reponantur loco tepido, plurimos paruos bulbulos, vt Conchæ margaritas creant, qui postea terræ commissi crescunt in amplitudinem, & diu admodum candidi permanent. Sed perierunt mihi inusitato frigore superioris anni, vt non potuerim obseruare, an tandem etiam rubescant. Panis medullam, in qua Scilla corrigitur scio Pharmacopœorum pueros impune deuorasse.

*Sclarea*, Horminum quorundam, Gallitricum.

*Scolymos Theoph.* Eryngium Vegetij.

*Scolymos Diosc.* vulgo Cardoni.

*Scordium*. Hoc quamuis in locis humidioribus & palustrib. frequentius inueniatur, probatur tamen magis quod ex montanis locis irriguis defertur: quale est Pannonicum, quod odore caput ferit & cæteris est acrius. Commendatur quoque Creticum lanuginosum. Scordium in hortum translatum mire serpendo se propagat. Egregiam historiam, quo pacto in Thracia à peste ex Scordij decocto cum Terra Lemnia & Diascordio multi ex suis conseruati fuerint, recitat Generosus Dom. Augerius Gissenius Busbequius, &c. in suo pereleganti Hodœporico Constantinopolitano, quam integram hic recensere nimis longum foret.

*Scordium II. Plinij*, vt quidam vocarunt, Tragi syluestris Saluia, Scorodonia Cordi. Crescit plurib. in locis Germaniæ, & præfertim ad Rhenum. Odorem habet Scordij, non nihil Teucrij referentem. Anguillara scribit secundum Scordium in Samnitibus ad ripas fluuij Piscaræ nasci foliis amplis instar Melissæ vel Calamenthi primi: atque idem reperiri in Creta, Græcia, & multis aliis locis non dissimile odore & qualitate à primo.

*Scorpio*

*Scorpioides* folio Bupleuri I. Dodonæi, quod plerisq; locis aridis & montosis nasci tradit, in oliuetis quoq; Narbonensis Gallia: & aliud Matthiolo depictum, in Gallia: vinetis nonnullis spontaneum, Thelephium Anguillaræ.

*Scorzonera* floribus simplicibus & plenis. Videtur omnino ad Tragopogon posse referri. Crescit in multis locis Germaniæ, præsertim in Thuringia & Bauaria. Hispanica non alia ratione quam soli & climatis videtur à nostra differe. Aliquot huius differentiæ Pannoniæ & Austriæ peculiares recenset Dn. Carol. Clusius in suis obs. Pannon. Aliqui hanc opinantur ad Cantabricam posse referri, sed haud scio quā recte. Card. lib. VI. de variet. rerum tradit primum in Tarraconensi Hispania quæ nunc Catalonia dicitur, cuiusdam Mauri industria hanc plantam esse inuentam ac Escorzoneram vocatā, quod contra Viperas & alia venena esset efficax, quemadmodum etiam inter cætera quæ suppeditat remedia oculorum morbis auxiliatur.

*Scrophularia maior*, & altera sine Scrophulis siue tuberculis, cuius flosculi & folia sunt nostrate elegantiora, in cæteris ferme conuenit: nec scio an ab alijs descripta, nisi sit Galeopsis Anguillaræ. Semine quotannis sua sponte propagatur. Eius iconem exhibemus in fine huius Catalogi.

*Sesban* siue *Sesban Indicum*. Planta leguminosa, egregia, caule procero, tuberculis acutis exasperato, ramoso: foliis ferè Senæ vel potius Thamarindorum. Flos non potuit emergere ob ætates superiorum annorum inconstantes & nimis præcipientes. Semen oblongum est vt Coluteæ scorpioidis, sapore pisi.

*Securidaca* maior & minor. ἡ δὲ σάραρον Græcis forte per antiphrasin, cum senren sit amariss. Itemq; *Securidaca clypeata* à Lobelio ac Dodonæo descripta. Floret hæc primo quidem anno, eximio purpuræ rubore spectantium oculos in admirationem



rapiens: non tamen semen perficit, decidentibus simul cum flore inchoatis siliquarum rudimentis. Onobrychis altera Dodonæi. Nec desunt qui velint Helenium esse Aegyptium: sed non conuenit, cum radix rubra sit.

*Sedum*, supra Aizoon.

*Sena Italica*, quæ apud nos fuit annua planta. Contrahit nocte folia, sicut multa alia eius generis leguminosa. Alexandrina ne quidem in Italia ultra annum durat, ideoq; pro frutice haberi nequit. Quod hoc tempore foliis potius vtamur quam folliculis contra sententiã Mesues, causa est, quod non folliculi eiusmodi, quales Mesue describit, qui scilicet tempestiue ex planta auferuntur, sed potius nimis aridi & inefficaces afferri soleant. De Sena quædam Galeno Mesues ascribit, quæ ille ne somniauit quidem, vt etiam Manardus in annotationibus meminit, & epistola prima libri primi.

*Senetio* flore odorato, foliis magis quam vulgaris, mollibus, odore Ambrosiæ siue Conyze Hippocratis Anguillaræ, à Dn. Iosepho de casa bona Magni Ducis Florentini simplicista ad me missa.

*Senetio maior*, floris Iacobæi species, magis tamen quam vulgaris, foliis laciniatis. Ad anginas, tonsillarumq; inflammationes vtiliter inde gargarismus paratur. Decoctum & succus vulneribus & vlceribus fistulosis depascentibus, ne serpant, vtilis, quod experientia confirmat. Senation Serapionis alia planta est, nimirum Nasturtium aquaticum.

*Serpillum maius* flore purpureo & aliud candido. Minus folio thymi sed virentiore, angusto. Et tertium huic simile, quod ex vulgari Thymo duriore degenerauit. Quartum item foliis latioribus, à duriore Thymo alioqui parum discrepans, præterquam quod repat.

*Serratula*.

*Sesamoides*

*Sesamoides magnum* Salmanticum à D. Clusio in obs. Hispanicis descriptum.

Paruum Matthioli, potius ad Chondrillam referendum. *Sesamum verum*. Prodiit ex semine, foliolis binis oblongis, subrotundis, duplo maioribus ipso semine, & ex ipsorum medio emerferunt alia crenata, sed ea se non explicarunt, planta senfim marcescente. Sed ex eodem semine, quod àperitiss. Pharmacopœo Neapolitano Ferdinando Imperato missum satis foecundum experti sumus, quoniam maceratum ac terræ mandatum in fictili iam inchoante hyeme fuit enatum, speramus æstate proxima, Deo volente, si iustis caloribus ac nativa temperie indulserit, nos habituros plantas viuaciores. Eius genuinam picturam ex siccis plantis exoticis D. Rauvvolfii mihi ab ipso humaniss. communicatis, primum, ut existimo, delineauimus.

*Seseli Aethiopicum* Fuchsi, & Peloponnesiacum eiusdem.

Est & alterum Aethiopicum ex illustriss. principis Landgr. Vuilhelmi horto Castellano celeberrimo missum, cuius semen aliquantulum Cinamomum repræsentat odore & sapore. Folia fert Aquilegiæ ferme similia, sed multo ampliora. *Seseli Aethiopicum verum*, diligentem culturam apud nos requirens. Non locis subterraneis nisi admodum siccis & perflatis per hyemem habendum & modice rigandum.

*Seseli Massiliense*. Lucas Chinus excellens rerum simplicium censor, circa viginti plantas descriptioni Seleleos Massiliensis conuenientes se nouisse affirmauit.

Creticum, maius & minus, ut vulgo dicitur, sed Bellonius *καρχαλίτραν* hodie appellari dicit in Græcia & inter olera comedī, nomine, ut videri queat, ἀπὸ τῆς καρχαλίδος detorto.

Pratenſe Monſpeliensium.

Palustre. Vnicam plantam reperi in quadam palude Sylux Vrbi vicinæ, prope piscinas amplissimas, iuxta putridos



tridos arborum truncos, folijs ferulaceis, radice longa subfusca & ingrato admodum gustu cum feruore non exiguo fauces tentante: in hortum vero illata minus vrens euasit & saporis foeditatem deposuit, & caulem protulit ramosum, tricubitalem: flores candidos in umbellis & semen latū, foliaceum. Planta est lactescens, vt quædam aliæ umbelliferæ, quales sunt Thysselum Dodonæi, Chærefolium, Caucahis Hispanica &c.

*Sferra cauillo* syluestre Germanicum, itemq; Italicum apud nos hortense tantum.

*Sida vulgo* vel potius Althæa palustris, flore albo & subrubro. Quam postremam plantam aliquando in Italia in Maio ad ripam Athesis circa Anguillaram vbi flumen traicitur, copiose admodum non sine voluptate florentē reperi. Repullulat à radice in horto per aliquot annos, nisi sit hyems nimis aspera. Dodonæus vocat Althæam hortensem.

*Sideritis prima* Heraclea à Dn. Clusio primum transmissa, item Fuchsi Sideritis & alia Matthioli, quam Lanceam Christi alicubi vocari Gesnerus tradit, & usurpari in balneis & fomētis ad membrorum impotentiam. Marrubium palustre Tragici. Sunt qui Aegyptiam dicant herbam, quod hi qui se Aegyptios mentiuntur, quales per Germaniæ ciuitates subinde discurrunt ac diuagantur, hac herba nigricantē colorē, qualemq; Aegyptij obtinent, sibi adsciscant. Succus enim huius herbæ nigricante huiusmodi colore quæuis inficit, qui adco-  
pertinaciter inhæret, vt elui aut abstergi nequeat: adeo vt telluræ lineæ hoc infectæ perpetuo eum retineant, quemadmodū Dodonæus obseruauit.

*Sideritis tertia* Matthioli, quantū ex pictura potest conijci, forte non satis exacte, vt nonnulla alia, pictorum negligentia representata. Gesnerus tradit circa Glaronam in pede montis locis saxosis nasci. Monspel. Ruta canina.

*Sideritis aruensis flore pallido*, sponte nascitur in agris circa Francofurtum ad Mœnum.

*Sideritis aruensis flore rubro*. Ladanum segetum Dalechampi.

*Siler Creticum*, quo nomine ex Italia mittitur, foliis Cicutæ, sed latioribus & paucioribus, semine incuruo, grandi, hirsuto & fusco.

*Siliqua* siue Ceratia, quæ tamen vt facile ex semine crescit: sic quoque in alterum vel tertium annum, si vel parum negligatur, vix perdurat.

*Siliqua sylvestris*, vide Arbor Iudæ.

*Sinapi album*, aliud ab Eruca, cum qua quidam confudere. Plantæ Sinapis prima hyeme translata, pluscimæ vere afferunt. Columella de re rustica lib. 11.

*Siser*, *Sisarum*. Huius radices ex Germania Tiberius sibi afferri curauit.

*Sison* ex semine mihi interdum prouenit, quod in officinis pro Amomo habetur.

1. *Sisymbrium*, Rote Bachmünz. Aqua huius stillatitia multum  
 2. confert cōtra difficultatem spirandi & pulmonum infarctus  
 3. & angustias. Antigonus in congerie mirabilium narrationum, Aristotelem ait scripsisse ex putrefactis Sisymbriis scorpios nasci: quod de Ocimo alij memoriæ prodiderunt.

*Sisyrichium Clusii*. Bulbi allati Constantinopoli perierunt putredine, sed rursus progenuerunt sobolem, quæ adhuc est superstes.

*Smilax hortensis*, Phæoli vulgo.

*Smilax aspera*, in loco hypogæo per hyemem seruanda. Floruit quidem sed non tulit fructum, perennis planta est.

*Smyrniū Matth.* alias Petroselinum Macedonicum, siue Olusatrum apud Scribonium Largum. Anguillara existimabat esse Hipposelinum Theophr. Hipposelinum autem cum Smyrnio confundere non esse nouū patet ex Hesychio, apud



quem legimus, *σμέρνον τὸ ἰπποσελίον ὁ γράψας καὶ αὐτὴ ἡ βοτάνη.* & Galenus inquit Smyrnum Romanis Olusatrum dictum fuisse: de alim. fac. Dioscorides vero expresse ait: Hipposelinum Latini Olusatrum appellant, aliqui Smyrnum, quamuis aliud sit, quod proprie Smyrnum dicitur, vt paulo post referemus. Agit vero de Smyrno statim sequente capite.

*Smyrnum Creticum.* Mira huic plantæ inest proprietas, nam altero à satuo anno prodit foliis geminis, oblongis, vt locustarum ferè alas repræsentent, quæ paulo post marcescunt. Interea sub terra latitat radix rotunda erui magnitudine aut paulo grandior. Sequenti postea anno folia protrudit instar Ammi vulgaris, vt in pictura Excell. Matthioli apparent, radix vero tenuis sit & oblonga, quæ rursus per hyemem ita perdurat. Primo deniq; vere tandem emergunt folia Petroselini, quæ CL. V. Dodonæus suo Smyrno recte appinxit, caulisque enascitur circumdatus foliis perfoliatæ. Hæc planta semina matura profert, quæ excidunt, & vt diximus, anno sequenti proueniunt.

*Solanum hortenſe*, quod non solum nigris, sed & rubris luteisque: „baccis reperitur. Huius herbæ succus in cancris perutilis esse „solet. Doctiss. Medicus D. Seuerinus Gobelius in suo accuratissimo commentario de succino tradit ex putredine huius herbæ vermes virides maculis luteis intermixtis crescere, „in quorum capite cornu apparet interdum ferme digiti longitudine.

*Solanum somniferum*, quod raro apud nos semina perficit, in quo tamen iactura exigua sit, cum plus noxæ quam emolumenti hominibus afferre possint.

„*Solanum somniferum alterum*, cuius meminit CL. Vir D. Ioannes V Vierus, in suo germanico libello, quam herbam Ditmarsii „& V Vestphali contra istum morbum incognitum die Varen: „magni existimant. De quo vide apud hunc autorem plura.

Bucha-

„Buchananus lib. VII. suæ historiæ Scoticæ exponit, quo  
 „pacto huius Solani succo vina & cereuisiam Scoti insecce-  
 „rint, vnde Danos suos hostes ita dementarunt, & in profun-  
 „dum somnum induxerunt, vt eorum Duce[m] Senonem cum  
 „toto exercitu deleuerint. Perpende quanta vis sit in herbis.  
 Similem historiam de Helleboro quoq; ex Pausania supra al-  
 legauimus.

*Solanum arborescens*, vel *Strychnodendron*, siue fruticosum, A-  
 momum Plinij ab alijs appellatum. Facile è semine nascitur,  
 & perennis est arbuscula, modo à frigore hyeme in loco te-  
 pidiore asseruetur.

*Solanum maius*, alijs furiosum ab effectu. Bella Donna Italogum,  
 cum succo enim illius mulieres faciem decorât. Theophrasti  
 Mandragora secundum Anguillaram. Reperitur in multis  
 syluis opacis & frigidioribus Germaniæ. Hier. Tragus scribit  
 huius non baccis sed surculis, sicuti quoq; Sambuci monta-  
 næ Ceras mirifice delectari.

*Sonchus cæruleo* flore duum generum, item luteus varius,

„*Sorbus esculenta*, torminalis, sic dicta, quod torminibus & dysen-  
 „terici conueniat, siue *Cratægus* Theoph. vt peritissimi quiq;  
 studij herbarij volunt. Aucupalis.

*Sparganium*, at non diu hortum amplectitur.

*Spartium*, Genista peregrina siue Africana, vulgo Italica.

*Spatula fœtida* siue *Xyris*.

*Sphærocephalus* flore albo.

*Sphærocephalus annuus* flore cæruleo in satis magnum globum  
 redact.

*Sphærocephalus maximus*, pro Spina alba missus, altero anno flo-  
 ridus, priore à gelu muniendus, quo si vel tantillum adura-  
 tur, extabescit.

*Spica Nardi*, vulgo sic dicta. Prodit nonnunquam ex semine, sed  
 difficulter sic asseruatur: idèq; surculis feri vsitatus est.



*Spina Solstitialis*, vide carduus Solstitialis.

*Spinacia* mas & foemina. Hæc Gesnerus ait ab Heluetijs *Gimmel-spinet* vocari. Discrepat autem à mare, caule proceriore, latiusculo, sine semine; aspectuq; magis ad *Atriplicem* sylvestrem vel Bonum Henricum accedit.

*Splith*, fumaria Corydalis.

*Stachys* maior siue Germanica, itemq; minor in superiore Matthioli editione affabre à nobis delineata.

Palustris Gesneri, herba foetida, Galeopsin olens, flore spicato purpureo vel interdum luteo, foliis mentastri prioris Pannonici, radice reptante.

*Staphylodendron*.

*Staphysagria*, tarde è semine enascitur. Sponte crescit circa Crepanum in Illyria. Hodierno adhuc die in Græcia nominatur *Υιρόκοκκος*, id est, granum pediculorum &c.

*Statice Dalechampi*, Cariophyllus marinus Lobelij, maior & minor. Videtur Britannica Anguillaræ vel non dissimilis planta.

*Stæbe* Hispanica Clusii.

*Stæchas Arabica*, sic passim cognominata, cum tamen bona pars ex insulis Stæchadibus ad nos comportetur. Monachi vero, qui in Mesuem scripserunt, hoc notarunt discrimen vnicum, quod inter cæteras quæ ex Arabia aduchitur, densioribus sit ramulis Hæc quidem nobis florem, nunquam tamen semen maturum protulit, quod tamen non sine admiratione in Hassia Nobiliss. Dominus Georgius Riteselius in suo horto eo ipso anno quo seuerat nactus est. Græci (vt D. Costæus in Mesuen quoque annotauit) nullam vim purgandi illi tribuunt, vt faciunt Arabes, quæ forte facultas in plane recenti, qualis ad nos non affertur, sicut in rosis, inest, non autem iam aridæ.

*Stramonia* supra Nux Methel.

*Styrax arbuscula* è semine enata, foliis Cotoneæ similibus. Habenda

benda est loco tepido, non nimis humido. Frigoris impatientissima cum sit, itemq; aëris verni, cum primum terra aperitur, accuratam curam postulat.

*Superba Tragi*, Cariophyllus sylvestris, Gesnero πολυχιδν, Willen/Sedernägele/Haarnegele. Diosanthos Anguillarae.

*Symphytum maius* flore purpureo & albo. Item subluteo tuberosa radice.

*Symphytum Petraeum* Neapoli missum, foliis Thymi, sed maioribus ac longioribus, nonnihil hirsutis, aliquantum, sed minus, odoratis, capitulis Thymi, flosculis purpurascens. Non videtur satis facere delineationi Dioscoridis.

*Syringa* flore albo odorato, frutex exoticus, à quo tamen loco primum ad nos sit delatus, nondum constat. Quidam dicunt ex Hispania in nostras regiones pervenisse. Aliqui tam hanc quam sequentem ad Ostryn vel Ostryam referre conantur, sed frustra, ut mihi videtur, cum Ostryan satis repraesentet, quæ pro Carpino à Matthiolo exhibetur.

*Syringa* flore caruleo, à Matth. pro Lilac depicta, sed pictura melior est apud Lobelium ac Dodonæum.

## T.

**T**ABACVM latifolium, angustifolium & minimum. Petum etiam vocatur, Nicotiana & Herba Reginae. Vulgo Veneraria planta Indica. Mirum est quod minutissimum hoc semen sponte excidens etiã sæuissima hyeme integre in terra illæsum latitet & sequenti æstate in multis locis horti, ad quæ forte vi ventorum fuit delatum, sua sponte copiose prodeat. Asseverari potest planta in tertium & quartum annum, at in fictilibus, neq; in loco subterraneo nimis humido. πολέχνης admodum est planta, de qua imprimis inspiciantur annotationes accuratiss. Domini Clusii ad librum Nicolai Monardi



dis. Augustæ ex eius succo parant Syrupum idoneum in  
 ,, Asthmate. Unguentum quoque simplex & compositum ad-  
 ,, modum vulnerarium hic ex eo in vsu est: itemque pulvis fo-  
 ,, liorum siccorum in vlceribus immundis. Nonnulli eundem  
 ,, puluerem cum oleo ceræ redigunt in formam linimenti,  
 ,, ac eo vtuntur in dolore articulari si est à frigidioribus hu-  
 ,, moribus.

*Tamarindus* ex nucleo enata nunquam ultra annum durauit.

,, Turcæ hunc fructum secum ferunt ad sitim sedandam. Deli-  
 neationem emergentis arbusculæ proponit Lobelius.

*Tanacetum leucanthemum* id est floribus albis, inodorum, crescit  
 in montibus altioribus Franconiæ & alibi.

*Tanacetum Anglicum* siue Crispum, odoratum admodum. Cy-  
 ius vsus est in cibis præsertim contra vermes puerorum. In  
 Scotia vt testatur in Therapeutice puerperarū, Ioan: de Bon-  
 Regius medicus in Gallia, heroinæ sectum Tanacetū ad pro-  
 hibendum abortum admouere solent partibus inferioribus  
 frequenter & cū felici successu, quod vt grauius oleat, prius  
 manibus atterunt aut sub cineribus paululum coquunt.

*Tatula* nuper nobis innotuit, Stramonix species maxima. De  
 hac Monardem & Costam consulito. Constantinopoli aiunt  
 capitale esse, si quis eam serat.

*Taxus arbor* apud nos innoxia, vt etiam Pena in aduersasserit in  
 Anglia baccas sine periculo gustari & porcos passim vt glan-  
 des comedere. Huius rubri acini auide expetuntur ab auibus,  
 sed inde attonitæ facile postea capiuntur. Scobem quoque  
 illius venenatam esse sunt qui affirmant, Hoc veneno etiam  
 secundum I. Cæsar. lib. 6. bello Gall. Catinulcus Eburonum  
 Rex desperatis rebus se exanimauit. Gaudet hæc arbor locis  
 vmbrosis.

*Telephium Hispanicum.*

Minus semper virens, Cepæa Pantij sponse in Belgio na-  
 scitur. Tele-

*Telephium* Ferdinandi Imperati Neapolitani pharmacopœi peritiss. Calor, quem in hac planta requirunt veteres, radicem potissimum gustantibus depræhenditur. Perijt superiore hyeme, cum ante hac plurimos annos durauerit, semine tamen sponte excidente plurimum se rursus propagauit. Cauliculi supini folijs amiciuntur portulacæ sed tenuiorib. flosculos fert stellatos albicantes, in summitate confertos, quib. succedunt nigra semina in capsulis.

*Telephium Matthioli*, flore albicante & rubro. Anacampseros Gesneri, cuius radix instar aloes in aëre suspensa crescit. Vulneraria planta est.

*Terebinthus*, ex semine prouenit. Serenda autē sunt grana quæ viridia sunt, rubicunda enim penitus effœta esse obseruauimus. Duum generum est, alta & humilis, atque hoc fit regionum diuersitate. Nam in Syria nascuntur procerae, sed in monte Ida & Macedonia parua. Similiter & in Italia Romanae grandes sunt & crassæ: Hetruscæ vero exiguae ac distortæ. In Samnitibus adhuc Triuente voce aliquantum corrupta nuncupatur.

*Teucrium vulgare*. II. Belgicum, III. Beticum. Hoc vltimum præ alijs amari & ingrati saporis est, odoris tenuissimi, diuersum ab eo quod Clusius pinxit. In Lobelio eius imago simpliciter Teucrij nomine inscribitur. In Italia Teucrium crescit circa Carrarā in Lunigiano agro, copiose vero in Græcia & in Cypro, vbi exhibetur contra dolores renum & lienis.

*Teucrium verum*. Quo nomine missa fuit planta ex Italia folijs pene Scorodonæ vulgo dictæ sed minoribus. Florem eius expecto anno sequente. Cauliculi per hyemem durant cum summis folijs. Non videtur congruere Diosc. descriptioni.

*Thaliætrum* siue secundum alios Thaliætrum. I. Italicum vulgo, Dodonæo tertium, ex Hispanijs allatum. II. Germanicum latifolium, Dodonæo primū. III. Angustifolium, IIII. paruum,



um, Dodonæo quintum. V. flore purpureo, Dodonæo  
 , quartum. VI. flore albo. In Italia quibusdam locis vtuntur  
 , contra pestem. In Saxonia contra istericiam. Dodonæus fo-  
 , lia oleribus admixta aluum nonnihil mouere tradit: radicis  
 , vero decoctum idem potentius præstare. Anguillara adhuc  
 erat de hac planta dubius.

*Thapsia latifolia* & *angustifolia* Raro apud nos ad maturitatem  
 peruenit. In Apulia & magis adhuc in Sicilia sua sponte cre-  
 scens nominatur Turbit & Ferulacoli.

*Thlaspi verum*, cuius semine vtimur in Theriaca, II. apud Dodo-  
 næum. II. Supinum hirsutum. III. Plátycarpon siue Scoro-  
 dothlaspi I. Dodonæi. IIII. Semperuirens biflorum, folio  
 Leucioij. V. Incanum supinum. VI. Incanum fruticosum  
 Franconiæ. VII. Rotundifolium Thuringiæ.

*Thlaspi Pannonicum*, descriptum à Clusio, odore propemodum  
 allium referens.

*Thlaspi Creticum* flore purpureo & subalbo. Huius amarissima  
 sunt folia. Teneræ plantæ priusquam flores perduxerint, in  
 cella asseruati altero anno florent egregie. Dodonæo Draba  
 seu Arabis est.

*Thlaspi Bisulcatum* vel Lunaria bisulcata, à Clusio & Lobelio de-  
 picta. Crescit copiose prope Capuam foliis aliquantum di-  
 uersis quæ fere Napi vel Rapistri sunt, altitudine sesquipedis  
 non multo minor.

*Thora* Valdensis.

*Thora Italica* Dodonæo & Clusio depicta, Napello congener.

*Thuia* siue *Thya* vulgo Arbor vitæ, vt Galli nominant. Clusius  
 in obs. Hispan. potius inclinât in sententiam doctiss. Guilan-  
 dini in prob. asserentis ad Thyæ descriptionem à Theoph.  
 proditam accedere non hanc sed aliam arborem sui generis  
 Cupresso simillimam in Syria Aegypto & Arabia nascentem,  
 cuius fructus Abhel ubiq; in istis locis notus, pilularum cu-  
 pressi

pressi similitudinem habeat. Contra vero Goropius ille  
 περὶ μαδεσείας in suo Vertumno Arborem vitæ siue Thuiam  
 cum Cedro antiquorū cōiungit & allegat Virg. Versum: *Vrit  
 odoratam nocturna ad lumina Cedrum.* Sed quicquid sit, arbor  
 hæc primum mihi quoque à doctiss. Rallio missa merito in  
 precio habenda est, non solum propter eius odoris fragran-  
 tiam, cuius contusi ramuli naribus impositi quandoque san-  
 guinem eliciunt, sed etiam propter alias eius facultates non  
 contemnendas. Elicitur quoq; ex ea aqua & oleum per Chy-  
 mica organa vtile ad dolores podagricos, rite impositum.  
 Facile semine nascitur, & surculis propagatur, fertque apud  
 nos hyemem parū stramine vel simili re munita. Seri autem  
 debet in vasis terra optima & cribrata plenis, vt semen quar-  
 ta parte digiti ea tegatur. Cum vero rigare opus est, terra lin-  
 teco imposito irriganda, alioqui semina sursum ascendunt &  
 nudantur: quod etiam in aliis obseruandum est. Nouel-  
 læ plantulæ à sole meridiano per maiores æstus defenden-  
 dæ, atque hac ratione plurimas arbusculas breui consequi  
 possumus.

*Thymelea*, foliis lini, notissima multis locis in Italia, in monte  
 Sancti Iuliani Hetruriæ & per Apuliam.

*Thymus verus capitatus* siue Creticus, quamuis etiam in Italia  
 circa Neapolin reperiatur & imprimis in Sicilia, qui tamen  
 tantum annuus fuit. Alter durior flore albicante vbiq; apud  
 nos frequens.

*Tinus*, Laurus syluestris.

*Tithymallus Characias* circa Veronam plurimus.

*Tithymallus arborescens*, ex semine quidem facile enascitur, sed  
 difficulter apud nos in alterum annum durat. Vocatur &  
 Petrus. Inuenitur copiose in Italia, in Hetruria in quodam  
 monte, qui dicitur saltus Ceruæ & in Liguria inter Nycæam  
 & Sauonam, ac circa Massiliā. Ego aliquando reperi in mon-



tibus salebrosis inter saxa prope Terracinam qua itur Neapolim, altitudine trium cubitorum, floribus luteis, copiosissimo lacte abundantem.

Helioscopius.

Paralius, Celso Lactuca marina, frequens in littore Veneto. In fistili asseruandus est, ut ingruente frigore intra teetum portari possit.

Linifolius, Paraliocognatus, foliis tantum longioribus ad ripas Moenii in Franconia frequens.

Myrsinites, semel in hortum translatus sese diuersis in locis propagat, ac illi facile assuescit. Non caret admiratione, quod aliquando superfluas plantas à me euulsas, & in horto per acerrimam hyemem proiectas sequente vere repererim adhuc integras & illæsas, quæ postea à quodam amico rursus aliò transplantatæ fuerunt. Crescit sua sponte in Samnitibus, Maris & montibus Nursiæ, ubi vulgus nominat Tortomaglio.

*Tithymallus fruticosus Germanicus*, in littore Rheni & alibi frequens, unde palustris dicitur.

*Tithymallus fruticosus alius*, stipitibus rubicundis, perennibus, foliis modice hirsutis, latiusculis, in Franconiæ syluis obuius.

Cyparissas, siue Esula minor.

Leptophyllus Matthioli, Esula exigua Tragi.

*Tithymallus tuberosus noster*, alius ab Apio Matthioli. Radice Scrophulariæ rubente, tenellis cauliculis, foliis Laureolæ Germanicæ, sed minoribus, in cæteris aliis similis. Crescit plurimus circa Lipsiam, locis nemorosis. Repræsentaretur fere iconè Esulæ dulcis Tragi, si plures cauliculi ac tenuiores ex vna radice magis tuberosa prouidentes picti essent.

*Tithymallus aruensis*, annuus, Esulæ Dulcis Tragi similis, sed comosior & annuus tantum, nec sine acredine. Cum pro-

dit

dit initio veris prima folia sanguineis guttis aspersa conspiciuntur.

» Tithymallo oculos inungere prouerbio dicitur de ijs, qui sibi ipsis damnum inferunt.

*Tormentilla alpina*, ex montibus Tyrolensibus olim à me allata, radice multo maiore, odoratiore, & rubicundiore quam est vulgaris, vnde Heluetij apud quos etiam præstans crescit, nominant *Kotwurk*. Pulvis radices & florum vrticæ rubræ bene, in Clibano exiccatus vtiliter inspergitur vulneribus ad nimium sanguinis fluxum.

*Tragium Creticum* Bellonij. *Androsæmum* fruticosum ex Ilua insula.

*Tragopogon*, vide Barba Hircina.

*Tragoriganum* Neapoli missum, adhuc tenellum. Origano Onitidi non absimile, modica lanugine pubescens, odore Heracleotici Origani: Sed folia Serpilli non habet, ideoque *Tragoriganum* esse non potest.

*Tragum*, vua marina circa Monspelium. Secundum Polygonum Hispanicum Clusij in suis obseruat. Hisp. lib. i. Eius iconem ex Gesnerianis typis depromptam adiecimus, quæ fructus & radices quoque delineationem habet.

*Tragum Matthioli*, sed longiore folio quam ille pinxit, nimirum cultu luxurians ad vsum acetariorum.

*Tribulus terrestris*, qui in agro Monspeliensi Galliæ, sicut quoq; Veronensi Italiæ copiosiss. in locis arenosis & apricis nascitur.

*Trichomanes*.

*Trifolium pratense* rubrum, album & luteum.

*Trifolium Halicacabum*, seu Vesicariū vulgo dictū, aliis cicer sylvestre, quibusdam et satis inepte *Dorycnium*. Folia plerunq; quaterna vel quina gerit, vt Loto annumerandum videatur.

*Trifolium bituminosum*, in agro Lucensi, circa Lunam & Carraram di Massa & vniuersam Hetruriam notissimum. Hyemis



frigora apud nos fert. Semen ex Italia allatum, terræq; mandatum plantam profert foliorum odore bituminoso Italicæ nihil vel parum inferiorem. Semen itidem sapore Italicum refert. Sin autem semen in Germania educatæ plantæ rursus feritur, statim sapore & odore producta planta deficit. Gal. lib. de Ther. ad Pisonem de hoc Trifolio Asphaltite siue hyacinthino differens, inquit, decoctum & moribus aranei vel viperæ ex aquæ fotu adhibitu ipsi mederi & dolores statim sedare. Sin autem in alio non commorso sanum locum eodem fotu circumdederis, similem sensum, similesq; dolores ijs, quos morsus inuchit, omnes efficere, vt reuera miraculo dignum sit, videlicet herbam & morsum sanare & ferarum modo sanam partem prave afficere. Matthiolus in Epistolis eum negligentia arguit in legendo Diosc. lib. 3. cap. 106. qui scribit, simplex huiusce Trifolij decoctum haudquaquam id efficere posse, sed tantum illud cuius fotu quispiam à ferarum moribus liber euaserit, si eodem alterius locus vlcere affectus, non sanus (vt Gal. inquit) perfundatur. Ex Sophocle tamen & Simo medico Plinius idem prodidit & Alboali cap. 697. cum errore floris, id quod Scaliger animaduertens exotericarum exercit. 153. distinct. 10. inquit hoc non casu sed sapientis cuiusdam cogitatu productum ad experimentum fuisse. quis enim ludens ablatum à morso decoctum imposuerit sibi? Sed Iulius Alexand. respondet, librum illum haudquaquam à Galeno fuisse editum & ob id non esse opus aliquo defensionis genere. At de his alibi.

*Trifolium cochleatum maius*, minus & aliæ species, de quibus supra in Medica.

Americum à Dodonæo descriptum & depictum, biennis apud nos planta.

*Trifolium hepaticum* siue aureū flore cæruleo, item rubro, quod frequens in Vuestphalia circa Corbachium inuenitur, quemadmodum

admodum & albo Cadelburgi in syluis. Hæc herba vtiliter  
Herniosis adhibetur.

*Trinciatella*, quo nomine ex Italia accepi plantam Dentileonis  
similem, sed teneriorē, foliis quoq; magis crispis, laciniatis  
gustu dulcibus, floribus minoribus & elegantioribus, semine  
oblongo, lato, membranaceo, superiore parte duriusculis  
aliquot pilis munito. Eo ipso, quo seritur anno flores & se-  
men producit & si per hyemem in fictili seruetur etiam in  
plures annos perdurat: alioquin radices, quæ dulces quoque  
sunt vt vniuersa planta, primo frigore læduntur & intereunt.

*Tripolium* à Lobelio depictum, frequens in littore Veneto. Se-  
cundo anno florem producit. Semina nisi in humidis admo-  
dum locis sata non facile proueniunt. In horto triennium a-  
pud nos durauit.

*Tripolium minus* ex Salinis Saxoniciis. Anthyllis Cordi in sylua  
obseruationum.

*Tulipa*, de qua peregrina & ante aliquot annos demum cognita  
apud nos planta, quæ ob eximiam florum varietatem & ele-  
gantiam diligenter à studiosis rei Herbariæ iam passim coli-  
tur, legi poterunt accuratissimæ obseruationes tam Panno-  
nicæ quam Hispanicæ Caroli Clusii, qui etiam pro sua huma-  
nitate plurimas huius differentias tam mihi quam alijs ami-  
cis liberaliter communicauit. Nominant alij Lilionarcisum,  
sunt qui velint esse Satyrium Diosc. Triphyllum dictum.  
De facultatibus tamen adhuc ambigitur. Helichrysum quo-  
que Crateuæ non adeo male ad luteam quadrat, quamuis  
herbam non integre descripserit sed tantum dicat florem  
esse similem croco, colore aureo. Miratur Gener. Dn. Buf-  
becquius se in media hyeme huius flores varios Constanti-  
nopoli reperisse elegantissimos. Enumerabimus autem pri-  
mum præcoces, deinde medias vel dubias, tertio serotinas.  
Maxime vero præ alijs florib. varietas est in præcoci, quarum  
tot habuimus differentias.



Præcox lutea vel plane aureo colore, vel pallido. Adhæc vel rubris maculis conspersa, & alia maiore ex parte rubens. Item vel aureo fundo vel nigro. Stamina etiam discrepant, quæ in nonnullis flaua sunt, in alijs nigricant.

Præcox rubra, eaque vel purpurascens, vel coccinea. Item purpurascens albis oris decora. Nec nõ dilute rubens vel incarnata, vnguibus vel inferioribus foliorum particulis candidis.

Alba, fere prima omnium florere solet, sed & frigoris vehementiæ aliquando succumbit, si non satis profunde intra terram abdatur. Est vero quædam penitus candida, excepto fundo qui nonnihil flauescit: quædam diluta rubedine inficitur & tertia violaceis maculis pulcre distinguitur.

Media siue Dubia, Lutea, aurea, pallida: itemq; conglobato flore, non vt reliquarum patulo: & lutea medio fusca, purpureis staminibus, & præter has, quæ virentibus strijs variatur. Deniq; nana siue pumilio flore aureo.

Rubra, coccinea, fundo flauo, nigro, subuirente, in cæruleum vergente. Est inter has quæ nigrum fundum habet & foliorum in flore virentes apices. Præterea paruula admodum strictis foliis, colore saturato rubro.

Incarnata, languidi coloris, nigricantibus staminibus.

Serotina. Hæc plerumq; maxima est & pulcherrima, sed minore colorum diuersitate commendabilis. Lutea nimirum, aurea, pallida, itemq; tenella strictifolia inter hasce, latifolia quoque rursum eaque diclonos, nec non cristata papaueris modo, siue *ἀνθοχίδης*, id quod etiam in rubra admodum grandi notauimus. Est & suauis rubore purpurascens, qualis in præonia colos. Tandem quæ Solis oculus vocatur, fundo nigro, quem circulus aureus ambit, reliqua floris parte eximie rubicunda: cuius varietas etiam in odore habetur, qui in quadam plane *Lilium conuallium* dictum æmulatur.

His plerisq; interdum accidit, vt proliferae sint extra terram, id est vt inter alas foliorum protrudant bulbum, qui sensim tabescente matris superficie incrementum capessit, quemadmodum hoc à C. Clusio in Pannonicis affabre depingitur.

Vltimo loco restant Tulipa Narbonensis quæ minor est, & Bononiensis, quæ maior, & plerunq; polyclonos. Odoratæ sunt hæ & cum medijs fere florent.

*Tusai* vide Corona Imperialis.

*Tussilago* vulgaris: & altera Alpina à Clusio posita in obs. Pannonicis.

## V.

**V**ALERIANA maior siue Phu vulgare. Nam de Dioscoridis Phu merito dubitatur, cum florem illi tribuat maiorem Narcisso, nisi ἀντὶ τῆς νάρκισσου κίσεως legatur, vt Doctiss. Vir D. Iacob. Dalech. censet. Est tamen hæc planta efficacissima & nostro tempore ad Theriacæ confectionem assumitur. Cuius extractum singulare remedium est contra difficultatem urinae & alios similes internos affectus. Huius alpina species multo odoratior, flores enim Citrij pomi odorem referunt, & tenerior, ex Allobrogum montibus aliquando ad me missa à C. L. Medico Ioanne Antonio Saraceno.

Est & sylvestris Valeriana, siue palustris maior & minor, ubiq; obuia. Decoctum eius efficax est contra icterum.

*Valeriana* campestris vel aruensis duæ species, hoc solummodo discrepantes quod hæc maior & strigosior sit, ac flosculos suppurpurascentes, radiculamque magis odoratam habeat: illa pinguior & cibo aptior candidos gerat flosculos. Dodonæus vocat Olus album λευκολάχανον, & Lactucæ generibus accedere vult, refrigerantisque & humectantis facultatis esse. Mihi vero temperata potius videtur vel saltem in primo gradu calida.

*Valeri-*



*Valeriana rubra Dodonai*, quæ hyeme debet recondi, si metuatur intensior, alioquin satis perfert in horto mitiora frigora. Crescit sua sponte circa Pisas & in Liguria. Radix satis est aromatica. Apud veteres aliqui existimant esse Limonium, alij Condurdum, alij pro Been rubro habent.

*Valeriana peregrina* vel Græca dicta, quamuis parum cum alijs Valerianis habeat commune. Crescit autem in saltibus & syluis Thuringiæ.

*Valeriana annua* ex Illua, cuius meminit Cæsalp. lib. 4. cap. 5.

*Verbascum* mas & foemina. Huius vtriusq; plures pro ratione soli reperiuntur differentiæ. Matth. lib. 5. Epist. ad Cortusum refert se vidisse in montib. flore in vniuersum purpureo à Blattaria diuersum. Hoc & Capparis pauca aqua irrigari debent. Sub eo quod florem album habet erosa radice sæpe vermes  
 „ reperiuntur. *Vr*sas faucias verbasco sicca temperie prædito sua  
 „ vulnera curare tradit D. Basilius, Homil. 9. in comment. ad  
 „ Genesin. Brasauolas ait in suo de Syrup. comment. in Hetru-  
 „ ria Verbasci floribus vulgus rusticorum vti ad lac coagulan-  
 „ dum. Puluis verbasci nonnihil purgat, quare eo Vngari in fe-  
 „ bribus vti solent.

*Verbascum folio papaueris cornuti*, depingitur optime à nobis in recenti editione Herbarii Matthioli.

*Verbascum syluestre*, foliis Saluiæ. Reperitur copiose in Græcia & Insula Corcyra, atque etiam secundum Anguillaram in Italia, qui illud apud Marsos ad arcem quandam Pisinam dictam inuenit, vbi incolæ nominant Suchamele.

*Verbena* mas & foemina. Sumitur interdum Verbena pro quauis herba, vt volunt Grammatici.

„ *Vermicularis flore albo*, vtilis obstructionibus lienis. Vide supra Aizoon.

*Veronica maior*, opt. quæ ad radices quercuum crescit, colligitur  
 „ Iulio. *Veronica* extracto contra pestem multum tribuebat

”CL. V. D. Ioann. Crato, trium Imperatorum Archiater.

*Veronica famina Dodonæi.*

*Veronica spicata cerulea.*

*Viburnum Matthioli*, Lantana vulgo, frequens circa hanc urbē.

” *Ex* eius surculis paratur opt. aqua ad oculos. Alij ad tonsilla-  
 ” rum & gutturis omnisq; oris cū inflammatione tumores de-  
 ” coctum initio in gargarismatis cōmendant: Item ad laxiores  
 ” gingiuas contrahēdas & dentes firmandos. In lixiuio decocta  
 ” folia capillos denigrant. Acinorum puluis alui fluores, san-  
 ” guinisq; profluua, tum & muliebria cohibet.

*Vincetoxicum*, vide *Asclepias*.

*Viola Martia* pleno flore, biflora, flore purpureo, candido, rubel-  
 lo. De violis vide carmina elegantia Stigelij & Maioris. Hu-  
 manæ vitæ conditionem & formæ imprimis fluxam instabi-  
 lem atque caducam elegantiss. versu proponit nobis Theo-  
 critus: Idyll. 28.

” Καὶ τὸ ἰὸν καλὸν ὄνεν ἐν αἵαι καὶ τὰ χα γρηῃ.

Coronas quas olim Laribus imponebāt fuisse violaceas  
 prodit Iuuenalis Sat. 12.

*Laribusq; paternis*

*Thura dabo, atq; omnes viola iactabo colores.*

” Ad maturandum abscessum in gutture commendatur hic  
 ” Suffitus. R. Violariæ, cum radice & floribus & Chamæmeli  
 ” item, coquātur in aqua tecto vase, & suffiatur per os. ¶ Co-  
 ” stæus in Mesuen annotauit Byzantij Violæ speciem coli, cæ-  
 ” tera Martiæ similem, sed flore infinitis foliolis constructo &  
 ” æquante Rosam Damascenam, magnitudine & odore etiam  
 ” nostrates superante. Sed hanc non vidisse Italiam, nimirum  
 ” tunc temporis cum illa scriberet. Huius recentem florem v-  
 ” num atque alterum prima mensa sumptum, alium subduce-  
 ” re instar recentis Rosæ, Hieronymum Capellum Venetum  
 ” rerum naturalium peritissimum obseruasse tradit.



*Viola Martia lutes*, inodora, alpina, aliquando à me allata ex montibus Tyrolensibus.

*Viola arborescens Matthioli*, vel potius recta, vulgo Mater violarum.

*Viola multicolor*, Flammea Dodonæi, alijs flos Trinitatis, nonnullis Iacea. Violæ lacceæ purpureus vna & luteus & cædus color spectatur, vnde illi tricoloris nomen. Costæus de natura vniuer. stirp. Destillatur aqua ex floribus herba & caulis & in morbo Gallico, datur per 9. vel plures dies mane & vesperi ʒ. iij & sudet, commendatur à multis.

Montana grandiflora peculiaris ex montibus Helueticis, duplo maior vulgari, lutea magna ex parte, purpureis lineis intermixtis. Flos elegantiss. non expers odoris. Planta facillime ex surculis propagatur.

*Viola Matronalis*, alijs Hyemalis, quibusdam Hesperis.

*Virga aurea maior*, angustioribus folijs & magis serotino flore & minor latioribus, flore præcociore.

*Virga passoris*, Dipfacus fatuus.

*Viscago maior & minor*. Hanc pro Muscipula non satis accurate pinxit Pena, illam pro Sefamoide Salmantico maiore exquisite admodum Carolus Clusius in Hispanicis delineauit.

*Vitex*, initio rectus ætate contorquetur, vt Costæus obseruauit in lib. de natura vniu. stirp. In nostris regionib. si in horto relinquitur, vix seruari potest, sed semper repullulat ab radice sicut quoque Pseudoguaianica seu Lotus. Pausanias in Arcadicis siue lib. 8. Quod si ex Græcorum monumentis vetustiss. arbores adhuc superstites & vegetas percipere velimus, antiquiss. omnium Vitex est, quæ apud Samios ad Iunonis exarat. Ei vetustate proxima Quercus Dodonæa. Olea deinde in Atheniensium arce, & quæ Deli adhuc extat Palma. Nam tertium viuacitatis locum Lauro suæ iure fortasse Syrii attribunt. Præter has est Platanus Menclais Caphyensium. Guil.

Xylan-

Xylander in Plutarch. Symp. 3. Quæst. 2. nescio qua occasione pro niue Viticem vertit, vbi est *χρὼν πολλάκις ἡμέρας συχνὰς ἐπιμένοντα τοῖς ἄλλοις φυτοῖς φείζει τάχιστα τὸν κίτλον. μᾶλλον δὲ ὅλας ἐνθὺς ἀπέλνται, & περὶ αὐτὸν περὶ αὐτὸν ὑπὸ θερμότητι*. Absurdum certe fuerat hederæ viticem & non potius huic illam incumbere. Nec alioquin multis refutare opus est hanc interpretationem, cum Græca exemplaria manifeste reclamant.

*Vitis vinifera.* Vuis potissimū diuersitates notari solent, quamuis etiam in reliquis partibus varietas insignis deprehendiqueat. In horto nostro hæ potissimum coluntur hæctenus.

Vulgatissimæ sunt Francæ dictæ & alteræ quæ Germ. *Heunisch Trauben* vocantur. Minima & optima è trib. Heluanaticis facillime folio dignoscitur, inquit Columella lib. 3. de re rustica ca. 2. nam rotundissimū omniū id gerit, atq; est laudabilis, quod siccitates maxime perfert, q̃ frigora sustinet, dum tamē sine imbribus sit, quod nonnullis locis etiam vinū eius in vetustatē diffunditur, q̃ præcipue sola acerrimū quoq; solū fertilitate sua cōmendet. Hæc ēt Francæ accommodari fortasse poterunt. Spionia dapilis musto & amplitudine magis vuarū quā numero fertilis, vt idem cōmemorat. Plinius Spineam à quibusdā vocari tradidit, omnium abūdantissimam & vino & vuarum magnitudine, magis tamen vuarū magnitudine. Imbribus pinguescere & nebulis ali. Hanc, si recte conijcit Car. Stephanus, ab agrestis pruni, qui Spinus dicitur, gustu, quē refert, nomē inuenisse, nō multū diuersam existimamus ei quæ Ger. *Heunisch* dicitur. Est. n. saporis præcæteris acerbi & austeri, nisi caloribus æstiuis bene excocta mitescat, ob id solū commēdabilis, quod vini plurimum fundat.

Purpurea siue nigra. *Schwarze oder Klebrote Trauben*/Allobrogica Plinio, frigidis locis gaudens, ac gelu maturescens. Ex horum familia est quædam quam inerciculam appellari idem tradit, iustius sobriam dicendā, inueterato præ-



cipue commendabilē vino, sed viribus innoxiam, siquidem temulentiam non facit. Inde Columella Græcis *αἰθυσον* vocari scribit.

Purpurea siue nigra grandibus acinis magnitudine & forma pruna æmulantibus. Germ. *Schlehenbeer*. Italis vva de pergola, pergulis hortorum potius quam vinearum ordinib. dicata, vnde Pergulana non immerito nuncupabitur.

Tramina nuncupata, non vt quispiam putet nomine corrupto ab Aminæa vite. Nā hæc alba apud antiquos ab Aminæa regione, inquit Macrobius, appellata fuit. Et quidem Aminæas vuas dictas putant, quasi sint sine minio, hoc est, rubore, nempe quod album vinum reddant. Quæ vero nunc apud nos *Traminer* vocitantur à pago celebri ad Athesin *Tramin* in triplici differentia sunt, sed omnes subrubicundas vuas gignunt, magnitudine & sapore, nec non rubedine vel saturata vel diluta inter se discrepantes. Eiusmodi sunt Heluolæ veteribus dictæ, inter rufum & album medij coloris. Dulcissima est & facilius maturatur, quæ magnitudine media est.

Præcox, ante alias maturescens, boni saporis atq; imprimis dulcis, colore subalbido ex viridi. Præcoquas vocat Columella lib. 12. cap. 37. & nisi fallitur Carolus Steph. eadem sunt Prætiæ Virg. 2. Georg. Columella tamen lib. 3. cap. 2. distinguere videtur.

Agigartos, siue interioribus seminibus vel granis aut vinaceis. Eiusmodi vuas arte fieri ostendit Columella. Sed quæ apud nos coluntur, interdum vnicum vel alterum granulum habere deprehenduntur, rarissime tamen acini succi pleni & saporis mitissimi sunt, colore in albedinem declinantes. Vulgare nomen est *Elbertrauben*.

MuscateLLina vulgo dicta, Vitis Apiana Plinio, cui apes cognomen dedere, præcipue carum vuarum auidæ.

Quæ

Quæ Zibebas vulgo dictas fert, id est Arab. Vuam Zibib, vel Passam Latinorum, non enim nisi passæ ad nos deferri solent, Græcis *Bépas* & est, racemulis tumidis, ut Virgilius canit. Non solum enim vuas sed etiam acinos ipsos præter modum amplos habet & crassos atq; oblongos. Prodiit ex semine, & octauo anno apud nos primū frugifera fuit, sed non plene maturescere voluit. Folia sunt elegantissimi ac nitidissimi viroris, profundas admodum insectiones habentia. Durauit hyemes vndecim, sed radicitus interiit superioris anni inusitato frigore. Huius generis ex Vngaria aliam in horto alo, quæ frigoris patientior est, alioquin tota facie non dissimilis. Fructum vtcunq; perficit, facilius nimirum quam ea de qua proxime diximus.

Celsus ait & ante eum M. Cato; Nullum genus vitiū conferendum esse nisi fama, nullum diutius conservandum nisi experimento probatum.

Si frigore vites summa hyemis clementia pereunt, omnino rescindi totā superficiem præstiterit: Sic enim tertio aut quarto anno vel citius cum foenore iacturam omnem resarciunt.

Margianā vites optimas ferre, quapropter sæpe vitis truncum inueniri, quantū duo viri complecti queant: racemum duorum cubitorum, annotauit Strabo.

Generosus Dn. Auger. à Busbeck in suo itineralio Byzantino refert vuas delicatissimas in æstatem vsque à Turcis asseruari hac ratione. Grandioribus acinis præditas, beneque maturas collocant in vase fictili, substrato prius in fundo multo semine sinapi molito, cui vuas imponunt, stipantque conspersas eadem farina. Postremo vase repleto mustum recentiss. superfundunt, implent & bene claudunt: In magnis postea caloribus sic vuas cum iure vendunt. Qui Sinapi non delectantur, vuas aqua frigida prius sæpe eluunt:



*Vitis sylvestris Matthioli*, Amarum Dulce, Solanum arborescens quorundam, Salicastrum Plinij lib. 23. cap. 1. Vulgatiores est quæ purpureos flores profert, sed quæ candidos rarior.

*Vitis Idea Gesneri maior*. Crescit in sylva prope *Wiegelsdorff* pago mille passus ab hac vrbe sito: quam Clusius in Pannonicis *Jegerbeer* & in montibus Metallicis ad radices Sudetum frater Ludouicus p. m. *Trinckelbeer* nominari aiebat, quia eorum copiosior vsus aliquem quasi inebriat. In horto nulla cura industriaq; cogi potuit vt comprehenderet.

*Vitis Idea rubra Bauarica*, baccis insipidis, sine succo. Fruticulus est supinus, crassiore caudice quam vulgaris, quæ apud nos passim cum nigra in syluis crescit & *Steinbeerlein* vocatur: foliis item oblongioribus, acuminatioribus & angustioribus, per autumnum rubentibus. Crescit circa Monacum in campis asperis inter Ericas. In horto adhuc viuit & viget, necdum vt sylvestres huiusmodi plantæ videtur interitura.

„Vaccinia nigra Dodonæi dum cruda eduntur, ventriculū debilem & frigidum offendunt & aluū perturbant: Sed excoctus illorū succus donec crassescat addito melle & saccharo vt conseruetur, ab aliquibus parari solet ad hæc mala siue ex ipso esu, siue aliunde contracta.

*Vlmaria* à foliorum Vlmi similitudine, nondum vetus nomen, adepta, Germanice *Burmfraut* / nam radix quasi à vermibus videtur exesa. Hanc Anguillara vocabat Potentillam maiorem. Gaudet passim locis palustribus, odore refert Pimpinellam. Vtuntur veterinarij eius decocto feliciter in doloribus colicis & vermibus equorum, itemq; ad sistendum sanguinem & sanandas fistulas nonnulli commendant.

„*Vlmus*. In huius foliis vesiculæ erumpunt mense Maio plenæ humore admodum vulnerario (vt testatur Fallopius) & cosmetico. Faciem enim reddit teneram. Confert quoque pueris Enterocelē laborantibus. Colligendi modus talis est, Vesiculæ

culæ hæ suo tempore collectæ, antequam generent vermicu-  
 los quosdam instar culicum, imponuntur vitro alicui angustis-  
 oris, quod inuersum aptatur alteri vitro paulo minori & sic  
 liquor ille commode extillat: ex hoc, quoniam non diu du-  
 rat, oleum paratur, teste Syluio, præstantiss. in vulneribus.  
 Radices huius arboris mundatæ & coctæ in vino ad aliquam  
 consistentiam ambustis impositæ ea consolidant accicatri-  
 ces quoq; delent. Non possum facere quin elegantissimam  
 similitudinem ex Vlmo desumptâ & à D. Chrysostomo Ho-  
 mil. 9. in cap. 5. S. Matth. expositam hic proponam. Sicuti  
 vlmus, ait, infructuosa humorem viti suppeditat, quo vitis  
 pro se & vlmo proferat fructum, ita tuæ res proficiant ad pau-  
 peris sustentationē in hoc sæculo, vt eius Sanctitas tibi vsui  
 sit in altero.

*Vnifolium*, Monophyllum, Matthiolo Gramen Parnassi, vbique  
 apud nos in nemoribus opacis frequens. Puluerem huius  
 cum vino generoso vel aceto multi laudant in pestis initio  
 & alijs venenis.

*Vrtica Romana*. Sumuntur autem ex vulgari quoque multa eu-  
 porista remedia. Sic quidam Medicus præcipuus Parisiensis  
 puluerē seminum vrticæ cum Syr: Violato vel alio pectorali  
 in pleuriticis & suppuratis exhibet. Radices vero rubræ vrti-  
 cæ tritæ & naribus impositæ sistunt sanguinem. Viuere vrti-  
 ca & herbis apud veteres accipiebatur pro apparatus tenui. Sic  
 Horatius:

*Abstemijs herbis*

*Vitis & vrtica.*

## X.

**X**YLOSTEON, Orcheocarpos Cordi.

*Xyphium* supra Gladiolus.

*Xyris* siue spatula foetida. Hanc quoque alicubi aiunt in Italia re-  
 periri flore rubro. Aliam minorem tradit Cordus nasci in  
 campis



campis & secus fossas inter Oppenheimium & Moguntiam  
ad Rhenum.

## Z.

**Z**AZYNTHA siue Verrucaria Matthioli. Cichorium Ver-  
rucarum Gesneri. *Huius semen puluerisatum ad vnum*  
Cochleare sumptum decrefcente luna per tres dies dissoluit  
verrucae in quacunque parte corporis, quo remedio quidam  
Chirurgus Patauij aliquando multum pecuniæ collegit.

*Zizyphus rubra.* Iuiubæ officinarum. Anguillaræ videtur Paliu-  
rus siue Connarus Athenæi lib. 14. cap. 20. Syluestris nasci-  
tur in campis Veronensibus.

*Zizyphus alba,* Columellæ, vel Cappadocica Plinij, Olea Bohe-  
mica siue Elæagnus Matthioli. Apud nos fert hyemem ac in  
iustæ arboris magnitudinem adolefcit. Sed & taleis instar o-  
learum facile propagatur. De ea plura apud Carolum  
Clusium in obseruat. Hispanicis lib. I.

cap. XII. legantur.

## FINIS.

IMPRESSVM FRANCO-  
FVRTI AD MOENVM, APVD IO-  
HANNEM FEYERABEND, IMPENSIS SI-  
gismundi Feyerabendij, Heinrici Dackij,  
& Petri Fischeri.

M. D. LXXXVIII.

SYLVA HERCYNIA,  
SIVE CATALOGVS PLANTARVM  
SPONTE NASCENTIVM IN  
MONTIBVS, ET LOCIS VICINIS HER-  
cyniæ, quæ respicit Saxoniam, conscriptus  
singulari studio,

A  
IOANNE THALIO MEDICO  
*Northusano.*

Nunc primum in lucem edita.



FRANCOFVRTI AD MOENVM.  
M. D. LXXXVIII.



THE  
CITY OF  
NEW YORK  
OFFICE OF THE  
COMMISSIONER OF  
THE LAND OFFICE  
JANUARY 1871

RECEIVED OF THE  
LAND OFFICE

# IOHANNES THALIVS

## IOACHIMO CAMERARIO

M. Salutem.

**H**ARCYNIAM syluam, si quis, excellentissime Camerari, integre describere velit, illum necesse foret non perfunctoriam aliquam moliri descriptionem, sed ut à re-  
 CENSATA singula quæ, quæ ad eam rem necessario pertinere viderentur, prosequi. Eiusmodi autem argumenti tractatio paucioribus pagellis absolui non admodum prompte, meo quidem iudicio, posset: Sed in mediocri volumine totum opus facillime excrescere necessum foret, quod in aliquot libros ordine esset distribuendum. Primum namq; indicandum esset, quæ olim veteris illius Harcyniæ syluæ fuerit amplitudo, quig; fines eius, Deinde opus esset diligenti labore multas antiquitatum historias aliquem euoluisse, quo indicari queat, quibus temporibus varie populorum Germanicorum migrationes contigerint, eorum nimirum, qui prope syluam illā proximè hinc inde olim confederint: quæ adhuc mutationes illorum acciderint: quomodo quidam omnino deserint, quidam vero alij in priorum locum ipsis vel deletis vel pulsatis aut subactis, successerint: quomodo item succedentibus temporibus quædam Harcyniæ partes varijs passim in locis eradicari cœperint, & in agros ac habitabilia loca conuersti. Hisce autem omnibus ita ordine absolutis, tum demum foret nostra Harcinia, quam aliqui Picceariam syluam, Germanicam denominationem, Harthwald exprimentes, vocant, inter Saxoniam ac Thuringiam videlicet sita singularis historia aggredienda & indicandum quanta ipsa hodie veteris illius ac propriæ dictæ Harciniæ esset pars: quæ deinde longitudo ac latitudo ipsius: quæ gentes ipsam versus meridiem, quæ versus septentrionem ceterasq; partes accolant inhabitentq;. Hinc rursus recensendum, qui sub ipsa nostris temporibus contineantur principatus, qui comitatus,



mitatus, quæ singularū familiarū origines, quæq; insigniora & maxime memorabilia gesta, quæq; vrbes celebriores ac monasteria, aliæq; loca, quæ item rudera destructarū arcium ac antiquitatis monumēta. Inde porro enumerandum, quæ celebriora flumina huius sint syluula, quæq; singulorum scaturigines, quæ qualitates & contenta in fundo vnius cuiuslibet: & quot eximiores lacus, quæ piscium ac aquatiliū animantium in iisdem genera habeantur, eorumq; quæ sint naturæ ac proprietates, & partium quarundam illorū in medicina vsus. Item qualia animantium etiam quadrupedum ac volucrum in eadem sylua reperiantur genera, qualia deniq; insectorum tam reptiliū quam volatiliū. Deinde vltcrius cōsiderandum esset, quot metallorum, fossiliū ac similium rerum in ea inueniantur genera, quæ ipsorum sit ratio, quæ natura. Hæc omnia posteaquam quis dextre pertractasset, tandem arborum ac stirpium historia sese enarranda offerret. Quæ itidem absoluta, vltimo loco vicinorum montium Harcyniæ huic nostræ adiacentium ac in propinquo sitorum esset instituenda descriptio & ostendendum, quicquid in ijs stirpium contineatur. Ista autem omnia multum proculdubio temporis sibi essent postulatura, præterquā quod variarum rerum nō vulgarem cognitionem etiam requirant, & adhuc eiusmodi hominem qui rerum istarum gnarus tali etiam præditus sit ingenio taliq; eruditione, vt pro dignitate istiusmodi Harcynicam historiam posteritati recte condere possit.

Hic autem ego, doctissime Camerari, sicut aliquoties à me petiisti, nudum solummodo arborum ac stirpium, quæ in hac Harcynia nostræ Saxonothuringica (vt eam nominare libet) nasci solent, Catalogum secundum Alphabeti seriem recenserebo. Quæ in re optarem sane, me expectationi tuæ satisfacere posse. Præter ea autem quæ in hoc Catalogo; sicuti à me obseruata sunt aliquot annis, enumerantur, non negarim, multo plura ac etiam rariora in sylua ista posse reperiri, quæ tamen omnia indagare non est neg; vnius hominis neg; etiam vnius temporis labor.

Harcynia

# HARCYNIA SAXO- NOTHVRINGICA,

SIVE

CATALOGVS BREVEM ARBORVM, FRV-  
ticum ac stirpium plerarumq; Harcynia,  
enumerationem continens.

A.



**A**DIANTVM PVLERRIMVM Lugdunēsi si-  
mile, cui folia à tergo lanugine eiusmodi densa,  
puluerulenta ac pene rubente ex fuscedine qua-  
dam, exornantur, quasi folia Cetarach seu Sco-  
lopendrij veri prædita sunt. Folia autem illa sunt in bra-  
chiatis coliculis ex nigro rubentibus ac flexilibus, incisa,  
crenata non ita latis aliquantulum particulis constantia, vt  
in Lugdunensi, sed tenuioribus, oblongioribusque & mu-  
cronatis. Ipse id nōdum reperi, sed habeo in libro quodam  
cartæ agglutinatum, nactus ante aliquot annos in Pharma-  
copolio Northusano, quo afferebatur ex Harcynia à vetula  
quadam herbaria.

*Adiantum candidum*, in antiquis muris, id est, Ruta muralis,  
Maurrauten.

*Adiantum ἀσπυλλον*, id est, *Widerthon* / seu *Jungfrauen Haar* /  
maius, medium & minus, tātum magnitudine ac teneritu-  
dine differentia.

*Adiantum ἀσπυγισον*, seu furcatum, passim in scopulis aridiori-  
bus.

*Argentilla maior*, seu *Ulmaria*, *Aegopogon Tragi*, *Wald Geiß-  
bardt* / Vbiuis locis vdis (intelligo autem quæ apud Tragum

A 3

secun-



secunda species & Cordo Medefustum est, Germanis *Medes fūß.*) Huic aliquādo veris initio prope Vuernigerodam loco irriguo reperi consimilem plantam, folijs minoribus ac elegantioribus, quæ nōdum in caulem creuerat. Sed hactenus nusquam, etiā sedulo inquirenti ea sese denuo obtulit.

*Androsæmon.*

*Ascyron.*

*Attractylis sylvestris seu Cnici sylvestris species*, procerior videlicet, quæ & aliàs vbiq; pene vulgaris est: & altera pumila, quæ locis montanis, aridioribusq; reperitur, priori rarior.

*Absinthium* nostrum rusticum iuxta loca habitata.

*Artemisia vulgaris*, candida & rubra, passim circa vrbes, arces, pagos, ac in quibusdam conuallibus ac montibus etiam.

*Artemisia tenuifolia*, sed nō Diosc. folia videlicet habens multa, stricta, oblōga, tenuia, cauliculos cubitales, multos, flexiles, teretes tenuesq;ue, flores & fructum artemisiæ, radices sesquipediales, diuisas, quandoq; digiti crassitudine. Duplex, sicut vera artemisia & hæc est: namq; alteri coliculi sunt albentes magis, alteri vero rubentes.

*Artemisia πολύκλωνος Dodonæi, seu Flos Iacobæus*, passim.

*Acer maior.*

*Acer tenuifolia.*

*Alibæa vulgaris*, circa Vuernigerodam.

*Alcea tenuifolia Cordi*, Stolbergæ ad radices Aurbergi, & in ipso etiam Aurbergo, alijsq; præterea circa Stolbergam locis.

*Arundo vallatoria*, in piscinis.

*Angelica sylvestris*, passim in locis vliginosis & iuxta flumina, item in montibus opacis & humectis.

*Angelica erratica*, id est, Giersa seu *Strenkel*/vbiq;ue.

*Aizoon seu Semperuiuum maius*, in antiquis quibusdam muris ac maceriebus ex argilla constructis.

*Aizoon*

*Aizoon medium*, folijs multis, vnciali longitudine acuminatis teretibus, strictis. Hæc est maior in hoc genere species.

*Aizoi minoris species*, quam *Hünnerbeer* vocant, prædicto quidem similis (cuius altera ipsum species est) sed folijs ac cauliculis brevioribus.

*Aizoon minus seu Vermicularis inspida*, & alterum quod feruidi est gustus, sed infrequentius. Sæpe tamen vtrunque vno eodemque loco natum vidi.

*Aizoon serratum Cordi seu Crassula serrata*, Rarior est.

*Anblatum Cordi seu Dentaria maior*. Copiosissime habetur veris initio Stolbergæ, Est de genere Orobanches.

Eius alia species minor ac tenerior, candida tota. Sed hæc rarius reperitur ac potissimum æstate.

*Aconitum caruleum, seu Napellus*, cū cælijs muscis, quæ ex eius floribus viuunt, vt studiose etiam Angli obseruarunt.

*Aconitum Lycoctonon luteum*, in montibus cædvis, præsertim vbi graminum maxima est luxuries, Stolbergæ, Ilfeldæ, &c.

*Aconitum tertium Matthioli*. flore Ranunculi luteo, magno. Sed infrequentius hoc est.

*Alectorolophus Dodonæi prima seu fistularia*, Braun Rodell/ ultra Vualckenridam.

*Astragalus syluaticus*. Vbique ferè. \* Ita vero nominat plantam in fruteris Thuringiæ & Franconiæ quoque non infrequentem, vulgo *Christiannwurk*/ alijs *Cicer montanum* nuncupatum, radicibus nodosis fuscis, duris, multipliciter serpentibus, floribus purpureis, & siliquis initio purpurascens, angustis, per maturitatem pallentibus, in quibus semina vitæ, paulo tamen minora, colore cæsia. Describitur à Cordo, sed à nullo quod sciam depingitur. \*

*Astragalus Aruensis seu Chamabalanus*, in agris montanis circa Vuernigerodam.

*Atriplex*



*Atriplex fimetaria maior*, passim ad loca culta. Item minor. Item alia grandior, caulibus bicubitalibus, folijs mucronatis, quadrantem longis, sextantem latis, squallidis.

*Apium petraeum seu Saxatile*. Plantula palmaris, radice candida, Petrofilini vulgaris, tenui. Folijs eiusdem, sed tenuioribus, paucioribusq;. Vnicam ante triennium hîc Stolbergæ reperi in hærentem rimis saxorum.

*Apium syluaticum*, caule cubitali ac maiori quandoq;, striato, læui, folijs ad radicis caput in terra dispersis, quæ adhærent, (veluti costis quibusdam) pediculis oblongis, imbricatisq;. Foliolorum semper bina ex aduerso sibi respondent, dentata, subnigrantia, læuia, splendentia, oblonga: quibus subinde minora redduntur ea, quæ ex caulibus ac brachiorum ipsius geniculis prodeunt. Umbellas paruas minutissimis flosculis candidis explicat, quos subsequitur semen apio maius duplo, acre. Radice nititur crassa, candidiorè, acris ac feruentis gustus. Aliqui maiorè pimpinellam vocant, sed mea pimpinella maior alia ab hac est, vt infra dicitur. Laurētius Hiel, excellentissimus medicus & anatomicus insignis, præceptor olim meus, hæc mihi exhibebat pro Dauco *σελινόειδῆ* Cordi, sed pro Selinoide illo Dauco apud Cordum ex Tragopimpinella vulgaris seu minor depingitur (sicut & Angli sentiunt in Indice sui operis eandem Pimpinellam esse Daucum illum) quæ etiam describere Cordum ipsum præcipuæ notæ ostendunt, quod scilicet eius folia non sint ita splendida & glabra vt in apio, quodq; in campestribus stirps illa proueniat. Hoc vero nostrum apij genus nusquam in campestribus reperitur, sed potius in syluis opacis, locisq; paulo humentioribus, suntq; ei folia splendentia & glabra. Vbi tamen Cordus postea Daucoides maius describit, eiusque folia cum latifolio seu Selinoide *σελινόειδῆ* Dauco confert, vide-

tur ad hanc nostrā stirpem respicere: eius etenim folijs Daucoidis illius folia similia esse, quoad formam, quam istius pimpinellæ facile deprehendere est diligentius ista perquirenti, quia eodē modo in acutum mucronem dicti Cordi Dau-ci folia finiuntur, atq; in hoc apio syluatico, quod perinde in Pimpinella non accidit. Et fortasse Cordus duplicem habuit Daucum *σελινουειδῆ*: alterum quippe latifolium, qui videtur hoc Apium syluaticum esse, & alterum tenuifolium, quæ erit vulgaris illa Pimpinella.

*Apium cicutarium*. Vulgo à folijs splendentibus Petroselino nostrati æmulis *Glais* vocant, circa loca culta & in hortis.

*Anchusa sylvestris*, quam quidam Buglosson sylvestre vocant, Matth. Echion. In agris & circa loca culta, iuxta vias, locis item cædus montium & apricis.

*Anchusa aruensis alba*. Flore nempe albo, in agris passim obuia. Gesnero Echion minus, in appendice stirpium pag. 291. Trago Lithospermon sylvestre. Ego Anchusis annumero, quod radix ei Anchusæ modo rubeat. Non tamen multum refert, siue pro Echij siue pro Anchusæ specie habeatur.

*Antirrhinon Tragi*, circa Vuernigerodam.

*Antirrhinon rubrum aruense*. In agris.

*Antirrhinon minimū*. Reperitur locis cultis aut ligone subactis.

Dodonæo Phyteuma Dioscoridis existimatur esse. Plantula est palmaris, plerunque brachiata, folijs multis, tenuibus oblongiusculis, floribus paruis, albirubris, capitulo antirrhini paruo. \* Dodonæus rubrum aruense potius pro Phyteumate habere videtur. \*

*Allium sylvestre vulgare seu Caninum*.

*Allium sylvestre minimum*. Vere primo profilit copiose.

*Allium vrsinum*, aliquibus Ophioscorodon, Dodonæo Ampeloprasmus, Gesnero Allium sylvestre. In hort. Germaniæ Ransern/circa Ilfeldam.



*Aparine aspera*, passim.

*Aparine levis*, sæpe obuia.

*Aparine levis palustris*, in fossis stagnantibus & piscinis.

*Arhetica Saxonum*. Locis nascitur pratensibus & collibus apricis, meridiem spectantibus. Habetur quibusdam Sræbes loco. Radice constat oblonga, tenui, interdum simplici, interdum bifida trifidaue; transversa ut plurimum, forinsecus nigra, fibrosa: ex qua coliculi profiliunt reclinati, plures, palmares, teretes rubentes: folia circa radices plurima oblonga, carnosa exeunt, superne læuia, inferne molli lanugine hispida: quorū singulum pediculo peculiari adhæret: Suntque hæc ferme trifolio, folio oblongo & acuto prædito similia, quamuis in eiusmodi mucronem non desinant: horum inferiora sub se in pediculorum inferiore parte lacinias tanquam à reliqua sui parte auulsas continent: in summo coliculorum capita constituuntur compacta ex multis vesiculis candidis, è quibus exerūtur flosculi trifolij marini, nisi quòd breuiores sint, aut meliloti pentaphylli: in quolibet vtriculo parue siliculæ restant, semen vnicum cōtinentes, aliquantulum rubens. [Anthyllis leguminosa Dodonæi & Lobelij.]

*Aster Atticus ceruleus*, paucis tamen in locis.

*Alsine maxima*, cubitalis sæpe, ampliorue, folijs magnis, longis quadrantalibus ferè, sescuntiali interdum latitudine, flore candido, fructu nigro, bacca instar intus semina sua copiose concludente ex saturato nigro purpurascencia. [Alsine repens Clusij.]

*Alsine media*, cui ferme maximæ folia esse cōspiciuntur, lata oblonga, mucronata, paulo breuiora, fructus quoque nō idem, sed minor. Prioris altitudinem non assequitur, nec ita amplexi caulis est. Poterit aquatica dici, quia scilicet riuulorum marginibus ac locis vlginosis, opacis & humectis gaudet.

*Alsine*

*Alfine minor*, folijs tenuibus, oblongis subincanis.

*Alfine minor*, foliolis oblongis, mucronatis, tenuibus, cauliculos frequentibus geniculis interstinctos habens, palmares, quam inde πολύκνημον *Alfinen* voco.

*Alfines minoris* aliæ tres species communiore: quarum prima ubiuis frequentissima folia obtinet cæteris huius generis latiora, rotundiora, maiora, vncialia, in paruum obtusum mucronem terminata. Altera mediæ magnitudinis folia continet, oblongiora & mucronata euidenter. Tertia minimis prædita foliolis, subrotundiufculis ac in mucronē excrecentibus.

*Alfines minoris* alia species, foliola edens rotunda, sed diuersæ inuicem magnitudinis, ita vt maiora foliola per totos coliculos, minimis subinde intercurrentur.

*Alfines minimæ* aliquot aliæ species. Prima suffruticis instar est, & producit foliola parua, mucronata, in cauliculis ex vna radice emergentibus, plurimis, brachiatis, & sibi inuicem varie, instar auium nidi, implexis, in quorum cacumine se exerunt capitula rotunda, lini capitulis ferme assimilia, sed minora. Altera iam dictæ assimilis prorsus, sed coliculis non ita varie implexis. Tertia eadem est cum priori, solummodo teneritudine coliculorum, foliorum, flosculorum ac capitulorum, horumque omnium paucitate differens. Singulæ enim ferme in hac specie exiguæ, tenues admodum & superuacue radiculae, singulos, tenuissimos, teneros rectosque, proferunt coliculos, folijs minoribus paulo, paucioribusque ornatos.

*Alfine minor*, passim vulgaris, alia, foliolis oblongiufculis (non rotundis) mucronatis ex coliculo tenui singularique rarius prodeuntibus. Huius & altera species est, in qua folia multo longiora cernuntur.

*Alfines minoris* adhuc alia species, angustifolia, foliolis oblongiufculis, plurimis, tenuibus: coliculis ex vno cespite pluribus



emergentibus. geniculatis: flosculis parvis candidulis. Reperitur locis asperis secus vias, in montibus item apricis asperisq; & potissimum circa officinas metallicas, ad acervos recrementorum metallicorum.

*Alfine hispida*, passim, locis præsertim paulo humidioribus. Eius tres species diligentius rem cōtemplanti inibi depræhendere licuit. Prima folia continet minore hirsutie donata. Est vero hæc ea, quam Dodonæus auriculæ muris loco nobis exhibuit. Altera species folia sortitur pilosiora, quamvis hæc differentia inter vtranq; sit exigua admodum. Tertia iam dictis assimilis est, sed omnia minora multo habet, ita ut *Alfine hispida* minuta mihi dicatur.

Cæterum harum omnium *Alfinarum* genera ac species plurimæ aliàs etiam facile quovis loco extra *Harcyniam* haberi possunt.

*Alliaria*, passim. Reperitur aliquando folio amplissimo latissimoq; dodrantem videlicet longo & lato.

*Arum*.

*Arum* aliud folio admodum lato, trientem fere.

*Arum* rursus aliud, folio maculato, lato & ipso, sed non adeo ut in priori, verum vix quadrantem æquante.

*Arisarum*, aliquando reperi in Hertzbergo mōte iuxta Ilfeldam ante annos aliquot, sed hæcenus id ipsum amplius se mihi nunquam obtulit, nisi nuper Stolbergæ. Diuersum hoc est ab illis *Arisari* speciebus, quas Matthiolus exhibet. Folia enim ex singulis paruulis & oblongiusculis fibratisq; radiculis prodibant singula, non admodum acuminata, sed rotundioris ferme figuræ, licet nonnihil longius paulo protraherentur, firmata pediculis palmaribus.

*Amellus* Vergilij putatus nonnullis, seu *Butomon* Constantini, aut *Caltha palustris* Gesneri. Passim in vlginibus. [Matthiolo *Tussilaginis* species.]

*Arctium*,

*Arctium*, Personata, Lappa maior, frequens potissimum circa loca habitata.

*Alisma* *Corpuādes* seu racemosum, sesquidodrantalis est planta, caule geniculis discreto, ex quibus continuo ordine folia sua exerit, Plantaginem maiorem fere imitantia, sextantem longa, sescentiam lata: flores vero racematim quasi in longo recuruoq; scapo dependent plurimi, rubicundi. Frequens est multis in locis, opacis tamen & montium iugis. Idem flore candido sed infrequentius, nonnunquam conspicitur.

*Alismatis* aliud genus, folijs cum iam dicto ijsdem, flore in summitate caulis sesquidodrantalis candido, cauo, cymbalari, in extremis suis labris parum dissecto simili quodammodo floribus Leucoij bulbosi Theophrasti, ut plurimum vnico: aliquando tamen & plures profert. Huius speciei plantulam aliquot ab hinc annis, loco vliginoso ad radices Bröccenbergi reperi, folijs prorsus candidis, quod fortassis ratione solis acciderat, utpote cum ipsius radijs ibi feriri & maturari perfecte ipsi non daretur. Poterit autem à floris figura *Alisma* *κυμβαλιάνθεμον* appellari.

*Alismatis* huius generis alia rursus species, folijs nonnihil strictioribus, longioribus & in oblongum mucronem desinentibus, quæ nonnihil ad figuram acutæ Plantaginis accedunt, floribus iam proximæ dictæ speciei ijsdem, candidis, sed in laciniis maiores dissectis euidēter. Hæc duplex est: maior, cui ampliora, longioraq; sunt omnia, folia scilicet & caulis: ac minor, cui omnia sunt minora contractioraq;: quæ propterea in hoc genere *alismatis* tenuifoliæ nomine censeripotest. Hæc porro tenuifolia species non solum candido sed & rubro flore, licet infrequentius, interdum reperitur.

*Alisma* porro & illud, quod florem cauum ovali figura propendentem ex caule recuruo sesquidodrantali profert (vnde poterit *Alisma* *ωάνθεμον* dici aut *κοιλάνθεμον*) quodq; ab Amato pro-



Lonchitide prima exhibetur, puto in Harcynicis iugis quoq;  
reperiri, quamuis nondum, quod sciam, in illis mihi sese ob-  
tulit, licet in vicinis saltibus Franckenhusanis (qui & no-  
stræ Harcyniæ pars seu ἀσὶς quædam sunt) non sit infre-  
quens.

*Alisma Alpinum*, Caltha Alpina Gesnerij. Ciet hæc sternuta-  
mēta. Conyzæ forte annumeranda est. Nascitur in Broccen-  
bergo, item circa Vuernigerodam locis vliginosis, & in qui-  
busdam pratis vdis non procul à Stolberga.

*Anagallis aquatica*. Bachpungen / passim in locis vliginosis ac  
scaturiginibus.

*Anagallis aquatica* folio maximo, trientem nonnunquam lon-  
go ac sextantem lato.

*Anagallis terrestris* mas & femina, quarum altera puniceo, alte-  
ra cæruleo flore constat. in locis fossione excultis & in agris.

*Anagallis lutea*, folijs numulariæ, adeo vt facile pro eadem à non  
perito rei herbariæ haberi posset. Frequens in vliginibus cir-  
ca Broccenbergam.

*Alchimilla*, passim.

*Asaron*, passim.

*Arachi* primum genus Dodonæo, flore viciarum puniceo sili-  
quis maioribus nigris. Est de genere viciarum sylvestrium,  
passim.

*Arachi* species altera Dodonæo.

*Auena* sylvestris seu nigra, cuius grana paulo longiora crassioraq;  
sunt auenæ sativæ, ac ex rubro nigricantia. Est autem Aegy-  
lops seu festuca Pliniana apud Dodonæum.

*Auena sterilis*. Hæc Auenæ similis est & iam dictæ sylvestris breui-  
ores profert folliculos, semina item minora. Est & ipsa festu-  
cæ species.

*Abies*.

*Alnus*.

*Alnus*

*Alnus nigra*. *Spyöcker* seu *Gaulbaum*/ passim.

*Alnus nigra pumila* in Broccenbergi vertice.

*Achillea* copiose, Stolbergæ ad arcem.

*Aquifolium*. *Stechpalmen*. Narrarunt quidam spontaneam esse Harycniæ nostræ in montibus vltra Ilfenburgum monasterium. Sed eam ibi nondum vidi. Nec tamen omnia illa loca ibidem hæcenus perreptare mihi licuit.

Ἀλυσίνθημον. Ita licebit appellare plantulam, cuius semina anno superiore mihi nomine ἀλυσίνθημον. Cum enim flos, quem plantula illa profert, exactius respondeat, vt nuperrime consideravi, *Alsines* floribus, potius inde denominabo (donec de eius aptiore nomenclatura melius aliquando edoctus fuero) quam à stellæ figura, quæ alijs quamplurimis florib. melius forte, quam huic, cōuenire poterit. Familiaris est Broccenbergo ac montibus vicinis vligine perpetua irriguis, cauliculo singulari, dodrantali quandoque, vt plurimum palmari, recto, tereti, tenui, inferna parte folijs ferè nudo, superna vero per ambitum ijs cincto, quinis, senis, septenis, octonisue, pyri ferme foliorum similitudine, sed non ita rotundis, oblongiusculis, lescuncialibus, teneribus, læuibus, viridibus, fibratis. Ex quorum medio pediculi tenues valde, quadrantali ferè longitudine exurgunt, in cacumine suo florem singulum singuli sustinentes lacteum, *Alsinæ* similem: quem capitulum subsequitur rotundum *Coriandti* semine minus, intus semina nigra, tenui candidaq; membrana inuoluta cōcludens. [Peculiâris quædam *Pyrolæ* species, quam in sylvis Franconiæ quoque & potissimum circa Greuenthalium obseruaui. Folia tamen *Arbuti* potius sunt quam *Pyri*.]

*Anemone* flore candido, amplo, folioso, caule palmari, folijs hispidis late expansis, varieg; dissectis. Broccenbergi cacumini familiaris.

*Anemones* species illa, quam *Pulsatillam* vocant. In promontorijs



torijs quibusdam apricis & meridiei expositis.

*Aquilegia sylvestris*, flore cæruleo simplici. Reperi hoc anno 1577. in prato quodam aprico non procul à Stolberga, aquilegiæ stirpem vnicam flore candido, nonnullis veluti literis cæruleis intercurfato: à qua tamen nō procul aberant Aquilegiæ flore cæruleo plures.

*Anthylloides*. Sic nomino herbam inter segetes, solo præcipue arido ac sabuloso (vt & quandoq; alijs itidem locis istiusmodi ariditate præditis) exilientem, radice suffultam tenui, candidula, lignosa fibrataq; ex qua coliculi profiliunt tenues, plurimi, procumbentes, frequentibus geniculis intercepti, quæ ambiunt foliola tenuia, oblonga, herbæ Kali satiuæ folijs similia sed minora, angustioraq; . Flosculi ei in singulis pediculis singuli, parui, candidi, prominent, quos capitulū lini ferè, subsequitur, seminibus plurimis nigricantibus papaueris ferè, scabrisq; refertum. Duplex hæc est, maior & minor. Minor autem paucioribus est coliculis & breuioribus, non ita pro-ciduis. \*occurrit etiam circa salinas saxonicas.\*

## B.

**B**RASSICA *sylvestris maior, latifolia*. Radicibus constat inutilibus, lignosis, candidis: caule sesquipalmari, non admodum recto, rotundo, simplici, nonnunquam etiam brachiato, folijs mollibus, læuibus, subflauis, integris, sine incisuris aut sinuosis crispaturis, mucronatis, duas vncias lōgis, vnciā latis. In summitate in exiguis pediculis racemus florum candidorum existit, ex oblongis vasculis Brassicarum satiuarum modo prominentium, quibus deperditis siliquæ oblongæ pronascuntur, semina brassicæ satiuæ minora continentes.

*Brassica sylvestris longifolia*. Radice cōstat parū lignosa, fibris multis paruis circūdata, caule brachiato, sesquipedali, maiorēue.

Folia

Folia primo prodeuntia, bina videlicet, trinaue, radici proxima, in ambitu circumrosa sunt, veluti chōdrillacci generis folia, reliqua, quæ summum vsq; caulis numerosè conscendunt, strictiora existunt, magisq; mucronata, quam in priore specie, quineunciali longitudine, vncialiq; ferme latitudine: licet ea quæ apicem caulis propius accedunt, continua serie breuiora reddantur. Sunt vero folia hæc omnia nigriora & squalidiora quam cæteris speciebus. Flores, siliquæ & semina cum cæteris speciebus conueniunt. [ Huic similis est si non eadē quæ in Thuringiæ saltibus locis æditis passim nascitur, ab incolis Schoßtraut vocata, qua tamē voce alibi aliæ plantæ appellantur. ]

*Brassica sylvestris procera.* Hæc radice fulcitur multifida, candida, lignosa, iuxta cuius caput in terra reclinantur folia quineunciali sæpe longitudine, vnciali latitudine, hispida, integra. Caulem erigit vnicū plerunq; sæpe etiam in duos tresue aut plures alios, iuxta radicem diuisum, bicubitalem, rectum, teretem, flexibilem, iuxta radicem parum hispidum, deinde tota reliqua parte læuem, cui folia appenduntur sextantali longitudine, vnciali latitudine, subcinerea læuia, non hispida, vt priora, mucronata: quibus cessantibus, postea longo ordine, caule videlicet subinde procerius excrefcēte, in singularibus exiguis pediculis flosculi paruuli, candiduli protenduntur, ijsq; euanescentibus subnascuntur siliquæ ad latera cōpressæ, tenues, digiti longitudine, quibus numerosa semina paruaq; continentur. Ex foliorum autem singulis alis nō infrequenter noua adnata progrediuntur & ipsa copiosos flores ac siliquas proferentia. Nascitur mōtibus apricis ac locis cæduis, estq; sapore amaro.

*Brassica sylvestris folio beta.* Hanc licet in tota Hærcynia nunquam conspexerim: cum tamen brassicarum sylvestrium aliquot specierum me hic enumerationem instituere oportebat, &



huius obiter meminisse operæ precium duxi. Nascitur vero copiose in Hainleitta sylua non procul à Sondershusio sub fagineto. Radice constat lignosa, multifida, fibrosa que, folia betæ, rotundiori ambitu in terræ superficie multa disperguntur, plumbei fusciue coloris, læuia, durioris membranæ instar, sextantalia, caules eriguntur teretes, sesquipedales, splendentes, fusci, pauca oblongiuscula ac mucronata folia continentes, floresque candidos proferentes, exiguos, sed siliquas longiores cæteris speciebus. [In aruis Thuringiæ non admodum diuersa nascitur, quæ cum Brassica campestri descripta à C. Clusio in Hispanicis obseruationibus planè congruit.]

*Brassica sylvestris folijs membranaceis.* Nec hanc in Harcynia me vidisse memini. Olim autem in Ienensibus montibus aliquoties eam obseruaui. Cæterum iam dictis minor est, radice parua, candida, superuacanea, caule breui, geniculato, qui dense ambitur suis folijs, quæ membranacæ sunt substantiæ, subflaua, splendentia, læuia, vncias duas longa, vnam lata.

*Brassica sylvestris media.* Breuiora continet folia, numerosa circa radicem, vncialia, oblongiuscula, in obtusum mucronem finientia, mollia, semunciali latitudine: quæ cauli appenduntur dodrantali, ea partè qua adherent vtrinque, velut alares pinnulas prominentes habent.

*Brassica sylvestris minor,* foliolis multo minoribus, canis, coliculis quadrantalibus, siliculis angustis paruisque.

*Branca Vrsina nostras seu Sphondylium.* Vbiuis ferè.

*Beta aquatica.* Prouenit in alucolis fontium profluentium, solo pingui. Radicibus firmatur tenuibus, nigris, fibratis, densis in modum palustrium herbarum: ad quorum summum folia aliquot mediocriter ampla per terræ superficiem explicantur, tridentali longitudine, sextantali latitudine, crassa, non  
nihil

nihil rubentia. Caules profert quadratos geniculatos, striatos, ex quorum singulis geniculis bina sibi inuicem alternis lateribus correspondentia folia emergunt, rotunda, carnosissima, lata, betæ sativæ folijs assimilia, rubicundis nerulis ac venulis ipsa perreptantibus.

*Betonica*, passim in pratis & pratensibus locis.

*Bistorta maior*. In Broccenbergo & vicinis montibus.

*Bistorta minor*. In pratis vdis.

*Buglossa sylvestris nigra*, florem nigrum obtinens, vulgaris *Buglossa minore*: iuxta semitas & in agrorum marginibus ac segetibus etiam. [In Thuringia eam observavi caule admodum crasso, cubitum vix alto.]

*Buglossæ sylvestris species*, caulibus procumbentibus multis, varie reflexis, distortisque striatis, scabris ac aparines modo vestibus adhærescentibus, folijs communis Buglossi ferè, longis, hirsutis, asperis, acin ambitu exiguis spinulis horrentibus: Flosculis itidem Buglossi cōmunis, parvulis, cæruleis ex geniculis caulium intra foliorum alas prodeuntibus, quorum singulum subsequuntur semina quatuor simul cohærentia, similia ferè seminibus oleris spinachij, lævia, inclusa munito bifoliato, scabro. Videtur fortassis illa esse Aparine Collinutij, cuius meminit Euricius Cordus in Botanologico, quæ videlicet sit folijs Mercurialis ferè (sicuti & huius plantæ nostræ folia Mercuriali scæminæ folijs aliquo modo conferri possent) & planta Lapparia, quæ à Plinio libro 22. cap. 17. recensetur Parthenij nomine. Ac licet semen non sit asperum retinaxq; (quæ nota ibi additur præcipue vt euiden-  
tissima) opinor illam asperitatem intelligendam esse nō absolute de semine solū & per se cōsiderato, verū quatenus in uolucro suo aspero munitur: Locis reperitur apricis, asperis, iuxta ædificia, templa, arces, pagos, hortos. Est & alias extra



Harcyniam ubiuis ferè ad sepes spontanea: item inter vepres facile reperitur & iuxta macerias. [Alyssum Echiodes Lobelij.]

*Bryonia alba* ad sepes hortorum.

*Betula arbor*, passim.

*Betula pumila*, in Bröccenbergo.

*Blitum sylvestre maius*, maioribus folijs constans, sextantali longitudine & minus, minoribus folijs, utpote vncialibus ac colliculis plurimis procumbentibus passim reperitur.

*Bursa pastoris*, folijs maioribus, latioribus, quorum quæ terræ viciniora sunt, in ambitu profunde inciduntur.

*Bursa pastoris minor*, folijs incisiss & minor altera, folijs integris.

*Bromus herba*. Graminei generis est, inter segetes & locis aridis iuxta semitas.

*Boleti Ceruini orbiculati*. Reperiuntur locis illis, ubi cerui libidinem suam exercuerunt, item in carbonariorum arcis.

## C.

**C**ONYZA AQUATICA, in piscinis & vlginibus maxime circa loca habitabilia frequens, folijs longis, quadrantalibus, carnosiss, pinguibus, fescuntiali latitudine, caulibus crassis, cubitalibus angulosis: flore chrysanthemi, in pappos tandem abeunte. Duplici autem est in differentia: Alterius enim speciei folia sunt integra & latiora, alterius paulo strictiora & profundius in ambitu crenata.

*Conyza maior montana*, in montibus apricis, soli meridionali & orientali obiectis, potiss. circa Gerenrodam & circa Stolbergam: caulibus dodrantalibus, folijs mucronatis, sextantem longis, fescuntiam latis, nigricantibus, flore luteo.

*Conyza*

*Conyza maior altera*, paulo procerior priore, folijs longioribus, quadrantalibus nempe, flore tamen minore aliquantulum.

*Conyza minima*, ad loca irrigua circa vrbes, prædia & pagos, caulibus dodrantalibus, folijs mucronatis, paruis, strictioribus, floribus luteis Chamemæli ferè.

*Conyza helenitis Cordi*, passim.

*Conyza* genus quoddam tenuifolium, caulibus ex vna radice profligentibus plurimis, bicubitalibus, teretibus, striatis, hispidis, qui folijs ambiuntur ab vna radice vsque in apicem oblongis, sed angustioribus, hispidis. Flosculi in summis caulibus constituuntur parui, pappacei, floribus senecionis Dodonæi tertij fere similes. Vidi olim in Ilfeldensibus montibus.

*Conyza aquatica maxima serratifolia*. Radix ei est crassa, multifida, caules bicubitales sæpe, digiti ferè crassitudine, caui, striati, brachiati, folia trientalia in oblongum mucronem fastigiata, serrata, inferne albentia, lanuginosa; in summo caulium umbella est sparsa, flores iacobææ similes continens luteos. Prouenit ad fluuiorum ripas in piscinis.

*Chondrillaceorum* generis plantas plurimas in Hærcynia passim, easque diuersas admodum specie reperire licet, quæ vix quicquam facile & dextrè certis nominibus ac notis à se inuicem distinxerit: præsertim cum rei herbariæ scriptores intybaceorum ac chondrillaceorum (quorum tamen vbiuis fermè locorum ac terrarū ingens copia sese offert) historiam nondum accurate examinauerint, sed tantummodo eam extremis quasi digitis attigisse nonnunquam videantur: ea solummodo recensentes quæ non multum difficultatis habent, illis interim neglectis, quæ absolutiore descriptione vel maxime indigebant. De intybaceis autem quicquid in



Harcynia mihi visum fuerit, infra recensebo. Hic vero subnectam ea, quæ existimo ex chondrillaceorum genere vel magna ex parte esse vel eidem tamen affinia.

*Chondrilla* *τρεῖς πωγωνέες* (liceat mihi hanc sic à flore suo denominare) duplex Stolbergæ ac alibi etiam circa semitas visitur. Maior, cui folia sunt nigricantia palmari longitudine pauloque ampliori, latiuscula, angulosa, quæ circa radicem constituuntur sena, septena, octona pluraq; quandoq; aut pauciora. Caules emittit ex una radice plures, bicubitales, teretes, striatos, folijs ferme nudos, recuruos, in brachia plura diuisos, proferentes flores in oblongiore alabastrò tragopogonis florum æmulos, luteos, postea in pappos dehiscences, semine oblongo, scabro, subspadiceo, crista pilosa in summo prædito. Minor maiori prorsus similis est, nisi quod omnia minora breuioraq; obtineat. Estq; eius rursus alia species, cui folia magis in lacinias diuisa existunt.

*Chondrilla* alia species folijs sesquiunciali latis, longioribusq;, in terræ superficie ad radicis summum dispersis, hirsutis, in ambitu laciniat, caule cubitali, amplioreq; tereti, striato, recto, florem vnicum proferente, magnum luteum in alabastrino velut calyce detentum.

*Chondrilla* altera Matthioli in tenues lacinias profunde dissectis folijs, quæ circa radicem disperguntur, caules exerit teretes, longos, flexibiles, cubitales, læues, proferentes flores luteos papposos. Est duarum specierum quarum altera maior est, quam iam descripsi; altera minor, omnia breuiora à natura sibi attributa habens, & coliculos recuruos, palmares: hæc in pratis quibusdam reperitur.

*Chondrilla* species radice candidula, exigua, parum fibrata: folia priora circa radicem dispergens, tria, quatuorue, oblonga ex tenui pediculo protensa, integra, non dissecta, paucis ac exiguis quasi spinulis in ambitu prædita: quibus superadduntur  
mox

mox alia tria, quatuor, quinaue, lōgiora, in lacinias (quæ tamē maiore interuallo à se inuicē dirimuntur, atque in altera Matthioli specie) diuīsa, hæc q; rursus consimilia alia, sed breuiora, pauciora & aliquantulum tenuiora per caulem (qui oblique distorquetur ac teres quidem est sed euidenter striatus, cubitalis ferme) consequuntur: flores huic sunt lutei, parui. Reperitur in locis pratensibus montium.

*Chondrilla altera Dodonæi*, vulgo Deus Leonis dicta, Aphaca Theophrasti iuxta Matthiolum. Eius species aliquot reperiuntur passim. Maiori radix longior est & crassior: folia etiam humi procumbūt, longiora, dodrantalia, sextantali ferè latitudine: caulis itē altius assurgit, ac flos præterea aliquantulū cæteris speciebus maior est. Media vbiuis vulgo circa semitas, in hortis item & circa loca habitabilia alias reperitur, folijs quadrantalibus, coliculis sesquipalmaribus. Minori folia plura disperguntur confertim humi procumbentia, sibi inuicem implexa, minora, tenuiora q; cæteris, eodem tamen modo circumrosa: coliculos hæc etiam depromit breuiores tenuioresq;, palmares, flores item paulo minores.

*Chondrillarum* generis species quædam maior, caule procero, striato, bicubitali, qui in summo in aliquot brachia diuiditur, quorum quodlibet florem singularem profert, luteum Tragopogonis floris instar. Folia caulis exerit pauca longo interuallo se consequentia, longa, lata: quorum inferiora in ambitu parum subinde excinduntur, superiora vero profundius circumroduntur, infrequentius tamē, quam id in *Chondrilla* secunda Dodonæi accidit.

Huius reperitur & alia species, flore consimili, caule item, sed folijs destituto: ea vero pauciora numero humi recumbunt, quorum prima lata quidem aliquantulū sunt, sed subrotundiora, reliqua longiora conspiciuntur, ac in ambitu circumrosa, sed non profunde, nec admodum crebro.

Huius



Huius generis & minor reperire datur species, radice parua, lignosa, fibris paucis constante: caule vnico, recto, cubitali ac aliquantulū proceriori, tereti, tenui, læui, folijs carente, quæ solū modo humi reclinantur, numero sex, septem, octo, nouem, decem, pauloq; plura quandoq; quadrantalibus, in ambitu circumrosa modice. Florē itidem hæc Tragopogonis æmulum profert & vnicum.

*Chondrilla alia species*, paulo ab hinc iam dictæ minoris (huius scilicet generis) speciei ferme æmula: radice parua, fibrata, nigricante: caule crasso, striato, parum hispido, nodis multis prædito, ex quibus emergunt folia oblongiora, viridiora, circumrosa aliquantulum, scabra, hirsuto dorso prædita.

*Chondrilla species* caule cubitali, aspero, striato: folijs quadrantali longitudine, humi sparsis, quaternis, quinis, senis septenisue, in ambitu circumrosis modice: ijs vero, quæ caulē conscendūt, excisis ita vt in ambitu euidenter lacinia inde relinquuntur: floribus paruis pappaceis, agminatim in summo caulis constitutis, quorum singulus peculiari petiolo innititur.

*Chondrilla cuiusdam minoris species*, radice singulari, quandoq; & bifida, mediocriter crassa, digiti parui longitudine, fibrata, nigra: folia exerit parua, leuia, carnosā, oblongiuscula, integra, recurua, angusta, in dorso rubētia, numero quaterna, quina, sena, septena, octona etiam quandoq;. Coliculus producit incuruum, rubicundum, digiti minoris longitudine, vnico donatum flore luteo, tragopogonis ferme alicuius modo. In pratis pinguioribus nascitur.

*Chondrilla paruæ species*, radice parua, fibrata, ex nigro subrubēte, folijs quadrantali longitudine, humi procumbentibus, asperis, mediocriter latis, viridibus, confractu facilibus, senis vel septenis, nonnunquam octonis: caule palmari, paulo longiore, tenui, tereti, aspero, modice cacumen recuruante, folijs.

folijs prorsus destituto: flore singulari, simili Chōdrillæ Dodonæi alterius.

*Chondrilla* species radice vel singulari, vel bifida, multifidæ quandoque, candida, lignosa: caulibus cubitalibus bicubitalibusque, brachiatis, striatis: folijs longis, lævibus, quorum, quæ humi procumbunt, leniter circumroduntur, reliqua in caule profundius laciniantur: floribus parvis luteis, agminatim dispositis, singulis tamen singularibus petiolis inhaerentibus, ac ad solem orientem se expandentibus, eoq; recedente labia contrahentibus. Hæc etiam extra Hærcyniæ syluam agris consitis ad semitas & margines familiaris est.

*Chondrilla* vltcrius alia species, radice candida, lignosa, inutili: caule cubitali, minoreque vtp plurimum, tenui, striato, folijs donato paucis, viridibus, oblongiusculis, mollibus, integris, in ambitu quasi spinosulis, flore luteo. In Stolbergensibus apricis montibus.

Sed hæc *Chondrillarum* species ex solis nudisq; descriptionib. non adhibitis iconibus discernere admodum erit operosum.

*Colchicum*, passim in pratis. Reperitur locis septentrionalibus, prope Ilsenburgum, flore etiam candido.

*Christophoriana*, quam tonsores vocant *Hendnisch Wundkraut*: locis opacis & humectis copiosa.

*Caryophyllæa sylvestris*, seu *flos armerius Dodonæi sylvestris*. *Donnerneglin*. Species sunt eius hæc sequentes.

Prima, quæ est communissima, flores in coliculis teretibus, rectis, geniculatis proferens, fimbriatos, coccinei ruboris.

Secunda, coliculo cōstat proceriore, cubitali, varie incuruo, geniculato, brachiato, tenui, teretique, flore rubicundo, prædicto similimo.

Tertia, radice lignosa, folijs paulo latioribus, scabris, cau-



le rotūdo, cubitali, crassiore quam in prioribus, geniculato: floribus rubentibus, paruis, quorum bini vel tres sine petiolis sibi quasi contigui cohærent.

Quarta, radice firmatur tenui, lignosa, candidula, coliculis præferente tenues, teretes, geniculatos, palmares, pauloque proceriores, emittentes ex singulis geniculis, folia bina, tenuia, stricta & parua. Capitulum gerit in summitate coliculi vniuscuiusque singulum; membraneum, flauescens, alabastri ferme in modum, compactile, leue, splens, ex quo non vt in cæteris generibus vnicus flos emergit, sed plures, semper post priorem emarcescentem, nouo profiliante, ita vt ex vno capitulo sæpe septem, octo item & quandoque nouem prorumpere conspiciantur, singulo flore relincente singulam oblongiusculam filiculam, continentem semina parua, latiuscula, nigricantia. Flos admodū est exiguus, extra capitulū parū apertus prominens, coloris ex rubicūdo dilutioris. Gaudet apricis & asperis. [Armerius plifer, Lobelij.]

Est & alia species iam dictæ simillima, nisi quod non plures ex capitulo flosculos exerat, sed vnicum ex rubro pallidorem.

*Centaurium minus*, passim flore ferrugineo: candido aliquando reperitur, sed rarius, circa Vuernigerodam.

*Centauroides*, aut *Centaurium maius sylvestre Germanicum*. Ita appello plantam, tota facie Centaurij maioris speciem referentem, quā Tragus Schartam nominat. Kyberus vertit florem tinctorium. Huius quo ad folia; differētijs aliquot obseruau. Prima folijs quotquot tota planta profert, constat omnibus longis, latis, ferratis, integris, omni incisura carentibus. Hanc in mōte Aethereo prope Vinariam flore candido reperi, quali tamē in Harcynia me nondū videre memini. Secunda species folia continet diuersa: eorum. n. quæ radice capiti appenduntur suis pediculis, vnum, duo, tria, aliquando plura integra

Integra sunt tota circumferētia: reliqua & potissimū ea, quæ cauli adhærēt, profunde incidūtur aliquot dissectionibus. In Tertia, natura varie ludit. Huic. n. primum foliū radici inhærens, integrū totū est, reliqua omnia dissecta sunt. Hæc vero dissectio folijs cōtingit vtroq; latere binis vtplurimū incisuris, p̄fundis, raro trib. idq; vel nō in omni folij parte, sed ea tā tū, qua pediculus in foliū expanditur, sub initiū videlicet folij, cætera omni parte folij integra existente, lata, & vsq; in extremū, in quē desinit, mucronem cōtinua: vel in priorib. aliquot tantūmodo folijs ista ratio inesse deprehenditur, reliquis interim omnib. quæ sequūtur, & quib. caulis crebro obuestitur, multo plurib. dissectionib. per vniuersam suam substantiam diremptis. Quarta species obtinet folia lata longaq; vt priorum specierū, sed vtroq; latere ab ima parte vsq; ad extremam omnia multis p̄fundis semperq; similib. diuisionib. diuulsa, modo pene eo, quo Chōdrillæ alteri<sup>9</sup> folia dirimūtur. *Consolida Sarracenica*, vbiuis spontanea & copiosa. Cordus Serri foliam appellauit. Reperitur multoties bicubitalem altitudinem superare, foliaq; obtinere latitudine trientali: Verum licet satis sint longa ac dodrantem sæpe excedant, tamen ab aliis speciebus huius plantæ insigniter discrepant, quod præsertim in orbicularem figuram, quæ aliquantum in mucronem protenditur, explicata conspiciantur.

Huius reperitur alia species, folio non tam lato, nec ita orbiculari, sed longitudini eandē ferè latitudinem, quæ sextantalē est, obtinens.

Huius adhæc generis in monte quodā circa Ilfeldam monasteriū reperi speciem aliam, caule crasso, striato, piloso, bicubitali ferme, foliis plurimis, nigris, mollib. parum pilosis, quadrantali longitudine, eademq; latitudine. Flos autem, an ei idem sit, qui prioribus speciebus, nondum certo scio, nam tum, quando reperiēbam, florum nihil exhibebat.



*Chamaearys* altera Matthioli seu foemina, Sideritis Crataeg apud Tragum. In promontorijs quibusdam Harcyniae soli meridiano oppositis, potissimum circa Gerenrodam.

*Consolida maior*, id est, Beinwell/ passim in pratis. [Symphyton maius Dioscoridis.]

*Consolida maior amplexicaulis*, flore purpureo, olim mihi reperta est in prato quodam prope Ilfeldam.

*Consolida media*, passim se offert. Eius tamen aliquot observantur differētiæ. Maior flores profert cæruleos. Hæc duplex est, altera folijs donatur magis orbicularib. & paulo latioribus: altera longioribus, in ambitu frequenter incis. Minor flores gignit rubicundiores, modice dilutos, cui omnia sunt teneriora & minora.

*Consolida regalis*, Flos regius Dodonæo & eidem Delphinium verum esse existimatur. Intra segetes, circa vias, iuxta oppida, villas & pagos.

*Cardiaca*, passim circa oppidula & pagos.

*Camelina Dodonæi* seu *Myagron*, in agris & circa loca habitabilia.

*Carui*, copiosissime in pratis Stolbergenfibus.

*Caryophyllata*, seu *Benedicta herba*, flore aureo, passim in hortis, & circa loca habitabilia, ac etiam in montibus.

*Caryophyllata maior* seu *purpurea*: passim puenit locis opacis & vliginosis, folijs grandiorib. ac nigriorib. radice crassiore, inodora, rubente, flore maiore ex puniceo nigricare, cymbalari fere figura.

*Cassutha*, reperitur passim herbis adnata, potissimum Vrticæ maiori & trifolio corniculato minore, iuxta vias, ac in montibus cæduis, apricis.

*Cruciata herniaria* passim, Gallio cognata fermè herba, quā Tomo secundo Rembertus depinxit post *Asperulam*. Habetur admodum præstans in herniosis rupturis solidandis.

*Cruciata gentianella*, *Sperensich*/ prope Vuernigerodam.

*Cyanus aruensis caeruleus* in agris.

*Cyani sylvestris seu lacea nigra* variæ species hincinde in Harcynia reperiuntur, quarum hic breuiter recensebo, quotquot sese mihi in ea offerre memini, intermissis quæ alibi occurrere solent.

*Cyanus sylvestris montanus integrifolius*, maximus in hoc genere, caule striato, anguloso, rubicundo parte inferiore, scabro & tenui lanugine obrito, bicubitali, quandoque altiori: folijs iuxta radicem in pediculis oblongis, dodrantalibus ferè, latitudine sæpe sextanti, incisuris aut crenis prorsus destitutis, mollibus & tamen scabris, albicantibus inferius, virentibus magis superius, figura ferè Cynoglossi, vnde poterit *Cyanus sylvestris* κυνέλωσόςφυλλον dici: Cætera folia, quibus per caulem plurimis donatur, subinde versus cacumen minora redduntur, neq; longo pediculo appenduntur, sed alis suis ad exitum suum adhærescunt. Caulis autem, qui inferiore parte qua crassissimus est, minimo digito tenuior existit, procerè ac recta assurgit, & in summo in aliquot brachiola tenuia, striata ac foliosa dirimitur, quorum quodlibet calicem profert satis grandem, suffuluum, rotundi capituli instar, multis squammis asperis compactum, quorum squammatorum corpusculorum singula apices habent oblongiusculas, lanuginosas, multifidas, fulvas, crispas plumularum quarundam elegantem imaginem referentes, quæ pulcro naturæ spectaculo sibi inuicem implicantur. Flos ex istiusmodi calice exeritur rubicundus, floribus cyani aruensis maior. Semina etiam cyani edit, licet maiora. Prouenit potissimum montibus apricis sole meridiano illustratis circa Stolbergam & alias etiam. Saporis est amari euidenter, ac diu in lingua perdurantis cum leui acredine, subtilitate quadam partiū linguam vellicante, vnde eam calidam & siccam in secundo gradu statuo. [lacea Pannonica capitulo crispo Clusij.]

*Cyanus sylvestris maior aruensis*, qui videlicet in aruis potissimum



& secus vias, in marginibus accirca loca habitabilia reperitur, folijs latis, longis, nigris, hirsutis multis, varieg; dissectis ac diuulsis, ita vt quasi in plures costas ex aduerso inuicem sibi respondentes diuidantur: calice squamis asperis compacto, rotundo, florem rubicundum proferente. Matthiolus hanc scabiosam maiorem facit. Reperitur etiā, sed infrequentius, folijs paucioribus, minoribus aliquantulum, & dissectionibus paucioribus flore candido.

*Cyanus sylvestris angustifolius*, minoribus ac angustioribus folijs, ijsq; quandoq; integris, quandoq; diuisis. Eius aliquot species ānotauī. Maior caulibus assurgit proceris, rectis, bicubitalibus, in ramosa brachia mox supra radicem vsq; in summū cacumē digestis, folijs plurimis, asperis, lanuginosis, nigris ac squallidis obuestitis: quorum quæ radici propinquiora sunt, longitudine ac latitudine quadrantem excedunt, & vna atq; altera incisura in ambitu leniter eroduntur: reliqua vero integriora sunt & vix longitudine quadrantem assequuntur. Capitula profert cyani, rotunda, compactili squamarum compage efformata, ex quibus flores eius non admodū manifeste explicantur. Minor folijs constat adhuc angustioribus, lanuginosioribus, nec tā asperis vt in priori, oblongis tamē versus superiora reflexis, caliculo squammato, breuiore, qui & ipse non euidenter, vt superiores species, florem expandit.

Huius & alia species visitur, cum iam dicta prorsus eadem, nisi quod prope radicem tria, pauloue plura in oblongis pediculis exerat folia longa ac mediocriter lata.

Est porro Cyani sylvestris etiamnum alia species, quam Cyanum sylvestrem tenuifolium minimum nomino, ratione tenuitatis foliorū. Huic radix nigra est, mediocriter crassa, paucis fibris prædita, ex qua exurgunt foliola numerosa, scabra, nigra, oblonga, tenuia, multis incisuris in angustas lacini-  
as, quarum semper binæ ex utroq; latere *παρὰλλήλως* sibi cor-  
respon-

respondent, Chondrillæ alicuius tenuifoliæ modo diuulsa. Caules profert cubitales<sup>1</sup>, prope radicē mediocriter crassos, q̄ subinde extenuantur, insigniter scabris striatos, folijs multis multifariam in tenues lacinias dissectis præditos, quæ recto ordine, certòq; interuallo inuicem relicto caules cōscendentia ipsos ambiunt, sicq; continuo ordine vsq; in summū cacumen attenuantur. Caliculos exhibet exiguos, squāmatos. Non inelegans est planta. Inuenitur locis asperis, sed infrequentius. Est vero omnino minor species eius, quem supra cyani syluestris maioris aruensis nomine descripsi.

*Elinopodium* utrunq; maius & minus. Sed hoc rarius reperitur, illud crebrius. Est Gesneri Pulegium petraeum in hortis Germaniæ ac Dodonæi Ocimum syluestre seu Acinos.

*Clematis daphnoides* seu Vinca Peruinca, in montibus Stolbergensibus & circa Vuernigerodam.

*Clematis tertia Matthioli*, Copiose circa Ilfeldam.

*Cynoglossum vulgare non floridum*, & alterum caulescens ac floridum. Hoc olim flore candido sed non in Harcynia vidi.

*Cynoglossum syluaticum* Harcynicum, differens à prædictio: Constat hoc caule recto, cubito altiore, rotundo, striato, rubete, molli, candida lanugine obsito, qui in summo in tenues diuiditur brachiorum *ἐκφύσεις*, flores proferentes puniceos & semen echinatum asperum vt in priore specie. Folia circa radicem non ita copiosa ac ampla longaq; spargit, vt prius, sed parum ibi foliorum obtinet: ea vero maxime profert caulem ambiētia, subrubētia ferme ex nigro, priori cynoglossō multo minora, quadrantali lōgitudine, fescūtiali ferè latitudine, inferiora parte parū lanuginosa, mollia valde, sed tamen aliquid scabritiei cōtinentia. Nusquā alibi obseruauī, præterquā ad radices montis cuiusdam opaci supra Ilfeldam ac Beram fluuium.



*Ceruicaria maxima* folijs vrticæ maioris caule sæpe bicubitali, floribus in vno scapo plurimis calathi figura, magnis, cæruleis, quandoq; etiam albis.

*Ceruicaria media*. Hæc locis mōtanis & soli meridiano expositis nonnūquam prodit, caule tereti, aspero, folijs plurimis amictō, minoribus multo, viridioribus superius, inferius candidis, lanugine vestitis, quali folia Althææ, sicut & folia mediam figuram inter Vrticæ maioris breuiora folia & althææ referūt. Caulis vt plurimum vnicus est, sine ramosis adnatis, sæpenu-mero tamen in plures diuiditur brachiatas virgulas. Circa medium ferè caulis vbi maiora folia exoriri desinunt, frèquē-tes ~~περσέας~~ adnascuntur, ordine per certa interualla vsque in apicem caulis consequenter ac ex alis peculiaribus ad latera erūpentes, tenuibus quibusdā foliolis ijsq; incrispatis parum ac agminatim denseq; sibi cohærentibus constitutæ, ex quibus longa serie in scapo flores crebri prodeunt eleganter cærulei similes prioribus sed multo minores.

*Ceruicaria maior tenuifolia*. Radice constat crassā, multifida, subrubente, ex qua prorumpit caulis subfuluus digitalis sæpissime crassitieci, cauus, striatus, hispidus, folijs circa radicē circūdatus plurimis, anchusæ aut echij folijs instar, nigris, asperis, hirsutis, palmari ferè longitudine, crassitie vnciali, quibus alia cōsimilia subsequūtur longo ordine vltra caulis mediū, sed subinde minora. Flores non profert continua seu oblongiori serie per scapi summum veluti racematim propendentes, vt superiores species, sed agminatim in summo apice capitulo quodam in vnum collectos exerit, minores paulo, coloris ex cæruleo pallido subalbicantis. Non admodum frequens vbiuis hæc species est, sed mōtium quorundam iugis opacis aut humentibus aut aliàs tamen pinguiore solo reperitur, potissimum mōtibus quibusdam supra Ilfeldam [Trachelium ~~hypocistis~~ Clusij.] *Ceruicaria minor* Dodonæi, passim  
locis

locis apricis, maxime auff der Längen / & circa Vuernigero-  
dam.

*Chelidonium maius*, passim.

*Chelidonium minus*, passim.

*Chelidonia capnitis quorundam*, seu *Fumaria altera Matthioli*, Radix  
nostra caua, duplex: altera est radice integra, altera foramine  
inferius pertusa & excavata: flore item aut puniceo, aut can-  
dido. Estq; eadem porto vel maior vel minor, quarum huic  
angustiora sunt folia, vnde & angustifolia dici possit: Illi vero  
paulo latiora. passim prouenit.

*Chamaespilus* Cordi: in montibus Gerenrodæ vicinis.

*Crassula maior*, passim.

*Chamanerion* Gesneri, flore purpureo: passim. Item flore cādi-  
do, sed non adeo crebro, circa Stolbergam. Assurgit autem  
sæpe in altitudinem quatuor cubitorum.

*Chamelon*, in agris & circa loca culta.

*Chamelum album*, seu *fætidum*, quibusdam *Cotula* foetida di-  
cta, in agris, aruis, & circa loca habitata.

*Cornus fæmina*, Virga sanguinea, *Hartrigel*.

*Corylus sylvestris*, passim.

*Cicuta vera*, passim. Hæc aliquādo est folijs latioribus, aliquan-  
do paulo tenuioribus, cæteris nihil differens.

*Cicuta aquatica*, folijs prædictæ tenuioribus, flore candido, semi-  
ne maiore, cādido, pessimi foetoris, æstate passim in piscinis.

*Cicutaria* seu *Cicutaria myrrhis*, Cordus olim Myrrhidem sylue-  
strem vocauit, vt referebat Aemylius. Ego Pseudomyrrhi-  
dem dici posse censeo, vulgo *Kelberkern* / passim in hortis &  
pratis quibusdam. Alijs pro Sefeli Peloponesiaco habetur.

*Crista Galli* seu *Alectorolophos lutea*, *Geel Kodel* / passim in pratis ac  
quandoq; montibus apricis ac arboribus destitutis.

*Calaminthe secunda*, quæ alias etiam vbiuis fere est vulgaris, in a-  
gris montanis.



*Galamintha tertia, seu Nepeta*, ad ruderā præsertim arcis Eberfburgi copiosa, item circa arcem Stolbergicam.

*Cicer sylvestre maius*. Conuenit ferme cum eo, cuius Matthiolus Iconem exhibet, nisi quod folia non sint rotunda, ita vt Icon Matthioli habet, sed oblonga, nigra, hispida, non dentata (quam ipse quoq; notam in suo requirit) lenticulæ folijs similia. Sunt & costæ, quibus folia inhaerent, Matthioli plātæ costis lōgiore multo, pluribus itidem folijs præcinctæ. Caulibus vitigineis humi reflectitur, brachiatis ac late expansis. Flores profert in densa spica confertim conglomeratos, plurimos, lenticulæ similes, luteos, quos subsequuntur membranæ vesicæ, agminatim cohærentes, subflauæ, pilosæ, in acutum mucronem præminentes, minores siliquis ciceris arietini, quibus conduntur parua siliculæ plenæ seminibus rotundis, paruis, flauescens, similibus ferme loti satiui seminibus. Prouenit locis pratensibus. Voco autem hanc speciem maioris nomine, quod eiusdem aliæ species reperiatur; quarum altera mediam magnitudinem obtinet, altera lōge minor est. Vtraq; in montibus Harcyniæ adiacentibus, ac meridiano soli expositis nascitur, quorum in Montium historia seorsim aliquando fiet mentio.

*Carduus auenarius, seu sylvestris Tragi*, capitulis breuioribus, agminatim in cacumine stirpis inuicem suis pediculis cohærentes, caulibus sæpe tricubitalibus.

*Carduus alius* admodum procerus, caulibus interdum tricubitalibus, folijs valde spinosis, similibus admodum Onopordo Dodonæi: omnes enim eius notas obtinet: passim.

Eiusdem Cardui species aliæ, capitulo spinoso, squamato, tenuiori quidem quam in priori, sed longiori, candida lanugine squammas eius intercurrente.

*Carduus sylvestris Dodonæi*, capite grandi, echinato, spinoso, squallidoq; purpureis floribus comante, odoremq; dulcem  
remit-

remittente. Procerè assurgit, ita vt tricubitalis sæpe fiat. Passim obuius est, locis apricis & cædis: Acutissimis autē horret ac longissimis spinis.

*Cynorrhodon*, seu *Rosa sylvestris*, floribus subrubris suauiter fragrantibus. Videtur esse Cinnamomina Dodonæi. Eadem flore candido non ita frequens est.

*Cynorrhodos* alia flore paulo minore, ex candido tenuiter rubescente.

*Cynorrhodos* seu *Rosa Canina*, virgis, fructu ac folijs aculeatis, spogliolas proferens. *Weißdorn* / vel *riechende Dorn*.

*Cynorrhodi* species in Broccenbergo nascens, rarior inuētu, fructu nigro, non oblongo, sed rotundo, cerasi magnitudine, continente semina pauciora quam reliquæ species, duplo tamen grandiora ac formæ quodāmodo granorum vitis. [*Rosa pomifera* Lobelij, vel campestris odorata in Pannonicis Clusij, Nostris à foliorum figura *Pimpernellentröschlin*.]

*Chamelea Germanica*, seu *nostras*, id est, *Reisershalß* / passim locis opacis circa Stolbergam, Gerenrodam, Ilfeldam, & alibi.

*Coralloides Cordi*, seu *Rhizocorallum*, vt vocari non inconcinne possit. *Dentaria* nimirum *minor* Matthiolo dicta. Copiosissime in montibus opacis circa Stolbergam & Ilfeldam veris initio prodit.

## D.

**D**AUCOIDES *Cordi* maius, *Daucus asper* Gesneri, vt existimo. Locis asperis ac montanis, ac inter dumeta.

*Daucoides Cordi* minus, ad macerias passim & iuxta vias, item circa pagos.

*Daucus tertia* Dodonæo, alijs *Pastinaca sylvestris*, *Vogelnest* / passim iuxta vias, locis aridioribus, & in quibusdam pratis.



*Daucus tertia tenuifolia*, Eadem cum priore, nisi multo tenuiora folia contineret, quæ in priore sunt aliquantulum latiora.

*Daucus κατιοναυλ* ♂. Radice nritur candida, palmari, quandoque pedali, vnica, deorsum descendente, nonnunquam in duas tresue partes æqualiter crassas oblique diuulsa, minus crassa paruo digito, odore apij satiui, ac sapore etiam, sed feruidiore, diutius linguæ inhærente. Caulem depromit cubitalem & maiorem, quandoque bicubitalem, infima parte ferè minimi digiti crassitie, geniculatum, nōnihil teretem, sed plurimis strijs euidentioribus angulosum, pilosum valde. Folia ad singula genicula lata ala caulem ambiunt, quæ deinde in pediculum carinatum, oblongum, pedalem in inferioribus folijs diducitur, asperum & pilosum: cui in anteriore sui parte ad latera bini semper ex æquo sibi correspondentes, alij breuiore pediculi, in brachiorum modum & ipsi canaliculati appenduntur, folia continentes, sicut & reliqua principalis pediculi pars, flatescētia vt plurimum ex viridi, in ambitu profunde incisa, simili modo quo folia carotæ nostræ satiuæ diuiduntur, sed in latiores tamen aliquanto particulas: suntque hæc attractu quidem mollia, hispida tamen leniter, præsertim in dorso ac ambitu. Porro intra singulas foliorum alas adnata noua emergunt, striata, hispida & ipsa geniculis intercepta, iuxta quæ genicula latiori ala brachiolum amplexante pediculi canaliculati, prioribus similes, sed breuiore prodeunt, folijs consimilibus præditi, sed quæ subinde etiam breuiora fiunt, quo magis in plantæ cacumen denegunt. Præterea etiam ex qualibet ala ferme foliorum, tam caulis, quam brachiorum, folliculus protuberans emergit inuolucro obrectus oblongo, ex quo demum sicuti & in caulis summo eodem modo prorumpit caliculus sex oblongis ac imbricatis foliolis constans, quibus diductis  
fasci-

fasciculus exeritur plurimorum petiolorum, leniter striatorum ac pilosorum, agminatim caliculo inhaerentiū, quorum singuli expandunt paruum, & conuexam vmbellam candidam aut flauentem quandoq; leuiter odoratam: sequuntur quemlibet flosculum bina semina, sibi inuicem cohærentia, subrotundiora in ambitu, alias vero altera parte lata, echinata, fulua, similia Carotarum seminibus. Dauci angulosi Cordi notæ plures huic cōgruunt, sed non omnes. Folia profundius vsq; ad suum pediculum dissecantur, in ambitu tamen serraturam nullam habent, nisi dentatas paucas impressiones. Deinde Cordus proculdubio non præterijssset eius euidētissimam pilositatem caulis, cum alias singula diligenti industria prosequatur. Præterea caulis licet sit striatus, tamen non circa radicem triquetram figuram ostendit. Demum nihil villorum circa radicis caput ex amissis folijs obtinet. Sed hæc omnia potius (vt & alię Dauco anguloso attributę notæ) in Libanotide amara reperiuntur, quam tamen scorsim Cordus alicubi descripsit in libello cui titulus fuit, Liber VI. quē ipsius Cordi *αὐτοῦ γεγραπὸν* olim apud Aemyliū vidi, qui nondum editus est, licet quædam capita inde desumpta quatuor Scirpium libris sint inserta. Tamen non dubito nostrā Daucum Cordo fuisse cognitiissimā. Nascitur maxima ex parte in ericetis, locis apricis, præsertim in montibus circa Gerenrodam: imo etiam Stolbergæ in monte vrbi proximo ad dextram ante portam Septentrionalem sūm fastenthal. item in loco pratensi Harecyniæ dicto vff der Langen.

Daucus *ἐχινάριον* aut *ἐαυθιόνιον* maior. Vulgo *Klettenmöhren* / quo nomine & Cordus libro sexto ipsum descripsit. Herba est bipedalis vt plurimum, radice candida, breui, parū fibrata, lignosa, inutiles: ex qua prodit caulis teres, striatus, asper, nonnihil spinosus, ad genicula pediculis oblongis præcinctus, quibus appenduntur folia multa, per certa intervalla



semper bina ex opposito sibi correspondentia, profunde in ambitu incisa, carnosae asperae. Ex singulis foliorum alii noui ramuli erumpunt, eodem modo pediculis foliatis sed brevioribus donati. Flosculos exhibet per summum caulis & cuiusque brachioli in foliato capitulo dense cōglomeratos paruos, breui umbella explicatos, quibus pereuntibus, sequuntur semina oblonga, bina sibi cohærentia florem quemlibet, seminibus Xanthij similia, Prouenit locis asperis & incultis.

*Daucus ἀνθήραρον, seu ἡνίοχαρον, siue ξανθήραρον* minor. *Caucalis* seu *Daucus sylvestris* Dodonæi To. II. Folijs inter carotam satiuam & cicutam medijs, frequenter incisus in tenuissimas partes: caule inæquali, aspero, nonnunquam & spinoso, præsertim iuxta summitatem, & in multa brachia diuiso. Cuiuslibet brachij & ipsius caulis fastigium in fasciculum plurimorum pediculorum dirimuntur, in quorum apice ex caliculo foliato exeruntur foliacei flosculi, albentes: quibus decidentibus subsequitur vnumquemlibet florem semen duplex, Xanthij seminibus itidem simile, paulo minus prioris huius generis speciei. Locis reperitur quandoque, sed rarius, aridioribus & apricis.

*De Dauco selinoide*, supra in Apio.

*Dryopteris Tragi, Pteridion fœmina Cordi*: passim ad radices quercuum & in muscosis crepidinibus saxorum humidorum.

*Digitalis lutea*, passim.

*Dipsacus sylvestris*, circa oppidula, pagos & villas.

*Dipsacus minor* (licet tam satiuam quam sylvestri sit procerior & ramosior) siue *Virga Pastoris*. Ad monasterium ordinis Augustinienſium, *Hünelsporten* / prope *Vuernigerodam*, copiose nascitur.

*Dactylobotanon*, *Trago Händlinfraut*. Alterū cæruleo, alterū ni-

uco.

tuo flore. Quæ cæruleo habetur, cōgener est Elatinæ II. Do-  
 donæi, quo ad folia, Pseudochamædryos vero generib. quo  
 ad flores & semina. Differt vero ab Elatine, quod illius folia  
 integra sint & in ambitu tantum serrata, huius vero folia in  
 oblongiusculas lacinias diuisa, quasi manus in tres pluresue  
 digitos distributæ figura. Cæterum cæruleum hoc duplex est.  
 Maius in agris inter segetes nascitur, cauliculis brachiatis,  
 palmarib. folijs ferè vncialib. crassioribus, pinguioribusq;  
 Minus simpliciores habet colicolos & breuiores, folia etiam  
 minora, & locis montanis ac aridioribus prouenit. Dactyli-  
 obotanon autem alterum Tragi niuco flore, in scopulis præ-  
 cipue vdis alijsq; humidioribus locis reperitur. Est autem  
 hoc congener Saxifragæ albæ. [Quam Tragus hoc nomine  
 describit, Lobelius Paronychiam folio Rutaceo appellat, a-  
 pud quem Imago visenda fuerit, cum nec Tragus nec  
 quisquam alius eam depinxerit. Autor aliquando  
 misit huius plantulæ semen Tridactyli  
 nomine.]

## E

**E**RICOIDES luteum, Plantula dōdrantalī, fruticosa, cau-  
 liculo anguloso, foliolis paruulis, strictis: flores profert cō-  
 piosos mense Septembri, racematos longo ordine adhæren-  
 tes summis cacuminibus brachiolorum, exertos ex paruis  
 caliculis viridibus, cosq; luteos, similes floribus ericæ cuius-  
 dam. Ostendebatur mihi olim à viro in re herbaria peritissi-  
 mo ac præceptore meo obseruandissimo, Laurétio Hiel pro  
 Cori, sed nec odorata est, nec flores Hyperici continet. Pro-  
 uenit in collibus sterilioribus, apricis ac arboribus desti-  
 tutis. [Euphrasia lutea Dodonæi.]

*Ericoides*



*Ericoides rubrum*. Priori speciei assimilis hæc est, sed paulo maior, folijs latioribus, floribus rubicundis. Sed tum flore tum folijs minus ad *Ericæ* figuram accedit. Prouenit locis aridioribus circa segetes, & in ipsis quandoq; segetibus. Vulgo Triticum leporinū nominant. Semina in exiguis capitulis profert parua, multa candida, sicuti & *Ericoides luteum* [ *Euphrasia purpurea* Dodonæi: Vtræq; *sideritides aruenses* appellantur in Lugdunensi Herbario. ]

*Eupatorium Dioscoridis*, Vulgo Agrimonia, passim.

*Erysimon nostrate*, locis asperis, passim, ac circa oppidula, pagos, villasq; & alia loca habitabilia.

*Echinum palustre Cordi*, *Scorpioides mas* Dodonæi: passim ad flumina. [ *Vergiß mein nicht*. ]

Eiusdē alia species. Dodonæo *Scorpioides* fœmina, Hęc locis asperis & apricis montiū prouenit, & in syluis potissimū cæduis, non ad loca irrigua & humecta vt prior. [ *Wild vergiß mein nicht*. Gesnerus vtrinq; ad *Heliotropiū* maius retulit. ]

*Erigeron seu Senetio Vulgaris*, *Kreuzwurz*: passim in syluis cæduis.

*Erigeron fatidum seu maius*, odore graui ac bituminoso aliquantulum, folijs resinosis quodammodo attactu. Cubitali sæpe proceritate & ampliore assurgit. Eam Vir Clarissimus D. Laurentius Hiel, olim præceptor meus Conyzam Hippocratis esse autumabat. vbiq; locis cæduis ac apricis.

*Erigeron tertium Dodonæi*: locis asperis & apricis.

*Euphrasia*. passim locis pratensibus. Altera maior, cauliculo assurgens sesquidodranti, ac quandoq; paulo proceriore, brachijs multis prædita, folijs alterius speciei duplo, imo ferè triplo maioribus & flosculis maioribus. Hęc in pratis pinguioribus reperitur, maxime circa Stolbergā. Prodit simul cum altera specie, sed nō ita frequens est vt illa notissima, quæ omnia minora continet.

*Erica vulgaris*, passim.

Eadem

Eadem tenerior ac foliolis multo tenerioribus, in Broccenberg & vicinis montibus.

*Erica baccifera* Matthioli. Nam hanc, de qua nunc agimus, eandem esse censemus. Angli vero in sua Aduersaria Vacciniorum palustrium nomine eam proponunt, quamuis hæc nostra in palustribus nō nascatur. Fruticulus est humi procumbens, in oblonga, multifidaq; brachia rubentia, lignosa, obsequiosa ac foliosa latè super terram se prorpendo explicās; foliolis dense obuestitur breuib; oblongiusculis, strictis, suffuluis, sæpe etiam nonnihil cæruleis, splendentib; ex quorum alis in ramulorum extremitatibus æstate sub Syriæstu emicant tenuissima staminula, breuiāq; filamentorum sericorum ferè instar, quorum summitatibus apicula insident coloris ex rubro nigricantis aut spadicescentis fere: hæc; filamenta & apicula florum vicem explent, ijsq; decidenti-bus emergunt baccæ splendentes, iuniperinis minores, similes baccis Vitis Idææ seu Vacciniorum nigrorum Dodonæi, rotundæ, ex purpura nigricantes, dulci pulpa constantes, cui infarcta continentur semina purpurascencia. Prouenit copiose in summo Broccenbergi iugo & saxorum aridorum fissuris. Saxones, qui montem illum accolunt, vocant hosce fructus *Spizenbeer* / hoc est, Simiarum baccas. Vnde, si quis neq; ericæ neq; Vacciniorum speciem stirpem istam esse voluerit, is nomine confictο πικρόκοκκον appellare posset. Inde autem ei hoc nomēclaturæ inditum est, quod esus ipsorum vberior capiti noxia inferat quædam symptomata, ad quæ deliræ subsequantur gesticulationes, ratione nonnihil interturbata, vt is qui ipsis vsus fuerit copiosius simiarum instar sese habere gestu risibundo videatur. Hinc plantulam hanc deleteria facultate minime carere cōtendunt, & ab eius baccarum esu omnino abstinent, alijsq; ipsorū vsum sancte interdicunt. Ac amicus quidam noster Andreas Roselerus



Pharmacopæus Halberstadiensis, vir optimus ac rei herbariæ non triuialiter gnarus, hanc stirpem Chamætaxum vocare solet, tum ratione qualitatis istius malæ, tum foliorum oblongiusculorum taxi, sed breuiorū. Aemilius eam olim, piæ memoriæ, cum necdum illo tempore à quoquā esset hæc stirps descripta, Corios speciem faciebat, Corin Bröccenbergensem nominans. Reperiuntur & Vetulæ herbariæ in Saxonia, quæ hanc plantam *Gichtfraut* vocitant, commendantque eam mulierculis vt præsentaneum præsidium contra istiusmodi morbum.

*Euonymus Theophrasti, siue Anonymus Cordi, Epilbaum / Hanzhöldlin / passim.*

*Elatine vulgaris herbariorum*, quam & Dodonæus Tom. I. depingit, passim in agris. Matthioli vero *Elatinen*, folio acuminato, an in Harcyniæ agris etiam reperiatur, nondum animaduerti, sicuti nec alteram eius speciem, alias in Marchiæ ac Saxoniæ agris sæpissime mihi visam; folio non vt hæc in basi, quasi in duas auriculas prominentes diducto, ac deinde in acutum mucronem finiente, sed omnino rotundo vt numulariæ. (Hæc Trago, Fuchsio & Matthiolo *Veroniæ* fœminæ nomine describitur.)

*Epimedium Dodonæi*. In Harcynia nostra olim iuxta fluuiū quendam, sed nescio vbi, reperi. Plantam ipsam habeo aridā in papyro agglutinatā, folijs quatuor, orbicularib. in ambitu modice dentatis, quorum quodlibet singulari innititur petiolo, tenui, palmari longitudine prædito: radice parua, tuberosa, nigra, in tenuia, oblonga ac nigra adnata diuisa.

F.

**F**ILIPENDULA, locis montanis, apricis ac pratensibus, circa Gerenrodam, alijsq; locis.

*Filix mas*, passim. Hæc aliquot differētiās exhibet, vt accuratius  
loca

Ioca opaca montium perreptantibus se illæ nō raro spectandas offerūt. Prima est illa communis omnibus herbarijs, folioso pediculo, absq; brachijs, sed in multas pinnatas alas diuiso, in ambitu nihil prorsus dentatas. Secunda tantummodo tenerior ac mollior, pinnis in ambitu frequenter dentatis, viridior & elegantior, non ita frequens. Tertia, quam filicem spinosam seu aculeatam cognomino, pinnulis brevioribus, nigrioribus, nō dentatis, totis integris, sed in spinulam acutam breuemq; omnibus desinentib. Copiosa ac frequēs est circa Stolbergam ac Ilfeldam, montib. quibusdā opacis.

*Filix femina.* Profert pediculos in brachia discretos. Hæc duplicem obseruau. Prima est cōmunis, cuius foliorum pinnulæ filicis maris pinnulis sunt latiores, coloris buxi & substantiæ fere consimilis, læues, non dentatæ. Altera tenuifolia, similis illi, quam Masculam secundam feci, nisi quod pediculo constet molliore, distorto, multifariā brachiato, pinnulis tenerimis, profunde dentatis, parte superna nigricantibus, inferna vero, qua inhaerent puluisculi rubicundiores, virescentib. Hanc in opacis Harcyniæ montibus rarissimam inueni, circa Ilfeldam & Stolbergam, cubitali longitudine. Minori vero statura frequentius reperitur, sicuti eam Cordus Pteridij sui masculi nomine descripsit.

*Fagus.*

*Fraxinus:* tam sterilis, quā frugifera, passim. [ Hæc linguam auis officinarum gignit, illa solos flosculorum racemos nigros, qui absq; fructu, vt iuglandium Iuli, decidunt. ]

*Fraxinus fago similis, Buchasche.*

*Fraxinus dura seu rübsche,* (vt dixerit quispiam) *Steinasche.*

*Fumus terra,* locis cultis, vbi terra fossione subacta est.

*Fragaria maior.* Fraga proferens rubicundiora seu sanguinei coloris, gemeine Erdbbeer.

*Fragaria minor, seu nigra.* Folijs minoribus ac nigriorib. fructu



maiore, minus granoso, dulciore, candido toto, quandoque vero parte altera, quæ inferior est, candidiore, superiore autẽ & solis radijs exposita, rubicundiore; dum decerpitur, strepitum euidentem edente, vnde vocant *Knackelbeer* / *Preßling* / Prouenit locis asperioribus & apricis collibus.

## G.

**G**ERANIVM *καταδινόφυλλον*, folijs scandicis, hispidis, parum dissectis ita vt anemones folia quidẽ exprimant, sed radix ei rotunda nõ est, verum oblongiuscula, palmaris, teres, candida, ideoq; primum Dioscoridis genus esse nequit. Locis asperis prodit & circa pagos, villas, oppidula, vicos.

*Geranium catραχισίδης* Dodonæi, flore purpureo, magno. Reperitur etiam in Harcynia flore candido. Nec est quod quis causam in soli vel folis rationem referat, cum sub vno eodemq; sole, loco aprico & solo etiam eodem hanc flore candido, & alteram flore caruleo simul prognatam viderim.

*Geranium secundum*, pes columbinus, folijs maluæ, dissectis. Duplex est: Maiori caules sunt maiores & folia, quæ sunt paulo molliora. Reperitur nonnunquam circa pagos, villas, & alia loca habitabilia, in fimetis plerunq; alijsq; locis impuriorib. Minori omnia sunt minora & folia asperiora.

*Geranium tertium seu Robertianum*, passim in hortis & cæduis sylvarum locis.

*Geranium αιμαλώδες*, *Blutwurz* locis apricis.

*Geranium saxatile*, *ὄρησκέπτερον*. In saxis humidiorib. reperitur, potissimũ circa arcem Honsteinam, & in monte Ilfeldæ vicino, quem *Harzberg* vocant, & in mōtibus vltra Gerenrodā, qua fluuius ex angustis faucib. per saxorum crepidines decurrit, ac Suderodam pagum versus prolabitur. Folijs similib. Geranio secũdo, sed lauiorib. rubentibusq; cōstat, elegãtioribus & sub-

& subnixis palmaribus petiolis rubentibus, flosculis purpureis, paruis, radiculari fibrosa, parua. [ Semen fert luteum Chamælinæ admodum simile, gustu tamen insipido ab illo discrepans. ]

*Graminum* passim varia reperiuntur genera, eaq; rursus in varias species diuisa. Recensebo tamen hic breuiter quædam euidentiora quæ aliquo modo sub descriptiones certas cadere possunt. De bromo, quæ & ipsa graminis est generis, supra dictum est: de phœnice vero, quæ ipsa quoq; istius generis est, suo loco mentio fiet.

Auenæ sterilis, quæ itidē ad genus graminosum pertinet, etiam supra mentionem fecimus. Ea vero prima species *Graminum Loliaceorum* est apud Tragum, qui tamen cum hac auena Phœnicem Dioscoridis cōfundit, & prima *Graminum* iconē non auenam sterilem depingit, sed Phœnicis illam speciem, quæ in summo culmo plurium spicarum ( loliij veri spicis similimarum, ijs tamen minorum ) fasciculum aliquot singularibus pediculis latius dispersum & explicatum continet, cuius infra etiam fiet mentio. Cum autem Dodonæus Auenam syluestrem veram *Aegylopen* seu *Festucam* eiusq; speciem primam faciat: non absōnum erit, & sterilem hanc auenam isti syluestri similimam, sed minorem, alteram speciem eiusdem festucæ, minorem nempe, constituere: Sicuti noui doctissimos viros, qui hanc sterilem auenam audacter pro festuca demonstrent. Quare hac occasione etiam hic subiungam Catalogum aliarum festucaceorum graminum generis specierum, quas non raro in Hæcynia, sicut & alibi etiam, passim locis graminosis obseruaui.

Altera festucæ species Dodonæi in frumētaceorum historia, non solum inter sata, sed & secus vias ac in pratis non infrequenter reperitur. Estq; vt coniicio, secunda species graminis *Loliacei* apud Tragum. Potius enim huic festucæ, se-



cundi generis Lolijapud Tragum descriptio competit, quā Lolio vero. Festucæ autem huic gramineæ (quam sic ad differentiā prioris, quæ frumentacea est, nomino) aliam speciem subiungam: *Festucam tertiam seu gramineam nemoralem*, quia pratis nemorum præcipue sit familiaris. Ea vel *maior* est vel *minor*. Maior in Harcynia nostra locis graminosioribus sæpe obuam est, culmo hordei procero, bicubitali quandoque geniculato, foliis item hordeaceis donatos, in cacumine in dodrantalem, tenuem teretem & frequenter geniculatum coliculum desinens, in quo continuata serie, longa ac densissima iuba eleganter in viridi argenteo splendore refulgens continetur ex innumeris capillaceis breuibisque pediculis connexa, quibus appenduntur plurimi vtriculi, paleacei, exigui valde, auenaceis similes ac quasi volantis auiculæ effigiem, dum expanduntur, exprimentes. Hæc species in montibus reperitur graminosis. Huius vero minor species consimili constat iuba, sed in multo minori ac tenuiori: hæcque non tantum nemoribus assuevit, sed alijs etiam locis & pratis felicioribus. Præceptor meus, præclaræ memoriæ, cuius iam sæpius memini, Laurentius Hiel, hanc sterilem etiam auenam faciebat. Reperitur adhæc in Harcynia nostra huius generis species media, radicibus geniculatis, minoribus, densa capillaceorum cirrorum congerie præcinctis, folijs pluribus, angustis, palmo longioribus, parum pilosis, culmis cubitalibus & longioribus, interdum bicubitalibus, crassioribus, minoribus vero iam memoratæ speciei, paulo tamen tenuioribus quam festucæ nemoralis maioris, prope radicem bina ternaue genicula habentibus, reliqua autem serie (qua vsque in summum fastigium prorsus destituitur geniculis) iubatam spicam continentibus, oblongam sed primæ speciei tenuiorem, rariorem, vtriculis tamen eiusdem paulo maioribus constantem, nec ita splendenter, ut in illa. Spica  
vbi

ubi defloruerit, frumenti alicuius genus imitatur, utpote Secalen, vel aliud simile. Frequens est in moribus aridioribus passim, ac secus vias. Videtur vero hoc genus vitium esse secalis. Ac, sicuti sapissime in Secale nostra accidit, ut aristæ quædam, postquam flores deciderunt, ac semina iam augmenta fuscipere incipiunt, vitium aliquod in grani cōtrahant: forte maior succi copia, quā ad grani iustū alimentum opus est, attrahitur, ut ita necesse sit, corticem adhuc tenerum rumpi, & ita internam substantiam in maiorem molem augeri, ac à feruore solis & ambiente in circumferentia sua affici. Tunc enim videmus quædam semina longius ex suis vtriculis seu glumis protendi, ac in mediocrem etiam crassitiem excrecere, nigrumq; colorem foris contrahere, intus candida farina densioris materiæ constantia. In Thuringia vulgo vocatur vitij hoc genus mater Secalis, *Roßkummuter*. [ Utuntur etiā eo ad sistendū sanguinem. ] Eodem inquā modo vitij id, anno L X X V. in hac festuca Secalina obseruavi. Reperi enim in montibus quibusdā Stolbergæ huius plures spicas, non vnū eiusmodi vitiosū granum oblongum, nigrum, continentes, sed plura, eaq; maxima ex parte in corniculi modū recurua. Verum tempore florentiæ ipsius anno illo copiosæ erant pluuiæ & postea succedebat calor solis feruidior. Porro si quis singula velit ad amussim examinare, facillime differentia maioris & minoris esset reperiri, solummodo discrimine in spica vel longiore vel breuiori constituto.

Deinde alia *Festucaginis* species obseruari in montibus graminosis datur, quā quartā constituemus *Festucam nemoralem latifoliam* appellantes. Constat ex calamis cubitalibus, ut plurimum, sæpe bicubitalibus, hordæaceis, sed tenerioribus, geniculatis & omnino similibus calamis festuaginis maioris. Folia ei inter omnes species sunt latiora, secundum



longitudinem interstriata & molli lanugine obuestita, cuius ratione attactui molliciem eiusmodi offerunt, qualis in Althææ folijs tangentium digitis obijcitur. Iubam in oblonga profert spica, non ita elegantem, vt iam cōmemoratorū Festuaceorum, coloris antequam flores exerat subrubentis, deinde ex flauo pallidioris, vtriculos etiam breuioribus pediculis appensos habentem, quantitate ea, qua medij generis iam indicati esse diximus. Semina continet paruula, oblonga, splendentia, & quasi milij cuiusdam seminum rudimentum exprimentia.

Aliam in nostris syluis Harcynicis non sēmel reperi, quam pro Festuca quinta habeo, ita vt dicatur Festuca tenuifolia. Omnia enim præter iubā cæteris tenuiora habet. Radice cōstat plurimis exiguis ac tenuibus cirris prædita, ex qua straminei, tenues, teretesq; ac flauentes, geniculati & cubitales calami prodeūt, folijs strictioribus donati. Iubam etiam hæc profert rariorem, in tenuissimis capillaceis & multo longioribus pediculis vtriculos exerentem quantitate vtriculorum festuæ gramineæ nemoralis mediæ, coloris fului, ac argenteo nitore micantem.

Subnectam Sextam, passim in agris Harcynicis prouenientem, folijs breuioribus, cauliculis tenuibus, striatis, in cuius summo racematim dependent palmi longitudine in tenuissimis & vix visu perceptibilibus pediculis, parui quidam membranacei & paleacei vtriculi, quorum exteriores membranulæ rubent, quibus dehiscentibus candidulus flos emicat.

Et hætenus de Festucis, nunc de aliis graminum generibus.

*Gramen commune*, quod hoc nomine apud Tragum depingitur.

*Gramen* apud Dodonæum To. II. pag. 370. depictum.

*Gramen* caule geniculato, cubitali, proceriori; folio bipedali ferè,

ferè, vnciali latitudine, viridi, scapo spicato, dodrantali, sæpe & sesquidodrantali, subinde longo ordine spica oblongiore, tenui, alia aliam subsequente.

*Gramen vulgo notum*, radice crassa, geniculata, fibrata, culmis cubitalibus, quandoq; maioribus, teretibus, quorū maior pars folijs, qua illa ex nodis erumpunt, veluti in oblonga vagina obsepitur, parte illa obsepiente folij acutum angulum asperumq; ad vtrumq; latus veluti pinnulas pminulas deorsum constituyente. Spicam profert densam ex breuiorib. vtriculis dense confarctis constantem, ita tamen vt anteriori summi coliculi parte spica constituatur, posteriore interim eius parte (quæ est veluti dorsum) nuda apparente. Obseruaui & hanc speciem in semine admittere tale, quale dixi contingere in Festuca graminea media, sed id non in recurui corniculi, vt ibi, figuram inflecti vidi.

*Gramen λευκόχθον* Dodonæi, tertium scilicet Graminis genus apud Lusitanum. Euphrasia alba Tragi.

*Gramen floridum* Matthioli. Duplex hoc est. Maius iam dicti auctores omnes depingunt. Minus tenuiores coliculos profert, folia strictiora & flosculos breuiore: hoc locis humentibus prouenit & in fossis stagnantibus. [Inuenitur etiam alibi graminosis locis, foliaq; non ita dura habet, vt Maius & in fructus nasci gaudens, primo etiam exortu pene nullum in acumen, vel admodum obtusum vergentia, priusquam flosculos producat, qui stellulam quandam eleganter repræsentant, & in primis pulcelli atque aspectu grati sunt ob staminula rubra è medio ipsorum exeuntia.]

*Gramen τυφοειδές*, Rectū erigit culmum, in summo longa densaq; spica constantem, quæ aliquo modo Typhæ aquaticæ ἀνθήλιν imaginem repræsentat. Duplicis est generis, asperū & molle: vtrumq; rursus in species subdiuiditur, maiore & minorem. Asperum maius folia profert vt pleraq; communiora grami-



num genera: calamus rectum, teretem, geniculatum, in cacumine rectam teretemq; ostēans spicam, attactu asperam, palmari sæpe longitudine, quandoq; etiam maiori, circumcirca frequentibus, continuis, exiguis ac paleaceis vtriculis, qui spinulis paruis horrent, ac intus exiguum, subrotundum semen concludunt, dense ac quasi squammatim coagmentatam. Minus culmos profert tenuiores, oblōgos geniculatos, priori similes, angustioribus folijs & breuiorib. præcinctos, ac spicam in summo breuissimam, tenuem, asperam, ac exiguis spinulis horridam continentes. In altero genere, quod molle est, species maior iam dictæ speciei similis, sed spica breuiore donata cernitur, crassiore tamen aliquantulū molliore item, ex vtriculis oblongioribus & mollioribus compacta, non ita spinosa, sed spinularum loco oblongiusculas quasdam ac tenues aristulas ex ipsis eminentes copiose exhibente. Huius generis minus breuiori ac tenuiori spica, sicut & reliquis partibus esse conspicitur. Cæterum hæc generavbius passim in pratis frequentia sunt.

*Graminis primi Dioscoridis species maior*, vulgo in agris.

*Graminis primi Dioscoridis species minima*, se nunquam attollens, sed geniculatis ramulis iuxta Dioscoridem serpens, ac ex internodijs suis, & ex ipso etiā cacumine creberrime nouas radículas iuxta Plinium spargens, ac ex ijs nouarū plantularum exortus exhibens. Hæc passim in Harcynia, & etiā Stolbergæ in pratis vliginosiorib. ex musco terrestri, qui cādidus ut plurimum est, nonnunquam et rubeus, non infrequēter prodit, radicib. tenuiorib. cirrosis, coliculos emittens recuruos, humi prostratos, tenues valde, teretes, geniculis frequentib. interceptos, ad quæ primum folia prodeunt palmaris longitudinis, stricta, deinde et inter hæc folia & ipsoꝝ geniculos singulos denso prorumpit plurimorum, paruorū, oblongiusculorum ac strictissimorum foliorum cespēs, ad quorum inferius

rius tubor, quo ex geniculis prumpunt ipsa, noui cirrhi emergunt, qui denuo in musco comprehendentes, nouarū plantularum origines existunt.

*Gramen aculeatum Plinij primum, seu Gramen Manna Matthioli, sed rarius.*

*Graminis Loliacei* tertium genus apud Tragū, quod Hordei ipse viciū esse asserit, cui & omnino simile est, passim, locis asperis. Estq; duplex: Maius bicubitali culmo in montib. sæpe exurgit, ac longiore spica præditum est: Minus, culmo & spica breuioribus, in collibus aridioribus alijsq; asperis locis ac secus vias pronascitur.

*Graminis Loliacei* quartū genus apud eundē, q̃ *Briza monococco* simile ipse facit, in Hircynia me vidisse non memini.

*Graminis Loliacei* quintum genus Tragi, *Bromus* herba est, de qua supra.

*Graminis Loliacei* apud Tragum octauum genus, quod proculdubio est *Gramen arundinaceum*, consimili coma qualem arundo cōtinet. Huius alia species est, quam mediam in hoc genere facio, caulibus sesquidrantalibus ferè, geniculatis, foliis cōmuniorum graminum generum ijsdem, oblōgis videlicet. Spicam, vt prior species, paniculatam, non vnicam in summo culmo profert, sed ex singulis, quibus constat, geniculis singulas, palmares ferme, molles spadiceas. Nascitur solo pinguiori ac plerunque humidiorē. Inuenitur & tertia species, minor, breuioribus ac tenerioribus coliculis, foliis breuiorib. ac strictioribus, spicis itē paniculatis, quæ & ipsæ spadiceæ sunt, breuioribus ac tenuioribus: Cumq̃ue secunda species per totum caulem à radice vsque in cacumen ex geniculis emittat suas paniculas: hæc cauliculo constat inferioribus partibus enodi, in summitate tantum paucula genicula habente, ex quibus paniculæ binæ, tres, vel quatuor ad summum prodeunt. Nascitur ijsdem, quibus prior, locis. In



hisce autem duabus posterioribus, paniculę postquam defloruerunt, decidunt, ac eas subsequuntur squamata capitula includentia semen nigrum, paruum, acuminato cuspidē præmunitum. Huic porro minori speciei & alia cōsimilis reperitur radicibus paruis, nigris, fibratis, folijs circa radicem paruis, palmaribus ferè, acutis ac recuruis: coliculis tenuib. enodibus, in quorum cacumine tres, nonnunquam plures spicę, breues, spadiceę ferè, in fasciculo quasi simul comprehensę (sicut in gramine Mannę) constituuntur. Inuenitur locis aridioribus. Adhęc huius octauī generis alia perpusilla graminis species reperitur, cuius tota plantula palmarem longitudinem non excedit, radicibus paruis, fibratis, nigricantibus, foliolis oblongiusculis, strictis, recuruis ac imbricatis: coliculo tenui, in sua summitate breuem squamatamq; spicam continens. Hęc omnium minima huius generis nascitur locis aridioribus & apricis.

*Graminis arundinei alia species.* Maximum scilicet graminis genus, ad tricubitalem & sæpe maiorem altitudinem assurgēs: folijs lōgis, latis, asperis, culmis digito minori paulo tenuioribus, inanibus, frequentibus & grandioribus geniculis obseptis. Circa Ilfeldam prouenit, præcipue iuxta fossas. Si coma ei arundinis esset (quam nondum vidi) albo flore, esset nonum Lolij, seu graminis Loliacei genus apud Tragum.

*Graminis Loliacei* apud Tragum decimum genus, *Slittern* vulgo, à propendulis & tremulis capitulis, quę in summitate coliculi, quasi racematim in singulis pediculis eleganter propendentia ac squamatim compacta habet, similia fermè micantibus illis laminulis in frontalibus & vittis virginum ac mulierum dependentibus. Trago est Plinij ac Dioscoridis *Aegyllops*, apud Lusitanum vero pro primo graminis genere depingitur.

*Graminis species parua*, radícula breui, cirrhata: folijs paruis, angustis,

gustis, pilosis: coliculis dodrantalibus, in quorum summo singularib. pediculis breues spicæ cōstituuntur, spadicei coloris, ex quibus emicant flosculi tenues ex flauo pallentes, nostri vocant *Häsenbrot*. Passim in pratis & ericetis.

*Gramen* ἐπιγονατόχρυλον. Herbula est graminosa, denso sæpe cespite locis pratēsis humectioribus nascens. Radice parua, fibrata, ex qua frequentissimi ac admodum tenues exeruntur coliculi, palmares, frequentissimis geniculis cincti, ex quibus prosiiliunt stricta folia, palmaria ferè: vnicui libet præterea geniculo adnascitur intra folijalam palcaceus caliculus continens paruum mēbraneum, fuluumq; capitulum, in quo semina minutissima plurima occluduntur similia ferè seminibus centaurij minoris. Adhæc etiam præter folium & caliculum, ex singulo caliculo subinde noui, eodem modo geniculati coliculi alij prodeunt. [ Videtur ea plantula, quam Lobelius titulo *Holostij Matthioli* insigniuit, passim apud nos locis muscosis ac putridis humentibusq; frequens. ]

Sunt & alia plurima graminum genera, quæ in fossis humidis, in aquis, alijsq; locis humidioribus nascuntur, mixti ferè generis cum iunco & gramine, ad graminum tamen genera propter folia, pertinentia, quæ poterimus graminum iunceorum nomine appellare, quod enodes cauliculos iunctorum instar proferant. Huius generis erit prior illa species apud Tragum, sub nomine *klein Niedgras* depicta, quam Vergilij caricem acutam facit: foliis strictis, acutis, oblongis: caule leui, in cuius summo longo ordine ei appenduntur oblongi secula quædam capitula sursum porrecta.

*Gramen iuncum lanigerum*, seu *Iuncus laniger*, aut *Bombycinus* quibusdam dictus, *Wiesenflachs* / passim in vlginosioribus pratis & in ipsa etiam Broccenbergi vligine.

*Gramen iuncum* πολύκαρπον. Hoc cauliculos profert plurimos, teretes, iunceos, non nihil tamen nodosos, folijs gramineis, le-



nibus obuestitos, in summo in plures dehiscentes pediculos, continentes capitula festucacea, pauca, ex nigro splendentia, quibus nigra quædam ac oblongiuscula comprehenduntur semina. Passim in vlginosis locis. Hæc est species maior. Minor folijs palmaribus ferè, sed strictissimis, coliculis itidem tenuissimis ac capitulis valde exiguis. Habetur hoc genus à multis pro iunco, cuius tamen ego ipsum generibus ascribere non audeo cum sit foliatum, ac caules primæ speciei frequentibus geniculis intercipientur.

*Gramen iunceum πολυσάχυν*: Folia continet oblonga, angusta acuminata: cauliculos teretes, sesquidodrātales, flavescentes, in summo parvis spicis per certa interualla se consequentibus fecundos.

*Gramen iunceum triquetrum*: Hoc folia profert arundinis, minora, minusquelata, vtrinque acuta, & stringentium digitos lædencia. Caules profert triquetros, in quorum summo spica aculeata consistit, semina continens nigra, plurima, oblonga, in aculeatum cuspidem prominentia. Reperitur locis aquosis.

*Glycyrrhiza sylvestris*. Hæc etiam alias extra Harcyniā syluis plurimis Saxonix ac Thuringiæ familiaris est, veris initio potissimum inter veprium ac dumorum implexas radices prosiliensi caulibus cubitalibus, fruticosis, rectis, brachiatis: folijs arachi primi, sed maioribus paulo ac nigricantibus: floribus puniceis, quos subsequuntur siliquæ ex spadiceo colore nigrescentes, quadrātali longitudine, teretes, semina rotunda, piso minora continentes. Radix ei est altè terram penetrans, crassa, nodosa, multifida, dulci sapore. Tota autem facie glycyrrhizam æmulatur, paucis particulis exceptis.

*Grossularia seu vna crispa*, ad rudera Ebersburgi & iuxta Bischofrodum, non procul ab Illuelda.

*Gallion album & luteum*, passim.

*Genistella*

*Genistella seu genista spinosa*, locis quibusdam montanis, apricis, graminosis atque in Ericetis.

*Genista minoris species*. Fruticulus est dodrantem altus interdum & procerior, ramosus, folijs plurimis, nigris, mollibus, hispidis, lenticulæ minoribus, floribus luteis: Nasceitur in summo Broccenbergi iugo, itē circa Gerenrodā. Aliàs ericetis Marchiæ veteris communissima est, & montibus circa Quedlinburgum.

*Genista humilis Dodonæi*, Corneola Leonicensi. passim.

*Gnaphalium vulgare maius*, simplicibus procerioribusque caulibus, in oblongo corymbo flores proferens. Passim locis apricis, montanis & asperis.

*Gnaphalium vulgare minus*, Impia Plinij. Priori est brevius, brevioribus etiam folijs præditum, sed magis incanis: ex capitulis veluti orbicularibus, è quibus flores exerit, subinde novos & breves coliculos proferens, ex quorum capitulis deinceps porro & alij consimiliter coliculi breviusculi enascuntur. Passim locis apricis, montanis, & asperis.

*Galega sylvestris Dodonæi*, passim.

*Galeopsis Matthioli seu Vrtica vulgaris mortua*, flore verticillato, candido, passim. Hæc grandiore nonnunquam folio locis pinguioribus offertur. Et sæpe flore rubra inuenitur. Huic vero speciei folium paulo amplius est priori, præsertim quando locis hortensibus aut culturæ proximis gignitur. Reperitur Galeopseos & alia species, nihil ferme ab hisce differens, nisi quod folia obtineat minora aliquantulum, acutiora tamen. Est & quarta species, *Galeopsis reptilis*, quæ magis humi procumbens in superficie terræ direptat, quam in caulem se sustollit. Hæc sylvis cædvis frequentissima est. [Vulgo hæc dicitur Milzatella, celebris ad Lienis affectus, flore luteo, folio maculoso.]



**H**YPERICON vbiuis. Eiusdem species minor, breuioribus coliculis prædita, folijs minoribus, pluribusq;

*Hepatica aurea*, Trinitatis herba, quibusdam etiam *Anthera*, flore cæruleo, passim: Rubeo etiam, sed infrequentius.

*Hepatica palustris*, seu *Ranunculus* πολάνθημ palustris *Dodonæi*: in piscinis.

*Hippuris maior*, locis quibusdam montanis humidis.

*Hippuris minor* seu *equisetum*: locis pratensibus quibusdam humidis.

*Hyoscyamus vulgaris*, circa loca habitabilia & culta. Duæ sunt eius species, vna folio integro, non dissecto: altera folio in ambitu in lacinias acutas diuiso.

*Herniaria*, Herba Cancris, Millegrana, passim iuxta semitas, locis aridioribus ac salebrosis, collibus item macrioribus. Huius inuenitur species viticulos plurimos dispersens, foliis longioribus, non ita confertim dispositis. Reperi quoque tertiam, fruticosam, viticulis lignosis, densissimis foliolis oblongiusculis, breuib; tamen, strictisq; eleganter in extremitatibus obuestitam.

*Helxine sylvestris* seu *fluuialis*, aut riualis, satiuæ *Helxines*, nobis *Parietariæ* appellatæ folia obtinens, riuis & vlginibus gaudens, locis opaciorib; frequens circa *Stolbergā* ac *Ilfeldam*. Prouenit etiā ad putridos arborum truncos. Duplex vero est: Maior nempe & minor, ac vtraq; radicibus nititur geniculatis, villosis, terram perreptantibus, & ex geniculis suis nouas frequenter plantulas protrudentibus: caulibus etiam vtraq; donatur geniculatis, leuib; non semper rectis, sed vt plurimum distortis. Maior caules exerit bipalmes, tenui pube obuestitos. calami frumentacei crassitie, virides, ex quorum singulis geniculis bina prodeunt folia, sibi inuicem ad latera pediculis

pediculis ferme palmarib. ad caulem teretibus, deinde verò imbricatis opposita, maiora, orbiculata aliquantum, sed deinde in acuminatum mucronem oblongius excreſcētia, parte superiore viridia, inferiore plumbea, mollia. Floſculos in ſummitate cauliculorū exhibet in ſingularib. breuiibuſq; pediculiſ racematim diſpoſitos, paruos, ex cādido leniter ſubrubētes, ad ſimiles cuiuſdam Alſines minoris ſpeciei floſculis. Iſs decidentibus, protuberat capitulum rotundum, hiſpidum, ſeminibus paruis, nigris, ſplendētibuſq; turgidum, quæ prorſus Hēlxines ſatiuæ ſemina imitantur, iſſque paulo ſunt mīnora. Minor ſpecies huic magnitudine cedit per omnia. Sapor vtriq; eſt ſubdulcis, multum humectans.

*Herba Paris, Vna lupina, Solanum* τετράφυλλον, paſſim locis opacis, folijs quatuor. Reperi tamen plantam hanc potiffimum circa Stolbergam, folijs ſenis præditam, non ſemel.

*Hedera terreſtris herbarijs communiter appellata*, paſſim multis in locis. Duplex autem eſt, maior cōmunis ſeplarijſ, & minor priore elegātior, coliculis crectioribus, breuioribus tamen, folijs breuioribus, florib. magis cæruleis: Hæcq; iuxta arbores potiffimum antiquas, cauas ac putridas, locis paulo humectioribus reperitur.

*Hedera ſpecies ſecunda, ſeu Nigra, ſive Dionyſia, aut Corymbifera.*

*Hedera ſpecies tertia, Hēlix vocata*, tam arbores conſcendens, quam in antiquis muris ac ſaxis direptans. Vbiuis ferè.

*Helianthemum Cordi*, paſſim.

*Hippolapathum ſylueſtre, Hydrolapathum*, maximum rumicis genus, folio grandi, ſeſquidodrantalis ferme longitudinis. In ſoſſis humidiorib.

*Hieracium maius ſive Sonchites.*

*Hieracij minoris ſpecies*, Broccenbergo peculiaris (niſi Cichorijs eam aliquis malit annumerare) quæ dodrāntalis vt plurimum plantula eſt, radice nigra, fibroſa: folia diſpergens circa radi-



cem plura, oblonga, acuminata, palmari longitudine, sesquialteri ferè latitudine, sufflauescentia, hispida: quorum maiora in exiguas lacinias dirimuntur, nō tamen in ipsum folij medium vsq; dissecantur, reliqua prorsus parte integra, & exiguas interdum spinularum in modum in extremitatib. suis appendiculas ostendentia. Caulicūlos ex vna radice depromit plures, dodrantes maxima ex parte, raro altiores, teretes, hispidos, simplices, quandoq; etiam brachiatos, in quorum summo flos luteus cōstituitur eiusmodi, qualis esse solet plātæ Dentis Leonis nomine vocatæ, qui deinde in papum resolvitur. Succo lacteo rota plantula oppleta est.

*Horminum sylvestre maius, Sclarea sylvestris*, flore cæruleo, circa loca habitata & agros. Flore etiam nonnunquam candido, sed rarius, sicuti & rubicundo.

*Horminum tenuifolium*, florum spica Hormino consimile. Hactenus integrā videre non licuit. Afferebatur verò ante biennium ex prato quodam non procul à Styga præfectura Comitum Reinsteiniensium. Eius caules sesquidodrantes, quadrati, recti, nonnihil rubentes, & geniculis per longiora interualla interstincti: ex quibus ipsis appendebantur foliola oblonga, acuminata, angusta, erythrodani sylvestris longiora: ex quorum alis brachiola parua, quadrata & ipsa, geniculata profiliebant, folijs minoribus ac strictioribus: in summo consistebat spica trientalis, geniculata, ex oblongis caliculis Hormini similibus flores exerens cæruleos, similes floribus vrticæ foetidæ, odore aliquo Hormini: semina eius quatuor simul cohærebant vno conceptaculo comprehensa, Hormini seminibus (quantum ex rudimento ipsorum conijciebam) non absimilia.

## I.

**I** Ξύγγυλον, Hesperis quorundam. Vbiuis in Hircynia frequens, locis aridis. Huius tres sunt species. Prior, quam Ξύγγυλον rubrum appello, propter florū colorem, radicem offert multifidam, lignosam, fibrosam & agminatim sæpe sibi coherentem, in cuius summo supra terram dispergit folia oblonga, palmaria ferè, strictiora tamen aliquantulum, acuminata, inter scabrum & læve medio modo se habentia, ex viridi nigricantia: caules protendit plures, quandoque singulares, teretes, striatos, cauos, geniculis, post longiora tamen interualla interuentos (ex quibus semper bina prodeunt folia) cubitales, procerioresq; ac subrubentes, præsertim superiore parte, qua èt cœlo præcipue sudo, ac sole calente, viscosum adeoque lentum succum sibi adhærentem habent. (Inde nescio qui Viscaginis nomen huic confixerunt; sicuti Hircynici propterea Bechblumen hanc stirpem dicunt) vt sæpissime muscæ parvæ, culices ac formicæ ei non aliter atq; aues visco implicentur. Circa caulium summitatem, sicut & in summo fastigio eorum, flores prosiliunt fasciculatim sibi coherentes, rubri, ex singulis pediculis singuli, similes illius sativæ Lychnidis speciei, quam Oculum Christi nuncupant, sed minores.

Altera huic consimilis frequentissima est passim in pratis, caulibus sesquicubitalibus, striatis, leuioribus, viscoso succo prorsus destitutis, geniculatis: folijs binis ex singulis geniculis prodeuntibus, oblongioribus, candidioribus: floribus ex vtriculis breuib. exertis, rubicundis, laciniatis. Sunt qui Odontin Plinij hanc esse velint, sed non omnes notæ respondent.

Tertia, quam Ξύγγυλον album voco, coliculos profert paulo minores, maiori sæpe, quā prima, visciditate oblitos: folia itē



minora, sed asperiora: florem candidum, laciniatum. Semina, ut & prior, in vasculis vesicarum instar continet oblongis, flauentibus, rotundis in medio ambitu, sed in acuminatum mucronem in summo deurgentibus, quæ seminibus maturis dehiscunt. Sunt qui hanc speciem Ocymoides album faciunt. Harcynici vocant *weisse Bechblumen*. Angli procul dubio hanc, vel non multum absimilem plantulam Muscipulæ seu Viscariæ prioris nomine describunt. Non autem hic delineo illam consimilem, cuius infra sub nomine Polemonij mentionem faciam.

*Iberis, seu Cardamantice Nasturtij* folio duplex: altera folijs candidulis aut subrubentibus, vulgo flos Cuculi; in viginosis pratis: altera folijs oblongioribus, floribus luteis, locis proueniens humectis ac squallentioribus circa vrbes, pagos ac villas.

*Iuncus levis aquaticus maximus*, prima species apud Dodonæum: ὁλόχοιν.

*Iuncus levis vulgaris*, secunda species apud Dodonæum: χοῖν.

*Iuncus λυχάνθημ*, Stylos continet erectos, in summo apice spicatum florem proferentes, cuius ratione quasi Candelæ ardentis figuram exprimit. Species huius potissimum tres obseruaui. Maior thyrsulos seu stylos profert maiores, crassioresq; calami triticei ferè figura, leues, spicato apice, suffuluo, (qui florum vicem explet) duarum vnciarum, quiq; ex paleaceis festucis squammatim compactus apparet. Media species stylos continet multo tenuiores, teretesq; sed non ita perpendiculari rectitudine se sustollentes, palmo longiores, breuem & vix vncialem spadicei ferme coloris spicam exhibentes. Hæc poterit dici Iuncus λυχάνθημ tenuis maior. Estque Broccenbergo familiaris. Tertia, quam Lychnanthemum tenuè nomino, plures ex radice fibrosa emittit iunceos stylos, breues, digitales, spica perpusilla, spadicescenteque in apice.

apice exornatos. Et hæc nusquam mihi quam in Broccen-  
bergo est visa.

*Iris tenuifolia*, locis montanis & humectioribus, vff der Langen.

*Intybaceorum* seu Cichoreacorum genera plura diuersissimaq;  
offeruntur, quorum quædam Hærcyniæ fortassis peculiaria  
erunt, quædam passim & alijs hinc inde per Germaniam no-  
stram satis vulgaria: vt mirer inter tot præclaros, & de Stirpũ  
historia optimè meritos viros neminem hæctenus extitisse,  
qui eorum saltem aliquot præcipuas differentias, luculenti-  
tioribus descriptionibus donatas, rei herbariæ studiosis, pia-  
quæ posteritati notas fecisset. Quãuis autem difficile admo-  
dum & laboriosum sit, tam diuersas vnius generis, eidemq;  
aliquibus notis consimilium aliorum generum stirpes, qua-  
rum pleræque à nemine hæctenus pertractatæ fuerunt, qui-  
busque nulla certa nomina in hoc vsq; tempus extiterunt,  
dextre describere, ac recensere: tamen, cum, doctissime Ca-  
merari, tuæ expectationi libentissime aliquo modo satisfac-  
cere velim, annitar quantum potero, ne aliquam harum stir-  
pium speciem, quam in Hærcynia istiusmodi generis esse cog-  
nouï, præteream. Quod si interim nomina quædam antea  
inaudita fingenda mihi fuerint, quo singulorum sufficientem  
mentionem faciam, dabis mihi pro candore tuo super isto  
τῷ πολήματι dignam veniam. Omnia autem illa iudicio tuo,  
tanquam viro industrio, & in re herbaria versatissimo, subij-  
cio. Verum iam tandem ad herbarum intybacearum variam  
& laboriosam enumerationem descendo, cui aliquas forte  
species non frustra Chondrillacearum plantarum, quarum  
supra memini, annumerari posse, minime ambigo.

*Intybus sylvestris*, seu *Cichorium sylvestre*: Reperitur hoc flore vel  
cæruleo vel luteo: Illud passim secus vias circa loca culta fa-  
miliare est, & duplicis differentiæ: Altera constat folio pror-  
sus integro, vnciarum duarum quandoq; latitudine: altera in

H 3;

lacinias



laciniis disrupto. Istius generis species, rarius tamē, aliquādo flore cādido sese offert, vt ad Harcyniā circa Vuernigerodā. Species vero, cui flores sunt lutei, passim in tota fermē Harcynia vulgaris est, potissimū locis pratensib. radicib. cōstans fibrosis, minorib. lignosiorib. & inutilioribus: caulib. brachiatis, bicubitalib. & quandoq; p̄eriorib. striatis, asperis: folijs paulo asperiorib. & longiorib. quā cuius est cæruleus. Licet & in hoc genere duplicē differentiā animaduertere; alia folijs constat integris, alia diuisis. Illa cui integra sunt folia, rursus foliorū ratione subdiuiditur. Primā constat caulib. terebibus, striatis, spinosis, asperisq; frequentib. alis interceptis, candida medulla intus infaētis, folijs oblōgis palmarib. triū ferē vnciarum latitudine, admodum hirsutis & asperis adeo, vt non pilis, sed spinulis frequentib. durioribusq; horreant, pungantq;. Nascitur potissimum locis asperis & apricis secus vias. Secūda folia obtinet palmaria ferē, aspera parte inferiori, glabra superiori, nisi quod ibi in ambitu exasperētur. Tertia minores cōtinet cauliculos, & folia minora, digitalē longitudinem non multum excedentia, aspera tamen. Occurrit & quarta, caulib. proceris, brachiatis, striatis, cauis, crassis, folijs palmaribus, duarum quandoq; vnciarum fermē latitudine, in ambitu profundiorib. circumrosionibus frequēter diuisa, ad similitudinē foliorū plantæ illius, quam Dentem leonis vocant. Porro flores hisce cichorij integrifolij speciebus sunt, vt & plerisq; subsequentib. lutei in summis caulium & brachiorū cacuminib. constituti, plures, quorum singuli suffulciuntur singularib. suis pediculis, cōsimiles chondrillacearum stirpium floribus, & in pappos deniq; degenerantes.

*Intybus πλατύφυλλος* Harcynica. Quibusdā locis Harcyniæ reperitur & veluti eidem syluæ tantūmodo peculiaris videtur. An alibi quoq; oriatur, nescio. Procere admodum assurgit caule prope radicē multifidam & dense fibratam, nigrioremq; digitali

gitali crassitie, cauo, frequēter striato, & per certa interualla cōtinuo ordine folia adnata habente, quæ oblōgo & carinato neruo alicuius pediculi instar ad latera veluti membranulas expansas continet, quæ deinde post palmare ferē spacium semel solūmodo vtrinq; itidem ad latera in oblōgas lacinias dirimūtur, reliquo deinceps corpore existente prorsus cōtinuo, sescūtiali latitudine, explicato & demū in acutū mucronē ptenso, ac in ambitu veluti exiguorū aculeorū rudimētis decorato. Referuntq; folia hæc imaginem aliquā Sonchi læuis, & sunt tota mollia, læuia, subnigricantia. Flores profert in summitate caulis in oblōgo scapo frequēti ordine se subsequentes, plurimos, singularib. pediculis nixos, cæruleos, qui mox in pappos postea resoluūtur. Reperitur & hoc genus interdū flore prorsus cādido, sed hoc infrequētius, eiusq; folia in plures lacinias, quam prior, discinduntur. Copiosa est ad Broccenbergum, & in montibus vicinis, vt & in principatu Grubenhagico, montibus nimirum humidioribus.

Sequuntur nunc alia intybi lutei, Hircyniæ (sicut & alijs plerisq; sylvis) familiaria genera ac differentia.

I. *Intybi quedam species*, in hoc genere maior, caule procero, bicubitali ferme, striato, cauo, splendenteq; quē mox atq; à radice profilit, in cacumē vsq; per certa interualla cōscendunt folia oblonga, frequentia, medio tenus duas quodammodo vncias lata, acuminata, leuia, splendentia, ac in ambitu adnatis quibusdam veluti spinulis donata, carnosā, nigricantiaq; vbi vero in summo caulis in brachia dirimitur, in singulo pediculo singuli flores emicant lutei, Chondrillæ similiore, quam Cichorio luteo syluestri paulo ab hinc posito. Gaudet locis apricis & cædis.

II. Eiusdē minor species, caulicūlo rotūdō, tenuiori, folijs breviorib. itidē nō dissectis, vncias duas lōgis, vnā latis, in ambitu ēt adnatis tenuib. spinularum instar exornatis. In Ericetis hanc animaduerrere licet.

III. Eius-



- III. Eiusdem quasi generis crebro alia se offert, cauliculis tere-  
tioribus, breuioribus; rectis vt plurimum, sæpe etiã brachia-  
tis: folijs minoribus, oblōgioribus, strictioribus, nigricanti-  
oribus, carnosiss, læuibus, quæ frequentius caules amplexan-  
tur quam in prædictis duabus. Ericetis & hæc communis est.
- IIII. Porro in aliam huic generi aliquo modo confinem incide-  
re sæpenumero contingit, quæ simpliciore cubitaliq; colicu-  
lo, tenui, tereti striato, subasperoq; profilit, cui iuxta radicẽ  
tria quatuorue folia oblonga, nērij ferme figura, sed breuiora  
appenduntur, quæ inferius sunt asperiora, superius vero læui-  
ora, pluribus exiguis in ambitu spinulis ijsq; euidenter pun-  
gentib. post quæ per reliquum caulis alia subsequuntur, hisce  
minora, vnciamq; non admodum excedentia, sed magis in a-  
cutum mucronem prominentia. Flores profert in summita-  
te coliculi, vbi is in aliquot petiolos dirimitur, singulares, lu-  
teos, cichorij lutei paulo minores.
- V. Intubi in super alia species maior creberrimè passim conspi-  
citur, & ipsa huic generi fortasse non temere annumeranda:  
quamuis aliquis Pilosellæ speciem eam esse contendere pos-  
set, omnes plantas folijs pilosa lanugine præditas Pilosellarũ  
nomine recensens. Radix huic est multifida, fibris candidis  
frequentibus plena, caulis rotundus, striatus, pilosus. Veris  
initio prodiēs folia in terræ superficie exerit quatuor, quinq;  
vel sex, mollia, orbiculata, vnius duarumue vnciarũ, pilosa,  
potissimum in ambitu & parte inferiore. Postea planta cau-  
lescente superadduntur in oblongiorib. pediculis folia ma-  
iora multo, digitali longitudine, triumq; in medio latitudi-  
ne, viridia, carnosissima, asperiora prioribus, maxime in dorso, mi-  
nusq; paulo hispida, & quandoq; omni lanugine prorsus de-  
stituta, in ambitu angulos plures obtinentia, ad quorum ex-  
trema aculeorum paruorum in modum acuti apiculi destitu-  
untur. Caulis vero per reliquam seriem folijs itidem istius-  
modi

modi sed paucioribus exornatur: estq; cubitalis proceriorq;, rectus, striatus, hispidus, qui circa summum cacumen in aliquot brachiola diuiditur, quorum singulis singuli producuntur flores lutei, pappacei, Cichorio luteo minores.

VI. Cognata huic rursus alia occurrit passim frequens, radice breui, fibrosa, caule cubitali ac proceriore, sæpe bicubitali, recto, tereti, striato, piloso, aspero, mediocriter crasso, prope radicem rubente, cauo, singulari ut plurimum, quandoq; circa summum fastigium in brachia digesto: Folia caulem ambiunt frequentia, continuo ordine se inuicem subsequentia, carnosa, vnciarum duarum latitudine, trium quatuorue longitudine (quo tamen radice propinquiora sunt, eo hanc longitudinem magis excedunt) acuminata, nigricantia, læuia, superiore potissimum parte, inferiore cinerea parumq; pilosa, appendiculis quibusdam oblongiusculis, spinulas æmulantibus, in ambitu exornata. Flos est Cichorij sylvestris, luteus. Sapore donatur parum amaro, euidentius vero astringente. Gaudet Ericetis ac locis apricis.

VII. Iamdictæ media species non raro reperitur locis apricis, caule cubitali, non ita recto, sed magis distorto, brachiato, folijs paucioribus, strictioribus, longioribusq;, vnciali latitudine, quatuor vero quinumue vnciarum longitudine, adnatos habentibus in ambitu, veluti exiguos aculeos, paucosq;, flore Cichorij lutei sylvestris papposo.

VIII. Minor dupliciter differt. Prima caule assurgit sesquipedali, tenui, tereti, non semper recto, aspero, hirsuto: folijs ab ima radice ad summum vsque cacumen circumdato frequentibus, strictioribus adhuc quam iamdictæ, oleæ folia, nisi quod ijs multo sint minora, imitantibus, trium prope radicem vnciarum longitudine, sesquientiali latitudine, quæ quo magis in caulis verticem contendunt, eo breuiora redduntur, carnosius, nigricantibus ac læuib; parte superna, inferna pilosis &



candicantibus, in ambitu nihil neq; spinularū neq; sinuum continentib. Fastigiū caulis in aliquot brachiola diducitur, quib. flores lutei, Chondrillacei continentur. Sapor huic est astringens. Altera species paulo breuior, cauliculo exurgit lignosiore, rubente, distorto, in brachia discreto, foliis prope radicem vnciali latitudine, trium vero longitudine, mucronatis, quæ postea per reliquum caulis alia frequentiora cōsequuntur ipsum densa acie ambientia, semunciali vix latitudine, duarum autem longitudine, licet & hæc eò minora, subinde reddātur, quo magis caulis fastigio appropinquauerint. Hoc discriminis aut folia hæc potissimum habent, q̄ nō adeo exactā oleæ foliorū figurā exhibeant, vt præcedentis plantæ, sed quosdam veluti sinus incuruos in ambitu sibi impressos habeant. Ericetis potissimum delectatur.

IX. *Intybus ἀφύλλος* ♂. Radice constat parua, nigra, quam circumambiunt radiculae renuiores, plures, oblōgiore, incuruæ ac luteæ. Folia circa radicē emergūt plura, nouē videlicet, decē aut duodecim, quicūciali ferme lōgitudine, fescūcialiq; latitudine, viridia, aspera, explicata, obtusius acuminata, ex quorū medio caulis progreditur cubitalis, singularis, calami frumentacci crassitudine, rectus, striatus, intrinsecus cauus, foris asper folijs prorsus destitutus, in cuius cacumine veluti in densiori spica agminatim plurimi parui flores lutei sustolluntur, singuli pediculis breuib. singularibus innitentes, Chondrillarum specie, qui postea in pappos dehiscunt. Loca expetit aprica ac cædua circa Gerenrodā maxime.

X. *Intybus ἀφύλλος* ♂ minor. Radix est illi oblōgiuscula, mediocris, folia in superficie terræ octona, nouena, denaue, fescūcialia lōgitudine, latitudine vncialia, orbiculata ferè, aspera, ex quorū medio exurgit caulis rectus, striatus, teres, in summo singularib. pediculis paucos cōtinens orbiculatos flores luteos, papposos. Locis apricis & cæduis potissimū reperitur, maxime circa Gerenrodā.

XI. *Inty-*

- XI.** *Intybus nigrifolius, lanuginosus.* Hanc stirpem libenter cum præcedenti ἀφύλλοκαύλω minore, verbasci generib. ascriberem, nominaremq; Verbasci *παραάνθεμον*, nisi succus lacteus, quo vtraq; cōtra Verbascorum naturā turgēt, suaderet, vt potius intybaceorum generib. adiungerem. Radix ei est nigra, multifida: nō profunda: folia in eius superficie emittuntur in oblongioribus & canaliculatis pediculis sescuntiali longitudine, vnciali latitudine, paralyseos foliis similia, sed minora, nigra superius, inferius cana lanugine obducta, quali tergū foliorum populi albæ. Folia autem caulis, quamuis numerosa non sint, longiora sunt, trium vnciarū & quandoq; amplius, strictiora vero, semūcialis latitudinis, quorum ambitus versus dorsum retorquetur. Caulis ei est cubitalis, mediocriter crassus, striatus, niger incana lanugine obuestitus, in cuius summo peculiarib. pediculis parui orbiculati flores, papposiq; continentur, quorum interius capitulum oblongiora foliola instar chrysanthemi florum ambiunt. Locis apricis inuenitur, cædis, ac collibus soli meridiano expositis.
- XII.** *Intybi species alia,* foliis circa radicem nigram & distortam sparsis quinque sex vel septem magnis, in oblongioribus pediculis, quincunciali longitudine, latitudine vero vnciarum duarum, & quandoq; trium, ampliorēue, pilosis, aculeos pauculos in ambitu habentibus: caule tereti, striato, sesquipedali, vix vno atque altero paruo folio prædito, qui tandē in paruos petiolos in summitate diuisus flores producit tres, quatuor vel quinque, aut quandoque plures, luteos, pappaceos, cichorij sylvestris communioris floribus similes.
- XIII.** *Intybus virginibus familiaris.* Radice nititur parua, candidis fibris circumdata, plurimis. Caule assurgit satis crasso, cauo, anguloso, bicubitali sæpe, brachiato, florib. luteis pappaceis, plurimis, qui peculiarib. singuli pediculis insident. Folia à radice prodeunt magna, dodrantalia; triū vnciarum latitu-



dine, laeua, flauentia, mollia, in ambitu leniter excisa, ac aculeis veluti quibusdam paruulis armata. Caulis consimilibus præcingitur foliis, sed pauciorib. In vlginosis Broccenbergi frequens est, & opacis: reperitur & in consimilibus locis circa Stolbergam.

## K.

**K** *Παυρόφυλον*. In aridioribus colliculis & marginibus æstate frequens: radícula furcata, breuī, candida, ex qua vt plurimum exurgit cauliculus pedalis aut sesquipedalis interdum, singularis, quandoque etiam alios à latere sibi adiunctos habens, tenuis, teres, scaber, rectus, geniculis quibusdam per intervalla multum inter se dissidentibus interceptus. Folia circa radicem numerosa erumpunt & aspera, nigraque, humi procumbentia, quæ ex oblongis pediculis incipientia in orbicularem rotunditatem desinunt, vnciali longitudine & latitudine: ex geniculis cauliculorum strictiora educuntur & oblonga, plura simul iuncta, ex quorum alis subinde prosiliunt noua brachiola, in quorum apicibus exeruntur itidem ex tenuibus geniculis florū corymbi elegantes, qui flosculos paruos, muscosos, virescentes plurimos edūt, singulis suis propriis incumbentes, ijsque admodum exiguis petiolis, quibus tandem emarcescentibus ex caliculo ipsorum prosiliunt rotundiuscula capitula, seminib. nigris exiguis turgentia. Hæc dum scribo, opportune mihi incidit, Anglos hanc plantam aut prorsus congenerem describere, licet imperfectius, nomine Muscipulæ seu Viscariæ alterius. [Sesamoidi maiori Salmantico Clusi] sola magnitudine cedit,

non tamen est minus eiusdem

Sesamoides. ]

## L.

**L** E V C O I lutei syluestris species, folijs circa radicem candidam & lignosam multis longis, dodrantalib. tenuioribus hortensi, asperis, nigris: cauliculis quandoque simplicibus, quandoque pluribus, tenuibus, striatis, bicubitalibus saepe, aliquantulum incuruis, qui quandoque foliosi prorsus reperiuntur, quandoque paucis, exiguis & strictis foliolis praediti: flosculis Leucoij lutei horrensis, paulo tamen minoribus & pallidioribus, siliquis longis, tenuibus. Nascitur collibus apricis, saxosis, aridis ac asperis, plurimum in montibus Gerærodæ vicinis, alijsque meridiei expositis.

*Leucoium bulbosum* Theophrasti seu *Narcissus albus*. Weisshornungs Blumen, seu Schlangen Blumen / passim.

*Leucoium montanum*: In Consteino monte ad Saxuuerfam pagū supra Northusam versus Ilfeldam. Est vero hoc *Thlaspi* paruum *Hieracyfolium* seu *Lunaria lutea* *Monspeliensium* apud Petrum de Pena & Matthiam Lobel.

*Liliago Cordi*, aliquib. pro *Phalangio* habita, cum potius quantū ad extremam faciem, aliquam syluestris *Asphodeli* speciem referat, licet radice bulbosa non constet. Eius radices hodie plurimis locis copiose eruuntur, ac hinc inde pro veri *Rusci* radicibus ὑπὸ τῶν ῥιζοτόμων diuenduntur: vnde multa pharmacopolia non sine insigni errore easdem pro *Rusco* itidem reuendunt, cum tamen vtriusque radicem sapor vniusmodi non sit. Hoc medicos quosdam animaduertere oportebat, nec adeo temere imperitis herbarijs ac pharmacopæis plerisque fidere, & ignotas res cum euidenti damno pro rebus notis & exploratis miseris agris propinare: modo plures essent, quos rei herbariæ ( in qua certe multum, quo ad delectum simplicium praesertim rerū, positum esse ego prorsus ἀναμφισβήτητος ) studio maiore operam diligentioremq̃ ponere,



quam, contra medici dignitatem, poculis cum alijs Epicuri porcis decertare, & scurrarum quandoque in aulis ac apud nobiles sese instar habere minime puderet, pigeretque.

Nascitur vero planta hæc copiose circa Gerenrodā, item inter Vuernigerodam & Elbingerodā. Eius duæ species sunt: altera maior, folio longiore, pauloque latiore, capitulo magis triquetro, in quo semina continentur etiam paulo maiora: altera minor, cui omnes partes sunt minores, strictioraque folia.

*Lyfimachium purpureum primum Dodonai*, species videlicet maior prima in hoc genere: alijs *ἰσίδελος* dicitur, seu Filius ante patrem: flore maiori violaceo purpureo: ad ripas et amnes

*Lyfimachij maioris purpurei secunda species*, caule bicubitali, folijs maioribus, quincunciali ferme longitudine, duarumque latitudine, in ambitu serratis: flosculo paruo, pallidius rubente.

*Lyfimachij huius medium genus*: omnia continet minora, quod & ipsum in aliquot species discernitur: alteri folia sunt vncias duas longa, vnam lata: alteri folia strictiora, vnciarum vortium longitudine: rursus alij flosculi sunt rubicundiores in hisce speciebus, alij ex rubicundo pallidiores, alij rursus prorsus candidi.

*Lyfimachij* autem huius generis in Harcynia speciem quandam hætenus nondum vidi: sed tamen alibi in locis vliginosis syluestribus ac in arundinetis etiam quibusdam non infrequenter: cauliculis scilicet pedalibus, foliolis angustis, oblongis: flosculo sup pallido ex rubro, paruo. Cæterum harum stirpiū aliquot iam sub *Lyfimachiorum* nomine compræhensarum olim Cordus etiam obseruauit, ac differentiis peculiaribus distinxit, appellauitque eas omnes *Neriadia*, ob similitudinē quam habent cum nerij foliis.

Ac præterea huius stirpis generis omnium maxima erit illa

illa planta quam Cordus postea Chamænerium vocauit, cuius superius fecimus mentionem.

*Lyssimachij purpurei* nomine vulgo quibusdam herbarijs existimata planta, quæ est Pseudolyssimachium Dodonæi: passim in ripis fluuiorum, locis item montanis, vdis ac pratensibus.

*Lyssimachium luteum*, frequens locis vliginosis.

*Libanotis Theophrasti* altera apud Dodonæum, Matthiolo pro Sefeli Aethiopico habita. vulgo Ceruina maior seu alba. Circa Gerenrodam, Vuernigerodam, item vff der Langen.


*Libanotis alba minor, seu amara*, radice crassa, multifida sæpe, candida, amara: caulibus bicubitalibus interdum, brachiatis, firmis, angulosis: foliis, quæ oblongæ costæ constituunt, amplis, latis, profunde crenatis seu dentatis: floribus in densa umbella candidis, odoratis. Poterit hæc quoque in suas species distribui: nam altera latioribus est foliis, profundius dentatis: altera contractionibus & frequentius succinctiusque incisilis. Radix resinoso succo turgens, thus spirat, flauescit ac amara est. Cum hac plerisque notis congruit descriptio Dauci angulosi, apud Cordum, cuius tamen radice sapor acris est, non amarus. Libanotidem vero hanc amaram eodem nomine Cordus descripsit in illo τῷ ἀντοξείῳ cuius paulo ab hinc superius mentionem feci.

*Libanotis nigra*, communiter Ceruaria nigra, quod ei radix sit nigrior, quæ saporis est non amari vt prior, sed acris. Copiose circa Gerenrodam, Ilfeldam, Vuernigerodam, vff der Langen. Est vero secundum Dauci genus apud Tragum.

*Libanotis* *ναρθηκοειδής*, *Libanotis Ferulacea tenuifolia maior*, Elegās est plāta, radice cōstans digitali, eiusdēq; ferè crassitie, nigra forinsecus, succo resinoso prædita, odorata & acri, circa summū nigris capillamētis obsita, vbi aliquot dodrantales emergunt costæ, foliis tenuib; strictis, plurimis exornatæ, ferulaceis seu foeniculaceis, ijs tamē breuiorib; Caulis è medio exurgit sesquipedā-



quipèdalis, in cuius summo conuexa umbella circa autumnum erumpit, odorata, flosculis candidis plena. Hæc vero species rarius reperitur. Minor frequentius: radice consimili minori, costis multo breuioribus, sicuti & folijs & caulibus. Aestate media prorumpit flores suos circa autumnum exhibens. Vtraque collibus apricis, arboribus destitutis, & solo firmiore gaudet.

*Λινόκχα*  Plantula elegans, radice tenui, admodum exigua, inutili, lignosa, candida: ex qua emergunt innumeri sæpe coliculi, tenues, splendentes, teretes, læues, dodrantes, raro altiores, quibus semper per certa interualla adduntur bina foliola, quæ prope radicem rotunda sunt & parua, magnitudine lentis vulgaris: reliqua deinde ad summum vsque coliculi longiora sunt, lenticulæ ferè foliis similia, viridia, læuia ac splendentia. Coliculus in summo in tenuissimos, paucos pediculos diuiditur, in quorū singulis flosculus exiguus lacteus emicat, quem decidentem sequitur capitulum paruum lini simile, sed triplo aut quadruplo minus. Vnde cum alio nomine plantula hæc mihi innotescere non potuerit, linocarpum eam dicendam iudicaui. Reperitur frequens in colliculis aridioribus locis opacis, & arborib. carentibus inter gramina. [Linum sylvestre exiguum, in hortorum areolis sæpe prorumpens.]

*Lamfana Dodonæi duplex*: aut foliis prorsus integris: aut in lacias aliquot dissectis.

*Lonchitis aspera*, copiosissime circa Andersbergum urbem metallicam, & in comitatu Honsteinensi: item circa Broccenbergum: vbi etiam loco prorsus Septentrionali in umbrosa valle ac vliginosa gignitur.

*Linaria communis*, vbiuis.

*Linaria montana seu syluatica*. Planta hæc locis montanis, apricis, ac meridici expositis maxime conspicitur, lino foliis assimilis,

lis, paulo angustioribus, ex viridi flavescentibus. Cauliculos erigit rectos, tenues, striatos, qui inter foliorum alas non solum in cacumine, verum etiam multo quandoque inferius brachia exerunt multis tenuib. pediculis abundātia, in quorum singulo flosculus apparet exiguus, candidus, quem percurrentem sequitur flavescent capitulum rotundum, lini capitulo pene assimile, sed longe minus.

*Ligustrum*, *Phillyra Dodonæi*, *Cyprus Matthioli*, circa Gerenrodam & Vuernigerodam.

*Lilium conuallium*, passim.

*Lenticula aquatica*, in fossis stagnantib. & palustrib.

*Lichen*, *Hepatica officinarum*: ad saxa fonticulorum & alias locis humectis.

*Lichenis aliud genus*, *έρύον* seu *σπάγγον* *Dodonæi* Tom. I. cuius varietatē differentiæ passim cernuntur, exq; aut humi natæ, aut saxi adhærescentes, aut truncis arborum putridis adnatæ, nonnunquam & in Ericetis prodeuntes: quas omnes sigillatim describere operosum admodum esset atq; difficilimum. Potissimum vero in illis hæc discrimina obseruare licet, vt alijs sint folia latiora, alijs tenuiora, potius veluti capillamenta, miro ac eleganti naturæ lusu inuicem sibi implexa, intortaque. Color item alijs est nigricantior, alijs flauentior, alijs cinereus magis, alijs candidulus, alijs nonnihil ex nigro subrubens. Circa Andersbergum in arboribus, quæ ventorum sæuitia deiectæ tandem diuturnitate temporis semiputruerunt, reperitur huius generis species, non admodum sibi implexa, nec late explicata: sed singularibus tanquam oblōgiis, duarum nempe vnciarum, tubulis candidis constans, erectis, in quorum summitate protuberat capitulum, minij vt plurimum coloris, nonnunquam etiam atrii.

*Lagopus vulgaris*, passim circa loca culta, in aruis.



*Lathyrus sylvestris floribus luteis*: passim locis caeduis ac pratensibus.

*Lathyrus sylvestris maior seu purpureus*, caulibus quadratis, praeumbentibus in membranosam latitudinē, (vt Dodonæus de suo *Lathyro sylvestri* inquit) diductis, vicinisq; arbutis ac vepribus sese implicantibus. foliis Dodonæi maioribus ac longioribus, trium vnciarum nimirum; ac fescuntiam latis: flore maiori, punicante, siliqua longiore. Nascitur viui radice profunde demissa, longaq; inter arbuta & vepres.

*Lunaria minor botrytis*, circa Stolbergam.

*Lunaria botrytis* πολύφυλλος. Hanc ante aliquot annos copiosam in montium quorūdam iugis summis circa Andersbergum reperi initio veris, iam sub niuibus, Fauoniorum flatibus colliscescentibus prorumpentem, radiculis paucis, multifidis, tenuibus ac luteis: coliculo primum rotundiore; luteo, palmari ferè, in brachia diducto, quæ gemino latere iterum brachiatā, vtrinq; folia lunata, flaua, securicularum instar continent, sed breuiora quam in priori: deinde alium prope radicem coliculum exurgere obseruaui, (& forte plures prodeunt inde) eodem modo foliatum & brachiatum. Medio loco inter hos coliculos thyrsulus exoritur racemosus.

*Lunaria Græca, Viola latifolia*, siliquis non orbiculari ambitu circumscriptis, sed oblongioribus. Circa Stolbergam & Vualkenridam monasterium. [Perenni est radice & floribus albicantibus, odoratis.]

*Lithospermum virgatum*, viticulis suis humi repens & in caulem procerum non assurgens, floribus in cæruleo eleganter purpurescentibus. maioribusq; foliis longioribus & strictioribus. Circa Ilfeldam.

*Lithospermum alterū* fruticosum in Harcyniæ vicinis quidē montibus non infrequens est versus meridiem sitis: In ipsis vero Harcynicis nondum vidi.

*Lactuca*

*Lactuca sylvestris* Cordi ac Tragi.

*Lactuca sylvestris* ἐγὺς ἀράβου. Planta hæc est procera, bicubitalis & quandoq; amplior, caulibus teretibus, læuibus: folijs consimilibus ferè Italico Behen rubro, sed multo longiorib. (utpote dodrantalibus sæpe) ac latioribus etiam, nō scabris, sed leuibus ac angulos veluti quosdam habentibus, parte superiori ex flauo nigricantiorib. inferiore vero plumbeis ac aliquomodo cum Perfoliatæ sylvestris foliis conferendis. Flores sunt iidem qui Behen dicto, punicantes videlicet ex caliculo oblongo angustioris calathi figuram referente, ex foliis constantes tribus, recuruis, ac in extremis oris laciniatis, ex quorum medio eriguntur tria oblonga staminula rubentia, parte superiori flauo puluisculo oblita. Floribus hisce in pappos abeuntib. apparent semina oblonga, chondrillacea, subalbida. Radice sustentatur crassa, nodosa, circūdata multis propendentib. oblongis ac mediocriter crassis (teneriorū radicularū instar) adnatis. Plāta tota lactea est, sapore moderate dulci, tādē ad aliquam amaritudinē leniter declinante, quā subsequuntur postremo astrictio atq; exiccatio. Monte quodam prope Stolbergam (iugum Harcynicū vocāt, die *Harzschöhe*) copiosa est. Vidi eandem crebram mōtes Semanæ syluæ in principatu Hennebergensi producere.

*Lilium purpureum sylvestre*, falso pro Asphodelo habitum. *Goldwurzel* passim.

## M.

**M**OLLIGO montana Dodonæo dicta libro de purgantibus, quæ plāta est de genere rubiarum sylvestrium, Alysson Plinij à quibusdam existimata: caulibus multis, cubitalibus, & sæpe maiorib. ramosis, teretib. procumbentib. viriginis, geniculatis, ex singulo geniculo foliis erūpentib. oblō-



gis, angustis, glabris, subnigricantibus, cauliculos & ramulos radiorum stellatorum in modum ambientibus: floribus in singulis pediculis candidis, paruis, inodoris. Radix ei (vt Dodonæus in sua planta requirit) parum nigricat, quin potius ex flauo rubet.

*Malua sylvestris pumila*, foliis rotundiorib.

Eadem, foliis latiorib. prope Vuernigerodam, solo videlicet pingui.

*Malua sylvestris maior*, folio in ambitu diuiso & sinuato.

*Muscus reptilis seu scanilis*, *Beerlappen*. In Broccenbergo & locis vicinis: item in montib. quibusdam circa Aurbergum non procul à Stolberga.

*Marrubium montanum alterum*, Stachys Dodonæi, caule quadrato, cubitali, lanuginoso: foliis inferioribus quincuncialibus, trium vnciarum longitudine, incanis, quib. quæ in summum vsq; caulis conscendunt minora sunt: florib. verticillatis, rubris, circa Gerenrodam. Hanc Marrubij montani secundam speciem statuo. Ea autem quæ prima eius generis est, montib. asperis ac meridionalib. gaudens, caule tricubitali sæpe, foliis longiorib. sed nō ita latis, hæcenus in Harcyniæ montib. mihi visâ non est.

*Marrubium nigrum*, *Ballotis asimile*: alterum foliis paulo maiorib. alterum minorib.

*Marrubium aquaticum*, Matthiolo Sideritis prima, passim in aquosis.

*Marrubium χαμαίρις*, Planta ex Marrubiorum genere in aruis præcipue quiescentib. aut alias demessis frequens: caulibus ex vna radice pluribus exurgens, palmarib. ferè, quadratis, in terram reclinatis: foliis semper geminis caulem amplexantibus, fescuntialibus circa terram, alias vncialibus, rotundis, in ambitu profundius incis, similibus  
ferè

ferè folijs Geranij fecundi seu pedis columbini: floribus purpureis Ballotes, quæ primū in verticillorū osculis instar parvulorum capitulorum conuoluta emicant, deinde explicata oblōginſcule exeruntur, veluti Ballotes flores: odore aliquo marrubij. [Ballote crispa Lugdunensium.

*Myrrhis Broccenbergenſis*, radice crassa, profunda, nigra: caule sesquicubitali, cauo, hirsuto, quem folia nigriora palmari ferè pediculo, coque imbricato amplexantur membranea veluti vagina, similia Myrrhidis Italicae seu Apicalicuius multū incisi: ē membranearum autem vaginarum medio, exoritur subinde alius eodem modo foliosus pediculus, qui tandem ubi folia ei esse incipiunt, aliam peculiarem vaginulam protrudit, ex qua deinceps prorumpit densa, orbiculataq; umbella, duas vncias non multum excedens, conferta exiguis flosculis candidis, muscosisq;. Semina mihi visa nondū sunt. Loco vliginoso fruitur.

*Myriophylli species coliculis fluitantibus, imbecillis, longis*: folijs plurimis ab radice vsque in cacumen donatis, strictis, oblongiusculis, teneribus, capillamentorum instar, squallidioribus, flore candido, ranunculi. In piscinis.

*Millefolium*: passim.

Μονόφυλλον, vnifolium. Passim. Illud autē quod baccas profert, ultra vnus anni ætatem est, & duobus constat folijs. Alterum vnico, prioris anni plantula. Simul tamen vtrunq; reperitur eadem radice natum.

*Mercurialis mas sylvestris*, Cynocrambe, in syluis opacis.

*Mercurialis sylvestris femina*: Raro, locis opacis.

*Matrisyluia vulgaris*, Waldmeister! Asperula Dodonæae Rubia syluatica aspera Gesneri: passim.

*Malus sylvestris*.

*Muscus arboreus ac Saxorum*, multiplici differentia, quæ magis assidua ac præſenti inspectione animaduerti, quàm descriptio-



nibus tradi possunt. Omnium ferme color viridis est, quibusdam fuscior, nonnullis flavescent, alijs subrubeus. Vnicum autem musci arborei genus præcæteris elegans alibi hætenus quam in Harcynia non conspexi. Hybernis temporibus reperitur maxime vegetum, ut & veris initio, late obductum Fagorum plerunque corticibus, et denso cespite constans. Folia eius vulgari arboreo musco longe sunt tenuiora, elegantiora, Corallina nonnihil æmula, tota spadicea, eleganter crispata, & mire sibi inuicem implexa, odorata etiam. Hunc autem muscum in tota Harcynia alibi non observaui, quam circa Stolbergam & Ilfeldam. In Broccēbergi præterea iugo musci candida in vliginibus species nascitur, capillaceam quandam veluti substantiam foliorum loco habens, eamque suis pediculis dense circumuolutam, capitulum continens pusillum, cymbali versus superiora patentis figura, coloris spadicea.

*Moschatella Cordi.* Andersbergi ad fonticulorum scaturigines quasdam. Item Stolbergæ in prato quodam Hainfeldico.

*Myrtus tenuifolia.* Copiose reperitur in vligine illa, ultra Andersbergum urbem Broccenbergum montem versus, quam nominant den roten Bruch/ hoc est Vliginem rubeam, quod totus ille vliginosus tractus sub radicibus Broccenbergi, & vicinorum montium rubro musco plenus sit, qua videlicet ex Andersbergo via patet Goslariam versus. Fruticulus est lignosus, palmaris, viticulis multis, incuruis: folijs oblongiusculis, vncialibus, myrti folijs angustioribus, quorum extrema plerunque in tergum cōtorquentur. In exiguis recuruis pediculis profert circa autumnum flosculos paruos, rubicundiusculos ex albo. Fructum nunquam adipisci potui: cumque sero admodum floreat, eo aut loco, ubi nascitur, hyems citius, quam alibi, incipiat, citius etiam grandiores ibi niues cadant, opinor raro eius maturos fructus haberi posse. Cognatum forte quid cum hoc  
habet

habet fruticulus ille exiguus Cordi, folijs myrtinis, quem in sua sylua obseruationum describit, pag. 221. a. §. 3.

*Myosuron, quorundam Holoftium*: in agris, ad promontoria Harcyniæ, non procul à Northufa.

*Melampyron Dodonai*, cuius passim variæ species obseruantur.

Prima caule constat quadrato, late brachiato, folijs in feriori parte maioribus, quatuor vnciarum latitudine, fescuntiali latitudine, acuminatis, lacinijs prorsus carentib. floribus parte inferiori candidis, rictu autem hiantes, (quem veluti ipsi aperti exprimunt, vnde ex vulgari idiomate passim oris vaccini nomine stirps hæc habetur) seu parte superiore, melinis. Secunda itidem constat brachiato caule, folijs acuminatis, integris, vnciali latitudine, trium longitudine: floribus ex albo viridique mistis. Tertia consimilis caulibus & folijs est secundæ, floribus melinis, in summo albescentibus. Quarta paulo præcedente minora habet folia: flores vero ima parte puniceos, superiori melinos. Quinta folijs constat duarum vnciarum longitudine, & aliquid amplius, vnius vnciæ latitudine, in ambitu vt plurimum laciniatis: floribus infima supremaque parte puniceis, media autem candicantibus. Sexta species est angustifolia, caule constans singulari, folijs longiusculis, integris, strictioribus spica florum cæteris minori, floribus parte superiore rubentibus, inferius melinis.

## N.

**N**ASTURTIVM montanum. Duplex est: Maius radice tenui, lignosa, multifida, fibrosa: pediculos in superficie terræ emittens oblongos, numerosos, palmares, plurimis folijs utroque latere sibi correspondentibus exornatos, similib. Nasturtij sativi primum à satiatione prodeuntis, antequam videlicet caule.



caulescat: caulem proferens sesquipedalem, frequenter brachiatum, folijs item in oblongioribus pediculis eodem modo dispositis, sed oblongioribus, acuminatioribus, vncialibus ac incisis, flavescentibus: flores ei sunt plurimi, pauci, quos subsequuntur siliculæ tenues, longuisculæ, semine citrino nasturtij paruoque plenæ. Minor simpliciori nascitur coliculo, folijs autem maioribus prædito, longioribusq; , acuminatis, flore melino: consimilis pene prorsus Iberidi secundæ supra indicatæ, nisi quod folia huic sint leuiora & splendentia. Rarius autem species hæc occurrit.

*Nasturtium hybernium*, Flos S. Barbaræ, Pseudobunias Anglorū, Barbaræa Dodonæi.

*Nasturtium sylvestre*, Thlaspi angustifolium Dodonæi, crebris constans cauliculis, palmaribus & brachiatis: prorsus simile fariuo, nisi minus in omnibus. Locis aridioribus ac squallidioribus circa vrbes, pagos, mœnia ac sæpes.

*Nymphaea lutea*, in piscinis.

*Nymphaea alba*: copiose in piscinis Vualkenridensibus.

*Nummularia*: passim locis humectis.

## O.

**O** L S E N I C H I V M, quibusdam loco Mei habitum; locis humectioribus, sed rarius, vt plurimum tamen vff der Lantzgen.

*Orobanchæ*: in Aurbergo & prope Gerenrodam.

*Orobis Syluaticus vernus*. Planta hæc <sup>παλαγιόκλυτος</sup> est, dodrantalis, pauloque altior, radicibus multifidis, filamentosis: caulibus quadratis, striatis: folijs in costa oppositis, araco latioribus, longioribusque, hederæ ferè corymbiferæ similibus (vnde quandoque Orobis cyssophyllum voco) sed minoribus, tenerioribusque, longitudine, vncias duas excedentibus, latitudine

titudine fescuntialibus quandoq; floribus initio veris ex cæruleo purpurascens: siliquis oblongiusculis, vncias duas superantib. quib<sup>9</sup> semina continentur solida, rotunda, subrubentia. Hæc plâta, licet cum Oroborum descriptionib. non admodum cōueniat, tamē aliis stirpiū generib. non cōmode cōiungi potuit. Georgius Aemilius, Theologiæ doctor, contendebat Astragali speciem esse, vocabatq; Astragalum syluaticū Venum, quia quasdam appendiculas paruas in radicib. animaduertisset: quæ tamē nota multis leguminib. tam hortensibus quam syluestrib. item trifoliis ac Neriadijs, seu Lysimachijs purpureis, alijsq; stirpium generib. eiusmodi paruula ac crebra tubercula in radicum fibris appensa cernantur. Doctissimus porro vir Laurentius Hiel, rei herbariæ in Academia inclyta lenensi olim professor celeberrimus, hanc Aphaces speciem ex aliorum sententia faciebat, Aphacen syluestrem nominans. [Plerisq; siliquiferis plantis hæ radicum appendices granulosa communes sunt, adeo vt grandis illa Genista Italica etiam illis neuiquam careat.]

*Ocymoides rubrum.*

*Ophioglosson.* In pratis quibusdam humidioribus, præcipue prope Stolbergam, auff der Pfaffen Wiesen.

*Oxyacantha Matthioli.*

*Ononis,* in pratis quibusdam & circa loca culta:

*Origanum vulgare,* passim.

*Origanum verticillatum,* passim. Planta verticillata, Origano similis, foliis lanuginosis, quam falso quidam pro Clinopodio exhibuerunt.

*Orchidis Dodonæi* primum genus.

Eiusdem alia species, folijs quatuor vel quinq; multo longioribus, dodrantalibus.

*Orchidis Dodonæi* secundum genus.

*Orchidis species,* testiculatas radices minores obtinēs: folia etiam  
L aliquan-



aliquantulum minora, quam cæterarū specierum, quatuor ferè, lævia, splendentia: cauliculum rectum, pedali non multum maiorem, in cuius summo fasciculus florum parvus cōspicitur, nō quidem spicatus, sed in umbellæ parvæ fere modum explicatus, figura Schænoprasi. [Eiusmodi depingitur in herbario Lugdunensi.]

*Orchis bifolia*, flore purpureo & candido etiam, in montibus passim ac pratis. Triplici autem differentia reperitur. Altera latifolia est, foliis orbicularibus ferè, vnciarum sex longitudine, quatuor latitudine: altera foliis palmaribus, vnciarum duarum latitudine: tertia breuiora omnia continet.

*Orchidis minor species*, foliis tenuioribus, in terram reflexis, quinque, senis septenisve: cauliculo breui, digitali, quandoq; dorsantali, tenui, spica breuiore florum puniceorum pauciorum. Nasceitur locis apricis circa Gerenrodam.

*Oxalis maior*, passim.

*Oxalis maior Broccenbergensis*, quæ nihil quidem à communiore distat, nisi quod loco vliginosiore nata, paulo amplior existit. Eius radicibus mulierculæ ignaris imponunt, quod crocæ admodum sint, pro Rhabbarbo vulgari eas obtrudentes.

*Ophrys quibusdam existimata seu Pseudorchis Dodonæi, aut Bifolium*. Locis opacis & humidis passim.

*Oxycoccon Cordi*, copiose in Broccenbergo & vicinis montibus humidioribus, foliis non ita subrotundiufculis, ut est eius Icon apud Cordum, sed oblongioribus ac strictioribus, lenticulæ ferè, breuioribus tamen: quorum ambitus versus dorsum utrinque leniter reflectitur. Longis lignosisq; ac obliquis proreptis in vliginoso musco viticulis, radicibus constans tenuibus, multifidis, lignosis, quibus capillacæ fibræ multæ adhærent. Flosculi exigui sunt, purpurei, veluti exigui citini. Vaccinia palustria Dodonæi videntur forte eiusdem stirpis fructus esse, vel congeneris. Tantus autem radicum truncus nostro

nostro Oxycocco non est, quantum icon Dodonæi stirum  
vacciniorum exhibet.

*Ostrya Cordi, Ornus Tragi, Hainbuchen.*

*Onobrychis*, Caules producit viticulares, humi procumbentes,  
obliquos, spica florum oblonga, punicea ornatos, foliis vëro  
in longa costa plurimis, longiusculis, genistæ fere. In Thuringia  
vocatur radix Christiana, quod nomen etiam Astrago cõ-  
mune est. Memini quosdam & hanc olim pro Astragalo ha-  
bere: sed Astragali adnata nulla vnquam in eius radice potui  
obseruare.

P.

**P**ILOSELLA maior Gallorum, sicut plantam hanc nomina-  
bat D. Iohannes Pontanus, piæ memoriæ, celeberrimus me-  
dicus, rei q; herbariæ peritissimus. Laurentius Hiel Colubri-  
nam nominabat, quemadmodum & vulgari idiomate voca-  
tur. Conuenit cū hac descriptio Ixopi Cordi, sed nō in omni-  
bus. Sunt enim folia ei quidem longitudine sæpe dodranta-  
li, sed latitudine non vnciali, quin potius duarum vnciarum  
& nonnunquam latiora, carnosæ, pingui, nihil admodum a-  
cuminata, sed in obtusiorē ex rotūdo ambitu mucronem  
desinentia, maculosa & sinuata plerunq; repandaq; quatuor,  
quinq; aut sex quandoq; cauliculos cubitales exerit & quan-  
doque altiores, pilosos, folijs destitutos, florem proferentes  
luteum, papposum. Radix ei palmaris est, digiti ferme crassi-  
tudine, foris nigro cortice, qui facile auellitur, obducta, suc-  
co pingui turgida. In montibus circa Gerenrodam. [Hanc vt  
arbitror depinxit in Pannonicarum stirpium historia C. Clu-  
sius, cum inscriptione Hieracij latifolij.]

*Pilosella media*, Auricula muris vulgo.

*Pilosella minor Dodonæi*, floribus candidis, & purpureis, passim in  
iugis montium.



*Pilosella filiquata*. Duplex est: Maior radice constat tenui, multis exilibus fibris capillata. Folia in superficie terræ innumera penè circinatim reclinata exhibet, paruis canaliculatisq; pediculis adhærentia trium ferè vnciarum lōgitudine, & vnus pene latitudine, in ambitu parum fibrata, aspera, pilosa, nigricantia: ex horum medio vnus atq; alter coliculus prodit teres, læuis, paucis admodum foliis donatus, totusq; ferè nudus, raro admodum rectus & vt plurimum inter reclinādū hinc inde oblique distortus, circa summum flores proferens paruos, candidos, qui vbi emarcuerunt, oblongiores siliculæ sequuntur, semina parua subrubentia continent. Nascitur in montibus apricis, & aridiorib. Minor radiculam nanciscitur paruam, fibrosam, lignosam, inutilem: foliola in ambitu terræ exerit numerosa, prioris speciei foliis breuiora, similia foliis *Pilosellæ* minoris *Dodonæi* iam dictæ, sed non ita incana, magis vero flauescencia, parum pilosa: coliculos sustollit plures, tenues, striatos, rectos, teretes, palmares, nonnunquam dodrante altiores, nonnihil brachiatos, in quorū summo parui flosculi candidi emicant, quos decedentes subsequuntur siliculæ oblōgiusculæ, strictæ, similes *Thaliætri* *Dodonæi* siliculis. [Sophiam Chirurgorum vel *Seriphii* *Tragi* intellige, quam *Dodonæus* olim pro *Thaliætro* habuit, in recentiori vero editione aliud pinxit.] Seminibus exiguis, subrubentibus turgidæ. Conspicitur passim in collibus sub initium veris. [Acrem habet saporem hæc plantula, instar *Nasturtij*, & *Gelneris* inter *Myagri* species ipsam retulit. Minima omnium huc non temere annumerari potest, quam *Lobelius* *Paronychiam* *Alsinæfoliam*, *Otho Brunfelsius* *Genßfraut* appellantes depinxere.]

*Pastinaca sylvestris* *Cordi*, hortensi seu satiuæ in omnibus similis.

Locis apricis & iuxta vias.

*Pisum sylvestre* referens prorsus satium vulgare: aliquibus in locis

locis copiosum, montibus apricis præcipue.

*Polygonatum maius seu vulgare aut latifolium.*

*Polygonatum tenuifolium maius*, strictiora habens folia quam prius.

*Polygonatum tenuifolium minus*, adhuc angustioribus & brevioribus folijs præditum. Reperitur quandoq; simul eodem solo cum tenuifolio maiori, licet rarius, circa Stolbergam ac Ilfeldam, quibusdam in montibus.

*Pseudohepatorium mas*, *Herba Cunegundis*, seu *Hepatorium Auicennæ quorundā*, quod folio sit cānabino, quale in suo Auic. requirit: attamen cū flos nenupharinus, quem etiam Auicennæ Eupatorio esse oportet, in hoc non habeatur, viderint isti, quomodo sententiam illam satis defendant.

*Pseudohepatorium alterum Dodonæi seu fœmina* : Vbiuis fermè ad flumina & locis humectis & squalidis circa oppida & pagos.

*Persicaria maior*, caule sesquicubitali, striato, terèti, geniculato: folijs plurimis, dodrantalibus, asperis, acuminatis: floribus in paulo oblongiore spica rubris. In pratibus vliginosioribus.

*Persicaria maculata*, passim secus vias & ad flumina.

*Persicaria mordax seu hydropiper*, passim ad flumina.

*Periclymenon*, copiose circa Osterodam oppidum ducum Grubenhagicorum, vbi dicitur *Wilderdracken*.

*Pyrola maior seu Beta sylvestris*, *Wald Mangolt* / *Limonium quorundam* : quamuis frequentius in montanis, quam pratensibus nascatur.

*Pyrola minor*, foliis brevioribus, pyri foliis respōdentibus, vnde & vulgus ad differentiam prioris *Birnbeumchen* vocat, ac maiorem ei efficaciam in glutinandis vulneribus & rupturis attribuit, quam priori.

*Papaner erraticum seu Rhæas*. In agris & iuxta loca culta, nonnunquam & in locis cæduis sylvarum & carbonariorum arcis.

*Potamogeton λειόφυλλον*, quod à læuore resplendēte foliorū sic no-



mino. Est nimirum quod Tomo I. Iconum Dodonæi depingitur pag. 128. folijs rotundioribus aliquantulum, in mucronem obtusiores diductis. In piscinis quibusdam, Vualckenriti præsertim.

*Potamogeton* μαλακόφυλλον, folijs consimilibus sed molliorib. non ita splendentibus, flaccidioribus vero adeo, vt extra aquam extracta ob flaccidam istam molliciem facillime concidunt, conuoluanturque.

*Potamogeton* ἰτέφυλλον, folijs salignis, sed multo maioribus. Videtur Cordi Phyllitis lacustris lib. 2. Stirpium. Ilfeldæ ac Vualckenriti in piscinis.

*Potamogeton* σούλοφυλλον, seu Crispum, aut fimbriatū, tenerioribus viticulis, folijs oblongis, strictioribus aliquantulum quam in cæteris speciebus ac crispis, quæ mox atque aquæ eximuntur in se conuoluta concidunt, contorquenturque. Huic appenduntur potissimū semina piscium & ranarum verno tempore. In piscinis circa Stolbergam & Vuernigerodam.

*Plantago aquatica*, passim in paludibus & fossis stagnantibus.

*Plantago* πολύνηϋ, maior, seu *rubea*.

*Plantago media Dodonæi*: passim.

*Plantago* ex hoc genere minima, minoribus multo folijs & spica constans.

*Plantago* πηλάνης, minor, *Lanceola*. Duplex est: Maior folia profert bipalmaria sæpe, duarum vnciarum latitudine ferè, quæ quandoque in ambitu vel pinnulis quibusdam paruis exornantur, vel omnino sine illis existunt: Altera minor folia breviora habet & strictiora.

*Pseudomelanthium*, ἀνθεμον φυλλῶδες Theophr. Nigellastrum nimirum dictum. In agris.

*Ptarmica sylvestris Germanica*, ad fluminum ripas, non procul à Stolberga

*Perfoliata sylvestris*.

*Perfo-*

*Perfoliata vera*, in agris, ad pagum Hermannisacrum.

*Pimpinella Italica maior*, Sanguisorba. In pratis quibusdam humidioribus. Minor passim.

*Pimpinella nostras communis maior*, circa Ilfeldam & Vuernigerodam, sed rarius: vulgari in omnibus similis eademque est, nisi quod maiora latioraque aliquantulum folia contineat. Minor, passim.

*Polygonon mas*, passim.

*Polygonon masculum fruticosum*, radice tenui, multifida, lignosa fibrosa que, superuacanea, cauliculis tenuibus, brachiatis, lignosis, foliolis multis hyperici minoris, sed multo tenerioribus, aut serpilli tenuifolij. Flores eius nōdum obseruavi. Reperi aliquando non longe à Stolberga, secus vias. Non est Polygonon alterum serpillifolium Anglorum.

*Polygonon fæmineum* locis vliginosis & stagnantibus.

*Polygonon fæmineum* ἀφύλλουλον. Singularibus exurgit caulibus, striatis, cubitalibus, qui geniculis multis articulantur, tubarumque modo sibi immittuntur ac caui sunt, semunciali latitudine, in acuminatum fastigium terminati: Quandoque ex articellis reperitur etiam folia emittere admodum parua, tantum circa summum caulis. Inuenitur in pratis vliginosioribus, non procul à Stolberga. Vbi vero ad piscinarum ripas ex ipsis aquarum fundis progignitur, culmos erigit tricubitales, folijs prorsus nudos.

*Pseudochamadrys maior*, passim, Caulibus brachiatis, folijs dentatis, florib. cæruleis. Gamandra vulgo dicta. Verbenaca supina Dodonæi.

Alia eiusdem species caulib. altiorib. paulo, tenerioribus: folijs amplioribus & rotundioribus, vncias duas ferè longis latisque: floribus paucioribus, cæruleis.

Eiusdem alia species rotundioris itidem folio, sed longe



longe minori, vtpote vix vnciali longitudine ac latitudine, hispidiori, dentato, pluribus autem caulibus prædito.

*Polygala Tragi*, florib. cæruleis, passim. Reperitur hæc non infrequenter flore rubicundiusculo, nonnunquam quoque toto candido.

Eiusdem species foliolis circa radicem rotundioribus, crebrioribusque, circinatim terræ incumbentibus: ea vero quæ coliculos ambiunt, priorum specierum foliolis similia sunt prorsus: flores & hæc cæruleos obtinet, saporem vero admodum amarum, qui ita in cæteris non animaduertitur gustu insignis esse.

*Polygonon Cordi*, Fœnugræci sylvestris nomine habitum à Trago: Aemylius Glycyrrhizam sylvestrem, ob dulcem saporem nominabat, vt in Scholio, quod descriptioni apud Cordum subiectum est, patet: illud enim Aemylij est. Verum alia est Glycyrrhiza sylvestris nostra, de qua supra.

*Pentaphyllum maius*: passim, præsertim circa loca habitata.

*Pentaphyllum medium*, medio modo se habens, quo ad folia, inter maius & minus.

*Pentaphyllum minus*, minoribus folijs, locis aridioribus, vinctis ficcis hinc inde direptans.

*Pentaphyllum minus suffruticescens*: Radice constat lignosa, multifida, fibrosa, densa foliorum congerie: breuioribus caulibus, digitali longitudine, minoribus folijs, locis aridioribus.

*Pentaphyllum* *δερμόφυλλον*, Lupinifolium: in ericetis quandoque & sub virgultis.

*Pentaphyllum canum*, *πολύχισον*, cauliculis fruticosis, sesquidodrantalibus sæpe, brachiatis: foliis in ambitu profundius dentatis, superna parte nigricantioribus, inferna canis. Passim circa vias, locis asperis.

*Pentaphyllum palustre*, Plinij fragiferum existimatum, quod consimilia quidam capitula, flore deperdito, fragariæ proferat, quæ

quæ tamen cſui apta bacca deſtituuntur. In eadem planta huius generis, folia tam ſeptena quam quina vno pediculo ſeu viticulo inhærentia ſimul ſæpe conſpiciuntur, vnde non ſolum pro Pentaphyllo ſed & pro heptaphyllo quoque haberi poſſet. Nuſquam autem hoc, quantum mihi conſtat, in vniuerſa Harcynia naſcitur, præſertim in Broccenbergo.

*Phyllitis, Lingua ceruina*, montibus vmbroſis ad Beram flumen ſuper Ilfeldam præcipue.

*Porrum iuncum ſylueſtre*, locis quibuſdam maxime in montibus Gerenrodenſibus.

*Prunella vulgaris*, flore cæruleo punicante.

Eadem flore ex diluto cæruleo albicante: ſed rarius offertur, locis montanis verſus Aurbergũ, non procul à Stolberga.

Eadem cauliculis palmaribus, folijs minoribus, floribus candidis, copioſe in montibus circa Andersbergum.

*Pyræſter arbor*, pyrus ſylueſtris, paſſim.

*Populus Libyca, Tremula, Alpina Matthioli, Aſpen* falſo Trago Populus nigra exiſtimata.

*Pulmonaria vulgaris*, arboribus adnaſcens, præſertim quercub. ſorbo aucupariæ, alijsq; paſſim, item Saxis.

*Pulmonaria herba flore cæruleo punicante*. Pulmonaria Plinij Geſnero. Locis paſſim humidioribus, opacis, & cæduis. Folia ſæpe, præſertim circa Stolbergam in ſyluis opacis, candidulis eleganter variegantur, velutique emblematico opere intercuſantur piçturatis inſcriptionibus, per vniuerſam ſuam amplitudinem longitudinemque, non autem candidis maculis ali- quibus in partibus notantur: quæ tamen in hac planta alijs in locis quandoque extra Harcyniam depræhenduntur, præſertim in ſatiua, quæ ex Belgio affertur. Vt plurimũ tamen aliàs inſcriptionibus hiſce prorfus carent.

*Pityuſa maior Dodonæi*.

Reperi alias in Thuringia in fluuiorum marginibus huius

M

Tithyma-



Tithymalorum generis Pityusam grandem, quæ eadem videtur esse cum Esula Germanica Anglorum, radicibus crassissimis, longis, multifidis, nodosis, cortice rubro obuestitis: caulibus bicubitalibus, brachiatis, numerosis, qui folijs creberrime præcinguntur oblongis, oleæ minoribus. Nondum vero hæc mihi in Harcynia visam scio. An vero alicubi in ea inueniatur, ambigo.

*Pityusa minor Dodonæi*, duarum specierum. Altera habet folia paulo maiora, latioraq; ac flores in maiori speciosioreq; umbella maiores: altera minor, folia breuiora, strictioraq; ac tenuiora, umbellam minorem ac minores flores.

*Peplus*, *Esula rotunda*, etiam à Cordo tradita. In hortis.

*Primula veris*, *φλεμς*, *Paralysis sylvestris*, passim præcipue in pratis.

Eadem hortensis: in hortis.

*Polypodium*, passim in ruderib. murorum antiquorum, in faxis, ad radices item quercuum, corylorum, fagorum, aliarumq; arborum.

*Phoenix*, *Lolium sylvestre aut rubrum*: passim. Tragus in primo genere graminum confundit cum sterili auena. In duplici est differentia. Prima vulgatissima est, vbiuis ferè secus vias & semitas obuia, in oblongo scapo continua serie breuiores spicas emittit, modo eo, quo spicæ in lolij culmo disponuntur, adeo vt ipsi Lolio quam maxime sit assimilis. Altera spicas continet non in oblongo scapo, sed in eius summitate in fasciculo quasi disperso compræhensas. Hæc apud Tragum depingitur pro Auena sterili, primo videlicet ipsius graminum genere. Sicque Tragus auenam illam cum hac Phœnice dupliciter confundit, primum in descriptione, deinde in pictura.

*Pinaster*, folijs tenuibus, longissimis. Circa Ilfeldam & Vuernigerodam.

*Picea:*

*Picea*: locis iisdem.

*Petasites*, passim ad flumina, inq; ipsis fluminib. flore punicante, capilloso, papposoq̃ue. Folio grandissimo, reperitur vltra Ilfeldam in Bera fluuio, & qua ex Elbingeroda Vuernigero-damitur.

*Petasites* flore candido, copiosissime Andersbergi.

*Potentilla*, passim.

*Persicaria filicosa* Anglorum seu *Noli me tangere*, aut *Pseudapocynon* quorundam.

*Portulaca aquatica*, folijs satiuæ minoribus, seminibus iisdem in fluuio nō procul à Schartzfelda arce comitatus Honsteinēsis. Item in fluuio præterlabente Saxuuerfium pagum inter Northusam & Ilfeldam.

*Prunus sylvestris*.

*Phalaris sylvestris minor*. Maior, quæ à satiuæ in hoc præcipue differt, quod spicas obtineat asperas, lappaceas, vestibis adhærentes, Harcyniæ quantum mihi quidem constat, ignota est. Minorem autem vidi familiarem montibus quibusdam vliginosioribus circa Andersbergum, radice crassa, fibrosa, nigricante, folijs frequentibus, digitali longitudine, strictis & imbricatis: coliculi ex horum medio prosiliunt, spithama nonnunquā paulo lōgiores, quandoq; & breuiorēs, plures, leniter striati, enodes, spicā squammatā Phalaridis satiuæ simile, sed multo breuiorē in summo cōtinentes, plumbei coloris, mollem, nō asperā, nec lappularū modo adhærescentem.

*Platanaria Dodonai*, *Carex*, *Matthioli sparganion*. In piscinis & fossis stagnantibus.

*Pseudocyperus* seu *Cyperus sylvestris*: passim locis vliginosi, iuxta aquas. Huius autem aliquot sunt differentiæ. Communio-rem, qui frequentius obuiam est, *Pseudocyperum* πολύκερρον voco, quod videlicet copiose semē suū in densis ac latius dispersis comis seu veluti racemis nigricantib. pferat: radicibus



constantem crassis, fibrosis, nigricantibus: caulibus sesquipedalibus, geniculatis, triangularibus, culmi hordearii crassitudine: foliis circa radicem & ex geniculis prodeuntibus, dodrantalibus, longioribusq; acuminatis. Alterū genus nomine Pseudocyperum ὁλιγόχλωρον, quod quidem, quo ad folia & radicem, (quæ huic quoq; nigricās est & crassa, & frequenter capillaceis fibris obsepta) priori simile est, sed capitulis seminum differens, quæ licet vt prius, in summo caulis ex nodoso tuberculo emittit in singularibus pediculis oblongis contenta, ea tamen pauciora, rariora ac flavescentia sunt, & squamata. Estq; hoc rursus duplicis discriminis. Pseudocyperus enim ὁλιγόχλωρος maior, multis in locis reperitur, foliorum magnitudine ac latitudine, caulis item proceritate τῷ πολυχλωρῷ simillimus. Minor vero radice constat parua, spadicæa, fibrata, folia continens milio breuiora, digitalem longitudinem raro excedentia: cauliculum emittens dodrantalem, interdum paulo longiorem, tenuem, paucis, minoribus ac tenuioribus folijs ornatum, in cuius summo ex tuberculo nodoso, pauci, tenues, breues, pediculi emergūt, capitula parua, pauca raraq; & squamata, spadiceæ coloris exhibentem.

*Polemonium primum Dodonæi*, caulibus sesquipedalibus, teretibus, læuibus, geniculatis: ex quorum quolibet geniculo bina folia ex opposito sibi correspondentia prodeunt, oblongiuscula, læuia: in summo ex utriculis quibusdam protuberantibus, quæ sunt veluti vesiculæ quædam inflatæ, læues, & candidæ ac hiantes, flores proferuntur in extremitatibus reflexi, paruuli, laciniati ac candidi, sub quibus in interiori parte vesicularū, capitulum rotundum, oblongiusculum, acuminatum reperitur, plenum seminibus rotundiusculis, asperis, grisei coloris, papauere maioribus.

*Parthenium, seu Matricaria.*

*Pteriadion seu Pieridarion Cordi*: Pusilla Filicis species, bestem vix

vix attingens, raroque. Inuenitur præcipue in Musco vdo pratorum quorundam, nonnunquam etiam ad radices annosarum arborum, locis opacis, ac humectioribus: in petris itent madidioribus.

Q.

**Q**UERCVS. Cerenrodæ in Quercubus humiliorib. frequentia adnata quadam reperiuntur, inter crebriores petiolos foliorum simul cohærentes ad tuber aliquod ramulorum exorta, quæ oblongiuscula sunt, ad basin quidem rotundiori conglobataque figura, in tenuem deinde mucronem fastigiata, constantia materia squammatim sibi cohærente: quæque conulum veluti quempiam exiguum exprimunt. In annosarum quoq; quercuum truncis vuæ illæ quercinæ, quarum mentio adeo præclara est apud Encelium, reperiuntur, non solum veris initio, quo tamen maxime tempore oriri solent: verum etiam in ipsis canicularibus. Sub illis enim meminimus illas vuas vel granula istiusmodi pro vuis alijs habitata, aliquando Stolbergæ adhuc cortici arboris inhærentes, ac vegetas, iamque primū enatas, videre. Est autem vicij genus, simile penè ipsis recentib. Gallis quernis, nisi quod sit ijs minus, huic arborum generi ex superfluo succo circa radicem accidens, qui vbi vetustatis ratione arbore morbum aliquem contrahente seu imbecillitatē, per vniuersas vsque eius partes distribui, ibique confici nequit, prope radicem circa corticem relictus consistit, ac ibi coaceruatus diutiusque detentus & vi solis ac ambientis alteratus, tandem viam quærendo prorumpens tale tuberculum baccæ alicuius instar, vel vnum vel plura protrudit, stolonum tandem exortui infernientia, eadem ratione, qua idem vitij in Tiliarum antiquarum arborib. prope radices cōtingens videmus sæpenumero.



**R**APUNCULUS sylvestris communior, folijs ceruicaræ maioris, mucronatis: caule cubitali, læui, tereti: flore spicato ex viridi leniter albente: passim in pratis & locis quibusdam montanis. Mihi vocatur Rapunculus sylvestris spicatus albens: licet eius speciem in Thuringica sylua, floribus prorsus candidis viderim.

Eiusdem species floribus cæruleis, quæ est rapū sylvestre Dodonæi alterum, rapunculus sylvestris Tragi ac Anglorum Rapuntium maius Alopecuri racemoso flore. Plurimus est hic rapunculus vff der Langen/ loco inter Stolbergam, & Elbingerodam.

*Rapunculum* voco *sylvestrem spicatum cæruleum*. Priori omnibus est ferme similis, nisi quod florum colore præcipue discrepet.

*Rapunculus sylvestris cæruleus umbellatus*. Lacteo est succo, sicut reliquæ Rapunculorum species. Duplex vero reperitur: Maior, quæ rarius obuiam fit, ex vna radice numerosissimos profert coliculos, tenues, teretes, scabros, hispidos sesquipedales, folijs plurimis, oblongiusculis, angustis, fimbriatis ac hispidis præditos, in umbella parua flores cæruleos continentes: semine fuluente exiguo. Minor species locis aridioribus ac soli expositis, maxime vero arenosis frequentior est, folijs & caulibus breuioribus vt & umbella sua cærulea.

*Rapunculis* annumero stirpes illas lacteo succo præditas ac rapunculorum modo oblongioribus & lactescentibus radicibus, superne protuberantibus constantes, & campanulatos flores edentes, vnde campanularum nomine communiter herbarijs vocatæ veniunt: quibus omnibus folia sunt Nerio similia, longiora ac latiora in quibusdam speciebus, in quibusdam etiam breuiora ac angustiora. Hincq; cos rapunculos

ios *νηειφύλλης* appello. Harum autem aliquot species facile admodum industrio rei herbariæ perscrutatori patebunt, quarum itaque recensēbo hic tot, quot illo in genere hæcenus per Hærcyniam nostram mihi observare licuit.

Ranunculus ergo campanulatus Neriifolius primus caulem habet sesquipedalem, teretem, parum striatum, inter folia in adnata quædam seu brachiola explicatum: folia autem Neriij quincunciali longitudine, vncialique ferme latitudine: florem campanulatum, cæruleum, in ambitu orificij parum dissectum.

Secundus folia obtinet priori crebriora, pauloque angustiora, longioraque multo, utpote dodrantalia: caulem item crassiolem: florem priori maiorem.

Tertius & ipse quoque folia exhibet angustiora, secundo tamen breviora: flores vero ampliores maioresque, cymballi alicuius patentioris in modum, in extremis oris diuisos.

Quartus est caulibus brevioribus, foliis item minoribus, quorum ea quæ radici propinquiora sunt, vnciarum ferme trium sunt longitudinis, dimidiæ autem latitudinis: quæ vero per reliquum caulis conspiciuntur, ijs breviora sunt: floribus est autem admodum patentibus repandisque sed tertij minoribus.

Quinto caulis est pedalis, pauloque procerior, asper, non admodum foliosus: folia vero sunt nigriora, vncias quatuor aut quinque longa, vnam vero penè lata: flores cymbalares, minores, aperti, ventre tamen eius non in rotundam cavitatem expanso, ut in illarum specierum floribus, quas iam recensui, videre est, sed plicato.

Sextus, Ranunculus campanulatus aut Neriifolius minor, caules erigit pedales, angulosos, scabros: folia eius, ea videlicet, quæ radici proxima sunt, vnciarum quatuor longitudinem:



dinem assequuntur, vnus vero latitudinem: reliqua quæ cauli appenduntur, triuncialia sunt & breuiora etiam: caules huic speciei in summo in brachiola diuiduntur crebriora, tenuiora, flores exhibētia campanulatos, cæruleos, plicatos in ambitu ad orificium diuisos, similes omnino speciei sequēti.

Septimus seu Rapunculus campanulatus linifolius coliculos profert non admodum rectos sed procumbentes, foliosos, brachiatos, adnatis refertos. Folia ei primo prodeuntia sunt vncialia ferè, subrotundiora, in mucronem tamen producta, in ambitu leniter dentata, similia foliis quibusdam violæ tricoloris, quam vulgo Florem trinitatis vocant: cætera, quæ caulem frequenter ambiunt, longiora euadunt, sed tamen strictiora existunt, lini foliis quodammodo affinia. Flores plures, cærulei, plicati, in ambitu diuisi in hoc cernuntur. Vbiuis autem hæc species frequens est:

*Ribes sylvestris*, frutex plerisque in locis circa Stolbergam, Ilfeldam, Gerenrodam, aliaque loca frequens fructu viscoso & nauseoso.

*Ranunculus bulbosus* Apuleio à Dodonæo ascriptus, ac nona ranunculi species apud Cordum, quinta vero apud Matthiolum, sed Ranunculus primus Tragi, atq; sceleratissimus eadem dictus, alijs flammula.

*Ranunculi* tertium genus Cordo & Trago, quartum vero Dodonæo, quod quidam *Ranunculi Martij* nomine appellant, quia genus illud initio veris mox mense Martio frequentissimum conspiciatur, tam in syluis, quam hortis ac campis passim: quamuis alius Ranunculus Martius existat, is qui à Trago hoc nomine dictus habetur. Huius autem generis aliquot differentię vbiuis ferme sese contemplandæ offerunt. Primum autē eius genus vidi frequens ad sepes, radice transversa, ex rubro nigricante ac cirris quibusdam amplexata, ex qua coliculi oriuntur singulares, dodrantes, in summo in

tres contrarios pediculos breuiiores diuulsi, quibus folia continentur diuisa, crenata in ambitu ac subnigriora, cæterisque iam narrandis speciebus aliquantulum latiora. Hoc vero genus flores edere nunquam potui deprehendere. Secundum genus flore citrino præditum est, cuius etiam discretæ reperiuntur non infrequenter species. Prima namque quæ in hoc genere maior est, pediculo constat palmari, folijs profundius incis, quam prioris generis, quarum tamen particulæ à se inuicem diremptæ longiores sunt, strictiores vero & ubi in mucronem deduci incipiunt, dentatæ, nigriores item: ex media foliorum ala bini, oblongiusculi ut plurimum petioli egrediuntur, quorum quilibet florem exhibet singularem, luteum, foliolis septem, nonnunquam & octo compositum, intus staminula plurima ostendentem luteis apiculis conspicua.

Altera species, quæ minor est, breuiiores aliquantulum nacta est coliculos, foliorum item à se diuulsas particulas breuiiores & angustiores. Florem deinde singularem profert in pediculo vnico, eumque breuiorem.

Tertium genus flores obtinet candidos, cuius etiam specierum nonnullarum euidentis discrimen occurrit. Huius itaque species maior coliculum emittit palmarem, folia cum primo genere eadem, hoc est, in latiores particulas, non vero in longas discreta, nigriora, florem in singulari pediculo vnico. Altera eius seu media species minoribus coliculis nititur, folijs item minoribus gaudens, ut & flore. Minor species rursus omnia minora obtinet, utpote cui folia raro admodum sunt vncialia.

Quartum flore ex candido rubente donatur, folijs iisdem cum primo & tertio genere, ipsum etiam ratione differentis proportionis foliorum, præcipue in maiorem & minorem speciem discretum esse animaduertitur. Hæcque genera omnia (præterquam primū quod circa vrbes & pagos, ad sepes et



dumeta nascitur) vno eodemque in loco passim in syluis veris principio facillime inueniri poterunt.

Cæterum huius classis & quintum genus frequenter obseruauimus, quod tam in montibus, quam hortis oritur ac sterile prorsus est, radice subnixum transversali, parua, iunci crassitie, forinsecus ex rubro nigricante, paucis cirris ipsi annexis, ex qua singularis prodit coliculus palmaris, in summo non ita euidenter in tres pediculos diremptus, sed potius in foliorum breues veluti vngiculos quosdam diductus, foliis ipsius longius incisus, in ambitu dentatis. Hoc autem præ reliquis huius ordinis generibus folia hæc peculiare obtinet, quod in dorso frequentibus veluti stigmatibus seu punctulis protuberantibus sint picturata exasperataque.

*Ranunculus polyanthemus primus Dodonai*, qui est Ranunculus pratensis primus Anglorum, octaua vero Ranunculi species Cordo.

*Ranunculus polyanthemus maculatus*. Hic folia continet in palmaribus canaliculatisque pediculis quinquies profundioribus incisuris, veluti in pentaphylli modum diuisa, correspondentia folijs maioribus, quæ in caule ranunculi auricomi dicti existunt, nisi quod ijs multo sint latiora, maioraque: quælibet vero harum quinque foliosarum diuisionum rursus in tres alias profundius inciditur, partibus ex nervis cuiuslibet diuisionis altius crenatis. Caulem emittit cubitalem culmi frumentacei crassitudine, teretem, latum, læuem, brachiatum, flores proferentem citrinos, plures. In medio autem foliorum, qua ipsa cum suis diuisionibus, veluti in vnum principium collecta, vngiculis quibusdam suis pediculis adhærēt, macula sanguinea altius impressa conspicitur: ideoque videtur hoc genus comprehendere à Trago sub altero suo Ranunculo, cui maculas Persicariæ ipse attribuit, quâuis icon apud ipsum, nostræ stirpi non respondeat.

*Ranun-*

*Ranunculus Cordisextus*, seu flammula ipsius radicibus multifidis, caulibus hirsutis, folijs consimilibus quodammodo Ranunculo bulboso, multo tamen maioribus & latioribus, utpote quæ expansam manus volam adæquent, incis, crenatis, nigris, pilosis, flore citrino.

*Ranunculus tertius Matthioli*, aut eidem tamen congener. Admodum autem manca huius descriptio apud illum Commentatorem. Meum ego reperi aliquando (sicuti etiam nūm illum papyro agglutinatum seruo) cum nondum in caulem creuerat, radice oblonga, multifida, fibris frequentibus intercurfata, ex qua prodibant multi palmares, imbricatiq; pediculi, in ambitu terræ procumbentes: quibus iuxta extremitatem addebantur folia ex cōtrario correspondentia, incis, crenata, apij officinarum ferè similitudine, quæ post breue interstitium subsequēbantur consimilia alia extremum pediculi locum occupantia, omnia ex viridi nigricantia, splendētia & leuia. Puto me etiam alias hanc Ranunculi speciem cum suis caulibus, rotundis videlicet & floribus citrinis extra Hircyniam vidisse.

*Ranunculus auricomus Dodonæi*, seu tertia apud Dodonæum Ranunculi species. Ranunculus dulcis siue pratensis Trago dictus.

*Ranunculus palustris*, seu Apium Aquaticū Tragi, Wasserhanenfuß / Prima Ranunculorum Dodonæi ac Cordi species: passim in fossis stagnantib. fluuiorum alueis alijs locis vdis.

*Ranunculus aquaticus ἀρνολαωσόφυλλον*, seu folio Plantaginis acutæ, qui est duodecima species Ranunculi apud Cordū, quam ipse ἀλίσφυλλον vocat. Reperiuntur huius in Hircynia duæ species: Maior, quam Cordus superficialiter describit, radice constat crassa, nigra, capillataque, caulibus teretibus, cauis, geniculatis, sesquicubitalibus ac brachiatis: ex cuius singulis geniculis folia prodeunt Plantaginis acutæ ferme



figura, sed non ita nervis conspicuis intercurfata, splendentia, lævia seu glabra, dodrantem sæpe longa, vnciali latitudine: ex quorum alis brachiola & ipsa geniculata prodeunt, è suis geniculis cōsimilia sed breviora folia producentia. Sunt vero folia hæc in hac nostra stirpe, integra prorsus absq; omni serratura, quamvis & alijs in locis ipsa serrata viderim. Flores profert Ranunculi auricomi, ex luteo pallidiores, maiores reliquis ranunculi speciebus. Nascitur autem copiose circa Vualckenridam monasterium ad piscinas, inter arundines. Rembertus speciem huius folijs serratis flammulæ nomine depingit Tomo I. Iconum pag. 415. Minor radice exoritur multifida, coliculis geniculatis, tenuibus, dodrantalibus, procumbentibus: foliis oblongiusculis & multo strictioribus. flosculo citrino paruo. Passim in vlgiginibus & ad aquas. In hac etiam minori specie, quo ad folia discrimen quandoque aliquod reperitur: nam folia illa vt plurimum huic plantæ integra sunt, absque dentatis impressionibus: nonnunquā & parum dentata circa extremum mucronem reperiuntur. Porro cum generi huic Ranunculorum τὸ ἀλυσύλλου nomen indiderit, nō præter rem facturum me putauero, si hic obiter saltem meminero alterius huius generis Ranunculi speciei, quā ego τὸ ἀλυσύλλου nomine habeo. Hic autem toti Harcyniæ nostræ ignotus, vt credo, prorsus est, ac maxima existit species Ranunculi istius duodecimi Cordi iam descripti. Ipsum vero copiosissimū reperi olim in Marchiæ veteris syluis, locis vlgiginosioribus ac opacis, putridis, limosis & fœtidis, maxime circa Stendaliam & Tangermundam ciuitates. Radix ei est nigra, crassa, vix in extrema limorum superficie compræhensens ac hærens, capillaceis cirrosisque fibris numerosè circumsepta: caulem emittit singularem, sesquicubitalem, digiti ferme crassitie, geniculatum, folijs ex singulis geniculis prodeuntibus longis, acuminatis, latis, quorum ea quæ inferius

rius cauli adhærent, dodrantalia sunt, quandoque & sesqui-  
dodrantalia, vnciarum duarum, quandoque etiam trium la-  
titudine, non ita carnosâ vt in platyphyllo Cordi, sed molli-  
ori substâtiâ, & propterea facile flacciditati obnoxia, glabra,  
splendentia, sine serraturis: flores exhibet in singularibus pe-  
diculis, singulares, eosque paucos, grâdiore, folijs sex, septē-  
ue in ambitu constantes, subpallidioribus ex luteo, capitu-  
lo intus frequentibus staminulis exornato: flores decedentes  
subsequuntur semina Ranunculis cæteris similia sed maiora  
aliquantulum, nigrioraque.

*Ranunculus maximus* λουράνθεος seu Aconitiformis. Radice niti-  
tur nodosâ, quali nimirum aquaticæ plantæ plurimæ firmari  
videtur, fibris multis cãdidis ex ea propendentib. eaque iux-  
ta terræ superficiem capillamentis quibusdam durioribus  
circumuestita, quæ scilicet ex nervosis pediculorum partibus  
superiorum annorum transeunt in eiusmodi formam, post  
deperditam substantiam reliquam. Emittit primum pedicu-  
los imbricatos dodrante longiores, in quorum summo foliū  
late expansum ac quinquies vel sexies vt plurimum profunde  
incisum & in ambitu serratum, simile folijs alicuius Aconiti  
speciei, continetur. Caulem profert sæpe bicubitalem, ca-  
lami scriptorij crassitie, intus cauum, splendentem, teretem,  
in summo quibusdam adnatis brachiatum, cui priorib. con-  
similia adhærent folia paulo minora, breuib. item pedicu-  
lis donata. Flores ei sunt forma cæterorum Ranunculorum,  
maiores paulo, lactei, quibus decedentibus protuberanti ca-  
pitulo inhærent semina reliquis Ranunculis (excepto latifo-  
lio nostro) grandiora. Eadem proculdubio cum hoc est stirps  
illa, quæ in Valerij Cordi obseruationū sylua describitur pag.  
222. esse herba Lycoctoni maiorib. geranij folijs &c. Copio-  
sa est in vlgiginibus montosis circa Broccenbergum & in fi-  
nitimis montibus, locis præcipue opacis. Superiōri anno



dum syluam Thuringiacam transirem, eandem ibidem conspexi.

*Rumex maior*, passim. Folijs videlicet grandioribus. Idem cum Rhabbarbo monachorum, nisi quod sit sylvestrior.

*Rumex minor*, radice fibrosa, cirris plurimis obsita capillaribus: folijs longis, strictis, vnciali latitudine, sinuatis, flavescentibus: caulibus brachiatis, striatis, lignosis, seminum racemis frequentibus abundantibus. Nascitur circa loca culta.

*De Rumice aquatico* seu Hydrolapatho, supra.

*Rubia sylvestris*, passim.

*Rubus vulgaris*. *Kragbeer* / *Brambeer*. Locis pluribus & maxime iuxta loca habitata, in altis etiam montium iugis & locis cæduis & carbonariorum areis.

*Rubus Ideus*, passim, fructu videlicet communiter rubicundo, nonnunquam & candido sed rarius.

*Rubus minimus*, seu *Rubus Alpinus* Gesneri: hic *Steinbeer* vocant. Circa Vualckenridam, Stolbergam & Ilfeldam.

*Rapistrum aruorum*, *Hederich*: non tam in agris, quam quandoque locis quibusdam apricis ac cæduis.

*Rhamnus Solutinus*, locis quibusdam.

*Reseda*, planta ex Erucarum sylvestrium genere, hoc nimirum à Stirpium inquisitoribus nomine Plinio attributa. Eam autem duplicem vidimus. Maior circa loca inculta, locis apricis, in quibusdam Promontorijs & secus vias nonnunquam cõspicitur, radice multifida, longa, fibrosa, candida: circa cuius caput in terræ superficie densus foliorum flavescentium plerunq; cespes circumfunditur, in modum Erucæ dissectorū, tenerius tamen, ac ita vt inter Erucæ alicuius & sylvestris Rutæ caninæ Gallorum folia, mediam veluti figuram obtinere videantur. Ex horum medio caules prodeunt cubitales, lignosi, striati, procidui, adnatis frequentibus brachiati. Folia quæ caulibus & brachijs appenduntur, oblongiora sunt, ac minus

minus diuisa, semunciali latitudine. In summo caulium & brachiorum veluti in oblongioris spicæ figura thyrsuli cōspiciuntur dense flosculis in singularibus exiguis pediculis singularis cōstitutis obuestiti, luteolis, muscosis, capillaceis: quibus emarcescentibus prōdeunt oblongiusculæ, turgidæ ac flauentes theculæ superne repandulæ seu hiantes. Estq; hæc omnino illa Reseda, quam & Angli in sua Aduersaria describunt & depingunt, eamq; præterea Erucam peregrinam, Italicā siue Cantabricā appellitāt: quāuis ibi in icone illa adeoq; densa circa radicē eius foliorū luxuries nō exprimatur. Minor radicib. existit breuioribus: coliculis simplicioribus, rectioribus, teretioribus, minus foliosis, dodrantalibus, nonnunquam & sesquidodrantalibus, folijs minoribus priori, eodē tamen modo incis: in summo coma breui flosculorum cōstituta, flauente. Hæc in iugis montium altissimorum nascitur, præcipueq; in Herzbergo, cui Ilfelda adiacet.

## S.

**S**IDERITIS *prima* Dodonæi & Fuchsi *Zeisgenfraut*. Collibus apricis & meridiano soli obiectis, in promōtorijs præcipue circa Ilfeldam, Vuernigerodam, Gerenrodam, versus Northusam.

Huic cōgeneres aliquot præterea in Hircynia plantas obseruauit quæ & aliis etiam locis reperiri solent. Prima illarum est odoris admodum grauis; caulibus cubitalibus, quadratis, asperis, hirsutis: quibus per continua interualla semper folia bina ex aduerso adhærent oblonga, mucronata, uncias tres, quandoq; etiā quatuor longa, vnam lata, in ambitu serrata, superne nigriora, inferne magis cinerea, hirsuta: floribus rubicundis, verticillatis. Reperitur hæc ad ripas fluuiorum & circa loca habitata quandoq; & in agris.

Secunda consimilis admodum iam dictæ speciei, nisi



nisi quod in omnibus longe sit minor, prorsusque inodora. Radix ei est transversalis, lignosa, cirros quosdam obtinens, inutilis, candida: coliculi palmares, quadrati, asperi, recurui, rubentes, brachiati: quib. folia per intervalla sunt bina semper ex aduerso locata, fescuntiali longitudine, semunciali latitudine, mucronata, serrata: flores itidem verticillati, rubentes, longius extra suos alueolos exerti, quam in præcedente. Figuram stirps hæc nonnihil minoris ocymi referre videtur. Passim locis asperis, montanis, sterilib. saxosis ac apricis. Cōspicitur hæc species etiam quandoque flore candido, sed rariuscule.

Tertia, quo ad foliorum magnitudinem inter iam positas duas stirpes medio se loco habet, eamque propter flores fideritidem cæruleam voco. Caules producit quadratos, infirmiores, brachiatos, folijs numerosis præditos, quorum semper bina ex utroque latere sibi opponuntur, molliora, nigricantia: horum maxima uncias tres longa sunt, vnam lata, & subinde vsque in summū apicem caulis attenuantur, suntque similia folijs Pseudolysimachix purpureæ, nisi quod breviora: inter utrasque alas exiguus consistit petiolus, cui vasculum quoddam cauum incumbit, ex quo flosculus oblongus, eleganter cæruleus exeritur, forma ea, qua solent quarundam urticarum mortuarum flores esse. quo decidente superne vasculum veluti superiniecta valvula occluditur; semina continens papaveris, maiora, lutea. Prouenit hæc passim in ripis fluuiorum, piscinarum ac fossarum stagnantium, in pratis item vliginosioribus. [ Hanc videntur Lobelius & Pena inter Lysimachias retulisse & nomine Galericulatæ à vasculorum forma depinxisse. Folia crenata sunt, quod hinc silentio præteritum fuisse demiror; Plantæ sapor amarus est, Graticulæ ferè in morem. Ideoque eam (prius quam illi suas observationes in lucem ediderant) Herbarij quidam Gratiolam

violam cæruleam appellare non verebantur, à qua tamen figura tota non parum discrepat.]

*Sideritis Cordi*: Hæc olim proueniebat in agris montanis mōris Haynfeldi prope Stolbergam, dū videlicet illi adhuc excolerentur, auenaq; conferrentur. Nunc autē postquam cessante cultura agri illi in pratensem naturam abire cœperunt, etiam planta hæc euauit. Nusquam autem interea, quæ in publico Cordi nomine extant, hæc descripta habetur. Ostendit vero Cordus olim hoc nomine plantam istam tum Aemylio, tum alijs. Nascitur autem alias frequens in arenosis agris Marchiæ veteris, alijsque locis. Radix ei est tenuis, lignosa, candida, fibrosa: Coliculus tenuis, cum paucis adnatis, quadratus, dodrantalis ferè, hirsutus: folia ei sunt sufflauētia, vncialia, rotūdiora, hirsuta, in ambitu dentata: verticillos profert consimiles vt & semina ac flores, Sideritidi primæ. Cæterum illius Sideritidis primæ species aruensis, passim alias, quædam in agris mōtanis reperitur folio mucronato, primæ Sideritidis, minori, flauescentiori, caule cōsimili sed breuiori. Verum illa diuersa omnino est à Sideritide nostra Cordi, vtpote cum huic folia rotunda sint, quæ isti contra mucronata habentur: quod ideo *πασίγως* indico, ne videar forte alteram pro altera intellexisse.

*Superba Tragi*: locis quibusdam apricis.

*Solanum sylvestre seu leihale*, quod *Morion* seu *Mandragoram* Theophrasti quidam esse autumant. Propter fructum nigrū, splendentem, quia exacte cerasa æmulatur, ipsum quandoque soleo *εὐχρον μελανόκεραρον*, appellare. In monte altissimo prope Hertzbergi nomine, copiose reperitur, vt ea in radicibus eius quandoque, item in ingressu specus subterranei aquosi, qui circa Bischofrodam villam est, non procul ab Hfelda, quam vocant ibi *dieneue Kelsen*. Fuit hic non multis adeo ab hinc annis tonsor quidam, qui (vt solet hoc genus

O

homi-



hominum admodum temerarium esse, & per mortes hominum, vt ille ait, impune experimēta sua facere) cuidam Stolbergēsi ciui, sparsis per vniuersum corpus, nescio in quo morbi genere, doloribus ijsque misere excruciantibus laboranti, huius plantæ foliorum maiorem copiam in decoctione quadam propinauit, præsertim cum circumstantes varia, ipsiq; nota auxilia conciliandæ quietis gratia, frustra autem tentassent, tandemq; effecit vt æger ille non solum quietem caperet, verum etiam omnium istorum dolorum oblitus lethali prorsus somno diem suum clauderet.

*Solanum hortense, seu Solanum nigrum Cordi, Nachtschatt* / Circa loca culta.

*Solanum γλυκύπαρον.*

*Saxifraga alba*, quæ granulosam habet radicem, In pratis quibusdam circa Stolbergam.

*Saxifraga aurea* Dodonæi, passim ad riuulos, scaturigines, locaq; vliginosa.

*Scrophularia maior communis*, passim.

*Scrophularia maior aquatica*, frequens ad fluuios.

*Sion verum, seu ἐλεοσέλιον*. In scaturiginibus gelidis passim.

*Sisymbrium primum*, *Mentha sisymbria* Anglorum.

*Sisymbrium alterum*, seu *Nasturtium aquaticū*, *Nasturtium fontanum* vulgo dictum, cuius aliquot species existunt. Prima species seu *Nasturtium aquaticum* acre est illa vulgatissima species in fonticulis, riuulis & eorum elicibus nascens, quæ culinæ inseruit, folijs rotundioribus, passimq; *Brunnfress* dicitur. Secunda seu *Nasturtium aquaticum* amarum: hæc species priori omnino similis est, nisi quod grādus paulo assurgat, ac folia magis acuminata, longioraq; habeat & nigriora, saporis vehementer amari, ita vt prioris modo in mensas recipi non possit, nisi decocta, iuribus tamen priorib. abiectis tandiu donec amaritudinem ferè omnem deponat. Hæc autem

tem antequam caulescat folia exhibet rotūda, ampla admodum, duarum ferè vnciarum. Ac vtraque species non raro iisdem in locis simul & semel reperitur. Tertiam speciem offendi extra aquas, loco opaco, vltra Vualckenridam, radice candida, lignosa, cirris plurimis obsepta: circa quam in terræ superficie densa foliorum rotundiusculorum, nigrorumque prioris speciei paulo minorum, congeries late dispergitur: ex quorum medio caules oriuntur plures, cubitales ferme, folia oblongiuscula continentes ac flores frequentes candidos. Semina huic sunt in oblongiusculis strictisque siliculis, parua, fulua.

*Sorbus aucuparia*, seu Fraxinus bubula Dodonæi, passim.

*Sorbus torminalis*, circa Stolbergam ac Ilfeldam.

*Sonchus lauis maximus*, sesquicubitalis, folijs dodrantalibus, cre-  
natis parum, sed non profunde dissectis, in ambitu spinosis,  
sinuatis.

*Sonchus lauis alius*, procerus & ipse, folijs vtrinque aliquot inci-  
suris in lacinias dissectis, non tamen vsque ad dorsi neruum:  
qua nota differt paulum à Soncho læui primo Cordi, cū quo  
tamen alias idem est. Reperitur etiam nonnunquam huius  
minor species, caule crasso, anguloso, cubitali, folijs multis,  
incisis, spinosis in ambitu, sinuatis, prioris aliquātulum mi-  
noribus.

*Sonchus lauis Cordi* folijs vsque ad dorsi neruum laciniatis, non  
ita procerus, vt *Sonchus secundus*, cuius modo mentionem  
feci.

*Sonchus asper*, caule videlicet spinoso, folijs dissectis.

*Succisa*, seu Morsus Diaboli.

*Scabiosas* variarum differentiarum plures Harcynia nostra gigne  
re solet, quarū aliquot iuxta genera sua & species ordine re-  
censendæ hic erunt.

I. *Scabiosa ergo integrifolia*, cui nimirum folia neutiquam sunt  
dissecta,



dissecta prima sit. Hæc caulem protrudit cubitalē, hispidum, asperum, geniculatum : folia oblonga, plantaginis acutæ ferè, mucronata, asperiora & pilis horridiora, quincuntiali ferè longitudine (qua radici videlicet ea propiora sunt) vnciali autem latitudine, & quandoq; fescuntiali, ac ex quolibet caulis geniculo bina semper ex aduerso sibi opposita, nihilq; dentatæ vt plurimum impressionis omnino habētia. Quandoq; tamen in huius generis stirpib. quibusdam, rariores ac superficiales in ambitu quorūdam foliorum eiusmodi impressiones apparent : sicuti & in minoribus foliis summum ferè caulis contingentibus vna atque altera iuxta pediculum lacinata dissectio cernere quandoque est. Flos huic speciei est ex cyaneo rubicundus, villosus, In pratis quandoque reperitur.

II. *Scabiosa integrifolia minor seu maculata*, quæ rarius obuia esse solet. Coliculus hæc producit tenuem, teretem, scabrum, dodrantalem, folia pauciora circa radicem octona ferè, vncias duas longa, semissem lata, non hirsuta vt priora, stigmatibus quibusdam nigricantibus exasperata, alias leuoris quid obtinentia, carnosa, quorum ex superiori ordine vnum atq; alterum quādoque in ambitu paucas dentatas impressiones recipit: flore vt in cæteris scabiosæ speciebus ex cyaneo subrubicundo.

III. *Scabiosa dissectifolia maior*, foliis scilicet in lacinias diuisis Valerianæ sylvestris ferè modo, pilosis, caule sesquicubitali, flore ex cyaneo rubicundo, villosus, pratis familiaris.

IIII. *Scabiosa dissectifolia media*. Hæc caule exurgit cubitali, hispido: folia circa radicem obtinens integra, paucas nonnunquam serratas incisiones in ambitu suscipientia, oblonga, nigricantia, pilosa, mucronata, quincuntiali longitudine, fescuntiali ferè latitudine: reliqua deinde profundas ac frequen-

frequentiores incisiones ac in lacinias diuisiones admittūt prioris istius generis speciei ritu, sed tamē illius folijs multo sunt minora.

**F. Scabiosa folijs bellidis syluestris maioris maior.** Hæc caule assurgit cubitali, tereti, geniculato, cuius priora folia iuxta pediculos suos canaliculatos in aliquot lacinias profundius inciduntur parte anteriori ipsius subrotundiori ac in ambitu dentata: reliqua deinde ( quorum semper bina ex vno geniculo & contrario sibi cohærent ) integra sunt, breui ac imbricato pediculo innixa, non incisa, in ambitu tantummodo serrata, vncias duas longa, vnam lata, colore ac forma folia bellidis syluestris maioris exprimentia: post hæc superioris caulis parte qua ipse brachiata adnata producere incipit, folia alterius figuræ consistunt, tenuiora, in plures tenuiores ac angustiores lacinias diuisa. Flos huic speciei cōglobatus est, cæruleus, Succisæ similis.

**F. I. Huius minor species** ex vna radice, quæ nigra est, plures profert tenuiores, teretes ac dodrantes coliculos, non ita foliosos, vt prior, sed ferè prorsus nudos, nisi inferiore parte. Folia priora huic sunt in breuioribus & caniculatis pediculis, bellidis syluestris maioris folijs itidem similia, prope pediculum laciniata vt plurimum, reliqua parte serrata: post quæ reliqua quæ deinceps sequuntur folia, diuersæ ab alijs existunt formæ frequenter in tenues & strictiores lacinias diuisa: flores cærulei cōglobati.

**F. II. Scabiosa tenuifolia candida seu maior.** Caule caprodit cubitali, tereti, calami frumentacei crassitudine, lignoso, geniculis nodosis prædito: folia ei prope radicem sunt in oblongo & canaliculato pediculo, veluti in costa quadam constituta, in plures at tenuiores lacinias & per euidencia admodum à se vtroque latere interualla seiuinctas, ac in ambitu dentatas,



diuisa, quorum pars extrema mucronem constituens latior est & crenata: quæ deinde superiori in parte caulis exoritur, ea quantò subinde serie sua breuiora fiunt, tanto & in strictiores lacinias dirimuntur: inter alas autem versus caulis summum brachiola vtrique profiliunt, consimilibus sed longe breuioribus foliolis exornata: flores deinde emergunt Scabiosæ nonnihil similes ex pallidiori flauedine albenres. Elegantior hæc est cæteris Scabiosæ speciebus omnibus.

VIII. *Scabiosa tenuifolia media*. Radicem hæc obtinet nigram, multifidam: coliculos teneriores, teretes, minus foliosos: folia priora multo minora quam prædictæ speciei, diuisa in lacinias tenues, latiores tamen paulo quam sunt foliorum reliquorū subsequentiū lacinia, quæ nimirum existunt admodum tenues & angustæ ac fæniculacæ quodammodo: flores sunt, vt prioris speciei.

IX. *Scabiosa tenuifolia minima prior*. Huic coliculus est dodrantalis, teres, tenuis, prorsus nudus, prope radicem solummodo planta hac folia protrudente in canaliculatis pediculis lacinia, breuiora cæteris duabus iam positis speciebus ac tenuiora. In summo caulis florem continet cæruleum in orbiculato capitulo succisæ simili, ex cuius ambitu exterius breuiora quædā ac tenuiora progrediuntur sursum porrecta adnata in brachiolorum exiguorum modum, semel geniculata ac bina ad geniculum exaduerso locata foliola, continentia, in quorum cuiuslibet summo aliud ac breuius florum emergit capitulum conglobatum ac cæruleum. Locis autem prodit aridioribus in collibus apricis ac meridionalem solem excipientibus.

X. *Est & altera Scabiosa tenuifolia species*, quam foliosam nominare poterimus, propterea quod coliculus qui ipsi dodrantalis est, ac geniculatus à radice vsq; in summū cacumen foliis in frequen-

fræquentes, tenues ac faniculaceas lacinias diuulsis, eleganter exornatur, quorū ad quodlibet geniculum bina ex opposito sibi correspondent. Flos huic est in globum collectus, cæruleus. Huius autē libuit hic meminisse obiter, licet, quod sciam, in Harcynia ipsam nondū repperim. attamen in vicinis montibus non raro sese conspiciendā ea offert: nec dubito admodum in ipsa Harcynia alicubi eam quoq; existere.

*Sanicula*, passim.

*Serpillum*, passim.

*Serpillum floribus candidis*, sed rarius.

*Serpillum citrum olens*, aliquando reperi in Haynsfeldo.

*Stachas citrina*: locis quibusdam & collibus ac marginibus asperis, arboribus destitutis & apricis.

*Sambucus vulgaris*, circa loca habitata.

*Sambucus aquatica*, seu *Lycoctaphylos* fœmina Cordi. Copiosa passim potissimum Ilfeldæ: Stolbergæ, Gerenrodæ & c. ad ripas fluminum & locis plerisque montanis humidioribus.

*Sambucus montana* seu ἰερὸς ἀφύλῳ, aut φοινικὸς ἀφύλῳ, *Sambucus* racemosa Anglorū, ac *Sambucus ceruina* Tragi. Copiosa hæc est circa Stolbergam & Honstenium, præsertim locis montanis, apricis ac humectis nonnihil vel felici solo præditis. Itē circa Ilfeldam. Eius folia hic vetulæ collecta ignaris pro Ebuli folijs obtrudunt, diuenduntque, sicuti & vulgo istam *Sambucum* *Ustich* / nomine Ebuli appellitare solent.

*Scorodonia* seu *Scordium montanū* Cordi, *Sphacelus Dodonæi*.

Prouenit Vuernigerodæ prope arcem: Apud Cordū libro 1. pro hac stirpe falso ponitur icon Vrticæ Heracleæ Tragi, sicuti & in adiecto ibi Scholio error admissus est in nomine Odi, quod & alias aliquoties istis in Cordi de stirpium historia libris factum est. Nam pro Odo semper Cordus est legendus. Scholia autem illa subiuncta, vt hoc obiter annotē, quæ præfixa stellula notantur, Aemylij sunt ab ipso subscripta in

auto-



autographo. Atqui quoties Cordi nomen Acmylius scribebat, veluti priores tres litteras abbreviaturus, cordis humani effigiem pingebat. Hoc cum ignoraret ille qui autographum in exemplum prælo typographico committendum descripsit, accidit ut perperam Odum legerit transcripseritque.

*Salix nigra* seu rubens, rot *Weiden*/ passim in conuallibus vliginosis.

*Salix Sabina* seu Amerina, virgis gracilibus & rutilis.

*Salix Platyphyllos*. Hæc plurimis in montibus reperitur, etiam quandoque non adeo humidis, ac proceræ admodum arboris frequenter magnitudinem consequitur. Folia ei sunt vnciarum trium longitudine, fescuntiali autem latitudine, non nihil rotundiora, mucronata, sed non ita oblonga, ut reliquarum specierum folia, superne nigricantia, inferne cinerea: iulos profert duarum vnciarum longitudine, densa lanugine non vndiquaque obuolutos, ut in cæteris speciebus contingit, sed veluti racemulos quosdam capitulis paruis dense confitos, repræsentantes: quibus initio veris dehiscentsibus, erumpunt flocculi lanæ tenuissimæ, mollissimæ ac candidissimæ instar, modo ferè consimili, quo lana effunditur ex dehiscentsibus capitulis Populi nigri. Huius speciei alia est, minor quippe, foliola continens breuiora, vncialia, nigriora superne, canescentia itidem inferne: cæteris omnibus priori similis.

*Salix platyphyllos* rursus alia, etiam rotundiore folio, iulo breuiori cæterarum communiumque specierum iulis simili: salicis nimirum quartum genus Tragi, quod ipse *Seilweiden* vocat.

*Satyrium recentiorum Græcorum* iuxta Dodonæum mas, alias Palma Christi, Serapias mas Anglis, Orchis autem fœmina Tragi. Atqui Satyrii huius maris cuius videlicet folia maculis destituuntur, diuersæ aliquot differentiæ in Harcynia occurrunt, quæ sub duobus præcipue generibus comprehendi poterunt,

terunt, quorum alterū sit latifolium, alterum angustifoliū. Primi itaq; generis, hoc est latifolij species prior radicib. cernitur crassis, binis, densis, diuisis inferius in aliquot portiunculas oblongiores, veluti manus aliqua in digitos: caule cubitali, digiti ferè crassitudine: in oblongiori spica seu thyrso flores punicantes exhibēs: folia in hoc paulo latiora caulem obuestiunt, quincuntiali quandoque longitudine, trientali vero latitudine. Huius altera species seu media omnia minor est sortita, suntque ei folia vnciarum quatuor longitudine, sescuntiali autem latitudine. Tertia seu minor, radicibus est minoribus multo: coliculo tenero, dodrantali: spica breui, foliis vncias tres longis, vnam latis.

Alterū porro genus est *Satyrium basilicum mas. tenuifolium*, quod itidem triplex est. Maior enim eius species radicibus constat priori genere paulo minoribus, ac in oblongiores portiones diuisis: caule cubitali, tereti, leui, triticei calami crassitudine, qui spica florum purpurascente breuiori illustris est, ac folia depromit longiora multo prioribus speciebus, sed strictiora, septem sæpe vnciarum longitudine, vnius latitudine. Media radicibus maiori est consimilis, crassiori autem caule, ac longiori spica prædita, foliis quoq; eiusdem longitudinis, sed paulo strictioribus, ac non ita explicatis, sed potius carinatis. Tertia etiam nonnunquam in hoc genere, sed rarius reperitur species, minor videlicet, radicibus nempe multo minoribus & diuisuris earum tenerioribus, cauliculis item breuioribus, foliis vero eiusdem lōgitudinis cum specie iam tradita, eodemque modo imbricatis, sed multo strictioribus, spica paulo rariori.

*Satyrium fœmina* folijs maculatis, passim.

*Symphytum petraeum meum*, sed non verum Dioscōridis. Duplex hoc est: Maius radice nititur profunda, pedali, longiori q; digitali crassitudine vt plurimum, sæpe etiam in planta anno-



fiore, pollicari ampliori que, forinsecus cortice instar tenuis alicuius *epipedium*, sufflaescente obuectita, sub quo candida substantia detinetur cor lignosum in medio continens, saporis ubi recens euellitur dulciusculi primum, deinde astringentis cum amaricie quadam fernidiuscula diutiusque perdurante. Hæcque radix diuturniori masticatione multum pituitæ in ore prolicet. In superficie terræ ex nodoso capite densior foliorum oblongiusculorum & strictorum pinguiusculorumque cespes emergit, ex quorum medio prorumpunt colliculi dodrante altiores, recti, teretes, læues, tenues, geniculati, folijs ad genicula cōsimilibus ijs quæ prope radicem sunt, exculti, in summo parum brachiatæ, ac umbellatis corymbis conspicui, qui exiguis ex capitulis flosculos tenellos candidulos exerunt, muscosos, eleganti spectaculo oculos aspicientium inuitantes, dum flosculi illi veluti punctulis quibusdam variegati visuntur. Odorati stirps hæc nihil continet. Folia eius dulcedinis illius, quæ radici subest, expertia sunt. Nasctur montibus apricis ac calcaribus. Vnde cum inter eiusmodi saxa progrediatur, symphyti petræ nomine eam habui, non tamen istius quam Dioscorides describit, veruntamen aliquo modo non admodum ab similem à Petræ Matthioli icone. Nam licet quasdam Dioscoridis Symphyti notas obtineat, non tamen omnes exprimit. Sin autem displicuerit huic stirpi Symphyti nomen me ascripsisse, vocetur interim ficto vocabulo *γυψόφυτον*, ratione natiui soli sui, donec repertus fuerit Mercurius aliquis, qui eius meliorem denominationem edoceat. Atqui planta hæc in ipsis Harcynicis montibus (quantum mihi hætenus constat) non reperitur, sed tamen in finitimis ei que ex propinquo adiacentibus ad meridiem præcipue, utpote in veteri Stolbergo & montibus Franckenhufanis. Feci vero eius hic mentionem propter sequentem alteram ipsius speciem, quæ Harcyniam incolit.

Illa itaque secunda ac minor nostri Symphyti petræi, seu *πυλόπουρον* minus (si potius hoc nomine ipsam nuncupare velimus) radice firmatur saxa calcaria profundius sed non recta penetrante, adeoque arte illa circumplexa, ut terræ nihil circa se ut plurimum obtineat, pedali, calami hordeacei crassitie, cortice forinsecus ex obscuro rubro flauente circumdata, saporis astringentis: ex cuius capite fruticescens veluti cuiusdam sarmenta tenuia ac lignosa supereminet, à quibus folia prædictæ speciei minora progrediuntur, plurima itidem numero, strictiora, viridiora ac teneriora. Existit vero sarmentis crebriores profiliunt coliculi, admodum tenelli exilesq; teretes, palmares, rubicundiusculi, frequētius quam superioris geniculati, binis ad quodlibet geniculum foliolis oblongiusculis ijs quæ prope terram sunt similibus, constitutis. In cacumine porro coliculi in breuinsculos petiolos distenduntur, ex quibus florum in cādido leniter subrubentium corymbi rarius dispersi, emicant, priori speciei similes, sed ferè elegantiores. In capitulis rotundis Coriandro similibus semina continet quædam parua, flauescencia. Reperi hanc speciem ante annos aliquot in montibus calcarijs (qui subterraneis specub. cauernis ac antris prorsus cōcaui sunt, quasiq; concamerati, inq; quibus dæmoniorum illud genus, quod nanos vocant, antiqua superstitio habitasse refert: unde vulgo adhuc hodie ista montana loca Cauernæ nanorum nuncupantur) prope Vualckenridam monasterium, ubi eius integram radicem licet adhibito chalybeo rhizotomo diligenter id conarer, ex saxis istis eruere nō poteram. Ob quam causam forte dum nempe ita arte saxis istis sine terræ vlla portiūcula innascitur, stirps ista nō immerito pro aliquo petræo Symphyto posset haberi, meo quidem iudicio, vel ipsius solummodo nominis occasione.

*Saxina Tragi sylvestris*, seu Selago Pliniana, quam primam eius



speciem facio, utpote herbam *Sauinæ* similem. Licet enim *Selaginem* ob sibi non admodum ab similes plantas in species discernere; Copiose in Broccenbergo.

*Selaginis species altera* (sicuti eodem etiam nomine Georgius Aemilius olim herbam istam tandem censebat) Muscus nempe terrestris Tragi ac Matthioli, *Lycopodium* vero Dodonæi. Eius icon perperam pro *Chamaepeuce* aliqua ab Aemilio apud Cordum posita est, propterea quod vera *Cordi Chamaepeuce* tum temporis ipsi visa nondum fuisset, quam aliquot annis post, cum primum mihi notitia cum eo viro intercedere coepisset, ei ut & alijs amicis copiosam ex Narischorum sylvis misi, cuius aliquot surculos ipse mox Gesnero paulo ante eius obitum itidem trans mittebat. Copiosa & hæc reperitur non solum in Broccenbergo, verum et in montib. circa Vuernigerodam, Andersbergum, Stolbergam, alijsq;

*Selago tertia*, quæ elegans est planta, ex unica radice dodrantes aliquot thyrsulos mediocris digiti crassitudine, emittens rectos, prope radicem angustius sibi coherentes, superius vero latius à se inuicem discedentes, ut ita cuiusdam scopæ parvæ sursum versæ quandam quasi figuram præbeant, in summo plerunque diuicatos, foliolis vnde quaq; densis, secundæ speciei prorsus similibus obuestitos, viridibus. Hanc autem speciem non vidi cuiusmodi erectis ac tenuibus petiolis iulos proferre, quales priores duæ species exhibent: licet non dubitem posse ipsos fortè alicubi reperiri in hac stirpe loco aliquo ubi felicius prouenerit. Reperi autem ipsam solummodo enatam intra cauernas saxorum ipsorumue crepidines in Broccenbergo, à sole parum illustratas.

*Salpirora, seu sponsa solis, aut Ros solis, vel Rorella*, copiose in musco vdo Broccenbergo ac vicinorum montium. Dignum admiratione in hac pusilla & eleganti plantula, velutique stellæ alicuius iubare fulgenti sub sole, est, quod roscidum illud

illud ac congenitum ipsi humidum in acetabulis foliorum ipsius contentum, extremis leniter digitis vbi attingatur, dū adhuc natali suo solo ipsa inhærens aut tamen confestim inde euulsa feruentes solis radios experitur (quod quam primū obseruassem, postea sæpius eius rei experientiam feci) mox veluti in exigua aliqua ac sericea & candidiuscula filamenta ipsum diducatur, quæ confestim concreta ita postea semper perdurant: quod in aridis plantulis, eo modo dū vegetæ adhuc essent, tractatis ac libris meis herbarijs agglutinatīs, hætenus multis ostendi ac etiamnum ostendere possum.

*Struthium* herba lanaria aut fullonum: nō procul à Northusa ad promontoria Hircynica.

*Scorzonera* tenuifolia lutea: itidem ad promontoriū quoddam non procul à Northusa.

Quia autem huius Scorzoneræ nobis hîc mentio incidit, non incommodum fortè erit de Scorzoneris paucula veluti in transcurso subijcere. Atquē varia varij hætenus de hoc stirpis genere statuerunt. Initio, cū vsus eius in Hispania contra viperarum morsus innotuisset, Planta Hispanica nonnullis dici cœpit, quasi in Hispania solummodo spontis suæ esset: deinde ex Hispanico idiomate Scorzoneræ nomenclatura ei accessit à facultate quapiam peculiari qua specificè existimatur viperinis ictib. succus huius stirpis præsentaneo auxilio esse. Plurimis autē in Germania locis reperitur quoque, montosis præcipue. Differentias vero foliorū ratione & florum etiam euidenter obtinet, ita vt altera sit latifolia altera angustifolia. Latifoliam (quæ fortassis & in ipsa Hircynia nostra alicubi inueniri poterit) vidimus tantum flore luteo. Ea-que quo ad radicis saporem, iterum duplex est. Nam altera quæ cōmunior est, saporem exhibet subdulcem, ac ita à Tragopogonē nihil ferme distat, cuius etiā profectō aliquā species ipsa est. Altera radice constat valde amara (vtpotē genti-



anæ alicuius instar) copiosoque lacteo succo turgente. Hæc reperitur tum alibi tum maxime in Foresta syluula Ienæ vrbi imminente, solo lapidosiori firmiorique, ac in prato præterea quodam humectiori & herbofo agri Thuringici, iuxta pagū Ritnorthusam, distantem sesquimilliaris spacio ab Erforda, inter nimirum irides tenuifolias copiose profiliens, natali pinguiori: vbi propter saporem ab aliquibus ex vulgo pro Gentiana ostenditur: effodique ipsam non semel ibi præsentibus amicis nostris quibusdā cubiti longitudine. Cumq; *γερωντοπώγων* veterum, cui eandem, de stirpium historia præclare meritis Ruellius facit & Nicandri *γέρωντοπώγωνα*, solūmodo differat à Tragopogone radice amaricie: omnino in eam sententiam inducar, vt hanc Scorzonera speciem, cui videlicet radix amara est, censeam esse *γερωντοπώγωνα* antiquorum verum. Nec putō multum reclamare posse vnicam illam notam quod τὸ *γερωντοπώγων* folia describantur esse tenuiora Tragopogonis, cum è contra illa in hac Scorzonera nostra multo non in frequenter sint latiora, (ea nēpe quæ radici sunt viciniora) & nonnihil sæpe breuiora. Facile enim contingere poterit, vt regionum & locorum ratione aut alterius in natura abdita causæ interdum quædam plantæ alibi latioribus folijs constent longioribusque, alibi strictioribus ac breuioribus. Videmus namque hoc in multis ita obueneret & quandoq; etiam colorem floris mutari, qui tamen ipsam speciem non mutat. Ita etenim Petasites & Prunella minoribus folijs & cādids florib. affatim reperiuntur circa Andersbergum, ac aliquibus in locis Harcyniæ nostræ alcea tenuifolia ferè tantum nascitur, vt è contra alijs latifolia, sicut suis locis id annotatum est. Eodem modo in Marchia veteri symphytum maius tenuifolium reperitur in fossis quibusdam stagnantibus caule longiori rectiori, vt sæpe vidimus. Præterea non vbiq; ac perpetuo latifolia vt dictum est nobis occurrit

currit nostra Scorzonera, sed & foliis longioribus ac strictioribus. Estq; & hæc tenuifolia Scorzonera itidem duplex. Altera namq; flore est luteo, eaq; radicem aut dulciuseulam aut amarā nacta, pro natalium diuersitate: altera vero flore ex rubro subcæsis ac folijs priori multo tenuioribus angustioribusq;, coliculo sesqui dodrantali, radice amariusecula, quæ in collibus arenosis non infrequens est circa Quedlinburgum Saxonix urbem ac cliuosis quibusdam areis & apricis inter vineas nonnullas, nō procul ab Erfordo patria nostra, in Eri-cetis adhæc Marchix arenoso solo. Maiori porro antidotaria vicam, quæ amariori est radice, existimauerim esse præditam illam quæ dulci radice pronascitur. Verum hæc obiter hoc loco commonefacere, studiosisque rei herbariæ dijudicanda relinquere libuit.

*Struthiopteris Cordi.* Radice hæc cōstat crassissima tuberosaque, nō nihil fibrata, nigricante, cui circumcirca adnascuntur pediculi lōgi, cubitales, procerioresq;, ipsi radicis corpori squamatis quasi inhærentes vngue latiori, nigricante, longo vncias duas, semunciam lato, canaliculato parum, inferius tamen angustiori & adunco, qui eleganter exprimit figuram inferioris partis instrumenti istius ferrei pharmacopœorū, spatulæ nomine ipsis appellati, quo nimirum materiæ ab ipsis dum medicamenta componuntur miscenturque agitari cōnirique solent. Reliqua deinde pars quæ vnguem mox subsequitur, canaliculata imbricatur cauitate profundius. Pediculi exteriores frequentibus costis foliosis exornantur, quarū semp bina ad utrūq; latus æqualiter sibi contraponuntur: suntq; foliola in hisce costis similia prorsus foliolis filicis fœminæ supra indicatæ. Ac istis exterioribus pediculis color est in flauo rufescens, ipsiq; aliquantulum molliori materia constant. Interiores vero ex spadiceo subnigricant & crassiores



fiore sunt, multoque ex solidiori materia compositi. Horū  
 ij qui cæteris sunt proceriores, inferiori loco absque costarū  
 adminiculo, foliolis istiusmodi ad latera obuestiuntur, qua-  
 lia esse folia exteriorum pediculorum costis iam dixi: deinde  
 vero post medium pediculi vsque in summum eius cacumen  
 vtrinque costæ foliosæ frequentes sursum porrectæ in ipsis  
 disponuntur breuiore, neruo per medium dorſi ipsarum ex-  
 trinsecus protuberante, coloris spadicei, costis singulis inte-  
 riori parte imbricatis: foliosa vero pars ad latera ipsarū con-  
 tinua serie vtrinque crenantur, quemadmodū folia Scolop-  
 endrij veri: illæque crenis angustioribus ita incisæ particulæ  
 eleganti (vt sic dicam) crispatura versus interiora recuruan-  
 tur aut retorquentur, puluisculum istiusmodi etiam, qualis  
 eidem est stirpi, dense ac arcte ipsis adhærentem, interius sibi  
 includentes compræhendentisque: vnde figuram aliquam  
 ista crispatura conuoluta hæc folia quasi pennarū Struthio-  
 camelorū cum plumata ipsarū incuruatione effigiare vident-  
 tur. Cætera apud Cordum satis diligenter describuntur, qui  
 ipse fateatur se integram plantam, vt quæ sibi nondū tota visa  
 esset, non adumbrare. Nascitur autem non solum Gorslariæ  
 sed frequentissima est circa pagum Lutterdorsium in comi-  
 tatu Honſtenienſi distantem mille passus ab Andersbergo.  
 Hyeme non viret, vt tamen Gesnerus apud Cordū existimat,  
 deceptus falsa opinione, qua putauit lonchitidem secundam  
 seu asperam, quæ est Asplenion syluestre Tragi, eandem esse  
 cum hac Cordi Struthiopteride, sicut & eius Icon ex Trago  
 perperam isti capiti apud Cordum præfigitur. Obseruaui au-  
 tem diligenter stirpem hanc montes fastidire, & tantummo-  
 do in cōuallibus, ripis fluminum gaudere. Cumq; eius plan-  
 tam Stolbergam translata in horto montano iuxta stillicidiū  
 loco vmbrosiore & humentioſiore committerem, feliciter qui-  
 dem post hyemem renascebatur, sed exteriora tantum folia  
 profe-

proferebat, interiorum ne rudimentum quidē edens, moxq;  
media æstate emarcescebat, vnde prorsus eam perijisse puta-  
bam. Atqui cum post proximam hyemem denuo repullula-  
ret eleganter, ipsam ex horto montano in alium locum trās-  
tuli iuxta puteum, ita tamen vt ei proxime adiacuerit saxum  
excavatum amplum (quod aquas præsertim pluuias ad irriga-  
tionem mearū stirpium colligere solebat) semper aquis ple-  
num. Hūc transposita ista mea filix quasi locum sibi conue-  
nientiore post priorem transplantationem iterum nacta  
hac æstate non solum exteriora produxit folia, sed & interio-  
ra quoq;, quæ Struthionum pennis Cordus contulit. Vnde  
operæ precium fecerit is, qui Struthiopteridem veram Cor-  
di horto suo ex natali solo traductam fouere voluerit, si com-  
modum ei locum selegerit cui aqua sit in propinquo. Cæ-  
terum male in subiecto capiti de Struthiopteride scholio  
Cordus castigatur, quasi confinixerit dictionem ex Latino &  
Græco vocabulo contra eruditiorum consuetudinem. Cum  
enim nō solum *στρουθιοχώρα* sed & *στρουθιοχώρα* rectè Græce pro  
Struthione aue dicatur, dictione composita, vt apud autho-  
res reperire licet: quare non etiam rectè Cordus, vtpote vir  
Græcæ linguæ non triuialiter peritus nomen *στρουθιοχώρα* ex  
meris Græcis vocibus construxisse putaretur?

## T.

**THALICTRUM** nigrum Cordi, alias Saxifraga lutea. In  
pratis quibusdam circa Stolbergam & Ilfeldam.

*Thalicttrum Dodonæi, seu Sophia, Wessamen* / aut *Seriphium Trá-*  
*gi.* Rectè hoc Gesnerus propter saporem Nasturtijs annume-  
rat in hortis Germaniæ, vnde fortè nasturtiū *μειβολλον* à mul-  
titudine tenellorū foliorū dici poterit. Circa loca habitata.  
*Tragopogon luteus communis*, quandoq; ad semitas & in pratis.

Q

TAXUS



*Taxus* in montibus calcarijs prope Vualekenridam.

*Thlaspeos* generibus cognata planta præsertim quoad folia, siliquifera. Radix ei est parua, diuisa, lignosa, candida: in cuius summo folia prodeunt carnosæ, asperæ, uncias duas longa, semissem lata, in ambitu veluti leniter excisæ seu prærosæ, in mucronem obtusum desinentia: ex medio horum exurgunt coliculi teretes, dodrantales, asperi, folijs minoribus quam fuerunt priora & Cardamoidi Cordi Thlaspei similioribus, non tamen ita mucronatis, per continua intervalla circumcirca obuestiti, in cacumine coma racemosa flosculis parvulis, candidulis, leucis similibus plena nutante, qua pereunte oblongæ siliquæ subsequuntur semine paruo Nasturtij alicuius instar, prægnantes. Hæc aliquomodo congruit (non tamen in omnibus) cum illa Anglorum Prouinciali planta, quam inter Sinapi & Thlaspi mediam faciunt.

*Thlaspi Matthioli tertium*, radice scilicet candida, crassa: folijs leucis satiui, cinereis: caulibus rotundis, scabris: florum corymbis albis: seminibus in mucronatis, cinereis, & veluti inflatis vesiculis similibus capitulis Camelinæ. In locis aridioribus. [Passim quoque nascitur apud nos hoc Thlaspi, sed videtur parum congruere cum Matthioli pictura III: Thlaspeos, quod in saxosis nasci ipsemet asserit: hoc vero nunquam eiusmodi locis inueni, sed potius circa sepes & alibi strigoso gramine obductis arcis. Ideo in nostra editione, omissa Matthioli saxatilis Thlaspeos icone, aliam substituimus ex ipsa plantula depictam, quæ antehac nemo, vrarbitror, exhibuit, donec Matthioli illud Thlaspi nobis quoque innotesceret.]

*Thlaspi minima species*, quæ radice constat tenui, superuacanea, foliola in superficie terræ reclinata habens, parua, acuminata, in ambitu leuiuscularum incisionum impressiones admittentia, aspera, ac non nihil hispida: coliculos vero digitali longitudine aut nonnūquam palmares singulares vt plurimum, tencros,

teneros, paucis foliolis donatos: ac breui candidorum floſeu-  
lorum corymbo, capitulis item priori ſpeciei ſimilibus, qui-  
bus includūt ſemina exigua, rubētia, plurima. Oritur mox  
veris initio in collibus aridioribus & ſaxis item. Sæpeq; adeo  
plantula hæc puſilla eſt, vt tota eius proceritas vix vnciæ lon-  
gitudinem excedat. Conuenit hæc folijs præſertim, vt & flo-  
ribus, prorſus cū pilo ſella ſiliquata noſtra minori, cuius ſupe-  
rius meminimus, hoc ſolummodo ab ea diuerſa, quod illa in  
ſiliculis ſemina pferat, hæc vero in turgidulis mucronatiſq;  
capitulis. Ideoq; vtranq; cognosceſcē cupienti diligentius ad  
vtranq; attendendum erit, ne alteram pro altera accipiat.

*Tilia ſylueſtris ſeu montana*: circa Ilfeldam ac Stolbergam.

*Tuſſilago*, paſſim.

*Trichomanes nigrum*, vulgare videlicet illud, quod communiter  
Saxifragiam rubram vocant: id nigrum appello propter ſe-  
quentis differentiam.

*Trichomanes candidum*, exigua tenellaq; admodum plantula,  
trichomani nigro ſimilis coliculo, qui ipſi breuior candidi-  
orq; eſt, & folijs etiam, quæ candidiora itidem obtinet, tene-  
riora, molliora, & quaſi rudimentum quoddam ſemiperfe-  
ctum trichomanis teneritudine ſua referentia, quod videli-  
cet à natura nondum ſit in perfectæ ſtirpis *κρίλας ασί* plene tra-  
ductum. Nascitur hoc in vliginoſo muſco paſſim, facileq; e-  
diligentius ſingula perſcrutanti obuium eſt.

*Trifolium acetofum*, *ἑξυτέριλλον*. paſſim locis humidioribus & ad  
radices arborum antiquarum.

*Trifolium pratense vulgare*, *Fleiſchblumen*/Klee/ alterum flore ru-  
bro, alterum flore candido.

*Trifolium aliud montanum*, etiam ſatis vulgare, folijs oblongio-  
rib. acute mucronatis. Hoc duplex eſt. Maius, q̄ cauliculos  
erigit dodrātales, folia cōtinentes in oblongiorib. pediculis  
tria ſimul cohæſētia, vnciarum trium ſæpe longitudine mu-



cronata, in ambitu neruulorum suorum extremitatibus eleganter veluti striata, florem purpureū in oblongiori quasiq; spicato capitulo. Diuersum ab hac specie non admodum est trifolium spicatum, quod à Trago pro Cythiso habetur, cui folia multo longiora sunt, & spicata florum series quoque prolixior, qua saltem nota distingui potest à priori. Prouenit vero auff der Langen.

Minus breuioribus cōstat coliculis & folijs & capitulis etiam, estq; flore quandoq; purpureo, quandoq; candido. Proueniunt omnia ut plurimum in montibus apicis, nonnunquam etiam in pratis.

*Trifolium luteum primum*, capitulo scilicet breuiori. Duplex hoc est: Maius enim coliculos profert dodrante maiores, folia paulo maiora, rotundioraq; florum luteorum capitulū breue, post quod semina racematim exhibet in rotundioribus paruisq; utriculis.

Est vero hoc Melilotus minor Tragi, ac Lotus syluestris minor Dodonæi. Minus suffruticans ferme est, viticulis multis, exiguis, gracilibus & striatis in terra direptans, quosdam etiam dodrantali altitudine erigens, folijs breuioribus, humani Cordis ferè (qua nempe figura vulgo pingi solet) aliquam similitudinem exprimentibus, ac pulchre suis neruulis striatis. Capitulis florum & racemis seminum iisdem est cum priori. Reperitur in pratis aridioribus, marginibus, ac secus vias. Videtur autem trifolium luteum minimum Anglorum, aut idem cum hoc esse, aut tamen eiusdem generis.

*Trifolium luteum alterum lupulinum*, quod sic denominari poterit à capitulo florum, fructum lupuli imitante, unde & vulgo lupulus syluaticus nominatur. Assurgit coliculis vitigineis, lentis, dodrantalibus, folijs pratensis Trifolij minoribus: flores in capitulo squamatim compacti, luteo exhibet,

exhibet, lupuli salictarij fructu, vt dixi, simili, sed minori.

*Trifolium odoratum primum Dodonai*, seu Melilotus vulgaris, flore tam citrino, quam candido.

*Trifolium corniculatum primum Dodonai*, D. Laurentio Hiel olim meliloti pentaphylli nomine dictū, quod iuxta singulos trifoliati folij pediculos bina adhuc ad coliculum aut brachia stirpis eius foliola constituentur. Lotus vero sylvestris maior Dodonæi in iconibus To. 11. ac Melilotus nobilis Tragi.

*Trifolium corniculatum Dodonai alterum*, tertia Meliloti maioris species apud Tragum, coliculos foliosos emittens, cubitales: tenues: folia trifolij sed angustiora: flores luteos paruos in conferta veluti breuioriq; spica: siliquas cornu modo incuruas, vnciales ferē.

*Trifolium palustre, seu Trifolium Castoris*, Isopyron Dodonæo, alias à Cordo olim amicis in suis herbationibus pro Limonio vero exhibitum, quod nempe irriguis pratis & consimilibus locis gaudeat, à quibus Limonio suum apud Græcos nomen antiquitus obrigit. Hoc florigerum paucis ab hinc annis reperiēbatur in Haynsfeldo loco montano, pratensi, vliginoso, Stolbergæ vicino, sed floribus ipsis absque seminibus euanescentibus vna cum suo coliculo, cui infederāt. Ipsum præterea sterile prorsus absque videlicet semine & flore in quodam prato non procul à Vuernigerodā reperitur. Seminiferum rursus copiose conspicitur absque floribus circa pagum Dectingerodam, non admodum multum distantem à Vuernigerodā. Tragus idem Limonij pratensis nomine describit, sed apparet ipsum incidisse in locum vbi stirps hæc florifera quidem fuerit, sed floribus eius absque fructu intercidentibus, vnde ipse existimauit nullum herbæ huius fructum prorsus esse.

*Tanacetum citrinum*, locis pluribus apricis, cliuosis, in conuallibus. itē quibusdā et secus fluuios, non procul à locis inhabitatis.



*Tanacetum album* seu *ἀοσμον*, quo ad caules & folia citrino prorsus simile, in floribus autem dissimile, quos videlicet exhibet satis magnos, bellidis sylvestris floribus in omnibus respondentes, eodem nimirum modo forinsecus orbiculatim, capitulum luteum intus constitutum rotundiusculeq; protuberans, foliis oblongis, candidis circumambientibus. Passim locis cædis ac alijs locis apricis montanis.

*Tormentilla*, passim.

*Tithymali* quoddam genus, caulibus foliosis, simplicibus, non brachiatis seu *Tithymalus* *σινδύφυλλον*, quod sic nominare soleo, cum alio peculiari conuenientiori; nomine ipsum habetenus vel denominatum vel descriptum ab aliquo, nesciam, quia ut iam dicetur, foliola mire punctellis notata continet. Duplex hoc est. Maius caules emittit ex vna radice forinsecus rubente multifida, plures, sesquipalmares, teretes, cauos, glabros, cacuminibus suis desuper nutantes aut recuruos, foliolis oblongiusculis per interualla continua circum circa eosdem ambientibus, lenticulae ferè figura, crassis, coloris sufflaui, asperis parte inferiori ob crocata punctella, quæ plura instar macularum vel potius stigmatum exiguum protuberantia leuiter, ibi continentur, superiori vero læuiore, viridi. Nascitur in apricis asperisque locis, itè circa prata quædã aridiora ac semitas etiam nonnunquam. Minor coliculos obtinet teneriores, breuiore, palmares nimirum, foliola itidem multo minora ac tenuiora, sextulam dimidiam non multum latitudine excedentia.

*Tithymalus cyparissias* passim.

*Tithymalus leptophyllus Matthioli*, plantula videlicet fruticosa, radice parua, distorta, lignosa, inutili ferè: caulibus palmariibus, plurimis, brachiatis, & late nonnunquam diffusis: foliolis numerosis, oblongis, quorum inferiora lenticulae similiora sunt, superiora autem ex paulo latiori veluti basi, (qua nempe

nempe coliculis & ramulis ipsi appenduntur) incipiunt, & in tenuem acutumq; mucronem paulo longiuscule diducuntur: semine in capitulis triquetris, paruis, oblongiusculo, griseo, papaueris candidi seminibus maiori. Ob exiguam quandam cum lenticulæ folijs similitudinem quibusdam rei herbariæ indagatoribus hoc genus pro Chamaesyce habetur. Attamen cum eius foliola à terra attollantur, & suis mucronibus sæpe sursum erigantur, ramulos etiam non in terrâ deiectos, hæc stirps habeat, & præterea flores producat, chamaesyce esse nequit. Nec etiam Peplis esse poterit, quod cum Peplis foliis nihil similitudinis obtineat. Prouenit circa loca habitata. Est vero Esula exigua apud Tragum ac eidem putatur esse peplus.

*Tithymalus helioscopius Dodonæi.* Sed rarior, caulibus dodrante altioribus, mucronatis, non crenatis, sescuntiali longitudine, vncialique fere latitudine.

*Tithymalus dendroides Dodonæi*, Trago Esulæ tertia species, Esula vulgaris ipsi dicta ac Helioscopius existimata, sicuti & Matthiolo quoq; ac Anglis: foliis rotundioribus, in ambitu crenatis, quorum quinque circa summum cauliculorum ac brachiolorum cohærent sibi quasi connexa vnguibus, ac in orbem explicantur, ex quorum medio deinceps aliquot pediculi prodeunt itidem consimilia folia quinque vel quatuor vel tria in fastigio suo collocata habentes, exque horum centro denuo exigui pediculi & tenues profiliunt, tres ut plurimum flores luteos, foliaceos continentes. (Dodonæus in vetusta Iconum editione Dendroidis loco hunc Tithymalum depinxit, quam postea mutata sententia rectius vna cum plerisque eruditioribus Helioscopium nominauit.)

*Tithymali Characiæ* species radice rubicundo cortice obuestita: caulibus vitigineis, flexibilibus ac procumbentibus. foliis Amygdalinis, rubetibus. sextantē lōgis, sescūtiā vero latis: ex alis folio-

rum



rum longiusculos, tenellosq; ac flexiles pediculos emittens, in quibus peltata ac concaua folia cōstituuntur, inter quæ in exiguis petiolis flores lutei primo vere eleganter conspicui prodeunt. Hunc Characiæ Anglici ac Francici nomine recensent Angli doctissimi in sua Aduersaria.

Huic consimilis quodammodo alia species, radice tenui transuersali, modice cirrata, inutili: coliculis dodrantalibus, procumbentibus, tenuibus admodum flexibilibus, qui in summo folijs obuestiuntur priori multo breuiorib. vncias duas longis ac minoribus etiam, vnam vero vix latis. Flore re hanc speciem non vidit ac rarior est inuentu. Reperitur autem nonnunquam in montibus non procul ab Osteroda vrbe.

Alia rursus huic generi quodammodo consimilis species, caulibus rectis, dodrantalibus, qui paucis folijs donantur, sextantali longitudine, vnciali latitudine, quibus consimilia in summo quinque alia vnguiculis sibi cohærentia in orbem explicantur, ex quorum medio petioli sex erumpunt breues, minoribus exornati foliolis, sub quibus semina in vasculis triquetris contineri posteaquam defloruit, non dubito, quâuis cum flore mihi herba hæc visa non sit. Iisdem montibus cum priori gaudet, rarissima & ipsa inuenitur.

*Tota bona Dodonæi*, seu Bonus Henricus, herba videlicet ex Atriplicum ac Rumicum generibus intermedij quid obtinens.

## V.

**V**ALERIANA *sylvestris maior*. Copiosa montibus opacis & locis humidioribus ac secus riuulos, Quandoque hæc solo feliciore reperitur folijs latioribus.

*Valeriana minor* seu palustris, ad riuulos quosdam & circa fonticulos nascens, aliaq; loca scaturientia ac vliginosa.

*Verbascum*

*Verbascum nigrum latifolium*, folijs amplis, nigricantibus, aliquantum procumbentibus, scabris, thyrso oblongo, floribus ex citrino purpurascens referto, passim. Alia huius species, flores ex flauo candidulos obtinens, frequens in montibus quibusdam circa Gerenrodam versus meridiem sitis. Reperi & alibi hoc genus ad Harcyniam flore prorsus candido.

*Verbascum album mas*, seu Candela regia dicta, aut Thaspus barbatus.

*Vincetoxicum*, in montibus apricis, soliꝑ; expositis, circa Vuer-nigerodam & Gerenrodam potissimum.

*Vitis Idea nigra maior*, frutex sarmentosus, folijs buxeis, fructu maiori, quam sequens species, dulcis vinosiꝑ; saporis. Plurima reperitur in Broccenbergro.

*Vitis Idea minor*, passim: cuius nempe fructus vulgo Myrtillos vocant. Vaccinia nigra Dodonæi.

*Vitis Idea rubra*, seu Vaccinia rubra Dodonæi. Hanc stirpem olim Aemilius existimabat esse Rhun Plinianum minorem. Vulgo apud nos *Rrânbeer* vocant, Nariscis vero *Rote Preiselbeer* dicitur, quorum sylvæ hoc frutice refertissimæ sunt. Copiosissima est circa Vuernigerodam in Broccenbergro & vicinis montibus: item circa Vualckenridam, Gerenrodam, alijsq; locis quampluribus.

*Virga aurea*. In hac planta solet natura varie ludere. Nonnunquã enim ei folia sunt longiora, nonnunquam latiora, nonnunquam item breuiora: omnia tamẽ serrata & à se inuicem non multum distantia.

Est & alia virgæ aureæ species nigricans, communiori similima omnino, iisdem folijs, nisi quod ea nigriora sint.

*Virga aurea* Broccenbergensis, hæc breuiori est caule, folijs item paulo strictioribus ac nigrioribus, alias tota facie Virgæ aureæ vulgari similis.

*Verbena*, iuxta Gerenrodam.



*Viola tricolor*, seu septicolor, vt etiā Gesnerus quandoq; appellat, alijs lacea syluestris dicta, seu *Viola flammea*. Spontanea est in monte quodam prope Ilfeldam & circa Stigam in agris.

*Viola Martia syluestris*. Hæc diuidi poterit in maiorem cui videlicet folia sunt maiora, & rotundiora: ac minorem, cui folia sunt mucronata, oblonga ac strictiora.

*Viola calathiana* seu autumnalis prima. Hæc non est ea cuius iconem Dodonæus exhibet: simplicioribus enim nostra constat coliculis: floribus oblongis, cauis, hiantibus, calathi figura, in orifico in tenues lacinias ac subhispidas diuisis, cæruleis: radícula exigua inutili. Estq; *Pneumonanthe Cordi*. Apud quem autem non huius primæ speciei (quam ibi tamen auctor cum sequenti τῆ πολυανθήων nostra mixtim describit) icon ponitur, sed tertiæ, à Dodonæo, Anglis ac Matthiolo descriptæ, quam quidem in Harcynia nondum reperi, verum eam copiosam in quibusdā humidioribus pratis veteris Marchiæ ac in Vuagera seu vna vucyta sylua prope Erfordam sæpe vidi, in Hausbergo vero Lenæ, vnde suam Cordus legit, nunquam: Veruntamen primam speciem creberrime. Ei radix est non lignosa, inutilis, semestris & tenuis, vt in sua Cordus requirit, adde & singularis, sed in plures appendiculas oblongas, mediocres, perennes, admodum Gentianæ modo amaras diuisa, de qua exiliūt coliculi viticulares, singulares vt plurimū, quandoq; etiam plures ac brachiati, teretes, sesquicubitales interdum, geniculis interstincti, ex quibus prodeunt bina semper ex aduerso sibi opposita folia, oblonga oleæ folijs adsimilia, sed minora, sextantis ferè longitudine, semuncia autē paulo latiora, viridia, splendētia, glabra: floresq; ei sunt prioris speciei maiores, sed minus paulo hiantes, diuisi quidē verū nō in laciniatas particulas diuisi, ex saturatiore autē cæruleo eleganter punicantes. Vocant hanc *gülden Nürin* in Marchia & præclaras ei vires in sanandis pulmonum affectionibus ac hepatis

patis etiam ascribunt. Hanc autem vt dixi in Hircynia nondum obseruauit: puto tamen alicubi in ea inueniri forte posse. *Viola calathiana altera seu πολυάνθεμος*. Hæc constat radice lignosa, candida, inutiles, varie distorta, parua: coliculis dodrante minoribus, sæpe sesquidodrantalibus, non nihil angularis, sarmentosis, geniculatis, brachiatis, binis ex singulo geniculo folijs mucronatis, vnciali longitudine, ex cæsis nigricantibus.

Hæc species in summitate caulis ac brachiorum pediculos plures, oblongiusculos exerit (sicuti & ex alis foliorum, licet pauciores) quibus continentur flores caui, oblongiusculi, calathi figura, in laciniatas particulas disrupti superne, coloris ex pallidiore cæruleo subrubentis veluti leniter, odoris nauseosi seu virosi. Rarius flore prorsus candido sese offert. Est vero alioquin priori multo frequentior, passim locis cliuosis sub autumnum obuia.

*Volubilis maior*, Smilax læuis, ad sepes, & inter dumeta.

*Volubilis minor*: in locis aruensibus montanis.

*Volubilis media seu nigra*, Helxine cissampelos: frequentissima in syluis cædis inter gramina luxurians.

*Veronica mas* flosculis subcæruleis passim, Eadem floribus candidis prorsus, sed infrequentior.

*Veronica femina*, locis vdis & alias solo pinguiori.

*Vrtica maior* passim. Minor iuxta loca habitabilia. Eadem caule cubitali & ampliori, brachiato, folijs paulo minoribus & nigrioribus, alias nihil differens.

*Vrtica fatuæ* supra nomine Galeopsidis indicatæ.

*Vrtica fatua sylvestris aculeata*, seu ἀκνθεσσόνδυλος, seu *Lamium ἀκνθεσσόνδυλον mains*. Caulibus assurgit quadratis, ramosis, hispidis, bicubitalibus, folijs hispidis, nigricantibus, mucronatis, tridentali longitudine, quadrantali latitudine; reliqua minora



existunt sextantali longitudine, fescuntiali latitudine. In summo continentur verticilla longioribus aculeis horridiora, inter quæ emicant flores rubicundi. Altera minor est ejusdem folijs, paucioribus, breuioribus, verticillorum minoribus aculeis. Semen hisce est cannabino simile, non prorsus rotundum, ex protuberante ventre in mucronem desinens, fuscum, maculatum. [Cannabis sylvestris Lobelij.]

*Vrtica fetida maxima* πορφυράνθημος, Heraclea Tragi, caule bicubitali, quadrangulo, hispido, ramoso: folijs amplis, trientem longis, quadrantē latis, hirsutis. Verticilla in oblongiore scapi ac brachiorum serie profert per interualla rariora, ex quibus flores purpurei emicant.

*Vrtica fatua incana*, Lamium incanum. Præcedenti simile est, folijs tamen nō ita amplis, pilosis, inferius incanis, densa & molli obuestitis lanugine: caulibus quadrangularibus, obliquis, procumbentibus, breuioribus, unde & reptile ferè est locis asperis, apricis.

*Vrtica fatua* λευκόστυλος, radice densa, multifida, fibrosa: coliculis pluribus, quadratis, sesquipalmaribus, hispidulis, humi direptantibus, in terra facile comprehendentibus ac novos surculos edentibus subinde: folijs rotundioribus, mucronatis tamen, sextantalibus ferè, serratis, quæ albis maculis frequenter insigniuntur. Quæ de causa puto ipsam esse, quam Solenander in quodam consilio Licnariam seu Milzadellam vocat. Passim, locis cæduis potissimum ac alias etiam in syluis frequens inter coryleta.

Huic consimilis in omnibus species alia, folijs hirsutioribus.

*Vrtica fatua aquatica*. Lamium πολύμορφον αὐτὸ πολύχρουν. Caulibus asurgit quadratis, hirsutis, brachiatis, canis: folijs mucronatis, vnciarum quatuor longitudine, duarum latitudine, hispidis: flores ex verticillis emittens versicolores, luteos. maiori ex parte:

ex parte & nonnihil rubicundi ac cærulei continentes, elegantes. Nascitur ad riuos, ad piscinas, in montibus opacioribus & alias, locis humidioribus. Forte idem est Lamium luteum Anglorum.

*Viscum*, in pomis syluestribus passim. In Corylis ac oxyacantha Matthioli rarius. Vidi & in iuglande, in horto monasterij Ilfeldensis.

*Ulmus*. prope Stolbergam.

## X.

**X**ANTHION seu Lappaminor, iuxta loca habitata.  
*Xylosteon Dodonæi*, passim in montibus vmbrosis.


F I N I S




IMPRESSVM FRANCO-  
FVRTI AD MOENVM, APVD IO-  
HANNEM FEYERABEND, IMPENSIS SI-  
gismundi Feyrabendij, Heinrici Dackij,  
& Petri Fischeri.



M. D. LXXXVIII.







ICONES  
ACCVRATE  
NVNC PRIMVM DE-  
LINEATAE PRAECIPVARVM  
STIRPIVM, QVARVM DESCRIPTIO-

nes tam in Horto quam in Sylua Hercynia  
suis locis habentur.

AVTORE IOACHIMO CAMERARIO  
*Reipub. Norimberg. Medico D.*



*Impressum Francofurti ad Mœnum.*

---

M. D. LXXXVIII.



1801

ALCOV R A T E

NANCY RIMM DE

LINCOLN PRACIV ARAM

STIPENDIUM QUARTI PRACIV ARAM

Quartum Praciv Aram

Quartum Praciv Aram

QUARTUM PRACIV ARAM

Quartum Praciv Aram



Quartum Praciv Aram

Quartum Praciv Aram

*Abutilon Indicum. Hort. Pag. 3.*

Imago hæc ex altera parte florem, ex altera semē  
cum ipsius conceptaculo appicta ostendit.

Aa 2

Aizoon



*Aizoon peregrinum.* Pag. 7.

Pingitur hic tam nouellum quam adultum, & separatim quoque flosculus iustæ magnitudinis, & semen ex vasculo suo excidens.

Alcea

III.

*Alcea arborescens.* Pag. 9.



Plantulam hic exhibemus, qualis apud nos enata  
fuit ex semine. Florem vero communicavit CL. Vir  
D. Rauvolfius.

Aa 3

Alcea



*Alcea arborescens.* Pag. 9.



Ramus hic adiectus est, ne adultæ plantæ imago  
foliorum acuminē aliquantum varians desideraretur. Acceptum autem ferimus & hunc, CL. Viro D.  
Rauvolfio.

Aloc



Huius altitudo ex appicti floris quantitate medio-  
criter conijci potest. Accurata descriptio extat apud  
Cæsalpinum. Nos iconem dedimus, cum à nemine  
hactenus depicta fuerit.:

*Althæa.*





\* Folium ex flore decerptum, † semen, Y Radicis  
 crassitudo denotatur vt integra plantæ statura non-  
 nihil hinc æstimari liceat.

Aphyl-

## VII.

*Aphyllanthes Anguillarz. Pag. 18.*



Petrus Pena solus hanc plantam Globulariæ nomine delineavit, sed nonnihil accuratius geminam ipsius differentiam Gesnerus expressit, qualem ex imagine subiecta contemplari licet.

Bb

Auricu-





† Flosculorum alter simplex depingitur, \* alter, (quod frequenter admodum contingit in hac planta) ingeminos quasi detortus. Adijcitur quoque seminis folliculus integer, & alius dissectus ut grana intus latentia intueri possis.

Barba



Vnus Tragus hanc depinxit, & ex hoc postea omnes transtulerunt. Nos aliquantum emendauimus & semen adiccimus hac nota † insignitum.




X.

*Carduus lacteus Syriacus.* Pag. 35.



Quod nostræ plantæ, cuius in horti catalogo meminimus, decrat, ex D. Rauvvolfij sicca suffecimus. Proportio vero totius ad hanc imaginem erat quadrupla.

Cauca-



Flosculi seorsim tantilli exprimuntur, quanti re-  
uera sunt, quemadmodum & semen hic ostenditur  
quantitate iusta, vt inde tota planta æstimetur.



XII.

*Corcorus. Pag. 47.*



In Lobelij herbario integre proponitur. Desunt  
tamen semina & foliorum barbulae, quæ tali figura  
expressimus.

Genista

## XIII.

*Genista Sagittalis Pannonica. Pag. 64.*



Hic indicatur 1. tota planta, 2. foliorum & 3. florum mediocris quantitas.

Genista



XIIII.

*Genista transalpina.* Pag. 65.



Ex flore & siliquis seorsim effigiatis integræ stirpis  
mensura facile haberi potest.

Gentia-

XV.

*Gentianella elegantissima* Bauarica. Pag. 65.



I. Maiuscula est & radiculis reptantibus prædita:  
 II. Minor, folijs breuioribus & rotundioribus. Folia  
 floris quina sunt, rarius sena.

Ct Gingi-



XVI,  
*Gingidium*. Pag. 67.



Extat etiam icon apud CL. D. Rauvvolfium, sed  
elegantissima semina ibidem nimis confusa & ob-  
scurata negligentiam pictoris arguunt.

Halica-

*Halicacabum siue Solanum Indicum*. Pag. 70.

Inferiore parte flores duo appinguntur, alter supinus, & alter pronus è suo conceptaculo vullus. Deinde etiam fructus inuolucro suo amictus & eodem exutus, nec non dissectus vt semina appareant, quæ & ipsa separatim apposita visuntur.



XVIII.

*Hesperis Pannonica.* Pag. 74.



Flos & siliqua valvulis apertis, & scorsim appositum semen hic ostenduntur.

Hespe-



Pingitur floribus & semine onusta. Nam antequā  
 caulescat, foliorum longe alia facies est. 1. Flosculi  
 mediocris quantitas, 2. tertia siliquæ pars & semina  
 intus contenta integræ plantæ staturam innuunt.



*Hesperis Syriaca* siue *Leucoium marinum*

D. Rauhvolffj. Pag. 74.



Hanc Tripoli spontaneam inuenit ille, & me quoque aride plantę fecit participem. Videtur autem ob locos natales & exiccationē nonnihil strigosior præcedente, alioquin parum diuersa. Ideoq; ex aduerso illi collocaui, vt aliorum de ea sit iudicium. Hyoscya-

*Hyoscyamus Syriacus. Pag. 77.*

Ipsa planta plerunque huius iconis quantitatem  
quater in se continere depræhenditur.

Hyoscya-



*Hyoscyamus peculiaris.* Pag. 77.

Florum alter suo calyce hærens, alter euulsus hic  
monstratur, nec non seminis vasculum, membrana-  
ceo munimento dissecto, & amoto operculo.



Arbor hîc exîgua pîngitur. Flos autem, quorum  
 plures racematim nascuntur, & folium, fructusque  
 dissectus cum nucleo-exempto mediocrem magni-  
 tudinem præ se ferunt.

Dd

Leu-



XXIIII.  
*Leucoion Marinum.* Pag. 87.



Flosculi, & semen in cruciformibus siliquis nec  
non folium iustæ magnitudinis vna cum totius plan  
tæ pictura oculis hic subiiciuntur.

Lotus

*Lotus peculiaris siliquis ornithopodij. Pag. 91.*



Flosculus, folium & siliqua cum semine nativam  
quantitatem liquido demonstrant.



*Lotus pulcerrima tetragonolobus.* Pag. 91.



Ex adiectis particulis patet foliorum, florum & feminum magnitudo. Siliquæ additur granum integrum vnum, & alterum dissectum.

Medica

XXVII.

*Medica Arabica. Pag. 97.*



Seorsim depinguntur flosculi, folliculi & semen  
magnitudinem genuinam præ se ferentia.

Dd 3

Medica.





Hanc admodum exquisitè C. Clusius in Hispanicis observationibus delineavit. Nos hic exprimere voluimus flosculos & semen cum suis corniculis, & præterea discrepantiam ramulorum, qui dum nouelli sunt flosculos & folia maiuscula edunt, per ætatem vero cum iisdem subinde minuuntur.

Melilo-



\* Foliorum maxima & media quantitas hinc evidens existit, vt & Flosculorum seminumque ex adiectis portiunculis. Videmus in quibusdam vasculis bina in reliquis vnicum tantum granum contineri.

Melissa.



XXX.

*Melissa Fuchsij. Pag. 99.*



Præter C. Clusium in observationibus Pannonicis  
nemo hanc satis accurate depinxit. Ideo nostram  
quoque Iconem hic proponere volumus, addito  
flore & semine cum suo folliculo.

Nastur-



Hæc est vera imago eximiæ huius plantæ, qualem  
ad viuum ab industrio pictore exprimendam curaui-  
mus.

Ee

Flores





Quia in icone diminuta necessario quædam obscuriora red-  
duntur, flores & semen cum triquetro vasculo iusta quantitate  
noluimus desiderari, nec non folia superiora quæ inferiorum  
nonnunquam vix sunt pars septima: vt hinc metiri facile totam  
proportionem queas.

Ocimo-



Iuxta integram stirpem collocatum cernis florem  
 integrum & folium floris cum stamine annexo cuul-  
 sum. Seminis item racemulum, & grana separata, &  
 pericarpium integrum.



XXXIIII.

*Ocimoides noctiflorum*. Pag. 109.



Hic quoq; depræhendes capsulam seminis, & racemulum, cum excidentibus granis.

Orchis

XXXV.

*Orchis radice repente*. Pag. III.



Elosculi appicti sunt conuenienti magnitudine,  
vt & vasculum è quo semina puluisculum referentia  
excidunt.

Ec 3:

Palma



XXXVI.  
*Palma. Pag. 116.*



Hac forma ex sui ossis parte, quæ rimæ opponitur, enasci solet Palmæ germen, & primo in radicem descendere, mox sursum protrudere quoq; folium. Pingitur autem os oblongius, quale est dactylorum Alexandrinorum.

Perfo-

*Perfoliata crispa seu muscosa. Pag. 120.*



Segregauimus florē huiusmodi crispum seu muscosum ex reliquis, & rursus ex hoc pusillum flosculum, vt distinctius omnia contemplanti apparerent.

Pei fo-





Considerandi sunt hic flosculi conglomerati in  
 suo foliaceo cōceptaculo aduersa & auerta parte ex-  
 presso, ijdemq; separatim adiecti, & semina dense sti-  
 pata, nec non seorsim pictum granum.

Phasco-

XXXIX.

*Phaseolus Ægyptius.* Pag. 124.



Folium, flos, siliqua & semina adiuncta de totius  
plantæ statura coniectanti auxilio sunt.

Ff

Quamo-





Inferiore parte adiectum vides folliculum integrum, & alium effractum, semotas quinque laminulas, & exempta semina quina. Nimis vero tenella hic planta depingitur, ideoque aliquando pleniorē imaginem vulgabimus.



Exhibemus plantam nouellam & adultam. Appo-  
 fuimus & aridam in se conglobatam, qualis vulgo  
 veditur. Folium, flusculi, & semina cum suis vasculis  
 parte superiore in conspectu sunt.



XLII.

*Rosa Hierichuntica alia.* Pag. 147.



D. Leonardus Rauvolfius hanc nobis communicavit in Syriæ ruderibus collectam.

Scro-

XLIII.

*Scrophularia peregrina.* Pag. 157.



Flosculi è suo conceptaculo euulsi, parte anteriore & posteriore, & vnus eidem adhuc inhærens, denique semen cum suo vasculo distincte hic notari possunt.

Ff 3

Sesla-





D. Rauvvolfij munere hic spectatis flores genuinos, quorum alter discissus pingitur, ut stamina intus latentia in conspectum veniant. Vasculum quoque dimidium & apposita semina.

Sphæro-



\* Echinati capitis portiunculam hic aspicias, cui  
flosculus inheret, & † eundem flosculum nudum, se-  
minis rudimento insidentem, inferiore autem parte  
semen maturum, cum hirsuto munimento quo con-  
tinetur & quem continet, nucleo.



XLVI.

*Tragos. Pag. 171.*



Præter integram plantam, flosculi, fructus & femina in hac imagine conspicua sunt.

Trifo-



Quanta sit planta colligere licet ex folio, flore, fol-  
liculo, siliquula intus absconsa eademque exempta,  
& semine, quæ singula seorsim picta in conspectu  
sunt.

Gg

Hercy-



# Hercyniarum stirpium Icones.

I.

*Astragalus Syluaticus*. Pag. 7.



Folium vnicum & siliqua cum semine de totius  
plantæ quantitate testantur.

Cony.

I I.

*Conyza maior altera.* Pag. 21.



Folium mediocris magnitudinis & flos, vno foliolo & pusillis intus flosculis euulsis appicta visuntur.

Gg 2

Cony-



III.

*Conyza maxima serratifolia.* Pag. 21.



Huius quantitas diligenter in descriptione indicatur.

Cerui-

IIII.

*Cervicaria maior tenuifolia.* Pag. 32.



Flos tantum adijcitur. Semen est idem quod reli-  
quarum huius generis plantarum.

Gg 3

Gera-





Pingitur quale per hyemem sine caule durat, & ostenditur integra quoque planta, flore & semine onusta. Particulatim etiam flos & semen addita conspiciuntur.

VI.

*Orobus Syluaticus vernus. Pag. 80.*



Folium, florem, siliquas & semen separatim ap-  
pinximus.

Pilo-



## VII.

*Pilosella filiquata.* Pag. 84.

Triplex hæc pingitur. C. non describitur ab autore  
sed his à Gesnero vt cognata fuit adiecta. D. Minor  
species à qua parū discrepat maior quemadmodum  
descriptio ostendit. E. minima, de qua vide Lobeliū.

Rapun-

VIII.

*Rapunculus Sylvestris umbellatus.* Pag. 94.



Huius tres differentias hic depinximus congeneres ijs quas autor descripsit, quamvis non easdem.

Hh

Salsi-



## IX.

*Salisrora, siue Ros solis. Pag. 116.*



Duplex hic varietas obseruari potest. 1. Masculus breuior est ac totus rubet. 2. femella, vbique notissima.

EIS

# ΕΙΣ ΚΗΡΟΝ ΙΑΤΡΙΚΟΝ ΚΑΙ

ΦΙΛΟΣΟΦΙΚΟΝ,

Ἡ καλὸς ὅτ' ὁ καὶ πῶς, ὅκου καλὰ τόσα πεφύκει  
 ἄνθεα πορφυρέα αὐλακῶ ἀγλαΐα.  
 Ἡ γὰρ καὶ ἀλθήεντα τόσων ἀκλήρεια ποιαὶ  
 τρωσάπαι καπυρὰν ἐξανίστασιν ἀν.  
 Μίερα τ' ἄλλοδάπων χθονὸς ὕπριν ἐθήμονι κόλπῳ  
 βλάσαν καὶ ξενικῶ θάλασσ' ἰάερίφ.  
 Ταῦθ' ἄμα καπύρου πόντῳ ἢ δ' αἶψαν ματέτυκται,  
 ἀλλὰ τὰ δ' ὅσα βλέπεις, τοῖ ξένοι καρποφορεῖ.  
 Ἰθεὶς δὲ οἷα μέλισσα σοφὸν νόον, ὅκ' ἐκέρειπ  
 νέκλει, μὴ βλάπτειν ἄνθεα μηδ' ὀλέσαι.  
 Μὴ μὲν λωσάτησθε τὰ δ' ἄνθεα, μήτε τὰς αἶας  
 τὰς δὲ χλόας φθονερῶν δάγματι τρωξαλίδων.  
 Φεύγει κανθαρίδες, κακὰ θηρία, φύγει κέμπται,  
 ὕμμι γὰρ ἐφύεται ταῦτα τὰ χορίδια.

ὁ Αναστάσιος Ἀγῆραλτος.

EIVSDEM.


*Hic Panacea sibi posuit cum Chloride sedes,  
 Et meruit gemini numinis hortus opem.  
 Hunc etenim Hippocratis pariter geniusq; Cratena,  
 Et Camerariada dextra perita colit.*

Hh 2

M. VI-



M. VITRUVIUS POLL. DE ARCHITECT. LIB. VIII.



Q UOD si terra generibus humorum non esset dissimilis, & disparata, non tantum in Syria & Arabia in arundinibus & iuncis, herbisque omnibus essent odores, neque arbores thuriferæ, neque piperis darent baccas, nec myrrha glebulas, nec Cyrenis in ferulis laser nasceretur: sed in omnibus terræ regionibus & locis eodem genere omnia procrearentur. Has autem varietates regionibus & locis inclinatio mundi & solis impetus, propius aut longius cursum faciendo, tales efficit terræ humores, quæ qualitates non solum in his rebus, sed etiam in pecoribus & armentis discernuntur. Hæc non ita dissimiliter efficerentur, nisi proprietates singularum terrarum in regionibus ad solis potestatem temperarentur.

VIRG. II. GEORG.

**N**EC verò terra ferre omnes omnia possunt.  
Fluminibus salices, crassisque paludibus alni  
Nascuntur, steriles saxosis montibus orni:  
Littora myrteis latissima, denique apertos  
Bacchus amat colles, aquilonem & frigora taxi.  
Aspice & extremis domitum cultoribus orbem,  
Eosque domos Arabum, pictosque Gelonos:  
Diuisa arboribus patriæ: sola India nigrum  
Fert ebum, solis est thurea virga Sabæis.  
Quid tibi odorato referam sudantia ligno  
Balsamam, & baccas semper frondentis acanthi?  
Velleram, ut folijs depectant tenuia Seres?

*Aut quos Oceano propior gerit India lucos,  
 Extremi sinus orbis, ubi aëra vincere summum  
 Arboris haud vlla iactu potuere sagittæ.  
 Et gens illa quidem sumptis non tarda pharetris.  
 Media fert tristes succos tardumq; saporem  
 Felicis mali: quo non presentius ullum  
 (Pocula si quando saxe infecere nouerca  
 Miscueruntq; herbas & non innoxia verba,)  
 Auxilium venit ac membris agit atra venena.*

## ERRATA IN HORTO.

Fol. 1. lin. 15. leg. Abrotanum. 8. 30. Alcea Pannonica. l. Peregrina.  
 9. 2. Non habetur &c. deleantur illæ tres lineæ & substituatur. Non  
 hanc spontaneam in Pannonia Clusius obseruauit, sed Ferrarijs à  
 Cl. V. Alphonso Pancio primum fatetur se accepisse. 9. 6. Pannoni-  
 ca, lege peregrina modo dicta. 17. 26. Chamepyxum. 33. 24. Cappa-  
 ris fabago. 45. 8. enemata. 14. sponte. 47. penult. Dacrydij. 51. 26. Cy-  
 claminus. 57. 29. siue Orobus. 73. 19. cum minore. 88. 23. ἀνίη. 95. 22.  
 Σεμύϊς. 102. 6. Sassafras. 102. 12. Caucafon. 172. 1. apud nos non fert.  
 173. 23. Lilionarcissum. 178. 25. Pseudoguaiacana.

## IN SYLVA HARC:

5. 11. quasi lege quali. 10. 29. fructus quoque idem. 15. 5. Harcyniæ.  
 22. 7. angulosa. 23. 8. Dens leonis. 28. 27. Minori. 31. 3. scabros. 51. 1. tu-  
 ber. 55. 22. flore rubro. 61. 10. piæq; 90. 13. φλεμὶς. 94. 2. communior.  
 95. 5. Rapunculus. 104. 31. Gratiolæ ferè. 19. 11. Bellidis.



IMPRESSVM FRANCO-  
FVRTI AD MOENVM, APVD IO-  
HANNEM FEYERABEND, IMPENSIS SI-  
gismundi Feyrabendij, Heinrichi Dackij,  
& Petri Fischeri.



M. D. LXXXVIII.

